





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.98





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.98



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.98



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.98

1. 6. 98

1 B. 6

1.6.98

Antonij Francisci de Clamidis ad vnum.
1600. inc 1603.


VII

SERENISSIMA

de Medici

C. con HUMILIO

Ex Legato J. Equitis et Antiqui
Francisci de Clamidis



1. C 82 4-70
QVINTI SERENI
Sammonici Poetæ

& medici clarissimi, de re medica siue
morborum curationibus liber tum ele
gans tum humanæ saluti perquam
utilis, & diligenter emendatus.

ITEM

Gabrielis Humelbergij Rauenspurgen
sis, medici, in Q. Sereni librum medici
nalem, Commentarij.



TIGVRI.



M. D. XL.

G. H. R. M.

QVINTVS apollinea qui claruit arte SERENVS,
En tibi adest uates nobilis & medicus.
Corporis humani teiros depellere morbos,
Et ualidum robur qui reparare docet.
Ergo quisquis aues morbos auertere sæuos
Membris confectis, hunc eme, pellegito.

IOACHIMI EGELLII RA-

uenspurgensis medici En-
deca syllabum.

INTER tor bona, quæ Deus superne
Donat munera, sanitas uel ipso
Momo iudice, principem meretur
Laudem, Nam satis est superq; diues,
Clarus, nobilis, eloquens, uenustus,
Quisquis corpore uiribusq; pollet.
Contra, quem grauior, ferociorq;
Morbus lacinat, omnibus licebit
Late diuitijs abundet ille,
Est pauper nihilominus, miserq;
Ut qui perpetuo dolore, cuncta
In lecto mala perferat supinus.
Quare rebus in omnibus diætam
Ut, noxa sine, uictitare longum
Possis, præstiterit bonam tenere,
Et languoribus obrutum uigorem
Doctis præfidijs, salubribusq;
Passim SAMMONICI leuare QVINTI,
Quem nuper carie, situq; fœdum
HVMELBERGIVS ille clinicorum
Ornatissimus expoliuit, auxit,
Illum candide perlegas amice,
Nam frugi liber est, salutarisq;.

II

PRVDENTISSIMO CIVITA-
TIS ISNENSIS SENATVI, GA-
briel Humelbergius Rauenspur-
gensis, medicus. S. D.



VINTVM SERENVM DE MORBORVM
remedijs pridem à me castigatum & Commentario exposi-
tum calchographorum typis excudendū daturus, summo pe-
re conuenire mihi uisum est, ut alicuius auspicio in homi-
num manus exiret. Cogitanti autem cui tam nobilis medicus potius
dicaretur quàm prudentiæ uestra, uiri consultissimi, melius se non offe-
rebat consilium, idq; multis etiam nominibus: & in primis quidē, tum quo
uestro munitus patrocínio tutior in lucem prodiret & ita legentibus com-
mendatior redderetur, tum ut pro bene meritis hucusq; in me collatis gra-
tiam aliquam referrem, & beneuolam erga me uoluntatem uestram & a-
nimum, licet aliàs prouum & perpromptum, plus mihi demereretur. Hunc
autem, cum locis aliquot subobscurior & nō omnibus adeo patens & per-
uius uideretur, operæ precium duxi interpretandum & Commentario illu-
strandum, quo legentibus nō quidem eruditis & doctis, sed rudioribus tan-
tum consulerem, & faciliorem dictorum intelligentiā traderem, ut si quan-
do ipsos corporali aliqua infirmitate molestari contingeret, haberent quo
facilius sibi consulere, & salutaria ad morbos amoliendos, sanitatemq; de-
perditam recuperandam promptius desumere possent medicamēta. Quod
medicinæ, quæ cæteris artibus omnibus præstat, testante Hippocrate, offi-
ciū est præcipuū. Hæc enim munere suo fungens, uel incolumi corpora ne
in morbos incidant, præcauet atq; præseruat, sanitatē quo ad potest tuendo
& cōseruando: uel, quæ pars est potior, in deterius iā lapsa & ægrotantia,
morbisq; uicta, ipsos propulsando eliminandoq; pristino uigori & sanita-
ti restituit, cæu breuiuscule hoc disticho expressimus:

Quam DEVS ipse dedit medicam mortalibus artem,

Aegrotos sanat, seruat & incolumes.

Harum itaq; alteram, & maxime quæ morbis amoliendis operam suam
delegat, præsentī carmine tum docto & eleganti tum mortalibus maxime
utili, tradit & edocet nos SERENVVS, uir multæ ac uariæ eruditionis
& doctrine, cuius mentionem facit Macrobius libro Saturnalium tertio

dum ait: Nam repperi in libro V, reconditorum SAMMONICI SE-
RENI utrunq; carmen, quod ille se in cuiusdam FVRII uetustissimo li-
bro repperisse professus est. Hunc Terentianus egregium ac nobilem facit
poetam, & quidem Lyricum; inter quos etiam diuus Hieronymus cū con-
numerat dum ad Paulinum ita scribit: David Simonides noster, Pindarus
& Alceus, Flaccus quoq; Catullus & SERENVS, Christum lyra per-
sonat, & in decachordo psalterio ab inferis suscitatur resurgentem. Huius
quæ plurima conscripsit opuscula citant pluribus in locis multi, cū Nonius
Marcellus, Marcianus Capella & alij. Fuit autem Gordiani iunioris præ-
ceptor, illumq; usq; adeo dilexit, ut bibliothecam illi suam duum & sexa-
ginta millium uoluminum testamento legauerit, uti traditur ab Aelio Spar-
tiano, qui etiam inter alia ubi de Caracallæ truculentia scribit, sic inquit:
Occisi sunt & in balneis plures & in cænis, inter quos SAMMONI-
CVS SERENVS, cuius libri plurimi ad doctrinam extant. Superest
hodie carmen hoc de morborum remedijs. SERENVM itaq; à tam
multis tum doctis tum pijs atq; summis laudatum uiris, unà cum Commen-
tarijs nostris in honorem uestrum & commodum prodeuntē benigna fron-
te, serenoq; uultu atq; animo candido synceroq; suscipite, & à Zoilis ipsis
ac inuidorum impetu, linguisq; uirulentis defendite. Vestro enim patroci-
nio muniti prodibunt tutiores, si modo à talibus tutum quid esse potest.
Diu ualeat, uiuatq; prudentia uestra uiri optumi. Ex Museo nostro Isna
uestræ. Pridie Idus Aprilis. AN. M. D. XL.

(1) - 2

QVINTI SERE NI SAMMONICI LIBER MEDICINAE.

PROOEMIUM.

PHOEBE salutiferū, quod pangimus, adfere carmen,
Inuentumq; tuum prompto comitare fauore.

GABRIELIS HVMEI BERGII
RAVENS PVRGENSIS, IN LIBRVM ME
dicinalem Quinti Sereni Sammonici
COMMENTARIUM.



PHOEBE.) Q. Serenus morborum re-
media, quibus humanæ saluti consu-
lat, traditurus, primū præsentī proce-
mio, & præfatione, exordioq; libri, iu-
re uatum, diuinum inuocat numen:
quippe omnis medela, sacris etiamnū
attestātibus literis, à Deo est. Itaq; alijs
alios & singulis singulos rei tractandæ præfectos, quorū
res, opera & consilia dictaturi sunt, inuocantibus, autor
artis suæ, hoc est, medicinæ deos Phœbum & Aesculapi-
um inuocat. Dictus est autē Phœbus quasi purus & syn- *Phœbus.*
cerus, unus ac simplex, multitudinisq; nescius, summus
item ob idq; Apollo, id est, uniuersalis, iuxta Pythago- *Apollo.*
ram, Deus, quasi ἀπλὸς ἢ ἁπλῶς, hoc est, simplex seu ab
alijs seiunctus. Cum itaq; sanitas concordia & unitate,
morbi uero discordia, multitudine & mutabilitate con-
sistent, non immerito morbos expellendi causa Phœbus
inuocatur, ut hijs expulsis, unitas, sanitasq; humano cor

PROOEMIUM.

Pangere. pori restituatur. *Pangimus.*) Figimus, id est, scribimus. κατὰφορὰ est. Nam olim quia cæris figebantur carmina, pangi dicta sunt. *Adfere.*) Defende à detractorū iniuria.
Carmen. *Carmen.*) Poema nostrum, uersus certo pedum numero constrictos. *Inuentumq; tuum.*) Medicinæ artē. Hanc enim ipse Apollo dicitur inuenisse. Quod & apud Ouidium libro Metamorphoseon primo de se testatur, inquit: Inuentum medicina meum. *Prompto comitare fauore.*) Parato adesto & prosequere beneficio & obsequio, ut inuente abs te artis laudem, honorem & commodum guteris.

Tuq; potens artis, reduces qui tradere citas
 Noscis, & in cælum manes reuocare sepultos.

Aesculapius. Tuq; potens.) Validus, gnarus, sciens, habens cognitionē artis medicinæ. Aiunt Aesculapium Apollinis filium creditum, quod medicinam prius rudem & uulgarem, ut Celsus inquit, paulò subtilius excoluerit, in Deorum etiam numerum esse receptum: quare eum ipsum ut diuinū numē, post Apollinem, cui ut patri prior debetur pietas, nunc inuocat. *Reduces qui trad.*) Ab interitu seruatos uita les spiritus; noscis tradere & restituere pristino uigori. *Reduces dicuntur à periculo imminenti seruati.* Aufonius ad nepotem in genethliaco carmine, Vt reducem fatorū ad finem senectæ sospes agam. *Et in cælum.*) In has auras quibus uiuentes uescimur, in hunc mundum sensibilem, & machinam hanc quam uidemus, cælū scilicet, & elementa, & quæ ex eis coagmentata sunt atq; cōflata.
Mundus. Plinius libro de historia naturæ secūdo: Mundus & hoc quod nomine alio cælum appellari libuit: cuius circumflexu teguntur cuncta. Itē Pomponius Mela: Omne hoc quicquid est, cui mundi cæliq; nomen indidimus, unum id est, & uno ambitu se cūcta q; amplectitur. Porro mundus à perfectā absolutaq; elegātia dictus, quemadmodū
Cælum. apud Græcos etiam ornamenti nomine κόσμος appellatus, sicq; ab Aristotele in libro de mundo ad Alexandrū definitus:

definitus: Κόσμος ἢ τῶν ὅλων τάξις τε καὶ διακόσμησις ὑπὸ
θεοῦ καὶ διὰ θεοῦ φυλαττομένη, hoc est, Mundus est uniuersa
tatis ordo & exornatio, à deo & per deum custodita. At
mundi forma in absoluti orbis speciē globata est, indeq̃ Orbis.
à figurę rotunditate Orbis etiam appellatus. Cælum ue-
ro haud dubie cælati argumento, uti M. Varro interpre-
tatur, autore Plinio. Manes.) Hominum umbras, ani- Manes.
mas, spiritus, de quibus incertum est bonorum ne an ma-
lorum sint meritorum. Nam si boni meriti fuerint, εὐδαιμονες,
Lares dicuntur. Si uero male sint meriti, κακοδαιμονες,
Cacodæmones.
Larue siue Lemures appellantur. Sepultos.) Sepo-
litos, à corpore reuulsos. Lucanus libro 9. Si mihi con-
tingat manes transferre reuulsos Ausoniam. Reuocare.)
Ab inferis resuscitare, in lucem iam tartareis atritatibus
mancipatos reuehere & suo corpori reddere. Traditur e-
nim Aesculapius Hippolytum equis discerptum ab orco Hippolytus ab
Aesculapio re-
suscitatus.
reuocasse, & pristinæ sanitati restituisse: propter quod cū
à deis inferis apud Iovem accusaretur, ne plures à mortu-
is excitaret, fulmine ictus est & in deorum numerum rela-
tus: quo honore, modo deum esse sit iuuare mortalem,
maxime dignus fuit. Cum enim non modo beluas quas-
dam, sed & inanimata corpora pro deis habuerit antiqui-
tas, quod mortalibus opem tulerint, multo magis homi-
nes in deorum numerum referre habuit: nec modo fru-
gum, uini & aliarum rerum, uerum in primis uitæ no-
stræ autores, qua homini dulcius, chariusq̃ nihil haben-
ti, maius dari quid potest: quippe quod non nisi deorū
munus. De Hippolyti excitatione Vergilius Aeneidos
lib. 7. & Ouidius Metamorphoseon. li. ultimo. Sed de
hoc Diodorus Siculus antiquæ historiæ libro 5. sic ait: Aesculapius
traditur Apollinis Coronidisq̃ fuisse filius. scitasse quomo-
do intelligen-
sa, plurima ualerudini hominum utilia adinuenit. Adeo dum.
autem peritia artis excelluit, ut quàm plurimos despe-
rantes sanitatem liberaret à morbo, propterea q̃ creditus

PROOEMIUM.

fit nonnullis defunctis uitam restituisse. Hæc Diodorus. Ex quibus & etiã ex rei ueritate manifesto apparet, mortuorum suscitationem fabulose & non uere attributam Aesculapio. Nam unius ueri Dei est mortuos resuscitare, non hominis, nisi eius cui Deus speciali gratia hoc munus dilargitus fuerit. Nō igitur Aesculapius, ut stulta gentilitas fabulata est, manes orco eripere potuit, & suis corporibus redderet. Sed, quia homines ualitudinarios extreme laborantes, imō iam quasi deploratos & mortuos creditos, utpote quasi sine sensu iacentes mortuis per similes, sanauit, ut Lactantius diuinarum institutionum lib. 1. cap. 10. ait, apud prophanum uulgus mortuos suscitasse dictus est.

Qui colis Aegeas, qui Pergama, quiq; Epidaurū,
Qui quondam placida tectus sub pelle draconis
Tarpeias arces, atq; inclyta tecta petisti,
Depellens tetros præsentī numine morbos,
Huc ades, & quicquid cupido mihi sæpe loquutus
Firmasti, cunctum teneris expone papyris.

Aegeæ.

Pergamum.

Galenus Perga-
menus.

Colis.) Habitas, frequentas, tuōq; præsentaneo numi-
ne foues. Aegeas.) Aegea Ciliciæ urbs est, ad quam diui-
no cultu & sacrificijs religiose uenerabatur Aesculapius.
Pergama.) Strabo in descriptione orbis lib. 13. Perga-
mū insignis Asiæ ciuitas, inter Aeolicas principatū quen-
dam obtinens, quæ diu sub Attalicis regibus fortunata
fuit: hanc præterfuit Cæcius, per campū qui Cæcius ap-
pellatur, Plinius lib. 5. cap. 30. Pergamum longe claris-
simum Asiæ oppidum, quod intermeat Silenus, præter-
fuit Cæcius, profusus Pindaso monte. Apud Pergamum
uero cultus fuit Aesculapius, quod uel Galenus ipse qui
Pergamenus fuit, libro de sanitate tuenda primo testatur
inquiens: Est uero non spernendus huius sententiæ te-
stis, ipsum patrium nobis numen Aesculapius. Statius
item Sylvarū lib. 3. in coma Earini: Dicitur Idalios Ericis
de uer

de uertice lucos Dum petit, & molles agitat Venus aurea
 cynos Pergameas intrasse domos, ubi maximus ægris
 Auxiliator adest, & festinãtia sistens Fata, salutifero mitis
 deus incubat angui. Ad hæc Herodianus lib. 5. in uita
 Antonini Caracallæ idem confirmat dum ait: His igitur
 actis, atq; urbibus, pro ut quamq; poterat, ordinatis, Per
 gamum adiit Asiæ ciuitatem, ut Aesculapij curationibus
 uteretur, quò postquàm peruenit, somnijs quandiu uo-
 luit captatis, Ilium mox petijt. *Epidaurum.*) Epidaurus *Epidaurus.*
 hæc est, non Dalmatica illa à qua Ragusium; sed Pelopo- *Ragusium.*
 nesiaca, cuius celebrior ob Aesculapij templum fuit fama.
 Strabo lib. 8. Epidaurus non parum insignis est ciuitas,
 præsertim ex Aesculapij claritate nobilitata, quom uaria
 morborum genera curasse somnati sunt homines. Erat
 uero templum ægrotantium multitudine usquequaq; re
 fertū, pendentibusq; tabellis in quibus sanati languores
 erant inscripti, quemadmodum & in Coa fiebat insula,
 pariter & Tricca. Sita urbs est in ipso Sarrhonicæ sinus
 recessu intimo. Plinius item nat. hist. lib. 4. In sinu Sar-
 rhonico Epidaurum oppidum Aesculapij delubro cele-
 bre. Et Pomponius Mela: Habitant, inquit, ab Isthmo ad
 Scylleon Epidaurij Aesculapij templo inclyti. Solinus
 item, Epidauro, ait, decus est Aesculapij sacellum, cui in-
 cubantes ægritudinū remedia capeffunt monitis somni
 orum. *Quondam.*) Fabio Gurgite & Iunio Bruto Scæua
 Coss. debellato Samnitico bello. *Placida.*) Grata aspe-
 ctu & iucunda, pulchra, splendida, nitida. Lucanus: Vos
 quoq; qui cūctis innoxia numina terris, Serpitis aurato
 nitidi fulgore Dracones. *Draconis.*) Anguis, ut Valeri-
 us uocat. Ob id autem Aesculapio dicatus, ut Plinius *Anguis cur Ae*
 nat. hist. lib. 29. tradit, quod multa illi inesser remedia cre *sculapio dica-*
 duntur. *Tarpeias arces.*) Urbem Romam. Cum arx Tar *tus.*
 peia in ipsa Roma sit, arcem pro urbe posuit. Mons Capi-
 tolinus Ciceronis ætate Rupes tarpeia & Saxum tarpeiū *Arx Tarpeia.*
 dictus est, à uirgine Tarpeia Sabinorum scutis coloci ad-

PROEOMIVM.

obruta & sepulta: de qua Propertius lib. 4. Is diuisus
 fuit olim in Capitolium & Arcem, nunc nihil memorabi
 le habet, præter nomen. Cæterum Arces loca significant,
 & sola excelsa & munitissima ac urbium tutissima. Sic di-
 ctæ, ut Grāmatici quidam uolunt, ab arcendis hostibus:
 seu, ut Solino placet, ab Arcadibus, quoniam montiū
 excelsa & munitissimos quosq; habitabant colles. *Incl-*
tatecta.) Domos, ædificia magnifica Romana. Aescula-
 pius serpentis effigie, naui Romā Tyberino flumine sub
 uecta, in Lycaoniam insulam, quæ in medio flumine est,
 à fundamentis quadrato lapide instar nauis extructa, ubi
 illi postea templum est cōstitutum, hodie diuo Barptolo
 mæo sacrum, sua sponte transnauit. *Tetros morbos.*) Pe-
 stiferam luem, pestilentiam, qua Romani triennio diuexa
 ti cum nulla neq; diuina neq; humana ope finem imponi
 uiderent, Sibyllinisq; libris pellectis eam aduersam ciui-
 tati tempestatē nisi ab Epidauro accersito Aesculapio se-
 dari non posse animaduenterunt. Is igitur naui Romam
 delatus, pestiferam luem paulatim dispulit. Hanc præsti-
 giosam historiam habes apud Valerium Maximum re-
 rum memorabilium lib. 1. Plinium iuniorem in libro de
 uiris illustribus. Et Ouidium metamorphoseon lib. ulti-
 mo. Romam autem Aesculapius lubens concessit, ut di-
 rum idolorum cultum, iam antea receptum, augeret, &
 in stulta hominum corda impiam religionem penitissi-
 me infigeret. *Præsentinumine.*) Præsentaneo auxilio, reme-
 dio. Est autem Numen, dei nutus atq; potestas. Varro:
 Nutus. Numen dicunt esse imperium dei, ab nutu. Nutus autem
 fauor est ac numinum suffragatio. *Huc ades.*) In descri-
 bendis morborum medicaminibus præsens adsis, & opē
 ferat. *Teneris papyris.*) Tenuibus & subtilibus chartis,
 quæ ex papyro præparantur diuisæ acu in prætenues sed
 quàm latissimas phylliras. Papyrus autem frutex est ac
 iunci species, quam Græci *βύβλος* appellant. Nasciturq;
 in palustribus Aegypti, aut quiescentibus Nili aquis, ubi
 euaga-

euagatæ stagnant, duo cubita non excedente altitudine gurgitum: brachiali radicis obliquæ crassitudine, triangulis lateribus, decem non amplius cubitorum longitudine, in gracilitatem fastigiatum thyrsi modo cacumen includens, semine nullo aut usu eius alio quàm floris ad deos coronandos. Nascitur & in Syria, circa quem odoratus ille calamus lacum. Nuper & in Euphrate nascens circa Babylonem papyrus intellectum est eundem usum habere quem chartæ. Et tamen adhuc malunt Parthi uestibus literas intexere. Verum ante usum chartarum, quibus maxime humanitas uitæ constat & memoria, hominumque immortalitas, palmarum folijs primo scriptitum est: deinde quarundam arborum libris: postea publica monumenta plûbeis uoluminibus: mox & priuata linteis cõfici cœpta aut cæris. Nuncque eo genere chartæ utimur, quod ex contritis linteolis conficitur, nomenque à papyri frutice sumptum obtinet. Spectantur autem in chartis tenuitas, densitas, cãdor, leuor. Sed de hijs omnibus multa & copiose satis Plinius in naturalis historię suæ lib. 13.

Membrorum series certo deducta tenore

Vt stet, & assimilis medicinæ defluat ordo,

Principio celsa de corporis arce loquemur.

Membrorum.) Scilicet humani corporis. *Membra,* auto *Membra.* re Galeno, corporis sunt particulæ, quæ nec omnino circumscriptionem habent propriam, sic enim particulæ non forent, sed corpora per se: nec omnifariam coniunctæ sunt alijs. *Series.*) Constitutio & digestio, sic dicta à *Series.* ferendo, hoc est, à florum ac frondium, è quibus ferta primitus & coronæ fiebant, inuicem digestionem. Sed de coronis & fertis plura Plinius lib. 21. *Certo tenore.*) Recta & ordinata colligantia & ordinatione. *Vt.*) Vt, similitudinem denotat. *Et.*) Et, scite ac eleganter pro etiam, ita, Et. & sic, usurpatur. *Assimilis.*) Scilicet ordini membrorum.

PROOEMIUM.

Ordo.
Series.

Arx corpo-
ris caput.

Medicine.) Medicamentorum & curationum morbo-
rum. *Defluat.*) Deriuat, & eodem modo ac ordine comi-
tetur. *Ordo.*) Ordo à Serie differt: quia ille digestio est,
qua suo loco quidq; collocatur: hæc uero continua quæ-
dam progressio atq; contextus continuus. *Principio.*)
Ab initio & primum ante alia. *Celsa.*) Alta & sublimi,
Corporis arce.) Vocat corporis arcem caput, tãquam præ-
cipuum hominis membrum, & excelsiorem instar arcis
locum in humano corpore obtinens. Synesius in laude
Caluicij: A capite tanquam ab arce dependent funes mor-
borum usq; ad reliquum corpus.

CAPITI MEDENDO.

CAPVT I.

BALSAMA si geminis instillans auribus addas,
Tum poteris alacrem capitis reparare uigorem.

Caput.



APITI.) Passionibus & doloribus ca-
pitis, quod corporis pars est nota: sic di-
cta, ut Varroni placet, quod inde ini-
tium capiãt sensus & nerui. Huius affe-
ctio quia non unica est & diuersas ha-
bet causas, diuersis etiam appellatur
nominibus Græcis, sed apud Latinos usitatis, scilicet, Ce-
phalea & Cephalalgia: quorum hæc aliquando ex sola
intemperie, aliquando ex humorum copia superante, ali-
quando ex utrisq; contingit, interdum uero ab extrinse-
ca causa ceu solis æstu, cuius in capitis huius fine memi-
nit etiam autor: frigore, ebrietate, ictu, casu aut alia re ex-
trinseca accidit. Cephalea uero, uti libro de locis affectis
tertio scribit Galenus, cerebri morbus est, quod nemo
dubitat. Est enim affectus hic, dolor diuturnus, difficul-
terq; solubilis, qui à parua occasione uehementes habet
accessiones, ut neq; strepitum, neq; uocem, neq; luminis
splendo-

Cephalalgia.

Cephalea.

splendorem, neq; motum tolerare possit infirmus: sed tranquillitatem, obscurumq; cubiculum querat, idq; ob doloris uehementiam. Quippe nonnulli ueluti malleo, se percuti arbitrantur: alij caput frangi, distendiq; sentiunt. Non paucis ad oculorum quoq; radices dolor extenditur. Verum huiusmodi accessiones, ueluti in morbo comiciali, intermissiones habet, interceditq; tempus, quo perfecte liberati uidentur. Igitur constat, huic morbo capitis, facilem affectionem, cum cephalalgia, id est capitis dolore, esse communem. Verum per cephalalgiam affectæ partes multo redduntur quàm in cephalalgia debiliores. Hactenus Galenus. *Balsama.*) Succum balsami qui & opobalsamum dicitur. Balsamum enim arbuscula est, quæ lycij modo crescit, in Iudæa eiusq; conualle quadam tantum, & in Aegypto nascitur, ut autor est Dioscorides. Plinius arbusculum esse dicit, quæ uiti similior sit quàm myrto, & uni terrarum Iudææ quondam concessam, & in duobus tantum hortis, utroq; regio. Aegessippus libro excidij Hierosolimitani primo, locum hunc in quo balsamum gignitur, uirgultisq; innascitur, quæ acutis lapidibus incidunt pueri agricolarum, prope urbem Hiericunta esse dicit. Inciditur autem uirgultum, ut aiunt, uittro, lapide, osseisue cultellis: et, ut Dioscorides prodit, ferreis unguibus etiam. Oportet autem citra uitalium læsionem & in solo cortice artificij plaga id fieri. Nam ut Plinius tradit, ferro lædi uitalia, odit: emoritur protinus, quapropter incidentis manus libratur artificij temperamento, ne quid ultra corticem uiolet. Vnde Solinus etiam in solo cortice artificij plaga uulnerari dicit uirgulta, & ferro attrectata sine mora mori. Cæterum ex incisi plaga succus ac humor manat, destillatq; qui lachrymis pulcher rorantibus, ut Aegessippi uerbis utar, Balsamum quoq; uocatur, & Græce cū adiectione Opobalsamū: idq; aut quia ὀπὸς idem est quod succus, & hæc communis opinio est: aut, quia, ut Aegessippus excidij Hierosolimitani li. 4

*Balsamum.**Opobalsamū.
ὀπὸς.*

CAPITI MEDENDO.

tradit, agricolæ cortice tenuis uirgulas incidunt, eas in quibus balsama gignantur, ut per illas cauernas paulatim distillans humor se colligat. Cauerna autem Græco ^{ὀπὴ} nomine ^{ὀπὴ} dicitur. Cæterum omnibus odoribus præfertur balsamum, præcipuaq; gratia lachrymæ, secunda semini, tertia cortici, minima ligno. Lachrymæ probatio, ut sit pinguis, tenuis ac modice ruffa, & in fricâdo odorata. Summa probatio est, ut lac coagulet & in ueste maculas non faciat. Sunt & aliæ synceri liquoris eius notæ, de quibus copiose Plinius & Dioscorides. Verum raro syncerus ad nos adfertur, qualem nos habemus ex munere honesti & probi deoq; deuoti uiri Michaelis Humelbergij, parentis nostri pientissimi, qui illum modicum quidem sed magno precio emptum, è Hierosolymis, dum dominicum sepulchrum cæteraq; sanctæ terræ Christi præsentia illustrata loca, non lucri aut ambitionis inanisue gloriæ causa, sed solo dei amore ductus uisitasset, secum redux in patriam attulit. Virtutis est efficacissimæ & egregia ad calefaciendum potestate, unde et capitis doloribus frigidis mirum in modum prodest. Nam, ut Strabo Geographiæ lib. 16. inquit, Balsami succus capitis dolores & suffusiones oculorum incipientes & hebetudinem mirifice soluit, quare preciosus est. Capiti itaq; utilis est & eisdem medetur, sensusq; oblitos pristino uigori restituit, si temporibus illinitur, & una aut duæ ipsius guttæ cuilibet aurium instillantur. Animaduersione tamen dignum est, ut quæ auribus imponuntur, ea sint actu tepida, non multum calida nec etiam frigida, nisi forte, quod uix accidit, caput uehementissimo præter naturam calore afficeretur. Ex frigore enim aut calore nimio auditus instrumentum & sensus facile oblecterentur, quod summo opere cauendum est. *Geminis.*) Ambabus. Maior enim sequitur effectus & utilitas, si utriq; quàm si uni soli immittatur. Binæ autem à summo rerum opifice creatæ sunt aures in capite, ne una oblecta, auditus impediretur & tolleretur

Canon.

Aures cur
bine.

retur. *Instillans.*) Stillatim & guttatim infundens. Ea e- *Canon.*
 nim quæ auribus imponuntur, non ubertim & in ma-
 gna copia sunt imponenda, sed una uel duæ aut tres gut-
 tæ immissæ sufficientes sunt pro uice una. Cūq; uni auri-
 um aliquid instillatū fuerit, super altera aliquandiu quie-
 scere oportet, donec ad interiora aliquantisper penetra-
 uerit medicamen, ne ex cita eleuatione foras egrediens,
 aut saltem non satis ad interna penetrans, effectum salu-
 brem minus efficiat, nihilq; proficiat. *Auribus.*) Quæ ce- *Aures cer. pur-*
 rebri purgandi meatus existunt, per quos celerius medi- *gandi meatus.*
 cinæ uirtus ad intima transir, quàm per spissa & solida *Audiendi locus*
 corpora. Et quia audiendi locus siccissimus est, ideo etiā *siccissimus.*
 nihil illi obest, uehementissime exiccantis medicamenti
 adpositio, quale est Balsamū, de quo forte dubitasse quis
 poterit. *Tum.*) Tunc scilicet balsamo auribus instilla-
 to. *Alacrem uigorem.*) Integram sensuum firmitudinem
 & robur: sensus uiuidos & integros. Dicitur Alacris, au- *Alacris.*
 tore Pediano, qui sensibus uiget uniuersis, & cui sensuū
 quisq; suo pte degit loco, proprium adimplens officium.
Reparare.) Recuperare, ac pristino uigori & integritati sa-
 nitatiq; restituere.

Vel quæ septenis censentur gramina nodis
 Vtiliter necies, uel Corno ex arbore sertum.

Septenis nodis.) Septē geniculatis internodijs: aliud enim
 alio pluribus serpit, ceu septem, tribus & pluribus. No- *Nodus.*
 dus autem propie ligatura est solutu difficilis, unde in ar-
 bore & alijs terræ nascentibus, callus ille grossior nexum
 quendam ramorum & partium ostendens, nodus quo-
 que dicitur. *Censentur.*) Quo aliquid præditum est & exi *Censeri.*
 stit, eo censeri dicitur, hoc est, iudicari, preciumq; & æsti-
 mationē mereri, imò & laudari. *Gramina.*) Gramen pro *Gramen.*
 prie singularis herba est, inter alias notissima, & iumētis
 nutriendo gratissima, ramulis constans nodosis & geni-
 culosis uirgultis per terram expansis & serpentibus, à qui

CAPITI MEDENDO.

bus radices sparguntur dulces, nodosæ & geniculatæ se-
 ipsas radicantes: folia habet acuta & acuminata, dura, lata
 ceu cannæ minoris. Autor Dioscorides & Plinius. Vis
 herbæ mediocriter refrigerans & exiccans cum aliquali
 stipticitate mēbra confortante, quo adfluentes humores
 propellere possit. Vnde capitis dolori ab humore calido
 euaporante prouenienti medetur impositum, maxime q̃
 id quod septem constat internodijs. Plinius lib. 24. ca.
 19. Quod ē graminum genere septem internodia habet,
 efficacissime capiti contra dolores adalligatur. *Vtiliter ne-
 ctes.*) Cum utilitate & commodo capiti annectes & im-
 pones. Hacce enim adalligatione dolor abigitur & sani-
 tas recuperatur, quæ maxima est utilitas. *Corno ex arbore.*)

Cornu arbor.

Ramusculis arboris cum folijs & baccis. Est autem Cor-
 nus arbor speciosa, ramos habens duritie & rigiditate
 cornibus similes, fructum uero qui uescendo est, magni-
 tudine oliuæ, sed paulò oblongiorem, primo candidum,
 postea sanguineum, foris parum carnis & intus plurimū
 ossis habentem, unde lapidosum uocat Vergilius, est q̃
 gustu acerbus. Virtus & fructui & folijs frigida & sicca,
 adtrahens & adstringens, unde capiti ex ramulis eius im-
 posita corona, doloribus eius ē calidis uaporibus & hu-
 moribus contractis medetur, illos quidem refrigeran-
 do & exiccando, cerebrum quoq; confortando ne a-
 lios recipiat, sed euaporaturis & impetentibus resistat,
 eosq̃ longius propellat. *Sertum.*) Coronam. Sertum
 corona dicitur à serendo, hoc est, digerendo inuicem flo-
 res ac frondes ē quibus primitus coronæ fieri consueue-
 rant: de quibus plura Plinis lib. 21.

Sertum.

Pulegiūm ue potens una super aure locabis,
 Aut illud mixto recoquas clementer aceto,
 Aut à nare trahes, Seu uisco lintea tecto
 Induces fronti, seu tritæ gramina menthæ.

Pulegium.

Pulegium.) Pulegium nota herba est. Duo eius genera: Sa-
 tium

tiuum & Syluestre. Hoc simile origano, minoribus folijs
quàm fatium, sed efficacioris uirtutis: Illud adhuc dua-
rum specierum: unum candido flore, masculum uoca-
tum: alterum purpureum habens florem, quæ scemina
est & mare efficacior existens. Græci Glechona uocant
& quidam mutatis literis, ut Dioscorides & Plinius tra-
dūt, Blechona, quoniam gustatum à pecore cum floret,
balatum in eis quàm primum excitat. Siue, ut Apuleius
scribit, eo quod sit balantum animalium floris sui tempo-
re pascuosa. Hocq; in se mirabile habet, ut inquit, quod
hæc maximis æstatis caloribus floreat, cum ferè aliæ her-
bæ arefcant. Vis illi calefaciens, attenuans & dissipans, ca-
pitiq; perutilis, siue recens per se, siue ex aceto cocta capi-
ti imponatur, siue olfactetur. Plinius lib. 20. cap. 14. Ma-
gna societas cum menta ad recreandos defectos animo
pulegio cū furculis suis in ampullas uitreas aceti utrisq;
deiectis: qua de causa dignior è pulegio corona uertigi-
ni quàm è rosis cubiculis nostris pronūciata est. Nam &
capitis dolores imposita dicitur leuare. Quin & olfatu ca-
pita tueri contra frigorū æstusq; iniuriam, & ab siti tra-
ditur. Neq; æstare eos qui duos è pulegio furculos im-
positos auribus in sole habeant. Illinitur etiam in dolori-
bus cum polenta & aceto. Apuleius: Ne æstus aut frigus
capiti noceat, herbam pulegium tecum aut super aurem
aut sub annulo portato: hoc & hyeme tota facias, nec gra-
uedinem senties, nec perfrictionem. *Potens.*) Validum
& efficax uirtute. *Vna super aure.*) Siue uni siue ambabus
aut uniuerso capiti imposueris, nihil referet. Nam si uni
impositum prodest, quanto magis proderit si ambabus,
aut toto capiti imponitur? Sed si uni imponere uoles, tūc
illi imposito iuxta quam dolor magis sequitur, nisi ad diuer-
sum distrahere uelis, quo sic facilius euanescat. *Recoquas.*)
Hoc est, coquendo in cataplasmatis modum redigas, &
sic capiti imponas. *Clementer.*) Non impetuose, sed me-
diocriter igne paruo ac moderato. Nam si igne uehemen-

C

CAPITI MEDENDO.

tiore & ultra modum coqueretur, uis eius euanesceret,
 sicq; minus aut nihil prodesset. *Aceto.*) Decoquitur in
Acetum. aceto propter uirtutem ipsius penetrantem, qua rerum
 qualitates adauget. Nam frigidis mediocriter additum re-
 bus, ipsas frigidiores: calidis uero, calidiores reddit, quo
 signo uariæ uires eius depræhenduntur. *A nare trahes.*)
Nares. Odorem ipsius naribus attrahes & olfacies. Nares nasi
 sunt foramina atq; meatus per quos cerebrum purgatur,
 & superflua eius excernuntur. *Visco.*) Viscum fit ex aci-
Viscum. nis arbusculæ cognominis, in quercubus & alijs arbori-
 bus nascentis folio buxi. Quomodo autem conficiatur,
 & quæ sint bonitatis eius notæ, dicetur infra capite 40.
Lib. 16. ca. ultimo. Sunt autem Plinio tradente, tria uisci genera. Vnum in
 abiete & larice, Cassitis dictû. Alterum in Eubœa natû,
 Stellis. Tertium Hyphear in Arcadia. Adnascitur autem
 in quercu, robore, ilice, pruno syluestri, terebintho, & a-
 lijs arboribus. Copiosissimum in quercu Dryos hyphe-
 ar dictum. Satum nullo modo nascitur, nec nisi matura-
 tum & per aluum auium maxime palumbium & turdo-
 rum redditum, prouenit. Et quoniam aues eo capiuntur,
 inde natum adagium Κῆλα χέρεσσι κακόν, hoc est: Tur-
 dus ipse sibi malum cecat. Virtus & natura uisco caleface-
 re, discutere, mollire & extrahere. Vnde & capitis dolori-
 bus frigidis, & ab humoribus crassis ortis medetur, in-
 temperiem frigidam calefaciendo & humores crassos re-
 soluendo & foras educendo, quamuis aliquanto tardius
 uim suam & effectum exerceat & cōsequatur, ob nimiam
 quam actu possidet humiditatem. Vnde Auicenna: Non
 calefacit, nisi post moram longam: & in ipso quidem est
 humiditas superfluens non digesta: estq; calidum & sic-
 cum in tertio, humores crassos & profundos ob attrahi-
 uæ uirtutis fortitudinem resoluit & lenit. Et Auerrois, Vi-
 scus, ait, calidissimus est, superflua cum humiditate, à cor-
 poris profundo extrahens, multa tamen cū tarditate, ob
 superfluentem in ipso humiditatem. *Lintea.*) Pannum
 lineum

lineum, cui uiscū inuoluitur & imponitur, induciturq̃. *Tecto.*) Intecto & operto, inuolutoq̃ linteis, ne scilicet uiscida tenacitate sua cuti adhereat, unde postmodum difficulter amoueri posset: ad quod præcauendum linteis inuoluitur te operitur. *Fronti.*) Frons capitis pars est anterior, ab utroq; latere temporibus, superius capillorum radice, inferius supercilijs finita: hilaritatis & clementiæ, tristitiæ & seueritatis index. Sic ab oculorum foratu dicta, ut Varro uoluit. *Gramina.*) Gramen nonnunquam pro cuiusq; herbe folijs accipitur, ut loco præsentis & sæpiusculi in sequentibus, & apud Columellam in de Cultu hortorum, ubi ait: Serpentina gramina menthe. Et: Quamuis semihominis uesano gramine foeta Mandragoræ patriat flores. Proprie tamen singularis herba est, de qua iam paulo ante dictum est. Et Columella intelligit libro iam dicto dum inquit: Atq; habilis natura soli, quæ gramine læto Parturit. *Mentha.*) Mentha omnibus nota herba est: sic dicta à Mintha puella, quam à Plutone amatam, & à Proserpina, cuius pellex erat in herbam sui nominis uersam fabulantur poetæ, & fabulæ meminit etiam Strabo geographiæ lib. 3. Græci herbam hanc ἡδυόσμον hedyomon uocant, ab odoris suaueolentia, nam ἡδυ suaue ὄσμον odor illis dicitur. Vnde Plinius ait eam mentas grato odore percurrere. Virtus illi calorifica, siccans & adstringens, cerebrumq̃ confortans, unde capitis doloribus frigidis contusa & imposita medetur. Dioscorides: Mentha leniter fronti imposita, capitis dolores discutit et mitigat. Plinius: Illinitur & temporibus in capitis dolore.

Lib. 10. cap. 3.

Lib. 10. cap. 4.

Spongia cum tepidis annexa liquoribus imbris
Profuit, aut hedera ex oleo colata uetusto.

Spongia.) Spongia ex illorum numero est quæ Græci ῥωόφυτα uocant, hoc est, quæ nec animalium neq; fruticum, sed tertiam quandam ex utroq; mixtam naturam habet. Sunt autem tria spongiarum genera, ut Aristoteles & Plinius

CAPITI MEDENDO.

Lib. 9. ca. 45.

nus tradunt: Vnum spissum ac prædurum & asperum, quod Tragos uocatur: Alterum spissum & mollius: Tertium magis tenue densumque, ex quo penicilli fiunt & Achilleon uocatur. Quæ genera quidam ex sexu distinguunt, ut refert Dioscorides & Plinius. Aliasque mares uocant tenui fistula spissioresque: & duriores quas tragos appellant tenuissimis fistulis atque densissimis: fœminas uero contra quæ antedictis contrario sunt habitu, maioribus fistulis ac perpetuis. Nascuntur omnes ad littus in petris & saxis. Aluntur conchis, pisce, limo. Et quia ad auulsoris accessum, fluctuque pulsante contrahuntur, contractæque multo difficilius abstrahuntur, sensum illis inesse creditur. Animal autem esse, argumēto & indicio est, inherens cruor, qui ipsis detractis, saxi adherere uidetur. Vis omnibus & natura calorifica desiccatoriaque: maxime tamen recentibus, quibus maris salsedo fortior inest & uehementior: Nam quæ ante plures dies auulsæ sunt, hijs uirtus temporis progressu magis ac magis euanescit. Quare spongiarum si qua cōductura sit, omnino noua & recens est, talis enim discutit, mollit & mitigat. Vnde capiti imposita ex calida, frigidis eius doloribus medetur: imò & qui penicilli uocantur, super ægrum suspensi, quietiores faciunt noctes, autore Polybio. Quod si recentis copia non est: cuius erit, hanc uel sale, uel nitro, uel aqua lixiua laua bis, sic enim pristinam uim illi acquires. Quod si adhuc nullius copia fuerit, tunc sola aqua marina, aut saltem salsa eodem effectū caput perfundi potest, id quod Celsus docet medicinæ lib. 4. sic inquit: Si frigus nocuit, caput oportet perfundere aqua calida marina uel certe salsa. *Tepidis.*) Calidis, Sic enim actuali calore poros & meatus adaperit, quibus apertis, medicamēti uirtus ad interiora facilius descendit. Quod si frigida apponeretur, meatus potius occluderet, medicaminisque transitum præpediret. *Annexa.*) Adalligata & capiti superposita, præsertim circa caluæ commissuras, quo facilius per illas medicamenti

camenti uis ad intima penetreret: ob quod etiam (nedum *Cranii commissa*
quod cerebro expurgando destinati sunt meatus) à natu *missura.*
ra creatæ sunt. Si enim citra illas continuum creasset cra-
nium, cum densum sit ac durum, intusq; cerebro obie-
cta sit crassa membrana, medicaminum quæ imponun-
tur uirtus antequàm ad interiora perueniret, resolvere-
tur. Quare prouida natura, quæ nihil frustra & incassum
facit, ne extrinsecus impositum pharmacū, haud ullum
adferret commodum, futuras in capitis osse creauit, qui-
bus impositi phermaci tum qualitates tum substantiam,
si tenuis est, facile intro transmittit, unde multa capitis ui-
cia per extrinsecus adplicata remedia iuuantur. Et maxi-
me quidem si ei adplicentur commissuræ quæ coronaria
adpellatur, quo loco etiam tenuissimum & rarissimum
est cranium. Quare qui medicamento uim uehementer
ad interiora descendere uolet, hoc maxime loco im-
ponet. Verum commodius etiam fuerit si infractione id fie-
ret, aut tonsis capillis, aut etiam planè abrasis: quod si
humidum sit, quod applicandum est, si id ex alto effunde-
retur, nam sic penitus intro ab ictu compelleretur, auto-
re Galeno therapeutices lib. 13. *Liquoribus imbris.*) Humo- *Aqua pluuia.*
re & aqua pluuiali. Aquarum, ut scribit Hippocrates in
libro de uulneribus capitis circa finem, leuissimæ sunt
pluuiæ & dulcissimæ, clarissimæ & tenuissimæ, cuius ra-
tio ex sole tenuissima quæq; ac leuissima proliciente & sur-
sum ferente. Galenus easdem leuissimas asserit & subti-
les, puras ac bonas, gustuiq; prædulces. Educit enim sol
& rapit tenuissimum quodq; ex aquis. Paulus item Aegi-
neta, Præcipuus, inquit, aquæ pluuiæ humor, uerum ci-
tissime putrescit: cuius causam uolunt, quod aquæ id ge-
nus à diuersis subleuentur humiditatibus: quod tamen
Auicenna impugnat, sic enim uituperabilis esset: sed id
prouenire ait excellentis extenuationis causa, quæ citius
à non naturali terrestri aëreoue calore corrumpente pa-
titur. Pluuia itaq; aqua, quia subtilior & tenuior, cæteris

CAPITI MEDENDO.

in capitis dolore præstat cum sponsia imposita, citius enim in profundum descendit. Quod si pluuiæ copia non est, quia diu non pluit, aut quæ habetur computruit & male olet, quare abhorretur, eius loco accipiat quæ inter cæteras melior est, fontana aut fluuialis potabilis, cū qua calida et sponsia maxime noua caput foueatur, quo frigidi capitis uapores euocentur & totum capitis temperamentum melius reddatur, non obstante aquæ natura frigorifica & humectante, quæ sponsiæ medio & calore acquisitio mitigatur & remittitur euanescitq̃. Nec modo ex aqua sed & aceto utiliter imponitur sponsia, idq̃ maiore efficacia, uti ex Plinio colligitur, qui naturalis historiæ libro 31. ca. 11. de sponsia inter alia sic scribit: Nec usquam diutius durare spiritū medici affirmant. Sic & prodesse corporibus, quia nostro suum misceant, & ideo magis recētes, magisq̃ humidas. Sed minus in calida aqua, minusq̃ unctas, aut unctis corporibus impositas. Imponantur & ex aceto calido ad capitis dolores. De cætero recentes discutiunt, molliunt, mitigant. Ex aqua cœlesti imponuntur & integris partibus & fluctuatione occulta laborantibus, quæ discutienda sunt. Hæc ex Plinio loco allegato. Imbris.) Pluuiæ. Cuius generatio est à sole & alijs astris (ut Aristoteles in meteoris tradit) quorū uirtute uapores ab aqueis locis eleuātur. Est enim Vapor, aquæ halitus, qui diu in aere suspensus, ob mediæ regionis frigide contactum, nā usq; ad illam peruenit, densatur et infrigidatur, deinde in guttas resolutus aqueas, deorsum erumpit, fitq̃ pluuiæ. Quæ si minoribus stillis dulciter & crebra descendit, imber: si maioribus et moderate, pluuiæ dicitur. Si uero impetuose, subito, & grossioribus totis simul, scilicet nube tota simul ob uehemens frigus in aquā liquata, labrocera & nimbus, quæ frumentis & uitis graui nocumento existit. Hedera.) Plin. libro 16. cap. 35. Hederarum uiginti enumerat genera. Dioscorides, tamen si singulæ numerantur species, hederam plures habere

Pluuiæ generatio.

Vapor.

Pluuiæ.

Imber.

Labrocera.

Nimbus.

Hedera.

bere differentias dicat, genere tamen præcipuas tantum
 tres esse ait. Candidam, quæ fructum seu semen fert can-
 didum. Nigram, quæ nigrum crocatumue: quàm uulgus
 Dionysiam Bacchicamq; uocat. Tertiam priuatim Heli *Helix.*
 cem uocatam, quasi clauiculam, quæ sterilis est, sine semi-
 ne, tenuibus uiticulis, breuibus, angulosisq; & concin-
 nioribus folijs. Hedera muris, sepulchris, arboribusq; ad-
 nascitur, inimica satis omnibus, sepulchra et muros rum-
 pens, arborumq; incolumium succum exsugendo ipsas
 strangulans et enecans: tantaq; crassitudine augetur ut et
 ipsa arbor fiat. Vnde & Theophrastus de historia Plant.
 libro 3. cap. 19. ait, Eius amplexus arbores omnes infestat,
 omnes enim necat, & exiccat, ablato alimento. Crassatur
 maiorem in modum, atq; arborefcit intantum, ut per se
 ipsa arbor fiat. Racemus ipsius in orbẽ circumactus Co- *Corymbus.*
 rymbus uocatur. Adhæc mira hederæ ad uina experiẽda
 proditur natura. Nam ut in libro de re rustica capite III.
 Cato inquit, Si scire uoles in uinũ aqua addita sit, nec ne,
 uasculum facito de materia hederacea: uinũ id quod pu-
 tabis aquam habere eodem mittito: si habebit aquam, ui-
 num effluet, aqua manebit. Nam nõ continet uinum uas
 hederaceum. Virtus hederæ omnis, in medicina acris est
 & adstringens, ut tradit Dioscorides. Vnde Plinius, Na-
 tura, inquit, in medicina anceps. Nam eadẽ quæ & aceto
 ei est. Omnia genera eius refrigerant, unde & capitis do-
 lores sedant. Inrita enim frigiditate sua capiti circũpositæ
 meatus eius ita contemperant, ut ascendentes retundent
 & reperiunt uapores, grauitatesq; capitis *καρὴ βαρία*
 uocatas reprimant. Vnde etiam poetæ uino potati, quo
 ebrietatis uim restingerent, minusq; uini potentia affice-
 rentur, capiti hedereas imponebant coronas, eoq; ni-
 mio plus uino iam calens, hederæ ui frigorifica refri-
 gesceret. Oleo uetusto.) Oleum oliuarum quo uetustius *Oleum uetust.*
 & pinguius, eo medicinæ utilius, ut refert Dioscorides.

CAPITI MEDENDO.

Quod si uetusti facultas non fuerit, diffusum ex præsentī oleo in uas quod probatius fuerit, ad crassitudinem mel-
lis coquito & utere: pares enim prædicto uires acquirit.
Et uetus quamuis calidius sit nouo, quod potius tepes-
cit quàm calfacit corpus, magis tamen etiam discutit &
resoluit, uaporesq; ex profundo euocat, & refrigeranti-
bus poros & meatus patentiores reddendo, ad interiora
penetrandi uim suggerit: unde cum eo cocta hederæ capi-
tis dolores mitigat. Plinius lib. 24. cap. 10. non simplici-
ter oleum sed rosaceum accipit & acetum addit, sicq; me-
dicinam instruit. Hedera capitis dolorem sedat: præci-
pue cerebro, continentiq; cerebrum membranæ utiliter
mollibus impositis folijs cum aceto & rosaceo tritis & de-
coctis, addito postea rosaceo oleo. Illinuntur autem fron-
ti, & decocto eorum fouetur os, caputq; perungitur. Co-
lare.) Colare, defecare est & mundare, atq; impurum à
puro segregare, nec non rem unam ab altera sequestrare,
et extrahere. Vnde hedera ex oleo, in quo macerata aut co-
cta fuerit, colata & extracta, parumperq; expressa, et sic ca-
piti imposita, doloribus eius medetur, quamuis & oleū
ipsum sine illa inunctum, eundem præstare possit effectū.
Hic quo pacto olea medica & factitia fiant, rerumq; uir-
tutibus inficiantur, non abs re fuerit adposuisse ex Gale-
ni de sanitate tuenda libro quarto. Sunt enim qui per in-
fusionem illa tantum conficiant, sunt & qui per coctio-
nem. Vbi uero per infusionem fiunt, res quæ infundun-
tur, contundi debent priusquam in oleum iniiciantur,
sic enim qualitate & ui sua oleum citius inficient, quæ
postquàm macerata fuerint, quod quadraginta & pluri-
um dierum spacio fiet, abijciuntur, humidum uero lin-
teo percolatur & usui seruatur. Qui uero diutinam mace-
rationem illam rerum ferre non possunt, eas partim in
oleo percoquere coguntur, igni certe lento, qualis pru-
narum est, quæ tamen nec ipsæ multæ esse debent: partim
aquæ uiniue tantulum iniicere quātum coquendo totū
uane-

Colare.

Oleorum facti-
tiorum ratio =
nes.

uānescet. Is modus erit, si quadruplum eius aut quincuplum oleum sit. Vinum autem ad affectus podagricos & articulares, aqua uero ad alios utilior est. Et sic cautiore operantur, quo nec iniecta torreatur, nec oleū uisionem odore referat. Verum qui his magis sunt curiosi, in duplicibus uasis coquunt: quod fit cū in lebe in quo sit aqua feruens, inseritur exigū uasculum, in quod fundi oleum debet. Et hic commodior coquendi est modus. Haftenus de oleorum infectione & compositione.

Profuit & cochleis frontem tractare minutis.

Si nocuit cerebro uiolentia solis aperto,

Sæpe chelidonia ex acido perducta liquore

Sanauit. Profunt & amica papauera somno,

Si prius in lento madefacta terentur oliuo.

Cochleis.) Cochleæ aliæ terrestres, aliæ aquatiles. Omnes domicilio se exerentes & bina ueluti cornua protendentes contrahentes q̃: oculis carent, ideo corniculis oculorum uice iter præterant: terrestres uulgo limaces uocant. Sunt etiam cochleæ lapides ex flumine rotundi, à cochlearum effigie & similitudine sic dictæ, uulgo cochlacæ uocantur. Cochleæ contusæ et per se cinis inanum cochlearum discussoriam uim habet, unde & capitis doloribus remedio sunt hæc quæ nudæ inueniuntur nondum peractæ ablato capite, & his lapidea duritia exempta: est autē ea calculi latitudine, quæ alligantur & minutæ fronti illi nuntur tritæ: autor Plinius. *Tractare.*) Frequentius trahere & fricare. Frictio enim poros & meatus exiguos patentiores facit, quibus patentibus medicamento uis ualentius penetrat, uim q̃ suam & effectum exercet potentius. Seu tractare, id est tangere et tangendo imponere illi nire q̃. *Si nocuit cerebro uiolentia solis.*) Dolorum capitis & aliorum etiam quorumcunq; membrorum causæ, aliæ sunt quas Græci *προηγούμεναι* uocant, nos internas siue antecedentes appellamus, quæ in ipso animalis corpore

Cochleæ.
Pli. li. 9. c. 32.

Limaces.
Lib. 30. c. 3.
Cochleæ lapides.
Cochlacæ.

Frictionis effectus.

Causa προηγούμενη, interna seu antecedens.

D

CAPITI MEDENDO.

consistunt: aliæ uero quæ corpori ipso omnino non in-
sunt, sed extrinsecus incidunt, quas externas siue primiti-
uas dicimus, Græci προκαταρκτικὰς nuncupāt: inter quas
& solis ardor est intensus, qui dum nudo & discooperto
capiti occurrit, et ipsum plus iusto excalfacit, intemperie
illi infert, & humores ad dissolutionem commouendo,
illos resolueri non potens, inquietat, ex quo et dolor con-
cinnatur, quod hijs potissimum accidit dum insolantur,
quibus natura caput humectius est. Cui capitis dolori,
adiuncta causa quod in prioribus non fecit, mederi nūc
docet Serenus. Cerebro.) Capiti, cuius partes quæ dolo-
re afficiuntur maxime sunt pericraneum, hoc est exterior
caluarię membrana: quam Galenus ita definit, Περίκρανος
ἔστιν ὑμὴν νευρώδης, περιειληφὴς πᾶν τὸ κρανίον, quod est, Peri-
cranos est pellicula neruosa totum circundans cranium.
Meninges. Item μῆνιγγες meninges, quæ sunt ambeuntēs cerebrum
panniculi: quos idem finit Galenus σῶματα νευρώδη καὶ
ἀρτηρώδη, hoc est, corpora neruosa & arteriosa. Ipsum au-
tem cerebrum Galeno & Aristotele autoribus, insensibile
est natura et sensus omnino expers, quamuis sensuum sit
organum, & à quo corporis particulæ omnes sensum ha-
bent ac motum. Chelidonia.) Herbarum ab animalibus
repertarum cū primis percelebris est chelidonia. Cuius
duo sūt genera. Maior fruticoso caule, altitudine cubitali
& aliquādo maiore, gracili, adnatis multis foliosis, folio,
ut Plinius ait, pastinacæ erraticæ ampliore: & ut Diosco-
rides tradit, ranunculo herbæ simili, molli, colore candi-
cante, flore violæ simili & luteo. Succus illi croceus &
acris, mordaxq; & aliquāliter amarus. Radix illi superius
una, inferius plures. Fructus cornuti papaueris modo
gracilis, lōgus, pinæ nucis figura, in quo exigua semina
sunt, papaueris seminibus maiora. Altera est minor, exi-
gua herba, sine caule, folijs ex radice pediculis pendentibus
hederæ figura, sed rotundioribus & minoribus, te-
neris & modice pinguibus, Dicta est autem chelidonia
ἀπὸ

ἐπὶ τῆς χελιδόνος, hoc est ab hirundine, quod hirūdinum
 aduentu ex terra prodir, ut inquit Dioscorides : seu ut
 Theophrastus, Plinius & Apuleius referūt, quod eorum
 aduentu et quo præsto sunt tēpore, semper floret: discessu
 uero eorundem marcescit. Vel, ut quidam uolunt et Apu
 leius refert, quod nidis suis eandem hirundines ferant ob
 acuendos succedentium uisus. Vnde Plinius li. 8. cap. 27.
 Chelidoniam, inquit, uisui saluberrimam hirundines
 monsttrauere uexatis pullorum oculis illa medentes. Et
 Dioscorides : Tradiderunt aliqui, si quis ex hirundinis
 pullis in nido lucem amiserit, matrem hanc herbam ocu
 lis admouentem cecitati eius mederi. Quæ tamen opinio
 à Celso tanquam fabulosa refutatur, libro 6. cap. 6. ubi de
 oculorum imbecillitate agens dicit: Extrinsecus uero in
 terdum si ictus oculum lædit, ut sanguis in eo suffunda
 tur, nihil commodius est, quàm sanguine uel columbæ
 uel palumbi uel hirundinis inungere. Neq; id sine causa
 fit, cum horum acies extrinsecus læsa, interposito tempo
 re in antiquum statum redeat, celerrimeq; hirundinis.
 Vnde etiam locus fabulæ factus est, per parentes id herba
 restitui quod per se sanescit. Nam ut Aristoteles de gene
 ratione animalium lib. 4. refert: Si quis nuper genitarum
 hirundinum oculos præpungat, rursus incolumes red
 dentur. Ceterum quod ad chelidoniæ herbæ medicinam
 attinet, iubet eandem etiam Apuleius ad capitis dolorem
 ex aceto contritā fronti & capiti illinire. Est autem uirtus
 illi calorifica, sed quæ exiccet, euocet, et emundet. Vnde ex
 aceto imposita capitis dolores persanat. Humores enim
 crassos & superfluos à solis calore dissolutos & cōmotos
 deficcet, extrahit atq; resoluit. *Acido liquore.*) Humore
 acetoso & aceto ipso, quod quamuis refrigerantis et repri
 mentis sit naturæ, admixtam tamen sibi aliquam habet ca
 liditatem, omniumq; potestate refrigerantium, tenuissi
 marum est partium, quare & alijs quorum uim in altum
 descendere cupimus, additur medicamētis: meatus enim

Libro 8.
 De plā. li. li. 8.
 Lib. 15. ca. 8.
 Cap. 71.

Acetum.

CAPITI MEDENDO.

adaperit & medicamenti uim quo uolumus præit atque deducit. Corpora etiam quæ contingit, siccatur, quamuis actu sit humidum: quam ob causam ad eos affectus quos humectare & refrigerare uolumus, eo solo non utimur.

Papauerum genera.

Perducta.) Inducta & capiti imposita ex aceto in quo prius fuerit macerata. Amica.) Somnum enim conciliant. Columella in libello de cultu hortorum, Et profugos uinctura papauera somnos. Papauera.) Papauerum plura sunt genera. Vnum satium: reliqua agrestia. Satiui tria itidem genera. Vnum proprie, per se & uere satium dictum: quod Apuleius usuale, Plinius candidum, Dioscorides thylacite, id est utricularium, ab utris forma appellatur: oblongo capite & uasculo, semine albo: quod in sanitatis usu tostum in secunda mensa cum melle apud antiquos edebatur, & panis rustici crustæ inspergebatur adfuso ouo inhærens. Alterum genus est quod syluestre uocat Dioscorides, & à dolij forma Pithite, quasi doliare: Apuleius quod ex ipso fluat succus quem opion uocant, uel quod facile florem dimittat rhæada: Plinius nigrum appellat, è cuius scapo inciso lacteus succus exprimitur: estque hoc capite seu uasculo sessili, semine nigro. Tertium genus & hijs syluestrius, medicamento sius & capite seu uasculo longiore. Et hoc Plinius, contra quam Dioscorides & Apuleius tradiderunt, rhæada à Græcis uocari dicit, à nostris erraticum. Et hæc duo posteriora genera, natura quidem agrestia sunt, humano tamen opere, studio & usu tantum satia, non natura. Sunt & alia agrestia quæ nunquam satia fiunt, ceu quod Ceratites, id est corniculare, & aphrodes, id est spumeum, heracliumque dicitur. Omnibus & præsertim satiuis communis in refrigerando sopiendoque uis est, ut tradit Dioscorides: nisi quod nigri liquor maiore refrigerandi, crassescendi & siccandi uis, exigua mensura, erui fere quantitate sumptus somnificus est, & somno dolorem leuat: maiore copia potus nocet, lethargum, letalemque soporem faciens. Facit & ad capitis dolores

dolores cum rosaceo inspersus. Verum colligendi liquoris huius ratio multiplex est. Quidam enim uascula cum folijs tundentes torculari exprimunt: mox in mortario terentes pastillos conformant, uocaturque hoc meconium: uiribus liquore quem opion dicunt multo ignauius. In colligendo autem liquore oportet cum aruerint rores cunctello stellulam in summo papauere sic scarificare ne altius ad interiora uulnus descendat. Oportet itidem & uascula ex obliquo rectaque in summa superficie secare: destillantemque lachrymam digito in conchulam detergere, rursusque non multo post redire. Inuenitur enim continue crescens. Idemque sequenti die faciendum. Oportet preterea in uetere mortario collectum liquorem terere, conformatumque in pastillos reponere. Oportet postremo in scarificandis, secandisque papaueribus retrogrado itinere ingredientes incidere, ne uestibus plagae plagisque inherens liquor deteratur. Haecenus Dioscorides. Pli. item lib. 20. cap. 18. de his sic prodit: E nigro sapor gignitur scapo inciso, ut Diagoras suadet cum turgescit, ut Iolas cum deflorescit hora diei sereni, hoc est, cum ros in eo exaruerit. Incidi iubent sub capite & calice. Nec in alio genere inciditur caput. Succus & hic & herbae cuiusque lana excipitur: aut si exiguus est, ungue pollicis aut lactucis: & postero die magis quod inaruit. Papaueris uero largus densatur, & in pastillos tritus in umbra ficcatur, non ui soporifera modo, uerum si copiosior hauriatur, etiam mortifera per somnum: opion uocant. Cum capita ipsa & folia decoquantur, succus meconium uocatur, multum opio ignauior. Fit autem probatissimum maxime apud Thebas Aegyptias opium, unde & Thebaicum dicitur. Verum non temere huiusmodi utendum medicamentis quae soporifera sunt anodina. Nam si alijs & innoxijs remedijs morbum sanare possumus, a somniferis abstinere debemus. Sin ob uigilias & uirium resolutionem egro mortis periculum immineat, tum profecto tempestiue sopori-

Liquoris papaueris colligendi ratio uaria.
Meconium.

Opium.
Meconium.
Opium Thebaicum.
Narcoticorum & soporiferorum usus.

CAPITI MEDENDO.

feris utemur, ad eorum usum necessitate coacti, non ob-
stante quod corporis habitus nonnihil ex hijs lædatur,
cum spacio, si admodum magnum nõ sit, nocumentum
emendare liceat. Quod si ita est immodicum, ut nec pro-
lixo spacio sanari possit, potius tamen hoc ipsum eligen-
dum quàm ut hominẽ perire sinamus. Læsiõ enim quàm
mors præoptanda. Cæterum ubi talibus uti necessitas co-
git, tutius est etiam ut uim eorũ aliquatenus frangamus,
& in emplastris potius quàm in potionibus, deinde in ca-
putpurgijs ea administremus. Semperq; principũ mem-
brorum curam & sollicitudinem habeamus, maxime ce-
rebri, quod rationalis animæ ceu domicilium est, autore
Galeno. *Somno.*) Somnus sensibilis spiritus est remissio et
tanquam laxatio: & ut Aristoteles tradit, sentiendi quæ-
dam impotentia, ob alimenti uapores in cerebro refrige-
ratos & internum calorem ad cor reuocatũ proueniens.
Fit autem somnus hoc modo. Cum alimentum in uapo-
rem soluitur, uapor ille sustollitur, (omne enim calidum,
in sublime natura effertur) & cerebri frigiditate refrigera-
tur atque consistit, deinde reditũ capescens, Euripi more
refluit & descendit ad cor, cuius feruore refrigerato, obre-
pit somnus. *Lento.*) Leni, molli, pingui, humido & cui
nihil aspredinis inest. Inter liquores enim non est alius
qui aut æque leniat ac molliat cum corpori inungitur,
quàm oleum, aut, qui tam late diffundatur aut serius sic-
cescat. Vnde Homerus etiam, autore Plutarcho, inter tot
liquores, oleum duntaxat appellauit ὕγρον, id est humi-
dum seu liquidum. Est & tranquillitatis nomine com-
mendata eius natura, adeo ut mare rem omnium sæuissi-
mam tranquillare credatur. Vnde etiam natum adagiũ,
Oleo tranquillior, in eos qui taciti, minimeq; iracundi, ac
leni ingenio præditi sunt. Plautus in Pænulo: Ita hæc ego
canem faciam tibi oleo tranquilliorẽ. *Oliuo.*) Oliua-
rum succo & oleo. Plinius lib. 15. ca. 3. Suus quidem oliuæ
succus est oleũ. Ab oliuo autem oliuitas, pro legendarum

Cerebrum ani-
mæ domicilium
rationalis.

Somnus.

Quomodo fiat
somnus.

Oleum ὕγρον.

Adagio.

Olium.

Oleum.

Oliuitas.

ac

ac cogēdarum oliuarum tempore, hoc est, olei uindemia dicta est ueteribus. Columella, Media est oliuitas plerūq; initium mensis Decembris. Eadem oleitas dicitur. Cato: *Oleitas.* Vbi uindemia, & oleitas facta erit, præla extollito. Est & *Oliuina.* oliuina olei prouentus & copia. Plautus in Pseudulo: Quoius amatores domi oliuinam habent maxumam, si mihi non iam huc culleus oliui deportabitur. Olea item *Olea.* nunc arborem significat. Cato: Olea si fructum non fert, ablaqueato: nunc uero baccam & fructum. Cato: Oleum uiride sic facito: oleam quam primum ex terra tollito. Varro. De oliueto, oleam, quam manu tangere possis e terra, aut scalis, legere oportet potius, quam quatere. Et eadem oliua quoq; dicitur. Columella: Prius de conditu *Oliua.* ris oliuarum præcipiemus. Constant autem oliuæ, ut Plinius ait, nucleo, oleo, carne, amurca: sanies est hæc eius *Amurca.* amara, fit ex aquis, ideo siccitatibus minima, riguis copiosa. Oliua itē, ut Caper grammaticus ait, arbor est, olea foetus, oleū liquor. Est item Oliuetum, quod & Olerum *Oliuetum.* Cato uocat, locus olea confitus. *Oletum.*

HEMICRANIO MEDENDO.

CAPVT II.

P O R T I O si capitis morbo tentetur acuto,
Allia diuersam lana contexta per aurem
Inducta profunt. Et eodem balsama pacto.



HEMICRANIO.) Hemicranius siue hemi- *Hemicrania.* micrania, morbus est capitis acutus & uehementis, dimidiam eius partem occupans atque infestans, sæpius non cura sed blandimento cum narcothicis & stupefacientibus indigēs, scilicet ubi uehementissimus est dolor & pulsatio. Galenus hunc morbum in libro diffinitionum sub nomine heterocra-

HEMICRANIO MED.

Heterocrania. *niæ sic diffinit. Heterocrania est cum in sinistra dextraue capitis parte dolor fit: isq; aliquando augetur & acuitur, aliquando remissus languet et minuitur. Qui ita laborât,*

Hemicranici. *hemicranici uocantur, ἀπὸ τοῦ κρανίου, hoc est, à cranio,*

Cranium. *quod supernum capitis os est & hemispheriū summum.*

Calua. *Latini caluam & caluariam uocāt, ἡμὶ uero Græcis idem*

Caluaria. *est quod semis & dimidium. Plinius eundem morbum heterocraniō nominat, ἀπὸ τῶ ἐτέρου καὶ κρανίου, ab altera hoc est dimidia cranei parte. Horum autē quibus sic me-*

De locis aff. li. *dia capitis pars dolore infestatur, alij extra caluariam, alij in capitis intimis partibus dolorem sentiunt, cuius discrimen ab oculorum radicibus sumitur. Nam quibus intra caluariam est dispositio, ijs ad oculorum usq; fundamen-*

Portio. *ta dolor extenditur, eoq; & à cerebro & ab utraq; mem-*

Eodem. *brana, atq; à uasis quæ in ipsis continentur, ueluti germi-*

Morbus. *na quædam deducuntur, autore Galeno. Portio.) Me-*

Therap. lib. 2. *dietas, quarum una ad alteram portio est & pars propor-*

Quatuor diffe *tionalis, eiusdemq; denominationis, ut quota aut quan-*

rentiæ eorum *ta est una, totta & tanta sit etiam altera. Harum autem ca-*

quæ humano *pititis medietatum, ut tradit Galenus, dextram à sinistra di-*

corpori præter *stinguit sutura per longitudinem ipsius protracta, sub*

naturam acci- *qua intra capitis ossa, linea medium cerebrum diuidens*

dunt. *protēditur, ad quam etiam peruenit, anteriorū duorum uentriculorum septum. Morbo.) Morbus, operationis læsio est sensibilis. Nam cum eorum quæ corporibus no-*

stris præter naturam accidunt quatuor sint differētiæ. Vna ipsius functionis actionisue uitiatæ. Altera eius qui hanc peperit affectus. Tertia causarum quæ ipsum præcesserūt & excitarunt affectum. Quarta symptomatum quæ hūc necessario consequuntur. Illum qui actionem lædit ac ui-

tiat affectus, iure appellabimus morbum. Nec absq; ratio-

ne morbi definitioni addita est dictio SENSIBILIS: nisi enim ad sensibilem magnitudinem perueniat & actioni officiat læsio, morbus non dicetur, aliàs nanq; perptuæ

passibilitatis dogma incurreremus, cū null⁹ sit qui omnes

actiones

actiones optimas habeat. Sed de morborum dignotione & latitudine tum alibi tum in arte medicinali & in libris de sanitate tuenda, plura Galenus. Acuto.) Inter morbos qui acutos, uehementes, maximos atq; grauissimos inferunt cruciatus, est & capitis dolor, & is potissimum qui hemicranius dicitur: unde Mesue inquit, Hemicrania, est ægritudo de genere uehementium dolorum. Verum morborum alius acutus, alius diuturnus siue longus dicitur. Acuti uero sunt, ut Galenus tradit, qui præter id quod celeriter iudicantur, statim etiam magnitudinem habent. Vnde ephemera febres excluduntur, quæ licet cito finiantur, magnitudinem tamen non habent, quare nec acuti morbi uocantur. Magnitudo autem in morbis aut grauitas trifariam intelligitur: aut enim propter membri principatum & præcellentiam, aut propter affectus magnitudinem, aut propter ipsius cacoethiam, id est, sanandi malignitatem, contumaciam atq; rebellionem, adeo ut omnibus rite decenterq; factis, tamen non sanetur affectus. Porro duplex acutorum genus habetur. Siquidem nonnulli simpliciter ac primum, proprieq; uocantur acuti, quorum alij cum febre sunt, alij uero sine febre, ceu conuulsio, neruorum distentio & bilaris. Quidam uero acuti sunt ex cōuersione: & tales fiunt quoties inter initia acute ægrotet, tum autem quartodecimo die, aut etiam ante, non integre iudicetur: sed quia supersunt quædam reliquæ ægrotationis ex quibus ad quadagesimum diem usq; morbus extenditur. Vertitur uero per iudicationes imperfectas acutorum morborum, nō solum in hos, sed etiam in alios diutinos, maxime marcorem, quartanam, suppurationem, tabitudinem, aquam intercutem. Sunt itaque quantum in ipsam temporis differentiam agitur, morborum genera omnia tria: aut enim acuti sunt qui quarto decimo finiuntur die, quibus diutini opponuntur, ambiguum uero & uelut in confinio positum tertiū genus, cuius terminus decretoriorū dierū

E

Morb. acutus.

Aphor. lib. 2.
Aph. 19.Morb. magnus.
Therap. li. 4.Progn. lib. 1.
Morb. acutus simpliciter, cū febre, sine febre.

Morb. acutus ex cōuersione.

Aphor. lib. 2.
Aph. 19.

HEMICRANIO MED.

quadragessimus dies est. Ceterum acutorum morborum duplex est natura: uel enim in humoribus calidis fiunt qui nullum proprium obsedere locū, sed equaliter in omnibus animalis partibus apti sunt ex sua natura generari, ut febres: uel uno loco aliquo proprio patiente fiunt, ceu pleuritis, peripneumonia, synanche, quibus semper continuæ adsunt febres. Rari enim sunt quibus febres non adsint, ut apoplexia et quidam paulo ante dicti. Morbi uero longi ab crassis, lentis ac frigidis fiunt humoribus, qui difficilis sunt concoctionis et patienti loco inhærent, ita quod eorū dispositiones magis præduris tumoribus quàm inflammationibus assimilantur. Quod si qui ex ipsis fiunt per compassionem, & absq; loco patiente, in quibus uenæ omnes æqualiter habent humores putrescentes, uel attrahibilis, uel pituitæ naturā præ se ferentes, pauci quidem hī sunt & rari. Adhæc ultra iam dictos, alij sunt morbi qui peracuti uocantur, qui statim in summo uigore consistunt, scilicet circa primos quatuor dies uel paulo ulterius, in quibus statim morbi incidit uigor, qui nihil aliud est quàm morbi in casibus summum. *Allia.*) Alliorum duplex genus est. Vnū satium siue hortense: quod, ut Dioscorides scribit, in Aegypto concreto capite porri modo nascitur, dulce, colore ad purpuram inclinato, exiguūq; reliquis locis grande allium multiceps & candidum est. Vocantq; in eo diuisiones spicas seu nucleos. Plinius uero libro 19. cap. 6. Allium, inquit, tenuissimis & quæ separantur in uniuersum uelatur membranis, mox pluribus coagmentatur nucleis et hīs separatim uestitis. Asperi saporis, & quo plures nuclei fuerint, hoc est asperius. Tædium huic quoq; halitu ut cepis, nullum tamen coctis. Alterum genus est syluestre, quod Dioscorides & Galenus Ophioscorodon quasi anguinū uocari dicunt. Quamuis Columella non ophioscorodon sed aphroscoredon quasi spumeum à Græcis appellari dicat, cum ait Vlpicum, quod quidam allium Punicum uocant, Græci autem

Morbus lōgus.

Morbus peracutus.
Aphor. li. 1.
Aph. 7.

Allia.
Lib. 2.

Vlpicum.

Libr. 11. cap. 3.

autem ἀφροσκόροδον appellāt, longe maioris est incremen-
ti quā allium. Et idem comprobare uidetur Plinius lib.
19. cap. 6. de eodem sic scribens: Vlpicum quoque in hoc
genere, Græci appellauere allium Cyprium, aliū antiscoro-
don, precipue Aphricæ celebratum inter pulmentaria ru-
ris grandius allio: trito in oleo & aceto mirum quantum
increscat spuma. Cæterum allio magna uis est, magnæ
etiam utilitates. Somnos enim facit, medetur quæ, ut Pli-
nius testatur, temporum doloribus illitum elixum, & ut
hic Serenus docet, hemicranie: id quæ à frigidis crassis &
glutinosi humoribus factæ: calfacit enim, desiccatur, inci-
dit, attenuat, dissipat, euocat & ad contraria distrahit. Di-
uersam.) Contrariam: quo uidelicet ad contrariam par-
tem morbi fiat distractio, adeo ut si in dextra parte fuerit
dolor, sinistræ imponatur medicamen: & si in sinistra,
dextræ. Quo enim facilius euanescent, ad contrarias par-
tes distrahere oportet morbos atque auertere. Quæ quidē
ad contraria auersio fit aut secundum longitudinem, ut
quæ supra & infra: aut secundum latitudinem hinc et in-
de, hoc est à dextris et sinistris: aut secundum profundum,
ante et retro. Lana.) Aut succida aut elota. Succida pro-
pter sordium suarū pinguedinē quæ cœsypus est, egregie
mollit, adsparginesque facile combibit, ut inquit Dioscori-
des. Lota uero, si non aliter, tamen in hoc confert & uti-
lis est, quod aliorum medicamentorum est materia: hac
enim medicaminum liquor recipitur & infunditur, quo
pacto dolenti loco melius applicatur et imponitur, ac me-
dicamenti uis quæ aliàs facile euanesceret, hac etiam ma-
gis conseruatur in uigore donec operationem suam per-
fecerit. Oportet autem bina parata habere ē lana pittacia
affecti loci longitudinem latitudinemque æquantia, & in-
uicem alterum in succo, alterum supra locum affectum,
ut cum prius impositum exiccatum & amotum fuerit,
iterumque in succo humectatur, statim alterum iam hu-
meatum ē succo imponatur. Aurem.) Per aurem etiam

Lana succida,
elota.

HEMICRANIO MED.

tempora intelligas. *Balsama.*) De balsamo dictum iam est capite priori.

Allia uel ternis piperis terna addita granis,
Trita lines, certam dabit hæc tibi cura salutem.

Piperis tres
differentiæ.
Longum.
Album.
Nigrum.

Brasma.

Brechmasi.

Ternis piperis.) Ne forte, si plura acciperentur et in maiore copia, caput nimium excalfaciendo & aridum reddendo, noxam illi inferrent. Est enim piper qualitate calidissimum atq; siccissimum, plurimumq; mordens. Quod in India nascitur triplici differentia. Nam, ut libro 2. Dioscorides refert, à sui ortus initio fructum fert arbor ipsius sili quarum modo oblongum, quod longum piper est, clauditq; intra se quod exigui milij seminibus simile sit, integrum & absolutum mox futurum piper. Id per maturitatem legitimo tempore dehiscens, racemos ex se mittit, granis quæ nouimus onustos: alijs quidem maturis quæ nigrum piper sunt, alijs uero acerbis quæ candidum piper sunt. Inuenitur autem in nigro quod tabidum, inane, leueq; sit: uocaturq; id gentis eius uocabulo *brasma* quasi abortus. Idem tradit Plinius lib. 12. cap. 7. dicēs: Siliquæ priusquã dehiscant, decerpæ tostæq; sole, faciunt quod uocatur piper longum. Paulatim uero dehiscences per maturitatem ostendunt candidum piper, quod deinde tostum solibus colore rugisq; mutatur. Verum & his sua iniuria est, atq; cæli intemperie carbunculantur, fiuntq; semina cassa & inania, quod uocant *brechmasin*, Indorum lingua sic significante abortum. Commendatur autem piper autore Galeno, longum quidem quod integrum est, minimeq; foratum, & quod fractum grana sua iuncta & coherencia habet: item quod gustu piperis qualitates seruat, & in aquam missum totaq; die maceratum non liquatur nec soluitur. Nigrum uero nec exile nec rugosum nec crassi corticis esto, sed pōderosum quod tum maximum tum plenissimum est. Item de albo simili modo eligatur, quod maximū est atq; plenissimum. Verum
omni

omni piperi communis natura & uis est calefacere, extrahere & discutere, Somnum conciliat, somnoq; dolores leuat, autore Dioscoride.

PORRIGINI DEPELLENDÆ

CAP. III.

EST insensibilis morbus & noxia forma,
Cum caput immensa pexum porrigine nungit,
Copia farris uti frendentibus edita saxis.
Hanc poterit maluæ radix decocta leuare.



PORRIGINI.) Porriginem Celsus duorum generum uidetur facere. Vnã humidam & cum exulceratione: alteram siccam et sine exulceratione. Nam libro 6. cap. 11. sic illam describit: Porrigo est ubi inter pilos quædam quasi squamulæ surgunt, eaq; à cute resoluuntur, & interdum madent, multo sæpius siccæ sunt. Idq; euenit modo sine ulcere, modo exulcerato loco: huic quoq; modo malo odore, modo nullo accedente: fereq; id in capillo fit, rarius in barba, aliquando etiam in supercilio. Quarum siccam mederi nunc docet Serenus, & eam Græci à similitudine *πίτυρα* *πίτυρίασις* *furfures* uocant, hoc est, furfures, cum scilicet sponte sua ex capitis superficie tenues & furfuraceæ squamulæ citra exulcerationem decidunt, ut Paulus Aegineta tradit: idemq; malum fieri dicit subeuntibus in caput malo corporis humore, falsæue pituita, aut bilioso & melancholico sanguine. Plinius Græcorum *πίτυρα* nunc porriginem nunc furfures interpretatur. *Insensibilis*.) Indolens: sensum et dolorem cruciatumq; non inferens, aut si quis adest cruciatus, is tamen præsens, non magnus nec grauis, sed paruus & tolerabilis existit. *Morbus*.) *Morbus* hic non pro affectu accipitur qui actioni incōmodat

PORRIGINI PELLENDÆ.

& officit, sed pro dispositione solum præter naturam deformi. *Noxia forma.*) Species nociua, fœda & deformis. *Immensa porrigine.*) Pluribus & innumeris quasi squamulis & corticibus furfuri similibus. *Pexum.*) Pectere est explicare & ordinatim disponere capillos, ita ut nulli remaneant sed omnes extricentur flocci. *Ningit.*) Ad niuis modum à se proijcit & emittit. *Farris.*) Farinæ, quæ à farre nomen accepit: fractum enim & in tenuissimum pulverem commolitum far, farina dicitur. *Frendentibus.*) Fren dere est collidere, frangere & conterere. *Edita.*) Eiecta et excussa. *Saxis.*) Lapidibus molaribus, quibus frumentum in farinam comminuitur. *Hanc.*) Porriginem, qua descripta, docet nunc eidem medicamentis detergentibus, non nihilque reprimentibus mederi, præsertim ubi malum offendit: quod et prius innuit his uerbis, *Immensa & Copia.* Nam si leuior est, nihilque offendit, melius est illam non omnino prohibere, sed pectendo solum repurgare, cum non citra corporis uitium, nec integro capite nascatur: quare etiam non omnino inutilis est, præstatque capite affecto, noxium extra ferri & cutem infici, quàm ad interiora et partes nature actionibus magis necessarias uerti. Sed ne sine testimonio res agatur, haud abs re fuerit, quæ post descriptionem ipsius super hoc prodidit Celsus, subiungere, cuius hæc sunt uerba: Ac neque sine aliquo corporis uitio nascitur, neque ex toto inutile est. Nam bene integro capite non exit. Vbi aliquid in eo uitium est, non incommodum est, summam cutem potius subinde corrumpi quàm id quod nocet in aliam partem magis necessariam uerti. Commodius est ergo subinde pectendo repurgare, quàm id ex toto prohibere. Si tamen ea res nimium offendit, quod humore sequente fieri potest, magisque si id etiam mali odoris est, caput sæpe radendum est, dein id superadiuuandum aliquibus ex leuiter reprimentibus, quale est nitrum cum aceto, uel ladanum cum myrteo uino, uel myrobalanum cum uino: si parum per hæc

hæc proficitur, uehementioribus uti licet, cum eo, ut scia-
mus utique in recenti uitio id inutile esse. Hactenus Ccl-
sus. *Malueradix.*) Malua herba est nota, à Græcis molo- *Malua.*
che & malache dicta, ab emolliendo uentre: *μαλάσσειν* *Molochē.*
nim subigere est & mollire. Hinc illud Martialis: Vtere la *Malachē.*
ctucis & mollibus utere maluis, Nā faciem durū Phœbe
cacantis habes. Huius folia tota die ad solem circumagi
testis est Theophrastus, & Columella qui in carmine suo
fic ait, Et moloche prono sequitur quæ uertice solem. Est
autem duplex malux genus. Vna hortensis, quam in hor-
tis ad cibos ut melioresceret quondam serebant. Vteban-
tur enim olim in cibo pro olere, quemadmodum ex He-
fiodo colligitur in libro τῶν ἔργων καὶ ἡμέρων operum &
dierum, ubi ait, Νήπιοι, οὐδ' ἴσασιν ὅσῳ πλέον ἡμῖν παντὸς
οὐδ' ὅσον ἐν μαλάχῃ τε καὶ ἀσφodelῷ μέγ' ὄνειαρ, hoc est, Fa-
tui, neq; sciunt quanto plus dimidium toto, Neq; quan-
tum in maluaq; & asphodelo magna utilitas. Et Diosco-
rides hortensem syluestri magis edendo esse dicit. Altera
est syluestris & in incultis locis nascens, à priore solo na-
tali differens, & alia ab ea quæ arborefcit & Ibiscus, Al-
thæaq; uocatur. Porrò de hīs sic etiam scribit Plinius lib.
20. cap. 21. In magnis laudibus malua est utraq; & satia et
syluestris. Duo genera earum amplitudine folij discer-
nuntur, maiorem Græci malopen uocant in satiais, alte-
ram ab emolliendo uentre dictam putāt malachen. E syl-
uestribus, cui grande folium & radices albæ, althæa uo- *Althæa.*
catur, & ab excellentia effectus à quibusdam aristalthæa, *Aristalthæa.*
à Latinis Ibiscus & maluaufiscus appellatur. Cæterum *Ibiscus.*
malux radix decocta ex uino, aut aceto, aut, ut Dioscori- *Maluaufiscus.*
des tradit, ex urina hominis, furfures & manantia capitis
ulcera emendat & sanat.

Aut tu fœniculum, nîtrumq; & sulphura uiua
Contere, deinde caput permixtis ablue cunctis.

Fœniculum.) Fœniculum ferulacei generis plāta est, Græ

PORRIGINI PELLENDÆ.

Marathron.

Nitrum.
Sal nitrum.
Baurach.
Sal petre.

Spuma nitri.

Sulphur.

Sulphur ui-
uum.

ci marathron dicunt, omnibus notū. Nobilitauere id ser-
pentes, gustatu senectam exuendo, oculorumq; aciem
succo eius reficiendo. Vis illi calida, desiccans & abster-
gens. Nitrum.) Nitrum simile est sali, unde etiam cum
adiuncto sal nitrum aliquando appellatur, Arabice bau-
rach: aliud ab eo quod nunc sal nitrum & sal petre uocāt,
cuius in tormentis illis tonitruarijs, quas Bombardas uo-
cant, usus est. Porro nitri uaria sunt genera, de quibus co-
piose fatis Mesue in de simplicibus, & Plin. nat. hist. li. 31.
cap. 10. ubi de natura eius sic scribit: Non est differentia, et
nitri natura non multum à sale distans. Optimum quod
tenuissimum, et ideo spuma melior, cuius probatio est ut
fit minime pōderosa & maxime friabilis, colore penē pur-
pureo. Nitri uero probatio ut fit tenuissimum & quā-
maxime spongiosum fistulosumq;. In medicina calfacit,
extenuat, mordet, spissat, siccāt, exulcerat. Vtile ijs quæ
euocanda sunt aut discutienda et lenius mordenda atque
extenuanda, sicut in papulis pustulisq;. Dioscorides, Ni-
trum uires ex alto in summum euocandi habet. Item, Ni-
trum & nitri spuma uires habent sali æquales. Miscentur
emplastris quæ discutiendo, extrahendo, exterendo & ex-
tenuando sint. Sulphura uiua.) In terræ generibus, ut Pli-
nius ait, uel maxime natura mira est sulphuris, quo pluri-
ma domantur. Genera quatuor. Viuum, quod Græci
apyron uocant, hoc est, ut Celsus ait, quod ignem non
expertum est. Nascitur solidum, hoc est, glebosum. Eo so-
lo ex omnibus generibus medici utuntur. Cætera enim
liquore constant et conficiuntur oleo incocta. Viuum au-
tem effoditur, translucetq; & uiret. Alterum genus ap-
pellant glebam, fullonum tantum officinis familiare. Ter-
tio quoq; generi unus tantum est usus ad suffiendas la-
nas, quoniam candorem tantum molliciemq; confert:
Egula uocatur hoc genus. Quarto autem ad lychnia ma-
xime cōficienda. Vires uiuo cuius in medicina usus, cale-
faciendi, discutiendi ac maturandi, cutisq; uitia detergen-
di,

di, autore Dioscoride.

Furfuribusue nouis durum miscebis acetum,
 Ut uarios crines tali des unguine puros.
 Prodest & tarda demptus testudine sanguis.
 Et prodest cedro dimissus ab arbore succus,
 Desinet interea glomerari farrea nubes,
 Cessabitq; grauis crebrae porriginis imber.

Furfuribus nouis.) Furfur farinae purgamentum est, deter- *Furfur.*
 gentis naturæ præsertim nouum ac recens editum. *Du-*
rum.) Forte, acre & multæ acetositatis. *Varios.*) Ob pra
 uos in capitis cute humores, multiformes, inæquales, ra
 ros & hic inde dispersos. *Des.*) Facias. *Tali unguine.*) Huius
 modi unguento prædicto. *Tarda.*) Tardigrada, pigra pro
 pter incessum: est enim tardi progressus testudo. *Testudi-*
ne.) Testudinum, quibus geminus & in terris & in aqua *Testudo.*
 uictus est, plura sunt genera. Terrestris, marinæ, lutariæ,
 quæ in cœno et paludibus atq; in dulci aqua uiuunt, quas
 quidam è Græcis emydæ appellant. Marinarum sangui
 ne alopeciarum inanitas & porrigo, omniaq; capitis ul
 cera curantur. Inarescere autem eum oportet, lenteq; ab
 lui, author Plinius lib. 32. cap. 4. *Cedro ab arbore.*) Cedrus *Cedrus.*
 arbor est grandis & procera, ex qua liquor colligitur ce
 drinus, è quo & oleum fit. Fructû ferti iuniperi modo ro
 tundum, myrthæ bacca magnitudine, qui cedrides di- *Cedrides.*
 citur: author Dioscorides. *Dimissus.*) Stillatus, siue per se
 siue incisa arbore is fluxerit. *Succus.*) Hoc est, liquor ce- *Cedria,*
 drinus, qui cedria, cedreæue & cedri mudicitur: quamuis *Cedrea.*
 aliqui hæc inter se distinguant, cedriam esse dicentes cru- *Cedrium.*
 dam ex cedro arbore resinæ modo stillatam lachrymam
 seu gumi, quod alchitran uocant Arabes, & male picem *Alchitran.*
 liquidam interpretatur Sinion Genuensis. Cedrium ue
 ro ex cedri materia concisa & in furnis accensa picis mo
 do fluentem & exceptum liquorem. Sed quia horû idem
 usus est & æqualis in medicina uirtus, hinc fit ut illæ nûc

F

PORRIGINI PLENDÆ.

inter se misceantur appellationes. Cæterum probatur cædrinus liquor, ut Dioscorides tradit, qui crassus pellucet, & intenso firmoq; odore est, quiq; diffusus concretis stillicidijs seipsum continet nec diffluit. Natura & uis illi est uiuentia corpora corrumpere, defuncta incorrupta seruare, quam ob causam cadauerum uitam pleriq; eum dixerunt. Calefacit, siccatur, & cutis uitia exterendo repurgandoq; emendat & sanat. *Interea.*) Dum hæc aguntur & dicta remedia applicantur. *Glomerari.*) Glomerari est accumulari et coaceruari. Vnde glomeramen & glomeratio, quasi aceruatio quædam et accumulatio: item glomer glomus & glomulus. Plinius nat. hist. libro 36. Si quis impropere intra labyrinthum sine glomere lini, exitum inuenire nequeat. Apuleius in Asino aureo libro 6. Et accepto frumento & ordeo & milio & papauere & cicere et lente & faba, commixtisq; aceruatum, confusisq; in unum glomulū. *Farrea nubes.*) Quod prius dixit, Copia faris. Est autem nubes proprie crassior ille uapor in aëre suspensus ex quo pluuia generatur, ad cuius similitudinem, porriginem uocat nubem, tanquam nubis speciem præbentē, dū crasso et denso agmine deuolant porriginis squamulæ. *Gravis.*) Magnus, molestus & noxius. *Crebræ.*) Frequentis, dū crebræ & frequentes decidunt squamæ, instar imbris, qui fit dum crebris descendit stillis pluuia. *Imber.*) Humor qui porriginem facit: seu squamulæ ipsæ instar imbris decedentes.

Cadauerum
uita.

Glomeror.
Glomeramen.
Glomeratio.
Glomer.
Glomus.
Glomulus.

Nubes.

CAPILLO TINGENDO.

CAPVT IIII.

QVOS pudet ætatis longæ, quos sancta senectus
Offendit, cupiunt proprios abscondere canos,
Et nigrum crinem succo simulare dolofo,
His prodest acri contrita cupressus aceto.

Capillo



CAPITULO.) Docet hoc capite Serenus Cosmotica quædam medicamenta, quæ capillis uenustandis excogitata sunt à medicis. Quid autem sit capillus, sui ipsius indicio constat: cuius efficiens causa est frigiditas tum interior quæ in cute et capitis ossibus existit, tum exterior aëris nos ambientis, quæ uaporem ab interioribus ascendentem, in quæ cutis meatibus detentum, durius crassescere cogit. Materia uero pilorum est uapor fumidus, crassus, humens & glutinosus per cutem transpirans, productus à natura triplicem ob causam: quarum una est necessitas, propter cerebri humiditatem & cranei commissuras, ut noxi humores è capite expellantur: altera causa est iuuamentum, quo pilorum frequentia caput à nimio ambientis aëris tum frigore tum calore defendat, ipsorumque iniuriam longius propulset. Tertia causa est ornatus & decor ne esset informe: unde interrogatus aliquando Charilaus cur comam nutriret? respondit hunc ex omni ornatu pulchriorem uenustiorumque fore. Proinde capilli in homine educandi & laudandi, aliàs superuacaneum naturæ summiq; artificis opus esset, qui tamen nihil frustra & incassum facere solent. Verum in affectatos, hoc est, nulla decoris affectatione excultos, non delicatos, nec ad lenocinium ornatos & comptos, quos affectatos uocant, decet esse capillos. De quorum honesto ornatu & decore, sic inquit Ouidius: Turpe pecus mutilum, turpis sine gramine campus, Et sine fronde frutex, & sine crine caput. Item diuus Ambrosius in hexamero libro 6. Coma reuerenda in senibus, ueneranda in sacerdotibus, terribilis in bellatoribus, decora in adulescentibus, compta in mulieribus, dulcis in pueris. Tolle arboris comam, tota arbor ingrata est. Tolle humani capitis capillum, tota pulchritudo flaccescit. Hic ornatus est capitis obuius omnibus & perspicuus, quo cerebrum munitur et uestitur, ne aut frigore uexetur aut æstu. Sed quoniam in turpē ac effeminatā molliciem pessum.

Cosmotica medicamenta.

Capillorum causa.

Capillorum materia.

Capillorum ratio triplex.

Necessitas.

Iuuamentum.

Ornatus.

Capilli in affectati.

Capilli affectati.

CAPILLO TINGENDO.

iuerunt, non immerito à quibusdam uituperantur, ut
 qui mentem detegant, non ornent corpus. Vnde haud
 inscitum extat adagium, Nullus comatus, qui non idem
 Cynædus. Hinc contra Dionem qui comam encomio
 laudarat, Synesius caluitij laudem descripsit. *Tingendo.*
Inficiendo, fucum & alium à nativo colorem inducēdo.
Pudet.) Verecundātur & moleste ferunt annorum multi
 tudinem atq; omnibus exoptandam senectutem, ob egre
 gias illas animi dotes, consilium, rationem et prudentiā,
 quæ in senibus uigent. Sed stulta & peruersa mortalium
 natura semper deterioribus innititur, plurisq; æstimat
 corporis dotes quàm animi: unde plerisq; adeo onerosa
 est senectus, ut etiam senes iam effecti, semper iuuenes ui
 deri malint quàm senes, dedecori ducētes corporis uires
 inualidas atq; infirmas, cutem rugosam, pilos canos cum
 prudentia & alijs animi dotibus iunctos in senibus: plu
 rimum uero extollentes, maximiq; facientes corporis ro
 bur & uires præualidas, cutem prænitidam & bene cura
 tam, formæq; pulchritudinem, pilos comatos, & id ge
 nus alia, quamuis nulla hijs adsit uirtus. Quo fit ut ma
 ximo oneri, maximeq; odiosa sit talibus senectus, & hu
 ius indicium ipsa canicies: unde sæpius etiam quo iunio
 res appareant, canos abscondere & fucū, alienumq; colo
 rē inducere student. Quo pacto aut et quibus præfidijs in
 alios colores mutādi sint canes, præfenti ca. docet Serenus.
Aetatis lōgæ.) Vitæ diuturnæ & senij. Aetates à uarijs uarie
 distribuunt. Galenus in libro cui titulus ὁποῖα τρεῖς, qua
 tuor eas facit. Primam iuuenum, in quibus efflorescit
 sanguis, tāperaturæ calidæ & humectæ, ad modum Ve
 ris. Secundam uigentium, in quibus abundat flaua bilis,
 temperamenti calidi & sicci, instar æstatis. Tertiam me
 diorum, in quibus nigra efflorescit bilis, temperaturæ fri
 gidæ & siccæ, instar autumnii. Quartam senum, in qui
 bus exuperat pituita, temperamenti frigidi atq; humecti,
 ad modum hyemis. Item Hippocrates in libro de uictus
 ratione

*Aetatum disci
 mina.*

ratione, diætæ sic easdem tradit, Modo autem hoc ætates inter sese differunt. Puer quidem calidis et humidis commixtus est, quoniam his constitit et creuit: nam calidissima & humidissima sunt, quæ proxima generationi sunt, plurimumque crescunt, hisque accedentia similiter. Calidus quidem est adulescens, quod ignis aquam superauit: siccus autem est, quod puerile humidum consumptum iam est, partim incorporis incrementum, partim in ignis motum, partim etiam laboribus. Vir autem siccus est & frigidus, quod calor amplius non superat, corpusque non crescit, propterea friget: siccitas enim prioris ætatis inest, sequentisque, & aquæ accessus nullam habet humectationem, quod siccis et humidis superatur. Senes uero frigidi et humidi sunt, quod ignis discessit, aqua accessit, quæ sua humiditate sicca pepulit, humida confirmauit. Auicenna uero prima Fen primi libri Canonis capite de cõplexionibus, ætates ita distinguit: Aetates omnes sunt quatuor. Prima est ætas addendi, quam uocant adolescentiam, ad annum producta fere tricesimum. Secunda est ætas consistentiæ, quæ & pulchritudinis ætas uocatur, ad annum fere tricesimum quintum uel quadagesimum. Tertia est ætas diminutionis occultæ, in qua uirtus non amittitur, uocata senectus, quæ fere est usque ad annum sexagesimum. Quarta est ætas diminutionis & interitus manifesti, cum uirtus manifeste minuitur: hæc quidem est ætas senium & finis uitæ. Prima autem ætas quæ est adolescentiæ, subdividitur in ætatem infantiæ, cum ad dimotiones & ambulandum adhuc inepti sunt pueri. Deinde in ætatem dentium plantatiuam, quæ est post ambulationem & antequam sit fortis, & illud est cum nondum omnibus dentibus repletæ sunt gingiue. Postea est ætas concussionis post uehementiam & ortum dentium priusquam polluantur. Post hanc uero est ætas cum ab eo semen egreditur quousque barbescat. Demum est ætas fortitudinis, donec crescere sinat, Hactenus Auicenna, à quo & illud optime ad-

CAPILLO TINGENDO.

iectum est aduerbium Fere. Non enim ubiq; nec semper eadē habetur ætatū mēsurā, sed diuersa pro ratione cōplexionis, sexus, uictus, regionis & aliorum plurium. Quod & sexto de sanitate tuēda testatur Galenus cum ait: Non est ætates annorum numero circumscribere, ceu quidam fecerunt, nisi forte in latitudine quadam. Nam pubertatem aliqui incipiunt anno quartodecimo, aliq; uno post anno aut etiam amplius: item diminutionis initium quidam habent statim ab anno trigesimo, nōnulli post quintum & trigessimū. Robur uero omnibus minuitur post ipsam summi uigoris ætatem. Sunt adhuc qui aliter partiantur ætates, uidelicet aut secundum uniuersi ordinem illas distribuentes, aut in hebdomadas aut gradus quosdam diuidentes, aut aliter quoq;. Sed de hijs ne sim prolixior, tantilla nunc sufficiant. Sancta senectus.) Sanctum dicitur quod à prophanis usib⁹ est segregatū, item quod incorruptum est. Vergilius: Tu q̄p̄ ō sanctissima coniunx Felix morte tua. Et sic etiā sancta dicitur senectus incorrupta, quæ adolescentiæ honeste antea c̄tæ fundamentis constituta est atq; firmata, omnis culpæ inscia, intacta & ab omni iniuria tuta. Vnde quib⁹ huiuscemodi senectus conceditur, hiq; quoq; maxime autoritatem, & autoritatis fructus, salutationes, assurrectiones, deductiones, reductiones atq; consultationes cōsequuntur: quare etiam maximus honos olim habebatur talibus, ut qui cōsilio, ratione, sententia, prudentia, sapientia, omniq; alia uirtute uigerent aliosq; præcellerent: ob quæ soli in senatū admitebantur & accersebantur, à quo etiam summum consilium maiores appellarunt Senatum, quod eiusmodi uirtutes nisi in senibus raro aut potius nunquam reperirentur, ob quas etiam honore isto soli digni existimati & iudicati sunt. Quod autem senibus olim amplissimi sint exhibiti honores, testis est inter alios uel A. Gell. Atticarū noctium lib. 2. cum infit: Apud antiquissimos Romanorum neq; generi, neq; pecuniæ præstantior honos tribui quàm

Sanctum.
Senectus sancta & honoranda.

Senatus unde dictus.

quàm ætati solitus, maioresq; natu à minoribus coleban-
 tur, ad deum prope & parentum uicē, atq; omni in loco,
 inq; omni specie honoris priores potioresq; habiti. A
 cōuiuio quoq; ut scriptū est in antiquitatibus, seniores à
 minoribus domum reducebantur: eumq; morem acce-
 pisse Romanos à Lacedæmoniis traditum est, apud quos
 Lycurgi legibus maior rerū omniū honos maiori ætati
 habebatur. Hactenus Gellius de honore exhibito seni-
 bus à iuuenibus. Cuius rei etiā fufe & perpulchre memi-
 nit Valerius Maximus memorabilium rerū lib. secundo.
 Iubemur & nos uel in sacris literis senectuti honorem de-
 ferre. Leuitici nanq; 19. sic scriptum est: Coram cano ca-
 pite cōsurge, & honora personam senis, & time dominū
 deum tuum. Offendit.) Apprehēdit, occupat, lædit. Pro-
 prios.) Inter pilorū colores senili ætati maxime proprius
 est albus. Pili enim humoris unde alimenta trahunt, colo-
 rem imitātur. Senum autem humor maxime frigidus est
 & immodice humectus ad albedinem uergens, quare &
 pili inde emergentes inalbescūt & cani fiunt. Porro alius
 & scriptus codex qui mihi est, hic non Proprios habet
 sed Properos, id est, celeres, & festinos, qui legitimū ante
 tempus ob morbum aliquem aut curas aut aliunde cani
 facti, senes apparere faciūt. Canos.) Capillos albos & ca-
 nicie, quæ bifida est: morbi et ætatis, morbi, ut quæ ob uehe-
 mētiorem siccitatis uim in perficcantiū egritudinum fine
 cōtingit: ætatis uero et senij canicies est, quæ caloris ino-
 pia contingit, frigiditatem & immodicā humiditatem in-
 dicans, humor enim & sublatus inde uapor, frigoris ope-
 ra in albedinem uergunt & albos generant capillos. Ni-
 grum.) Capillorum nigritia caliditatē indicat & adustio-
 nem quandam: humor enim et inde sublatus uapor calo-
 ris opera quodā modo adurit, & in nigrorē uergit, un-
 de & nigricantes efficiuntur capilli, eandē humoribus ex-
 primentes qualitātē atq; colorē. Quo fit si cani in nigros
 mutādisint capillos, ut medicamētis uti oporteat calidis

Capilli albi
unde fiant.

Canicies du-
plex, morbi, æ-
tatis.

Capilli nigri
unde fiant.

CAPILLO TINGENDO.

et siccis, quę humores frigidos calfaciant et quasi adurāt: quales sunt quas subsequēter ponit Serenus. *Succo*) Hu more et liquore inficiēte. Seu, ut scriptus codex habet, *Fu co*, id est, colore. *Fucus* enī herbæ gen^o est, à Græcis φῦκος, appellatū, de quo Dioscorides medicinalis syluę lib. quar to, & Pli. libro 13. cap. 25. agit. Estq; herba hæc tingendis lanis utilis. Vnde simpliciter fucus pro colore etiam ac cipitur, & fucare pro colorare: præsertim ubi nō natiuus nec genuinus sed factitiuus & uelut adulterinus significa tur, ut apud Horatiū, nec amissos colores lana refert me dicata fuco. Et inde medicamenta illa quibus capilli tin guntur, & quibus cuti superinductis mulierculæ uitia formæ dissimulant, fucos apellant. Plautus, Vitia corpo ris fuco occulunt. *Simulare*.) *Simulare* est aliud quàm ex se sit esse ostendere: quemadmodum dissimulare est, id quod est, non esse ostendere & fingere. Hic itaq; simulare per metaphorā pro inficere tingere & colorare sumitur. *Doloso*.) *Fraudulento*, fallente, decipiēte, fictitio & aliud esse fingēti, ostēdentiq; quā ex ipsa rei natura existat. *Cu pressus*.) *Cupressus* arbor perpetuo uirore, magnitudine, rectitudine, proceritate, robore & perennitate insignis: natu difficilis, & ut Plin. ait, morosa, fructu superuacua, baccis torua, folijs amara, odore uiolenta, ac ne umbra quidem gratiosa. Huius semen (autore Teophrasto de causis plantarum lib. 1.) adeo minutum est, ut uix ocu lis percipi possit. Non enim totū id quod pilæ speciem ge rit, fructus est eius, sed quod cono innascitur, perquā te nue et exile laricis semini proximum, quod dehiscente pi lula sua decidit, nec colligi, nisi ab experto potest. Natura cupresso, ut Dioscorides tradit, refrigerans. Cōtra quod tamen est Galenus, qui, ut Serapio refert, uim illi tribuit ca lescentem. Verum quod de aceto mox dicetur, id etiam de cupresso nunc dicere liceat: uidelicet, mediocris inter calorem & frigus esse temperaturæ, magis tamen calore participare, licet mediocriter. Estq; uirtutis desiccantis,

cum

Fucus herba.
φῦκος.

Fucus color.
Fucare.

Simulare.

Dissimulare.

Cupressus.

Lib. 15.

cum acredine & mordicatione moderata. Et ultra hæc est illi adstringendi facultas & amaritudo non parua: quarum qualitas amara quidem præit & adstringenti uiam facit, et altera alterius uim uehementiorem minuit: quare huiusmodi medicinæ quibus adstringendi uis cum amaritudine est mixta, præstantiores sunt hijs quæ tantum adstringunt. Aliæ itē qualitates eius omnes minus sunt uehementes. Nam si ualentiores essent & immodicæ, utiq; inutiles essent & magis noxiæ quàm salutiferæ. Nimia enim exiccatio non modo putrescentes & uitiatos depasceret atq; discuteret humores, sed alios quoq; utiles adtrahendo consumeret. Calor uero immodicus humores plus iusto adureret & incineraret, cumq; acredine et mordicatione nimia cutē exulceraret: quæ omnia summopere cauenda sunt in id genus dispositionibus. Valenter quidem siccantia, ne cum uitiato utilis quoq; confluens absumatur humor: calida uero imodice & acria, ne cutis exulceretur. Cæterum quod ex cupresso administratur in medicina, sunt folia, summitates & spheria, quas pilulas Plinius, alij conos & nuces uocant. Quodcunq; autem horum ex aceto contritum adhibueris, capillos inficit & denigrat. *Aceto.*) Quoniam uis stiprica & adstringente prædita sunt medicamenta quæ nigros tingunt capillos, et ob eam in altū minus apta sunt descēdere, ideo optime admiscetur illis liquor aliquis qui meatus adaperiat & ea ad statutum locum deducat: inter liquores autem ad id maxime idoneum est acetum, quod mediocris inter calorem & frigus est temperaturæ, & maxime tenuium partium, præcipue acre & forte, quod magis & referat meatus & alia medicamenta ualentius penetrare facit.

Vel frons lentisci, uel tristia poma sabuci.

Lumbrici quoq; terrestres miscentur oliuo

Et iuuenem præstant rediutuo flore capillum.

Frons lentisci.) Folia lentisci arboris, ex qua nascitur resina *Lentiscus.*

G

CAPILLO TINGENDO.

Mastiche.

Acinus.

Bacca.

Nux.

Malum.

Sabucus.

**Lumbrici
terrestres.**

quæ ab arbore lentiscina, à quibusdam uero mastiche ap-
pellatur. Totaq; arbor adstringendi uim habet: siquidem
fructus, folia, ramorumq; & radicum cortex æquali po-
testate sunt, quamuis de folijs tantum quod capillos tin-
gant, ab hoc & à Plinio traditum sit. *Tristia.*) *Austera,*
acerba. Poma.) *Acini.* Arborum fructus omnis aut aci-
nus est, aut bacca, aut nux, aut malum quod & pomū di-
citur. Inter acinos uero numerantur uua, morum, grana
hederæ, sabuci, ebuli, mali Punici & id genus alia. Inter
baccas autem, quæ maiores sunt acinis, minores uero po-
mis, fructus oliuæ, lauri, corni, myrthi, lentisci & simili-
um. At nûces uocant ea quæ foris duro teguntur cortice,
& intus habent quod esui est. Contra uero quæ foris ha-
bent quod esui est, & intus dura includunt, ea mala uo-
cant & poma. Sed hæc uocabulorum differentia non sem-
per obseruatur, ut hoc loco manifesto apparet, ubi sabuci
fructum non acinum sed pomum appellat Serenus. *Sa-*
buci.) *Sabucus* quid sit, notum est, huius interiora mire
firma traduntur. Constat enim, ceu Plinius lib. 16. cap. 40.
refert, ex cute et ossibus. Nam ut in animalibus, ita in toto
arborum corpore, cutis, sanguis, caro, nerui, uenæ, ossa
& medullæ intelligi debent. *Acini* eius eadem ratione, qua
uel cupressus uel lentiscus pilos inficiunt nigrosq; tin-
gunt. *Dioscorides,* Inunguntur acinis sabuci ad nigrum
colorem capilli: & Plinius libro 16. *Sabuci* acinos habent
nigros atq; paruos, humoris lenti inficiendo maxime ca-
pillo. Nec modo illiti sed & poti quoq; id agunt, ceu Pli-
nius etiam testatur libro 24. cap. 8. dicens: *Acini* sabuci tin-
gunt capillum poti acerabuli mensura. *Lumbrici.*) *Lum-*
brici uermes sunt à lubricitate sic dicti, multis ac uarijs
morbis accomodi: temperatq; inter frigus et calorem adu-
rentem qualitatibus, & qui humores unde pili tum gignun-
tur tum succrescendo augentur, uitiatos & locum iam oc-
cupantes, citra utilis confluentis absorptionem, dige-
rendo discutunt, & influentes inhibent, atque pilorum
originem

originem corroborant. Vnde capillo tum gignendo & augendo tum flauo & pulchro colore tingendo sunt idonei. Accipiuntur autem lumbrici uiui, & in ollam, quo fricando se mudent, aliquandiu ponuntur, deinde lauantur, et loti cum tantūdem olei in duplici uase coquuntur, modo qui dictus est supra: cocti colantur, et oleum id usui seruator, & oleum lumbricorū appellatur, multi ac magni ad uaria morborum genera, usus in medicina. *Terrestres.*) Terreni & qui in terra repperiuntur, ad differentiam illorum qui aluum occupant et proprii lumbrici dicuntur, de quibus plura in sequentibus. *Rediuuium flore.*) Florem rediuuium uocat capillorum originem & radicem refflorescentem, quæ prius ob humores uitiatos languebat, marcebat et quasi emortua delitescibat, nunc autem ob eosdem pristinae integritati medicaminis ui restitutos conualescit & reuiuiscit.

Oleum lumbricorum quomodo conficiatur.

Capillorū flos.

Præterea niueum poterit depellere crinen,
Resina ex facili terra uiscoq; coacta.

Resina.) Resina est lachrymum et liquor crassus ex arboribus fluens & sæpius in iisdē sua sponte siccatus ad solem residens. Nascitur autem ex terebintho, lentisco, cedro, cupresso, & quas in Europa Plinius lib. 16. cap. 11. cognatas dicit arbores, ex pinu, pinastro, picea, abiete, larice & theda. Suntq; omnis resinę summæ species, ut idem Plinius libro. 24. cap. 6. tradit, dux. Sicca & liquida. Sicca quæ ē pinu & picea fit. Liquida ē terebintho, larice, lentisco, cupresso, & ut Dioscorides lib. 1. tradit, ex picea quoque & teda: qui etiam in sicca genere abiegnā esse dicit & eam quæ ex teda nascitur. Præstat autem in arborū differentia & omnes alias antecedit, ut Dioscorides ait, terebinthina, postquam lentiscina est, quam mastichen uocant, tum quæ ex picea destillauerit & abiegnā. Post has numerantur quæ ex teda fluxit & pinea. In omnib⁹ autem hijs eligenda quæ odoratissima, pellucens, nō adeo ari-

Resina.

CAPILLO TINGENDO.

da, neq; humens, friabilis & ceræ similis. Natura resinæ omni, mollire, siccare, calefacere, discutere & repurgare & adstringere: uerū discussoria uis maior est in terebinthina, adstringens uero in lētiscina. Præterea quanquam modice siccet resina, tamen immodice calfacit, uti Therapeutice lib. 3. tradit Galenus: & ideo ea nemo utetur sola, nec aliter, nisi cum leuiter refrigeratibus admixtis, unum ex omnibus medicamentū fecerit quod sit temperatum. Vnde Serenus hanc legem obseruans, terram quæ frigida est naturæ & capillo tingendo idonea, illi admiscet. Facili.) Molli & quæ ad tractandū sit habilis, in qua nihil est asperum aut lapidosum: quorum si quid inest, tollendum erit. Aut facili, id est, uirtutis non uehementis nec acris, sed temperatæ & corroborantis: quod si qua in sit acredo, talis (ut præcipit Galenus Therapeutice libro. 6.) elui debet. Omnis enim eluendo detrahitur acredo & mordicatio. Lauatur autem terra omnis, ut Plinius libro 35. cap. 15. docet, aqua perfusa, soleq; siccata, ac iterum ex aqua trita & reposita, donec cōsidat & digeri possit in pāstillos, coquitur in calicibus crebro cōcussu. Terra.) Plura sunt ad medicinas pertinentia terræ genera, ceu Samia, Chia, Selinusia, Cimolia, pnigitis, erethria, ampelitis, armenia, ochra, lemnia sphragis, rubrica sinopis, & fabrilis et si quæ sunt alię. E quibus capillis tingendis maxime idonea est ampelitis, quam pleriq; pharmacitum uocant. Vnde Plinius ait, Medicamentis additur, præcipue in calibepharis & inficiendis capillis. Siccat, discutit & adstringit terra omnis cuius in medicina aliquis usus est: habetq; ut Diosc. tradit, refrigerandi, glutinandiq; uim præcipuā & supremā, citra omnē erodendi uim, nisi mixtam cōiunctamq; sibi aliam habuerit qualitatem ceu feruidam, quā tamen omnē lotura amittit. Videturq; autor nūc ad illud Martialis alludere: Quid faciem tingis? nam certe non potes illas Rhescina, Veneto nec resicare luto. Visco.) Cæterū hic circa calorifica & adurentia illa medicamen-
ta,

Terræ lotio.

Terræ genera.

Terræ ampelitis seu pharmacitis.

Viscum.

ta, quædam animaduersione digna sunt. Et in primis cauendum, ne nimio & immodico talium usu in prauas incidamus ægritudines, quod sæpius incautis usu uenire solet: cuiusmodi sunt catarrhus, apoplexia, epilepsia, paralyfis, & consimiles. Deinde præuidendum etiam cum huiusmodi adurentia adplicatur remedia, ut caute id fiat, ne cutem tangendo, ipsam exulcerent: quare semper cum pectine administrentur, intra cuius dentes primum molle quid ceu bombix seu linum seu spongiæ frustulum aliquod illigetur, deinde in medicamine pecten madefiat, & postea cum ipso madefacto caput pectetur, statimque linteolo mundo fricetur, hocque toties fiat donec opratus sequitur effectus. Ad hæc antequam talia fiant, prius lauandi sunt pili ut sordes auferantur, ad quod maxime idoneum est lixiuium è cineribus uitis & alumine: *Alumen.* quod quamcunque rem lotam cum aqua eius omni colori inducendo aptam & idoneam facit. Cum autem ita loti fuerint capilli, bene siccentur, et post sufficientem exiccationem, medicamentum administretur, siue oleum id fuerit, siue succus, siue alius liquor quicunque ad id idoneus, *Coacta.*) In unum acta & commixta.

In pulchram speciem nigros flauescere crines

Vnguento ciceris prædixit Tullius, autor

Si prægnans artus captiui soricis edit,

Dicuntur fœtus nigrantia lumina tingi.

In pulchram.) Splendidam et decoram, qualis esse solet flaua. Vnde Horatius in Odis Pirrhæ comam pulchram describere uolens, flauam illam uocat cum ait, Cui flauam religas comam. Est enim muliebrum capillorum epitheton Flauum. Ceterum manu scriptus codex noster, non *IN PVLCHRAM*, sed *AD RVTILAM*, scriptum habet. Est autem Rutilus color, rufi species, qui nigroris aliquid *Rutilus color.* habet admixtum, quem quidam hyacinthinum etiam di *Hyacinthinus* cunct. Sed qualis proprie sit color is, docet nos ex Fronto *color.*

CAPILLO TINGENDO.

nis sententia A. Gellius Atticarū noctium lib. 1. ubi Phavorino de colorum generibus differenti sic respondet Fronto: Non inficias imus, quin lingua Græca quam tu uidere legisse, prolixior fusiorq; sit, quàm nostra. Sed in his tamen coloribus quibus modo dixisti, denominandis, nō perinde inopes sumus, ut tibi uidemur. Nō enim hæc sunt sola uocabula ruffum colorem demonstrantia, quæ tu modo dixisti, ruffus & ruber: sed alia quoq; habemus plura, quàm quæ dicta abs te Græca sunt. Fuluus enim, & flauus, & rubidus, & phœniceus, & rutilus, & luteus, & spadix, appellationes sunt ruffi coloris, aut acutiores eum, quasi intendentes, aut cum colore uiridi miscentes, aut nigro infuscantes, aut uirenti sensim albo illuminantes. Nam phœniceus, quem tu Græce φοινικῶν dixisti, noster est, et rutilus et spadix phœnicei συνώνυμα, qui factus Græce, noster est, exuberantiam, splendoremq; significat ruboris, quales sunt fructus palmæ arboris nō admodum sole incocti, unde spadiceis & phœnicei nomē est. Spadica enim Dorici uocant auulsum ē palma terminem cū fructu. *speciem.*) Formam. Species unius cuiusq; rei forma, pulchritudo & decor est. Vnde & illud à Porphyrio in libro prædicabilium repetitum, dictum est, πρῶτον ἐστὶν ὁ ἀξιόπτερος, hoc est, primū species digna imperio. Vbi multi perperam pro Primum, Priami legunt: quod uel ex Græcis uerbis manifestū est. *Flauescere.*) Flauos fieri, qui color etiam ruffi species et appellatio est. De quo post fuluum sic etiam idem Fronto apud Gellium refert, Flauus contra uidetur ex uiridi & ruffo & albo concretus. Sic flauentes comæ, & quod mirari quosdam uideo, frondes olearum à Vergilio dicuntur flauæ. Sic multo ante Pacuuius aquam flauam dixit, & flauum puluerem. Cuius uersus (quoniā sunt iucundissimi) libens comemini: Cedo tamen pedem, lymphis flauis flauum puluerem Manibus iisdem, quibus Vlyssi sæpe permulsi, abluam, Lassitudinemq; minuam manuum multitudine.

Hæc

Ruffi coloris
appellationes.

Phœniceus color.

Rutilus.

Spadix.

Species.

Flauus color.

Hæc ille. *Vnguento.*) Vnguētum proprie uoluptuarium *Vnguentum.*
 est, uoluptatis, deliciarum, elegantix, suaueolentix ac lu-
 xurię causa ad ungenda corpora inuentū. Cuius facendi
 ratio, ut Plinius libro 13. refert, duplex est: Succus & cor-
 pus. Ille olei generibus ferē constat, hoc odorum: hæc
 stigmata uocant, illa hedismata. Singuli quoq; succi no- *Stigmata.*
 bilia unguenta faciunt. Siccis odoribus constant quę dia *Hedismata.*
 pasmata uocantur. Nam feces unguenti magmata appel- *Diapasmata.*
 lant. Et hæc est materia luxus ē cunctis maxime superua- *Magma.*
 cui. Verum talium usus nunc aboleuit. Accipiturq; un-
 guentum modo pro compositione medicamentaria te-
 naci, qua ualitudinis causa chirurgi ad morborum et uul-
 nerum curationem utuntur. Porro unguentum Serenus
 pro unguine accipit, quod succum significat ex quo ali-
 quid ungi potest. *Ciceris.*) Cicer leguminis genus est, *Cicer.*
 cuius differentix plures, magnitudine, figura, colore, sa-
 pore: de quibus libro 15. Plinius. Virtus & natura illi est
 calida cum absterfione et mundificatione: unde pilorum
 sordes detergendo ipsos mundificat & splendoriores effi-
 cit succus & ius decoctionis ipsorum. *Tullius.*) Reijcit di *Tullius.*
 cti iam medicamenti fidem in Tulliū, qui quantus in o-
 mni doctrinarum genere claruerit, libri ab eo editi satis
 id monstrant, si modo is est, qui Cicero appellatur. *Author.*
Author.) Adsertor & inuentor non modo dicti de ciceribus
 medicamenti, sed & eius quoq; quod sequitur de oculo-
 rum infantium nigredine formanda. Autor nomen est,
 nō uerbale, ut quidam existimauerunt, ab augeo, sed an-
 tiquum & primogenium, hoc est non ab alio, sed à se na-
 tum, generis communis: & citra aspirationem scribitur.
 Quamuis quidam etiam à Græco deductum uelint quod
 Græci ἀυβύτην autorem dicant: quod si esset, potius utiq;
 per aspirationem scribi conueniret, quod tamen non fit.
 Nec reprehendendus est Seruius, qui id primogeniū esse
 autumat et asserit. *Pregnans.*) Mulier uterū gerēs et graui *Pregnans.*
 da, quęq; iā occupata est in generando, quod conceperit.

PHTHIRIASI ARCENDAE.

Sorex.

Artus captiui foricis.) Muris recens capti membra & corpora sculum. Sorex mus est, à sono quem rodendo facit sic dictus. Aliqui à mure distinguunt: mures quidē domesticos, forices uero syluestres esse dicētes. Et diuersa esse uel ex Columella manifestum est, dum ait: Si serpens aut mus forexq; in mustū ceciderit. Plin. Sorices & ipsos hyeme cōdi autor est Nigidius. Quod ad medicamētum attinet, idem aliorū autoritate, tacito tamē autore, Plin. refert lib. 30. cap. 5. dicens: Si oculi nigri nascentium placeāt, foricē pregnantē edendū tradunt. Fœtus.) Partus in utero adhuc existentis. Lumina.) Oculi. Catullus, Vt simul ac nostros inuisent lumina colles. Tingi.) Colorari & nigros fieri. Et hoc uel causa quadam occultiore, uel pregnantis comedentis imaginatione fortiore.

PHTHIRIASI ARCENDAE.


CAPVT V.

NOXIA corporibus quædam de corpore nostro
Progeniuit natura, uolens abrumperē somnos
Sensibus, & monitis uigiles incendere curas.

Phthiriasis.

φθειρίς.

σκληρό-
βροτοι.



PHTHIRIASI.) Phthiriasis morbus est pedicularis, ubi ex sanguine & humoribus malis et corruptis intra cutim pediculi generantur & uermes qui φθειρίς uocatur. Theophrastus de causis plantarum libro 2. Omnibus cognati nutrimenti desiderium est, quemadmodum pediculis sanguinis, ex cuius corruptione generatio eorum existit. Et Plinius lib. 26. cap. 14. Item phthiriasi, quo Sylla dictator consumptus est. Nascuntur quoq; in sanguine ipso hominis animalia exesura corpus. Qui hunc morbum patiuntur, à uermibus deducto uocabulo, σκληρόβροτοι appellantur.

appellantur interdum: quo genere obiit Herodes, ceu di-
 uus Lucas in Actis Apostolorum refert dicens: Καὶ γενο-
 μένος σκωλικοβροτος, hoc est, Et factus est obnoxius mor-
 bo, quo qui laborant, exeduntur à uermibus. Eodem mor-
 bo interiere Democritus, Alcman poeta, Mumius iure-
 consultus, Ennius belli Seruilis dux, & quos autor hic
 nominat Pherecides Syrus, & L. Sylla dictator. Noxia
 corporibus.) Nocua & corruptionem interitumq; adfe-
 rentia corporibus nostris, hoc est, toti massæ corporeæ ex
 artubus & mēbris cōpactæ & constitutæ. Quedam.) Ani-
 malia ceu uermes & pediculos, quos Plinius etiam nunc
 tineas nunc serpentes uocat. Tineas quidem lib. 11. cap. 33.
 dum inquit: Nascuntur intra hominem tineæ tricenum pe-
 dum, aliquando & plurium longitudine, iam in carne ex
 animi, uiuentium quoq; hominum capillo: qua sceditate
 & Sylla dictator & Alcman ex clarissimis Græciæ poetis
 obiere. Serpentes uero lib. 7. cap. 51. dum ait: Morborum
 tam infinita est multitudo, ut Pherecides Syrus copia ser-
 pentium ex corpore eius erumpente expirauerit. Et Apu-
 leius floridorum lib. 2. Quin etiam Pherecides Syro ex in-
 sula oriundus, qui primus uersuum nexu repudiato, con-
 scribere ausus est passim uerbis soluto loquutu, libera
 oratione: eum quoque Pythagoras magistrum coluit, &
 infandi morbi putredine in serpentium scabiem solutum
 religiose humauit. De corpore.) Hoc est, ex sanguine &
 carne corrupta. Corpus nūc totam massam corpoream,
 nunc carnem ipsam & sanguinem significat. Martialis,
 Viuebant laceri membris stillantibus artus, Inq; omni
 nusquā corpore corpus erat. Natura.) Natura uis quædā
 est diuina, mundi membris à se creatis indita. Aristoteles
 auscultationis physicæ lib. 2. Naturam diffinit principium
 & causam mouēdi & quiescendi eius in quo est, primum
 per se, & non secundum accidēs. Hippocrates in libro de
 natura inscripto, Naturam uocat quod uti cūcta gignan-
 tur, ingenerenturue, principia subministrat. Aliquando

H

Herodes.

Democritus.

Alcman.

Mumius.

Ennius.

Pherecides.

L. Sylla.

Pediculi.

Vermes.

Tineæ.

Serpentes.

Corpus.

Natura.

PHTHIRIASI ARCENENDAE.

Naturam uelle.

Somnus.

Vigilia.

Sensus.

Cura uigiles.

uero perfectionē denotat & consummationē atq; finem: in quo significato eam accipit Aristoteles Politicorum lib. 1. cap. 2. ubi inquit: Quale unumquodq; generatione eius perfecta & absoluta, hāc uniuscuiusq; naturā esse dicimus. Volens.) Velle et intēdere dicitur natura quod nō impedita produceret. Somnos.) Somnus sensuum ligamentum, defectus & impotentia, ob excessum uigilandi dicitur. Vigilia uero eorundem solutio, cum liberam functionibus suis intendere ualēt operā. sensibus.) Vbi enim sensus nō est, nec somnus esse potest. Solis enim uiuentibus sensum habentibus cōuenit tum somnus tum uigilia. Et quicquid dormire contingit, idem contingit & uigilare. Est autem Sensus nunc substantiæ nomen ex forma sensationem efficiente et materia illam suscipiente compositæ: nunc uero sensationis, hoc est, in ipso sentiendi organo obiecti sensibilis deprehensio. Estq; duplex. Vna interior, hoc est, interioris organi, phantasia et imaginatio dicta. Altera exterior, organiq; exterioris, uidelicet, Auditio, soni in auditu perceptio, Visio, coloris in uisu, Odoratio, odoris in olfatu, Gustatio, saporis in gustu, Tactio, tangibilis qualitatis in tactu susceptio. Estq; nūc operationis, nunc potentiæ nomen. Et.) Expositio est prioris, nam quod non dormit, uigilat, modo uigilare & dormire aptum natum sit. Monitis.) Admonitis, scilicet per somni ablationem ob cruciatus præsentiam: nā quibus somnus aufertur, quosq; cruciatus aliquis infestat, tales ne dormiant sed uigilent, deq; rebus suis solliciti sint, admonentur & instruuntur. Vigiles curas.) Vigiliis curarum & sollicitudinum plenas, ab effectu: curæ enim uigilias inducunt, hominemq; insomnem efficiunt. Quibus enim res quæpiam curæ est, hī solliciti & insomnes uigilesq; redduntur. Statius sylvarum libro 1. Vigilesq; suo pro Cæsare curæ.

Sed quis non paucat Pherecydis fata tragædi:

Qui

Qui nimio sudore fluens, animalia tetra
Eduxit, turpi miserum quæ morte tulerunt.

Quis.) Ac si diceret, nullus. *Paucat.*) Formidet, timeat,
& abhorreat. *Pherecidis.*) Pherecides Syrus poeta tragi- *Pherecides*
cus & philosophus percelebris, Pythagoræ præceptor *Syrus.*
fuit, qui propter deorum contemptum et iactantiam suam,
quod deis se nunquam immolasse, nec minus iucunde
semper uixisse prædicabat, tam diro fato tamque exitiali
morbo phthiriasi ab Apolline punitus periit. *Fata.*) *Fatum.*
Mortem fatalem, quæ diuinæ prouidentie decreto, et suo
ordine uti à deo prouisa est, euenit. Hic quæstio se ingerit,
quæ apud Philosophos agitur, uidelicet, An omnia ex
fati præscripto, necessario eueniant? Cuius quæstionis
uis in eo latet, ut quid sit fatum, pernoscat. Sed quia ua-
riæ de hoc & diuersæ sunt philosophorum opiniones, hinc
euenit etiam ut diuersa de fati necessitate sentiât, sintque in-
ter se ipsi discordes. Alij enim, e quorum numero est Tul-
lius, fatum e medio tollunt, & nihil esse uolunt, quare &
fato nihil tribuunt, neque tribuere quid possunt. Alij uero
fatum quidem admittunt, sed non idem de eo sentiunt.
Chrysippus enim Stoicæ princeps philosophiæ, fatum
definit naturalem quandam & sempiternam indeclina-
bilemque per æternos consequentiæ ordines, ex quibus
connexa est, seriem rerum. Plato uero & Platonici fatum
appellât uniuersalis naturæ rationem sempiternam, eter-
namque legem, quando scilicet illa cœlestium causarum ra-
tio ita digeritur, ut exquisitæ arti dominetur. Et quamuis
hij omnia fato tribuant, tamē causam quoque à nobis pro-
ficiscentem adhibent. Alij autem fatum appellant, di-
uinæ prouidentie decretum, seu decreti quendam effectum.
Prouidentiam autem nihil aliud dicunt quàm ordinis re-
rum rationem, quantum diuinæ inest menti, quæ omnia
disponit, ordinat atque prædeterminat. Eius uero ordinis
quantum mobilibus inest rebus, explicationē & effectum,

H 2

PHTHIRIASI ARCENDÆ.

uocant fatum. Et hī omnes cuncta ex fati & necessitatis, quam uocant, præscripto fieri uolunt, nihilq̃ esse quod non fato regatur. Quibus tamen aliarum opinionum auctores ita reclamant, Si omnia fato gubernantur & nihil citra fatalem sit necessitatem, haud merito hominum delicta ipsis & uoluntatibus eorum imputantur. Item si non sponte sed necessitate quadam delinquūt & ad maleficia trahuntur homines, inique nocentium poenæ legibus constituuntur, quod tamen cottidie uidemus fieri, ob liberam bene uel male agendi concessam nobis uoluntatē. Sed de hīs uide A. Gellium Atticarum noctium libro 6. *Tragœdi.*) Tragici poetæ, fuit enim Pherecides poeta tragicus & tragœdiarum scriptor. Est autem tragœdia poematis genus grande, in quo heroes, duces ac reges introducuntur. Seu ut aliqui diffiniunt, Tragœdia est heroicæ fortunæ in aduersis determinata comprehensio, quæ discitur quid in uita fugiendū sit: habetq̃ principia tranquilla, media suspecta, & exitus tristes atq; funestos. Dicta uero est tragœdia, ἀπὸ τῆς τραγούκαι τῆς ὠδῆς, hoc est, ab hirco & cantu. Nam olim Liberalibus (qui Libero patri festus erat dies) hircus cantus præmium proponebatur: hinc Horatius, Carmine qui traico uilem certauit ob hircum. Cur autē eo tunc hircus immolaretur Libero patri, causam habes apud Verg. georgicon libro 2. Seu ut alij nolunt, dicta est tragœdia à fece quā τραγὰ appellat, eo quod olim personis nondum repertis, fabulas acturi ora fecibus perungebant. Vnde Horatius, Ignotum tragicæ genus inuenisse camenē Dicitur & plaustris uexisse poemata Tespis, Quæ canerent, agerentq̃ peruncti fecibus ora. Sunt etiā qui à uino, quod τρυγῆ diceretur, dictam uelint, eam ob causam quod Liberalibus uinum cantoribus pro corolario dabatur. Dictum est autem τρυγῆ uinū, à præcipua eius parte, hoc est, à fece: hæc enim uini robur & perfectio est. Nam hac exempta facile degenerat, nec ita diu multis in locis uim suam obtinet, sed ante tempus

τρυγῆ.

pus deperdit. Cæterū tragœdia Libero patri sacra est, ceu *Comœdia.*
 Apollini comœdia, quæ priuatorum ac ciuium acta com
 prendit. *Sudore.*) Sanguine & humore corrupto &
 putrido. *Fluens.*) Manans & diffluens: in uermes enim
 solutus interiit. *Animalia tetra.*) Vermes & pediculos fœ
 dos, diros & noxios. *Miserum.*) Pherecidē calamitosum
 & infœlicē. Cum enim in omni uita semper iucūde uixis
 set, tandē à deis punitus miserabili ac fœda morte interiit.

Sylla quoq; infœlix tali languore peresus
 Corruit, & fœdo se uidit ab agmine uinci.

Sylla.) De L. Cornelio Sylla Plinius iunior in libro de ui *L. Corn. Sylla.*
 ris illustribus, quem aliqui Suetonio Tranquillo adscri
 bunt, inter alia hæc: Rep. ordinata dictaturam deposuit,
 unde spe deceptus Puteolos cōcessit, & morbo qui phthi
 riasis uocatur, interiit. De eodem Plinius naturalis histo
 riæ lib. 7. cap. 43. sic etiam scribit inter alia: Age nō exitus
 uitæ eius omnium proscriptorum ab illo calamitate cru
 delior fuit, erodente se ipso corpore & supplicia sibi gi
 gnente, quod ut dissimulauerit & supremo somno eius
 cui immortalis quodammodo est, credamus ab uno illo
 inuidiam gloria uictam. *Infœlix.*) Quamuis superbum *Fœlix quis.*
 fœlicis nomē sibi usurpauerit Sylla, fœlix tamē uere non
 fuit. Nam quem uitæ contumelia quæpiam afficit, cuiq;
 expetibile quid deest, fœlix esse qui potest? Syllæ uero si
 non aliud, hoc tamen nempe fœlicitati suæ defuit, quod
 ut ipse, Plinio libro 7. referente, confessus est, capitolium
 non dedicauit. Fuit etiam non citra uitæ contumeliā: ipse
 enim quanquam graminea (qua nulla nobilior in maie
 state populi terrarum principis, præmijsq; gloriæ) dona
 tus corona, ut Plinius lib. 22. scribit, eam tamē capiti suo
 proscriptione detraxit. Nam obsessus in toto orbe pro
 scriptus fuit, & tandem fœdissimo morbo phthiriasi affe
 ctus in eodem computruit. Itaq; haud iniuria nunc à Se
 reno infœlix dicitur. Fœlix nanq; uere dici non potuit,

P H T H I R I A S I A R C E N D A E .

licet falso foelicis cognomen sibi adscripserit: merito supremum uitæ diem expectasset, antequam foelicem se appellasset, iuxta Solonis sententiam, cuius meminit Ouid, metamorphoseon lib. 3. hñs uerbis: Sed scilicet ultima semper Expectanda dies homini est, diciq; beatus Ante obitum nemo, supremaq; funera debet. Quamquam Aristotiles uiuentes etiã dicit beatos, nam in operatione foelicitatem ponit. Verum cui hominum præcipua fuerit foelicitas, ut Pliniñ uerbis utar, non est humani iudici, cum prosperitatem ipsam alius alio modo & suapte ingenio quisque terminet. Si uero facere iudiciũ uolumus, ac repudiata omni fortunæ ambitione decernere, mortalium nemo est foelix. Abunde igitur atq; indulgenter fortuna deciditur cum eo qui iure dici nõ in foelix potest. Quippe ut alia non sit, certe ne laxescat fortuna metus est: quo semel recepto, solida foelicitas nõ est. Porro quia de foelicitate sermo est, quid ipsa sit, de humana loquor, Aristotelem audiamus, qui Rhetoricorum libro 1. sic eam describit: Foelicitas est fortuna secunda cum uirtute, uel pro re, sufficientia uitæ, uel uita tuta & iucũdissima, uel possessio num facultas, & corporis uires, cum factiua, conseruatiua, amplificatiuaq; horum uirtute. Omnes enim ferẽ, unum quoddam istorum aut plura, foelicitatem esse fatentur. Quod si huiusmodi quid foelicitas sit, necesse est partes ipsius esse nobilitatem, multorum atq; bonorum gratiam, diuitias, bonorum liberorum & multorum procreationem, commodam senectutem. Præterea, corporis commoda, ueluti sanitatẽ, formam, uires, proceritatem, robur ad certandum, gloriam, honorem, prosperitatem, uirtutem ac partes eius, prudentiam, fortitudinem, iustitiam, temperantiam. Sic enim sufficientissimus quispiam erit, si sibi adsint, quæq; in ipso, & quæ extra sunt bona, cum hæc præter alia nõ sint. Sunt autẽ in ipso quæ in anima, & quæ in corpore sunt. Extra uero, nobilitas, amici, pecunig, honores. Adhẽc oportere arbitramur potentiã & fo

Foelicitas.

& fortunā non deesse: hoc nanq; pacto uita erit tutissimā. Haftenus Aristoteles. D. Augstinus de Ciuitate dei lib. 5. *foelicitatē* definit esset rerum omniū optandarū plenitudinē: quæ ex triplici bonorū genere cōstat, uidelicet, bonis animi, corporis atq; fortunæ. Et Aristoteles Ethicorū lib. 1. expetendarū rerū finē dicit *foelicitatem*: & *foelicē* uocat eum qui per uirtutē operatur perfectā, & bonis externis satis abūdat, & in uita perfecta, & ita est uiicturus et secundum rationem moriturus. Sed de his, ne sim prolixior, nūc satis. *Tali languore.*) Defectione, dissolutione et morbo phthiriasi. *Languor.* Languorem proprie uocant morbū leuem ac lentū, qui quamuis lecto non adfigat, tamē quo minus firma simus ualitudine, efficit. *Perefus.*) Exesus à uermibus & consumptus. *Corruit.*) Cōcidit, defecit & mortuus est. *Fædo agmine.*) Vermium & pediculorū copia & multitudine immūda, spurca & fetida. *Vinci.*) Superari, comfumi & morti tradi.

Sæpius ergo decet mordax haurire sinapi.

Vel nitro, ac sale permixtis, acidoq; liquore

Laxatis, ut sint simul allia, tangere corpus.

Aut lachrymis hederę, aut succo perducere cedri.

Sæpius.) Multoties & iterato. Nam cum morbus sit magnus & facile curam nō admittat, sæpiusculę medicinam iterare oportet: unica enim & rara medicaminis administratio nihil efficiet. *Ergo.*) Quoniam phthiriasis ex magna humorum uniuersi corporis corruptione & putrefactione gignitur & morbus est exitialis: ideo illico adhibenda sunt medicamina quæ humorum putredinem persiccant, detergant & uacuent. Nam si in huiusmodi morbo cura tardabitur, hominis quoq; ac uitæ salus periclitabitur & interibit. *Decet.*) Conuenit, imò necessarium est si commodum aliquod sequi debeat. *Mordax.*) Acre, pungēs & efficax, quale in hoc morbo desideratur medicamentum, *Haurire.*) Sumere & ubertim bibere.

PHTHIRIASI ARCENDAE.

Sin. pls. Nam sicuti nec pauca ita nec parua quicquā efficit quantitas. Conuenit autem tritum semen ex mulso bibi. *(Sinapi.)* Sinapis herba est nota, cuius seminis triti & melle conditi nunc frequēs usus est ad intinctus. Hoc Pythagoras principatū habere ex hijs quorum in sublime uis feratur, iudicauit, quoniam non aliud magis in nares & cerebrum penetret. Eo quidā utuntur cum rubrica ad alopecias, pforas, lepras & phthirias, ut refert Plinius lib. 10. ca. 22. **Nitrum.** Nitro.) De hoc dictū est supra capite tertio. Porro semper eligendum est optimum quod tenuissimarum est partiū, cuiusmodi est berenicium siue armenū. Quod si lapidosum fuerit, uri id atq; diligenter leuigari debet. **Nitri adustio.** Vritur autem in noua testa seu olla diligenter operculata ignitis carbonibus donec candeat superpositum. *(Sale.)* **Sal.** Sal, ut Aristoteles meteororum lib. 2. tradit, est ut adustæ terræ species, quæ frigido & humido in humorem soluitur, calido autem & sicco cogitur et duratur: opposito ad glatiem modo, quæ frigido & humido concrefcit, calido & sicco soluitur. Porro sal omnis aut factitius est aut naturalius: suntq; plures eius differentiæ, de quibus copiose Plinius libro 31. cap. 7. Dioscorides libro 5. & Mesue in de simplicibus. Est autem natura sali multiplex, et ut Plinius ait, per se ignea, ignibusq; inimica, fugiens eos, omnia erodens. Corpora adstringens, siccans & alligans. Defuncta autem ac putrescentia ita uendicans ut per sæcula durent. In medendo uero mordens, adurēs, repurgans, extenuans, dissoluens. Stomacho tantum inutilis, præterquam ad excitandam auiditatem: idem noxia & tinearum genera pellit in uino potus. Cæterum sal qui siccissimus, idem & salissimus, & quisquis facile liquefcit, humidiorq; est, idem quoq; ad obsonium & cibum utilior: minoris enim amaritudinis est talis. Acer uero & ficcus seruandis carnibus est aptior. Estq; sal omnis cibi primū, maximeq; commune condimentum, auiditatemq; inuitans, sine quo uita humanior nequit degere, adeo necessaria.

necessarium elementum est, ut tranſierit intellectus ad
 uoluptates animi quoq; nam ita ſales appellantur, om-
 nisq; uitæ lepos & ſumma hilaritas, laborumq; requies,
 non alio magis uocabulo conſtat. *Acido liquore.*) Aceto. *Acidum.*
 Acidum enim dicitur quod acetum factum eſt. Acetum *Acetum.*
 autem quamuis ad imaginationem ſit humidū, corpora
 tamen quæ contingit, ſiccatur. *Laxatis.*) Remollitis & diſ-
 ſolutis. *Vt ſint ſimul.*) Hoc eſt, ut prædictis nitro & ſali &
 aceto ſint ſimul commixta allia. *Allia.*) Allium non mo-
 do cum nitro & ſale acetoq; ut autor hic docet, inunctū,
 ſed & per ſe tum potum tum inunctum phthiriaſi mede-
 tur. Auicenna Canonis li. 2. Bibitur decoctio allij & inter-
 ſicit lendes & pediculos, & inungitur ſuper eos. Plin. lib.
 20. cap. 6. Phthiriaſes & prurigines potum curat allium,
 tuſum item cum aceto & nitro. Dioſcorides idem allium
 contra pediculos & lendes, ſed cum origani decocto uti-
 liter bibi tradit. *Tangere.*) Contingere & inungere, illi-
 nireq;. Nam ſi inunctio fieri debet, opus eſt tactione. *La-*
chrymis herderæ.) Gumi hederæ. Dioſcorides libro 2. Depi-
 lat hederæ lachryma, pediculosq; inuncta necat. Plinius *Hederæ lachry-*
 libro 24. cap. 10. Lachryma hederæ pſylotrum eſt, phthiria *ma.*
 ſimq; tollit. Galenus itē, uti Serapio refert, Gumi eius et
 proprie nigræ uirtus eſt quæ adurit aduſtione occulta
 & ideo occidit pediculos & abradit pilos. *Succo cedri.*)
 Plin. li. 24. cap. 5. Cedri ſuccus deſuncta corpora cōſeruat, *Cedri ſuccus.*
 uiuentia corrūpit, mira differentia, cū uitā auferat ſpirāti-
 bus, deſunctisq; pro uita ſit. Et ibidē, Phthiriaſes perūgere
 eo nō dubitauerim, itēq; prurigines. *Perducere.*) Hoc eſt,
 manibus hinc inde ducēdo atq; fricādo inūgere corpus.

Quin etiam furfur mixto medicatur aceto.

Vnda maris lendes capiti deducit iniquas,

Et quicquid crebri defendit ſylua capilli.

Quin etiam.) Inſuper, adhuc. *Furfur mixto aceto.*) Furfur eſt
 farinae purgamentum, Cuius duplex diſcrimen eſt et ge- *Furfur.*

PHTHIRIASIS ARCENDÆ.

Aqua maris.

*Aqua facit
marinæ æqui-
uens.*

Lendes.

Sylva.


nus. Vnum quod crassioribus ramentis constat: & alterum quod tenuiore & quasi pulueris tritura constat, cuius usus est, & uirtus illi calens, siccans & repurgans detergensq. *Vnda maris.*) Aqua marina, quæ salsa est & uirtutis abstergentis, qua lendes quoq; & tetra capitis animalia curatur, autore Dioscoride & Plinio. Quod si alicubi ut in mediterraneis haberi non potest, arte talē faciemus quæ eidem æquiualeat. Sed quo pacto fieri debeat, docet nos Plinius naturalis historię libro 31. cap. 6. dicens: Nec ignoro hæc mediterraneis superuacanea uideri posse. Verum & hæc cura præuidit inuēta ratione qua sibi quisque aquam maris faceret. Illud in ea ratione mirum, si plus quā sextarius salis cum quatuor aquæ sextarijs mergatur, uinciat aquam, salemp; non liquari. Cætero sextarius salis cum quatuor aquæ sextarijs salissimi maris uim et naturam implet: moderatissimum autem putant supradictam aquæ mensuram octonis cyathis salis temperari. Et hæc non minoris est potentie quā ipsa marina. *Lendes.*) Lens lendis est ex quo pediculus formatur. Fiunt autem lēdes ex humoribus putridis ceu pediculi: sed lendium materia magis grossa est & minus apta ad motum, pediculorum uero materia subtilior est & ad motum habilior. *Iniquas.*) Improbas, scēdas atq; molestas. *Quicquid.*) Omnem capitis immunditiem & sordē. *Defendit.*) Tuetur, obuoluit & contegit. *Sylva.*) Copia. Sylua proprie dicitur quæ cedua est, et si succisa fuerit, rursus ex stirpibus aut radicibus renascitur. Et metaphoricæ quia sylua ex frequentibus & copiosis constat arboribus, hinc etiam pro aliarum rerum congerie, copia & multitudine accipitur. Et aliquando pro subito illo scribendi genere quod quadam festinādi uoluptate defluit, estq; uelut prima materia, cuiusmodi sunt syluæ Stati Papini, quas ipse sic quoq; descripsit, An hos libellos, qui mihi subito calore, & quadā festinandi uoluptate fluxerant, cū singuli de sinu meo prodissent, congregatos ipse dimitterem.

Pro-

PRVRIGINI, PAPVLIS, ET SCABIEI ARCENDIS.

CAPVT VI.

ILL OTVS sudor, uel copia nobilis escæ
Sæpe graui scabie correptos asperat artus.



PRVRIGINI:) Prurigo (inquit Galenus) Aphor. lib. 8.
pruritus quidam est cum pauco dolore. Pruri Aph. 25.
tus autē mordicatio est ex superfluo corrupto Prurigo.
& putri pituitoso aut bilioso humore ad par- Pruritus.
tes cutis deducto generata. Et à scabie (ut Auicenna di- Scabies.
cit) differt in hoc, quod cum pruritu non sunt bothor Libro 4. fen. 9
ficut in scabie, quoniam ipsa est à materia subtiliore et mi Tract. 8. ca. 6.
nus declinante ad falsedinem. Papulis.) Scilicet maiori-
bus, & quas Græci ἀργίαι, id est feras appellāt. Sunt enim
& leues dictæ papulæ, de quibus post ager Serenus cap.
ii. sub nomine impetiginis: sunt quæ cutis passionēs, sed a-
pud diuersos diuersis etiam nominibus appellatæ. Qua-
re clarioris notitiæ causa, non ab re fuerit talium disci-
mina longius prosequi. Itaque cutis passionēs denotantia
plura sunt nomina: ceu lichen, lepra, (accipiendō lepram
in eo significato quo Græci, nō quo Arabes & medici iu-
niōres accipiunt,) papula, impetigo, psora, & id genus
alia. Vnde sciendum, quas Paulus Aegineta, Galenus et
Græci omnes uocāt λεῖχηνας, has Celso esse papulas: qua-
rum bifida est ratio, Nam aliæ maiores & ἀργίαι, aliæ le-
ues. De prioribus sub eodem papularum nomine agit
Serenus capite præsentis: de alijs uero capite ut dictum est
undecimo sub nomine impetiginis, sub quo etiam de li-
chenibus & papulis agunt Nicolus & Gentilis. Auicen-
na uocat impetiginē non excorticatā, nam excorticatam
quoque facit. Vulgo uolatica dicitur. Et quam Græci λεῖ-
προν, (nam apud Arabes & medicos iuniōres eum signi-

Cutis passionēs

Impetigo non
excorticata.

Volatica.

Lepra.

Elephantiasis.
Impetigo.
Impetigo ex-
corticata.
Pfora.
Albaras nigra.

Impetigo.
Lichen.
Zerna.
Serpigo.
Papule.

Lichen.
Lepra.

ficat morbum, quem Græci et eruditiores, ut Celsus et Sere-
nus ac Plinius *ελεφαντίασις* uocant: in quo nō modo cu-
tis sed & caro & ossa afficiuntur, estq; uulgo notissimus,
de quo post Serenus ager capite decimo.) Quam Græci
inquam lepram, illam Celsus impetiginem, Auicenna im-
petiginē excorticatā uocat. Pfora uero natura haud mul-
tum à lepra distat, & ab Auicenna albaras nigra uocatur.
Arabes enī *ψώρα*, baras interpretatur, quod uel Rasis te-
stimonio cōprobaturo libro Cōtinentis 25, ubi autoritate
Galenī dicit Cātharides unguīū baras sanare si de eis fiat
illinitio cum cerato: hoc autē unguibus pforā patiētibus
medicari scribit Gal. de simplici medicina lib. 11. Adpro-
bāt dicta, tū remedia quibus hīs morbis medicatur, tum
horū definitiones, quas etiā maioris notitię causa lōgius
adscribere nō pigebit. Inquit Cassius Fœlix, ut refert Si-
mon Genuensis, Impetigo, Græci *λειχίνας* dicunt, Latini
Zernas. Nascūtur ex melancholico humore rotūdo sche-
mate, id est figura, in superficie cutis cū ingenti pruritu et
asperitate: atq; ubi id malum serpere cœperit, serpigo dici-
tur. De papulis Celsus libro 5. eadem, ait enim: Papula-
rum duo genera sunt. Altera est in qua per minimas pu-
stulas cutis exasperat & rubet, leuiterq; roditur, medium
habet paufillo leuius, tarde serpit: idq; uitium maxime
rotundum incipit, eademq; ratione in orbem procedit.
Altera autē est quam *ἀγρία* id est feram Græci appellant:
in qua similiter quidem sed magis cutis exasperatur, exul-
ceraturq; ac uehementius & roditur & rubet, interdum
etiam pilos remittit: quæ minus rotunda est, difficilius
sanescit, nisi sublata est, in impetiginem uertitur. Sed le-
uis papula, etiam si ieiuna salua quotidie defricatur, sane-
scit: maior cōmodissime murali herba tollitur, si sub ea
detrita est. Galenus item in libro cui titulus *ὁροι ἰατρικοί*, id
est, definitiones medicinales, Lichen, ait, est asperitas cu-
tis cum magno pruritu. Lepra uero est transmutatio cu-
tis ad contrarium naturæ habitum cū asperitate, dolore,
atq;

atq; pruritu & squamarum resolutione, et quādoq; unā, quandoq; plures corporis partes depascitur. At Celsus de impetigine multa libro, ubi quatuor eius genera ponit, quibus cutis duritiem & asperitatem cum rosione & squamulis tribuit, quemadmodum etiam omnia in pedibus oriri tradit & manibus, atq; ungues quoq; infestare, quos & Plinius item sapius leprosos nominat. Quibus manifesto apparet impetiginem apud Celsum nihil aliud esse quā lepram à Græcis dictam. De psora uero quod ob naturę cognitionem parū à lepra distet, testis est Paulus Aegineta dicens, Lepra & psora sunt in superficie cutis asperitates cum pruritu & resolutione ex melancholico humore ortum habentes: sed lepra quidem cutem profundius depascitur, in orbem procedēs atq; in ea quædam ueluti squamulæ resoluuntur: psora uero magis in summo consistit, uarijsq; modis figuratur, & fursuracea corpora abijcit. Auicenna Fen 7. libro 4. Et de impetigine est excorticata propter uehementiā siccitatis, & multitudinem profundationis, & est sicut albaras nigra & sicuti cortices: & de ea est non excorticata. Et de impetigine est ambulatiua maligna, & de ea est stans. Idem libro & Fen dictis tract. 2. cap. 9. Albaras nigra, est impetigo excorticatiua, & est scabiositas accidens cuti, aspera, uehemens, & facit squamas sicuti piscium cum pruritu, et est propter humorem melancholicum imbibentem de eo quod est iuxta ea imbibitione fortiore, quā in colore imprimat tantum. Hīs itaq; simul collatis, satis cōstat dictorum ab initio ueritas, uidelicet terminorum inter se concordia & dissidium. Scabiei.) Scabies cutis infectio est, & ut Celsus ait, durior cutis rubicundior ex qua pustulæ oriuntur, quædam humidiores, quædam sicciores: exit ex quibusdam sanies, fitq; ex hīs continuata exulceratio pruriens: serpitq; in quibusdam cito, atq; in alijs quidem ex toto desinit, in alijs uero certo tempore anni reuertitur. Quo asperior est, quoq; prurit magis, eo difficilius tolli-

Impetigo.

Ungues leprosi.

Psora.

Lepra.

Albaras nigra.

Scabies.

Scabiei causa
sudoris sordi-
ties.

Sudor.

Probl. lib. 2.

Sudoris modi.

Hemitybium.

Heliosis.

Psammismos.

ἡμίμορος.

ἡμίμορος ἰσχυρῶς.

Sudoris exu-

perantis ratio.

tur: itaq; eam, quæ talis est, & γρία, id est feram, Græci ap-
pellant. (Illo tempore sudor.) Scabiei curam traditurus autor,
morbi causas præmittit: è quibus una est sudor, qui dum
non abluatur neq; detergitur, in sorditiem conuertitur,
quæ deinde acredine sua & falsedine quam à sudore con-
trahit, cutim erodit & scabiem facit. Est autem sudor, ut
Aristoteles ait, excrementi cuiusdam secretio. Et ut Aui-
cenna dicit, sanguinis aquositas, cui pus cholicum est
admixtum. Et Galenus de sanitate tuenda libro 1. sudo-
rem dicit esse corporis excrementum halituosum, quod
foris in corporis summo per cutis poros atq; meatus e-
mergit atq; excernitur: à quo excremento originem ha-
bent sordes quæ circa omnium cutim semper acervantur,
Porro sudorum aliqui per se & sponte, non arte parati,
emergunt & profluunt, & hoc ubi uirtus est ualida, super-
fluam euacuare potens humiditatem, ceu fit in crisi et die-
bus criticis, quando & optime iudicium fit. Vel ubi uir-
tus est imbecilla & corporis constitutio est praua: quod
euenit aliquando plethoricæ copię ratione, interdum
uero ob cibi ac potus exuperantiam & ingurgitationem.
Et qui hīs modis fiunt sudores, affectuum partium eua-
cuant humiditates. Aliqui uero ex uiolentis proueniunt
causis & arte parantur: & id etiam duobus fit modis, aut
enim balneo siue sudario, quod hemitybium Græce uo-
cant, prolicit: aut sicco calore, qualis est qui insolatione,
æstiuoq; calore secernitur atq; paratur, heliosis hanc uo-
cant: aut qui clibani & furni æstu elicitur. Item qui hære-
na mouetur calida, & à Paulo Aegineta psammismos uo-
catur, quod ἡμίμορος harena sit est sabulum. Adhæc qui
exercitatione, aut labore, aut frictione, aut quoquo mo-
do aliter citra balnei uim mouetur aridus sudor, quæ ἡμίμορος
ἰσχυρῶς dicunt Græci. Et hī sunt modi quibus sudores
fiunt. Sed quod exuperat aliquando, hoc euenit aut cor-
pore rariore laxioreq; existente, aut materiei abundātia,
eiusue subtilitate, aut uirtutis expultricis uehemētia, seu
reten-

Tract. 3. ca. 6.

bus exercitio utentibus accidere oportet.

Ergo lutum prodest membris adhibere fricatis

Quod facit ex asino siccatus corporis humor.

Nec pudeat tractare fimum quem bucula fudit.

Lutum.) Fimum, stercus, cuius uis est calfacere, siccare & discutere. Fricatis.) Scilicet mediocriter & ante medicamento impositionem: per frictionem enim corpus calefit & meatus aperiuntur, sicq; præparato corpore medicamento uirtus facilius penetrat & suscipitur, efficaciusq; effectum suū exercet. Ex asino siccatus corporis humor.) Hoc est, Asini excrementum siccum per aluum redditum unā cum urina sua commixta, quod fimum appellatur. De cuius medico effectū Plinius sic etiam tradit: Scabiem hominis asininæ medullæ maxime abolent. Urinæ eiusdem cum suo luto illitæ. Bucula.) Bucula cum simplici c. paruus bos est seu uacca. Vergilius Georgicon libro 1. Aut bucula cælum Suspiciens patulis captauit naribus auras. Et Georgicon. 4. Aut errans bucula campo Decutiat rorem. Et huius fimus eadem ratione qua aliorum scabiei prodest. Buccula uero per duplex cc. diminutium est à bucca, quæ aliquando pro ore accipitur, aliquando uero pro oris lateribus. Cicero: Et quicquid in buccam uenerit, ad te scribebam. Horatius, ut Iupiter ambas inflatus buccas. Sunt autem, ut Plinius ait, infra malas hilaritatem risumq; indicantes buccæ.

Stercoris ex porco cinerem confundito lymphis,
Sic pauidum corpus dextra parcente foueto.

Stercoris ex porco cinerem.) Hoc est, puluerē fimi suilli. Porcus enim suem significat, estq; ut Varro rei suæ rusticæ libro 2. scribit, Græcum nomen antiquum, sed obscuratū, quod nunc eum uocant χοῖρον. De cuius fimi medicina sic tradit Plinius, Pustulis suilli fimi cinis aqua illitus medicatur. Et exinde etiam scabiei in qua pustulæ sunt, ut dictum est. Lymphis.) Lympha dicitur aqua. Et inde uinū lymphatum

Fimus asini.

Lib. 28. c. 10.

Bucula.

Fimus bouis.
Buccula.

Bucca.
Lib. 11.

Fimus porci.
Porcus.

χοῖρον.

Lympha.

lymphatum, hoc est aqua dilutum, & morbus lymphaticus, id est, aquosus, qui aqua intercus etiam & hydro-
pifis dicitur. Quamuis etiam lymphati et lymphatici pro
furore perculsis, uesanis & bacchabundis accipiantur.
Vnde Vergilius lymphatam uocat reginam, pro mente
commotam. Et Catullus in argonautica, Qui tū alacres
passim lymphata mente surebant. Item à lymphā fit uer-
bum lymphor, quod est lymphatico furore corripio uesa-
numq; facio. Valerius Flaccus, Deus ancipitem lymphā
uerat urbem. Priscianus, à lymphā uerbum fit lymphor.
Nam quicumq; effigiem nymphæ, à qua lymphā dicitur,
uiderit, furere non cessat. Quos Græci Νυμφολήπτορες, La-
tini lymphatos uocant. Plinius fatuos, & animos uo-
cat lymphantes libro 27. cap. 12. dū ait, Natrix uocatur her-
ba, cuius radix euulsa uirus hirci redolet. Hac in Piceno à
sceminis abigunt, quos mira persuatione fatuos uocant.
Ergo species lymphantium hoc modo animorum esse
credimus, qui tali medicamento iuuentur. Pavidum.) Ti-
midum, formidulosum. Corpus enim ulceratum ad le-
uem quidem tactum, deinde etiam ad suspicionem tactus
condolefcit & expauescit. Dum enim refricatur & pustu-
læ uelluntur, ad uiuamq; carnem dilacerantur, dolor qui-
dam inducitur, cuius impatiens, pavidum ac timidum
formidulosumq; redditur, fricationem et ortum inde do-
lorem expauescens. Dextra parcente.) Manu leuiter tan-
gente, et ita ut pauci sint manuum circumactūs, qui nullo
compressu sint graues, & modice celeres, sed blande inni-
tantur, medium inter molle & durum seruantes modum,
quatenus neq; coactum constrictumq; corpus sit, neque
ultra quàm par est laxum remissumq; fiat, sed legitimum
naturæ modum seruet: tum inducendum imponendūq;
medicamentum. Foueto.) Fouere, calefacere est et calida,
tum humida tum sicca corpori adplicare medicamenta.
Indeq; fomenta dicuntur & fatus, calidorum et humido-
rum siue calidorum & siccorum ad corpus læsum appli-

Lymphatum
uinum.Lymphaticum
malum.

Lymphati.

Lymphatici.

Lymphor.

Νυμφο-
λήπτοι.

Fatui.

Fouere.

Fomenta.

Fatus.

Fomites.

K

P V R. P A P. E T S C A B.

cationes. Celsus libro 4. cap. 5. de dolore stomachi: Pro sunt sicca & calida fomenta. Idem libro eodem cap. 3. de rigore & morbis ceruicis: Deinde opus est fomento humido & calido. Et hinc etiam fomites dicuntur, flammæ nutrimenta, & assulæ ex arboribus, & scintillæ ex ferro candenti malleis excussæ.

Proderit ex oleo puluis, quem congerit altum
Dulcibus è latebris patiens formica laborum,
Conuenit hinc tepido lita tradere corpora soli.

Oleum.

*Puluis acerui
formicarum.*

Formica.

oleo.) Præsertim omphatio, seu quod ex oleastro fit, quod maiore adstringendi ui est & abstergit, furfuresq; & manantia capitis ulcera, scabies & lepras exterit, ut autor est Dioscorides. *Puluis.)* Hoc est, aceruorum à formicis è cauernis suis egestorum terra puluerulenta. *Altum.)* Nomen est aduerbii uim obtinens. *Dulcibus latebris.)* Suauibus cauernis et domicilijs, quibus hyeme conduntur et à frigoris uolentia defenduntur. *Patiens formica laborum.)* Frequens & assidua, laboriosaq; in opere. Horatius, Exemplo est nobis magni formica laboris, Ore trahit quodcunq; potest, atq; addit aceruo. Plinius libro 11. cap. 30. de sedulitate illarum inter alia sic infit, Iam in opere qui labor? quæ sedulitas? filices itinere earum attritos uidemus, & in opere semitam factâ, ne quis dubitet qualibet in re quid possit quantulacunq; sedulitas. Apuleius libro asini aurei sexto, ipsam ruricolam uocat, quasi ruris cultricem diutina & operariam sedulam, cum ait, Tunc formicula illa paruula atq; ruricola certatim difficultatis tantæ, laborisq; miserta. *Tradere soli.)* In solare, & æstiuo calori, solaribusq; radijs exponere, ut malus humor deficcetur & discutiatur.

Feruentes papulas sapyro curato liquenti,
Aut acido baccho miscebis farra lupini,
Atq; hoc in calido percurres membra lauacro.

Fe

Peruentes papulis.) Ardentē: pruritu enim ſeuiunt ac u- *Papule.*
 runt. Vergilius georgicon libro 3. Ardentē papulæ atq; *Lichenes.*
 immundus olentia ſudor Membra ſequebatur. Galenus
 λειχῆνας uocat, quæ ſi diu perſeuerauerint, tandem in le-
 pram conuertuntur, in qua maior eſt cutis ſœditas & de-
 ſquamatio quàm in lichenibus. *Sapyro liquenti.*) Succo *Sapyrus.*
 liquido herbę ſapyri. Sapyrus, ut exponit Pandectarius,
 eſt brionia, ſiue ut aliqui codices habent, duabus ultimis
 detractis literis, bryon. Vtrunq; enim in diuerſis codi-
 cibus ſcriptum repperitur. Verum utcunq; ſit, certum
 eſt utraq; re papulas & congenera cutis mala paulò ante
 tractata ſanari. Siquidem brioniam & præſertim ſemen
 ipſius pſoris & lepris utiliter inungi & emplatri modo
 imponi tradunt Plin. & Dioſcorides: bryon uero ſimili
 modo adhibitum lichenas ſanare teſtantur iſdem. Porro
 quid bryon, quid brionia, paulò altius repetendū. Itaq;
 brionia duarum eſt ſpecierum: Vna, quam ampeloleu- *Brionia.*
 cen Græci, Arabes ſeſceram, Latini uitem albam uocant: *Ampeloleuce.*
 cuius ſarmenta longis & exilibus internodijs geniculata *Fescera.*
 propinquos frutices & arbores implicando ſcandunt & *Vitis alba.*
 clauiculis apprehendunt: folia pampinoſa ad magnitu-
 dinem hederæ diuiduntur ut uitium, piloſiora tamen: ra-
 dix, quam quidam cucurbitā reptilium uocant, alba eſt *Cucurbita rep-*
 et grādis raphano ſimilis initio, ex qua prima informatio *tilium.*
 ne caules aſparagi ſimilitudine exeunt, cuius ſuccus ante
 ſeminis maturitatem colligi debet: ſemen in uua quam *Vua lupina.*
 lupinam uocant aliqui, raris acinis dependent, ſucco ru-
 bente, poſtea croci, quo coria depilātur. Altera eſt quam *Ampelos mela.*
 Græci ampelon melan, Arabes ſeſcereſin, Latini uitem ni- *Fescereſis.*
 gram dicunt: ſimilis priori præterquam colore: ſemen *Vitis nigra.*
 nigrum, aſparago ſimile: radix foris nigra, intus buxœo
 colore: naſcitur maxime in frutetis & arundinetis. Am-
 barum folia, fructus & radix acrimoniā habent, meden-
 turq; ſcabiei, lichenibus, id eſt papulis et impetigini, ac re-
 liquis conſimilibus cutis malis inuncta. Verum alba ma-

Bryon.
Muscus.

Lichen herba.

Hepatica.

Eupatorium.

ioris efficaciat est in hoc quàm nigra. Haftenus de bryonia: nunc de bryo. Est autem bryon muscus, & hic in triplici differentia. Vnus qui in arboribus. Alius aquaticus quo lapides in fluminibus uestiuntur & muscantur, ut Columellæ uerbo utar. Tertius est herbosus, qui in saxis humectis & umbrosis locis nascitur, estq; aquatico illo crassior & procerior, & tum à Græcis tū à Latinis quod cognomini malo medetur lichen uocatus: de quo sic tradit Diosco. Lichena petris adhærentem sunt qui bryon, id est, muscum, Romani pariter Græcis lichena dicunt. Muscus roscidis petris adhærens lichen est. Hic emplastri modo impositus sanguinis eruptiones sistit: inflammationes compescit & lichenas sanat. Inungitur idem utiliter ex melle ictericis: & in os linguāq; destillationes cohibet. Hæc ille. Plinius duplicē lichena faciens lib. 26, cap. 4. de eisdem inter alia lichenis mali remedia sic scribit: Lichen uero herba hijs omnibus præfertur, inde nomine inuento. Nascitur in saxosis folio uno ad radicem lato, caule uno, paruo, longis folijs dependentibus: hæc delet & stigmata. Teritur cum melle. Est aliud genus lichenis petris tantum adhærens, ut muscus, qui & ipse illinitur. Hic & sanguinem sistit uulneribus instillatus, et collectiones illitus. Morbum quoq; regium cum melle sanat ore illito & lingua: qui ita curantur, aqua salsa lauari iubentur, ungi oleo amygdalino, hortensibus abstinere. Haftenus Plinius de lichene, cui uis est mediocriter siccans et refrigerans, exterendoq; purgans et abstergens. Hæc quod hepatis utilis esse debeat comesta, nunc hepaticam uocāt, sed falso, non enim hepatis utilis est, quamuis ictericis qui plurimum hepatis uitio laborant, medeatur. Non enim intus sumpta cum melle morbum ipsum tollit, sed extra potius illita colorem naturalem ipsis restituit. Verum si qua herba est quæ ob excellentem iuuandi hepar proprietatem, hepatica dici debeat, tunc illam eupatorium esse dixerim: non quidem illā quæ passim in fossatis nascitur, &

& nunc pro eupatorio accipitur, sed eam quam nunc, licet falso, agrimoniam appellamus: cuius semen & herba *Agrimonia.* ipsa utiliter bibitur cum uino iocinorosis, teste Dioscoride. Nam, ut sexto de simplici medicina tradit Galenus, hepatis bona est, & obstructions eius expurgat, ipsumque confortat. Et idem in libro de antidotis, affectum hepar sapientius hac herba efficaciter adiutum asserit. Sed de hoc tantilla sufficiant. Demum ne id præteream, scriptus qui mihi est codex, non Sapyro, sed Oleo scriptum habet. Quæ lectio minus mihi arridet, quoniam uti Galenus tradit, oleum per se inimicum est ulceribus, in papulis uero ex- *Oleum.* ulceratio est, quæ cum exiccatione indigeat, & oleum per se tale non præstet, sed contrarium potius, inutilis etiam erit eius administratio. *Acido baccho.*) Vino acetoso & *Acetum.* aceto ipso uini, quod ut Dioscorides tradit, ad lepras & lichenas facit, cum aliquo eorum, quæ his malis accommodata sunt, mixtum. Et Plinius libro 23. cap. 1. Contra lichenas, inquit, & bibitur & imponitur. *Farra lupini.*) Farinam lupini. Far antiquitus de omni fructu dicebatur, *Far.* quoniam id terra ferat. Et ab eo farina dicta est. Lupinus *Lupinus.* autem leguminis genus est, compressæ figuræ, amari saporis: quod, ut Plinius libro 18. cap. 14. tradit, cum sole, heliotropij more, quottidie circumagitur, horasque agricolis etiam nubilo demonstrat. Huius medicam uim, quam hic tradit Serenus, comprobatur Plinius libro 22. cap. 25. dicens, Lupinorum farina aceto subacta, papulas pruritusque in balneis illita cohibet, & per se siccatur ulcera. Dioscorides uero lupinorum farinam simpliciter cutem purgare, & ipsos in cælesti aqua decoctos usque dum in succum lentescant faciem exterere dicit, papularum uero eruptiones utiliter foueri decocto eorum, sed additis pipere & ruta. *Percurres.*) Perduces, peruolues atque perunges. *Lauacro.*) Balneo, Lauacrum locus est ubi lauantur homines, balneum,

PRUR. PAP. ET SCAB.

Pruritus autem falsos leuat humor aceti,
Siue maris rapidi sudor, cochleæq; minutæ,
Quarum contactu perimetur acerba libido.

Pruritus falsus. *Pruritus falsos.*) Hoc est, ex humore acri & falso generatos, materia enim ex qua fit pruritus, phlegma est, siue pituita, non omnis, sed quæ acredine & falsedine participat. Sunt enim plures pituitæ differentię. Verum pituita, ut Auicenna finit prima primi, sanguis est incoctus. Sed melius Galenus libro 1. præsagiorum Hippocratis, Pituita, inquit, excrementum est semicocti alimenti. Et de locis affectis libro 3. cap. 5. ait: Cum simpliciter dicimus, pituitosos quidem eos nominamus, in quibus humiditas simul atq; frigiditas dominatur, quamuis magnæ peculiaresq; interim differentię eius inueniantur. Pituitæ enim unum genus est, quod quotidie uel screando uel uomen do uel emungendo educitur, uaporoso scilicet spiritu plenum, ut ne sensum quidem lateat, ipsum esse dissimulare. Aliud uero genus, simile quidem uidetur, licet fortasse non sit, qualis est crudus humor, qui in urinis substat, à Praxagora uitreus appellatus. Atq; ex hoc genere esse uidetur saliuæ, quæ neq; fluida admodum est, neq; aquosa. Verum saliuæ non unica duntaxat qualitate gustum afficit, nedum uniuersa pituita. Sæpenumero enim & acrem & acidam & falsam in ore saliuam manifeste deprehendimus, ueluti cum sani degimus, nulla qualitate infecta sed perinde quasi aquosa, saliuæ gustui offertur. Item de differentijs febrium libro 2. cap. 6. tradit se & eos qui Hippocratem imitari, & tum ueterum tum aliorum scriptorum consuetudinem seruare uoluerint, pituitam appellare humorem, quisquis in corpore frigidus simul & humidus fuerit. Cuius plures sunt species. Vna multū frigida, quæ calido conclusa loco, maximos ac uehementissimos dolores concitet: & talis humor suso uitro similis uidetur. Altera uero species pituitæ, est quàm excreantes sæpe ex-
puunt

puunt quidam, sensibilem obtinentem dulcedinem: & hæc haud exacte frigida est. Tertia autem species est, alia quidem ipsis expuentibus acida apparens, quæ minus quam uitrea, magis quam dulcis frigida est: quemadmodum altera salsa habetur, aut ob putrefactionem, aut ob permixtionem salis serosæ humiditatis. At uero uitrea pituita forsitã acidæ qualitatis particeps est, ita ut omnes differentię tres existant: acida, dulcis, salsa. Verum uitreum humorem idem Galenus de locis affectis libro 2. sic dictum tradit à Praxagna, eo quod fuso uitro tũ colore tũ substantiã haud abfimilis sit, et quia frigidissimus existat: hoc aut quod frigidissim⁹ est, haud obscure percipi sensu tactus, tum ipsorum qui illum excernunt, tum aliorum quoq; qui confestim ipsum tetigerunt. Sed de pituita & differentijs eius ex Galeno hæctenus. Ex quibus quinque distinctæ inuicem pituitæ species sic colliguntur autore Ioãnitio. Vna quæ salsa est cæteris calidior & siccior, cholericò humore infecta. Altera dulcis, humectationi & calori attinēs, humore sanguineo infecta. Tertia uero acris & acida, frigida & sicca, humore infecta melancholico. Quarta, uitreus dictus humor, qui ex magna frigiditate & coagulatione nascitur. Quinta autem, quæ nulla qualitate affecta & saporem non habens, propriam retinet frigiditatem & humiditatem. *Leuat.*) Tollit, discutit & sanat. *Humor aceti.*) Acetum, quod autore Dioscoride, pruritus lenit & reprimat ac discutit. Aceto enim, ut Plin. tradit, cum summa uis sit in refrigerando, nõ tamen minor est in discutiendo. *Maris sudor.*) Hoc est, maris spuma, quæ in extremis littoribus maris ac scopulis relictã inuenitur uirtutis siccæ detergentis & mundificantis. Auerrois, Spuma marina uirtutem habet absterfuiam & mundificatiuam cũ qualitate calida, quibus uiribus, pruritibus, psoriasis, lichenibus et similibus medetur affectib⁹. Et quod hic cõtra pruritũ de maris spuma traditur, id Dioscorides et Plin. cõtra eosdẽ pruritus & psoras & lichenas de maris

Acetum.

Spuma maris.

Maris sudor.

Spum.

aqua testantur. Porro quia de spuma nunc agitur, sciendum spumam quamlibet ex duarum substantiarum permixtione consistere: altera aëria & spirituosa, altera humida & pituitosa: mixtio autem earum fit, ambabus in multa perfractis, & multis mutuo complexu paruis ampullis ab ipsis effectis. Ambarum uero substantiarum confractum & mixtionem facit nonnunquam motus uiolentus uel utriusque uel alterius tantum, ut in mari ex uehementi & uiolento uentorum afflatu in multas & exiguas partes attrita aqua: nonnunquam uero caliditatis copia & fortis calor id efficit, ut in polentis atque lebetibus. Et hanc duplicem spumæ generationem non solum in exteris rebus, uerum etiam in animalium corporibus inuenire licet. Cum enim adsunt ex morbo comiciali conuulsiones, uehementia motuum solet spumam generare. In capris uero ira percitis, calor. In equis autem currentibus utraque causa uigorem habet. Cæterum spuma solutu difficilis fit, aut ratione humoris, aut ratione humoris simul & spiritus. Quoties enim is qui perfringitur & quo spiritum circumplectente ampullas contingit generari; tenacem habuerit humor consistentiam, non facile solubilis sed stabilis perficitur spuma. Potissimum autem quoties ambo concurrunt, tum humor qui spiritum intra se claudit, crassus ac glutinosus, tum aër seu spiritus etiam qui includitur turbulentus ac nebulosus. Autor Galenus in expositione aphorismorum & prognosticorum Hippocratis. *Rapidi.*) Aestuantis, furiosi, trucidis et uesani. Horatius, Qui fragilem truci commisit pelagoratem. Catullus, Rapidum salum tulistis, truculentaque pelagi. *Cochleæ minutæ.*) Idem testatur Plinius libro 30. cap. 3. dicens: Sedant pruritum cochleæ minutæ latæ contritæ illitæ. *Contactu.*) Attactu, approximatione & illinitione. *Acerba libido.*) Grauis & molesta scalpendi fricandi que cupiditas, quam pruritus inducit. Est autem libido generale uocabulum omnis cupiditatis, autore Augustino. Plinius libro 17. cap. 18. Neque enim anima

Cochleæ.

Libido.

animalium tantum est ad coitū auiditas, sed multo maior est terræ ac satorū omnium libido, qua tempestiue uti plurimum interest conceptus, peculiare utiq; in infiris, cum sit mutua cupiditas utrinq; coeundi.

PHRENESI ET CAPITI

PVRGANDO.

CAPVT VII.

EX uitio cerebri phrenesis furiosa mouetur,
Amiffasq; refert frendens amentia uires.

PHRENESI.) Per phrenesin intelligit om- *Phrenesis.*
nem mentis uacillationem & alienationem, in
saniamq; genera omnia. Sunt enim plura ipsius
genera, præcipua tamen phrenesis, mania &
melancholia. Quorum phrenesis proprie cerebri passio
est, principales actiones eius ledens, mentemq; commo-
uens & insanire faciens, à pallida seu flaua bile profici-
scens. Suntq; differentia ipsius, ut tradit Galenus de lo-
cis affectis libro 3, cap. 1. simplices quidem duæ, & ex his *Phrenesis spe-*
composita tertia. Quippe sunt phrenetici quidam, qui de *cies.*
his quæ oculis offeruntur, recte (quantum ad sensitiuam
notitiam, et imaginandi potentiam pertinet) iudicant, co-
gitando uero et discernendo à naturali iudicio aberrant,
animoq; desipiunt. Alij contra cogitatione & mente qui-
dem non falluntur, sed imaginatione & sensibus diffor-
miter mouentur. Tertij uero sunt qui ubi mens imagini-
bus addicta est, simul & sensus & cogitationis uitio labo-
rant, & talium perfecta est phrenesis. Aliud insanie genus
est Mania, cerebri etiam uitio contingens, furorem & fe- *Mania.*
rina deliramenta inducens: taliter enim affecti, audaces,
præcipites, tumultuosi & cõtumeliosi fiunt. Cuius causa
est flaua bilis in cerebri corpore abundans, præassata ta-

L

Melancholia.

men & ad atræ bilis naturam accedens. Tertium cerebri uitium & insanix genus est, quod ab atrabile seu melancholico, frigido turbidoque humore contrahitur, & melancholia appellatur, à Paulo Aegineta sic definitum, ἡ μελαγχολία, παραφροσύνη τις ἐσιμῶν πυρετοῦ ἐπὶ μελαγχολικῶν μάλισσά χυμῶν γενομένη, hoc est, Melancholia est insanix quædam sine febre à melancholico maxime humore proueniens. Et taliter affecti melancholici dicuntur, quorum præter naturam uisa non semper eodem genere continentur, uariæque sunt ipsorum imagines, timorque nunquam illos deserit, sed timent omnes, incertè, uitam damnant, et odio habent homines, de quibus plura Galenus libri tertij de locis affectis siue de interioribus capite sexto. Et hæc de insanix generibus quatenus propria primariaque cerebri affectione fiunt. Nunc de his quæ non primo & per seipsa sed per compatiendi rationem fiunt, quales sunt alienationes et deliria in febribus accidentia, quæ nec maniam, nec melancholiā aut phrenesim, sed paraphrosynen potius nuncupamus. Estque delirium tale acutissimæ febris accedens, ex multis calidis ad ipsum cerebrum elatis uaporibus proueniens, unde etiam talium affectus subito accidunt & quiescunt, & quoties morbus declinat, delirium quoque mitigatur, quod non fit in alijs. Mania enim & melancholia citra febrem accidunt, phrenesis uero quamuis cum febre sit, eius tamen delirium, etiam febrium mitigato uigore, non quiescit. Phreneticis enim, febris, unum quoddam accedens dispositionum cerebri censetur, nec subito etiam nec affatim, sed paulatim & accidit & quiescit hic affectus, & antequam inualescat, ipsum non pauca præcedunt accidentia, phrenetica uocata indicia, quorum copiosius meminit Galenus libro 5. de locis affectis. Vbi etiam docet quomodo phrenesis dignoscatur à delirio, quod ob septi transversum affectum accidit, & à phrenesi non multum distat, iugiter enim infestatur, quod ob nullius alterius partis uitium fieri solet : atque

**Alienationes
per consensum.****Paraphrosyne.****Delirium à
septo transuerso.**

adeo

adeo continuum delirium id est, ut hac parte inflammatione affecta phreneticos euadere putauerint ueteres, quare eam *φρενας*, hoc est, mentem appellauerunt, tanquā sapiēti parti quid acciderit. Est et aliud delirii genus quod ob oris uentriculi uitium accidit, uidelicet, ubi uitiosus humor in eo exaugetur aut neruosa partes inflammantur. Solet enim neruosis partibus inflammatis prōptius quā reliquis, delirium superuenire, idēq; ascendente ad caput interdū per cōtinuas partes solo calore, interdum uero spiritu uaporoso, uel fumoso, aut fuliginoso. Adhuc sunt & aliæ quibus per consensum caput afficitur, delirium causæ, quas Serenus in textu recenset, de quibus suo loco mox dicemus. Demum solet à uentriculo proficisci *Hypochondria* hypochondriaca flatuosaq; p̄grecordiorū uocata affectio, *ca affectio.* quam melancholica tristitia, desperatio & mœstitia sequitur, & quæ ad melancholiæ accidentia nihil reliqui facit. In huiusmodi autem affectu, uidetur quidem in uentriculo ipso esse inflammatio: sanguis autem in parte inflammata contentus, & crassior & atræ bili magis conformis: unde sublata ad cerebrum ab atræ bile euaporatione, melancholica eueniunt in mente accidentia, ceu metus & mœstitia. Sed de hijs nunc satis. *Capiti.*) Cerebro, cuius phrenesis proprie affectio est, & reliqua insanix deliriiq; genera ad idem referuntur. *Purgando.*) Emundādo, eua *Purgatio.* cuando & sanando. Differt autem ab euacuatione purgatio: quoniam hæc proprie alienæ materiæ & humorū qui sua qualitate molestant & affligunt,eductio est. *Eua-* *Euacuatio.* cuatio autem ubi propria materia quantitate exuperans & humores omnes æqualiter uacuantur. *Ex uitio cerebri.*) Hoc est, propter cerebri affectum et actionum ipsius lesionem. *Phrenesis.*) Huius dictionis penultimam alij breuē, *Phrenesis pe-* ut hic Serenus, alij uero longam proferunt. Iuuenalis: *ultima syllaba* Cum furor haud dubius, cū sit manifesta phrenesis. *Mar-* *anceps.* tialis: Declamas in febre Mathon, hanc esse phrenesim. *Desipientia* *Enriosa.*) Quæ furit seu furorem insaniamq; facit. Nullus *omnis pericu-*

PHRENESE ET CAP. PURG.

Lib. 6.
Aphor. 53.

Atra bilis du-
plex.

Humor melan-
cholicus.

enim furor, nulla infania, nulla desipientia non furiosa, nulla segura, nulla non periculosa est: alia tamen alia leuior est & securior: minus enim periculosa est, quæ cum risu est: periculosior uero, quæ serio fit & cum studio: & omnium periculosissima, quæ temeraria. Vnde Hippocrates in aphorismis ait, Desipientiæ quæ cum risu fiunt, securiores: quæ uero cum studio, periculosiores. Fiunt autem omnes (ut ibidem Galenus docet) patiente cerebro, siue primo & per seipsum, siue per compatiendi rationem. Differunt autem inuicem per causas ipsas efficientes. Alia enim ex sola fit caliditate sine humore uitioso, similis quodammodo ei quæ ex ebrietate contingit: alia uero ex flaua bile, cum studio perficitur: alia uero satis furiosa ex flauabile multum exusta, ut iam ad atræ bilis naturam accedat. Vbi animaduertendum est, quod atra bilis quædam ex flaua bile superassata gignitur, quæ omnino molestissima est. Quædam uero ex sanguinis fece, quæ crassior quidem est illa secundum substantiam, sed plurimum differens prauitate qualitatis. Et hanc quæ est ueluti fex sanguinis, cum quis proprie loqui uoluerit, nondum atram bilem, sed humorem melancholicum nominabit: ex nomine uero abusu & improprie aliquando atra bilis uocabitur: quoniam si non prius euacuetur, paulo post atra futura est. Mouetur.) Agitur, concitatur, furit & insanit: seu causatur, oritur & generatur. Amissas uires.) Virtutes animales tum motus copotes tum imaginatiuam, cogitatuam & memoratiuam facultates deperditas. Refert.) Reuocat & renouat: id tamen apparenter solū: nam re ipsa omnibus tum corporis tum animi uiribus sanis destituti sunt: quamuis aliquando et agiles et prudentes sibi uideantur cum tamen nihil horum illis firmum & sanum sit. Fren-dens.) Fremens, tumultuans & stridens. Tales enim furore & rabie perciti, dentibus aliquando frendere solent: quo signo præsentem, mors haud procul abesse dignoscitur, uel Hippocratis testimonio præsagiorum lib. 1. cum ait,

ait, Si quis delirans dentibus strideat, admodum exitiosum iam est, hoc est, uti Gal. ait, ualde exitiosum, quod est quidem non multo post, sed cito moriturum ægrum. *Amentia.*) Dementia, furor, insania, alienatio, uehemens mētis commotio et perturbatio. Sic dicta ab A priuatiua particula, quasi sine mente, hoc est, sine consilio, discretione, & quo sapimus animo.

Siue calens febris iāctatos exedit artus,
Siue merigustus, seu frigoris efficit aura.

Calens.) Ardens. Est enim calida & sicca passio febris. Nā *Febris quid.* ad igneam natiue caliditatis conuersio. *Febris.*) Inter in *Febris insaniæ* sania, quæ non primaria cerebri affectione sed per com- *causa.* patiendi rationem accidit, causas, una est febris ipsa. Et hoc bifariam: Primo quia per eam calidi uapores ad cerebrum ascendentes, ipsum perturbant & animæ actiones corrumpendo, furorem & insaniam faciunt. In confesso autem iam est tum apud medicos tum apud philosophos etiam summos, quod & humores & omnino corporis temperatura, animæ actiones uariare possunt: & quod animæ potentiæ, corporis temperaturam sequuntur. Et non modo febris, sed alij plurimi quoque morbi calidi & biliosi, phrenesim, insanias atque furores efficiunt, quando scilicet multos uapores ad caput transmittunt & eisdem cerebri conturbant. Secundo, quia calor in febribus præsertim ardentibus & causone, omnium membrorum humiditates deficcatur atque consumit, per quarum & maxime earum quæ in cerebro sunt, consumptionem atque deficcationem, sæpius etiam desipientiæ contingere possunt, præsertim ubi uigiliæ adsunt. Vigiliæ enim, uti Galenus in *Vigiliæ insaniæ causa.* aphorismorum expositione testatur, ex hijs sunt quæ maxime euacuant & exiccant, atque ideo desipientiam faciunt, immodicæ ficcitatis ratione, & quia in longis etiam uigijs biliosior redditur sanguis. Ex quibus manifestum est non omnes insaniarum species à repletionem fieri, sed ali-

PHRENESI BT CAP. PVR.

quando etiam ex defectu. *iactatos artus.*) Membra inquietata & hinc inde mota. Solent enim in huiusmodi febribus ardentibus & calidissimis, membra quoque inardescere, & inde inquietari, ex qua inquietatione inordinate mouentur & iactantur. Vbi uero febris non fuerit talis, & æger nihilominus membra non ex more componit, sed inæqualiter dispergit, hoc non inquietationis modo, sed & malitiæ signum est, teste Hippocrate præfagiorum libro .ubi in fit: Vbi pedes nudat æger, & hos non admodum calidos, ac ubi manus, ceruicem, & crura inæqualiter dispergit, malum est, & angoris, inquietationisq; signum. Et paulo post sic ait, De manuum motione huiusmodi notas perpende. In acutis febribus, in peripneumonia, phrenitide, capitis dolore, si quis manus faciei admouerit, ut inde quippiam superuacue uenetur, aut festucas carpat, aut à ueste floccos, aut à pariete stipulas auellat, id omne malum & exitiale est. In phrenitide quidem quia princeps sedes affecta est, in alijs uero propter magnitudinem eorum. *Exedit.*) Depascitur, exhaurit & exiccat. *Meri gustus.*) Hoc est, uini & præsertim meratoris potus et ingurgitatio. Quod autem uini potus desipientiam faciat et mentem commoueat, testis est uel Hippocrates in aphorismis dicens: Ex multa potatione, rigor & desipientia, malum. In cuius aphorismi expositione Gale. ait, Quod quidem multa potatio, non aquæ sed uini portionem significat, unicuique manifestum. Desipiunt autem ex talibus portionibus aliqui capite oppleto plurimo sanguine ac spiritu calido, ob hanc ipsam uero causam, & calidiores redduntur, præcipue quidem caput, sed & corpus uniuersum. *Frigoris aura.*) Hoc est, aer & uentus frigidus. Et hoc est quod Hippocrates tradit libro aphorismorum tertio dicens: Autumno uero & plurimi, uel æstiu morbi fiunt, & furores, & atræ biles. Quomodo autem id accadat, docet nos in eiusdem aphorismi expositione Galenus dicens, in autumno & æstiuorum morborum permultos fieri, ma-

Vini potus in
sanæ causa.

Lib. 7. Aph. 7.

Frigus aeris, in
sanæ causa.

manente adhuc æstiuo humore flaua bile scilicet in ipso: frigidum enim existit hoc tempus, & bilem ipsam æstiuo tempore exassatam excipit. Neq; , sicuti æstas ueri superueniens humores euacuat, ita & autumnus æstiuos: sed contrarium ex toto accidit. Nam ex partibus extimis, cutem duriores efficiendo & substantiam eius condensando, diffilari prohibet & ad intimas ducit: qui deinde intus detenti, & cerebri actiones lædentes, phrenitides & alia insaniarum genera efficiunt.

Conueniet calidis pecudum pulmonibus apte
Tempora languentis medica redimire corona.

Calidis.) Naturali calore adhuc præditis. Accipitur enim ex ouillo genere siue mas siue scœmina fuerit pecus, & iugulatur, semineciq; adhuc pectore aperto pulmo extrahitur, qui extractus natiuo calore nondum extincto sed calēs adhuc capiti utiliter adplicatur & imponitur. Non quod actuali illo calore membrum & cerebrum calefieri debeat, cum aliās sit nimis calefactum, sed quo meatuum capitis obstructions reserando, facilius uirtutis medicamenti ad interiora fiat transitus. Si enim frigidus applicaretur, cutem condensando, meatus occluderet, quo minus uirtus sua ad interiora penetrare posset, præsertim cum potestate frigidus sit pulmo & humidus, soporiferusq; quibus uiribus maxime opus est in huiusmodi æ-
Caloris uis.
Pulmonum natura frigida & humecta.
 13. sic ait: In phrenitide, sopire ac stupefacere principem facultatem oportet, cerebrū scilicet quod supra modum incaluit refrigerando. Cæterū si talis cum natiuo calore pulmo haberi nō poterit, tūc coquēdo calefaciendus, qui habetur, in decoctione capitis & pedum suorum seu in aqua simplici, & sic calens capiti imponēdus, toties quoties opus fuerit iterando. Et dictæ decoctioni, si libitum fuerit, addi poterunt cortex papaueris albi, Hyoscyami, flores uiolarum, rosarum, nymphetæ, & anethum. Et h

PHRENESI ET CAP. PURG.

Pecus.

Pulmones.

iufmodi remedio plurimū utuntur tempore nostro medici Bononienses, & ego ſæpius uſum eius cōtuliffe uidi. Pecudum.) Ouium. Pecus pecoris ſeu pecudis, utrunque enim dicitur, proprie omne animal quod ſub hominis imperio ē terræ pabulo paſcitur, ſignificat: quamuis aliquando etiam pro omni animali præter hominem accipitur, autore Capro grāmatico. In præſentia tamen pro ouilli generis animali accipitur. Pulmonibus.) Pulmones multitudinis numero dixit, non quod plures ſint in animali: nam unicum tantum habet unumquodque: ſed quia diuiſus in duas fibras, quemadmodum ungula bubula: quam diuiſionem nos etiam tum ex hominis ac reliquorum animalium anatome, tum ex Ariſtotelis & Auicennæ, ut alios interim omittamus, teſtimonio agnoſcimus. Ariſtotelis uerba, quæ libro de hiſtoriis animalium primo ſcribit, hæc ſunt: Bipartitus pulmo omnium, ſed in animal generantibus diſtinctio non æque apparet, minimeq; in homine, eſt enim hic ſimplicior, nec ita multifidus ut nonnullorum generantium animal, eſt. Auicenna uero decima ſen canonis libri tertij, Pulmo, inquit, duas habet diuiſiones, quarum una tendit ad dexteram, & altera ad ſiniſtram: et hoc ideo ne ceſſet anhelitus propter nocumentum adueniens uni duarum partium. Porro quod ad multitudinis numerum & prolationem eius attinet, ſic etiam eodem protulit Plautus in Curculione dicens: Pulmones diſtrahuntur, cruciatur iecur. Et Cato in lib. de re ruſtica, capite de braſſica, Si bilis atra eſt, inquit, & ſi lienēs turgent, & ſi cor dolet, & ſi iecur, aut pulmones, aut præcordia, uno uerbo omnia ſana faciet, quæ intro dolitabunt. Quod ſi quis ipſum nō diuiſionē hanc ſed reiſa plures intellexiſſe uelit, id ita accipiendum erit, ut illi non unius ſed plurium ſint animalium, ut uno refrigerato, alius ſimili modo applicetur. Quod autē pecudis pulmo capiti ſic applicatus phreneticis proſit, Plinius etiā non abnegat, ſed confirmat potius, cum naturalis hiſtorix

storia libro 30. cap. 3. sic ait, Phreneticis prodesse uidetur pulmo pecudum calidus circa caput alligatus. Tempora.) *Tempora.*

Tempora proprie partes sunt capitis oculos interiacentes & aures ac uerticem, ex quibus ut plurimum canities oritur, eo quod priores capitis partes posterioribus sunt humectiores & pituitosiores. Aliquādo tamē ut hic pro toto capite accipiuntur & præsertim parte eius anteriore, & ubi sunt commissuræ cranei: quæ (ut supra dictum est) *Commissuræ
sive suturæ cranei.* à natura creatæ sunt, tum ut per eas cerebri superflua expurgentur, tum quo medicamentorum uirtus necessitatibus tempore ad penitiora penetrare possit. Sunt autem quinque numero, quarum una fronti communicans, quia coronæ præfert imaginem, dicta est coronalis. Altera directe ab osse anteriore per medium in longitudinem ad os dictum lambda pergens, caput diuidit in duo media, & hæc à figura sagittalis nuncupatur. Tertia uero à Græcæ literæ figura lambda uocatur, quæ talis est λ , & hæc inter occiput & basim ipsius communis existit, cuius puncto, cum sit secundum figuram anguli, extremitas sagittalis cōtinuatur. Et hæc tres, eo quod ab extimis ad intima directe per integram ossium spissitudinem producuntur, ueræ nuncupantur. Reliquæ uero duæ non ueræ & mendosæ uocantur, non quia ad intima non perueniant, sed quoniam directe ut priores non penetrant, nam quod extrinsecus ab imo exorditur, intus definit. Superne & has Galenus alicubi uocat agglutinationes, suntque inter ossa capitis lateralia atque præcipua, & ossa petrosa, quæ superiacent eis, coherentque corticis imagine quadam, unde & corticales & squamosæ uocantur, de quibus etiam therapeutice libr. 6. sic ait Galenus, Os quod sincipitis ossi prope succedit, temporis os uocatur, in quo ipsas squamam compactas commissuras esse accidit. Suntque à sagittali æque distantes, quæ profunditate integra in ossibus non profundantur, profundatione scilicet directa, uti priores. Quod non intelligens Mundinus, manifesto errore illas

M

ad intima non penetrare adcredidit. Inquit enim in anatome sua, Mendosæ sunt duæ, scilicet in utroque tempore una: & dicuntur mendosæ, quia non penetrant interius, sed tantum apparent exterius, hæc Mundinus, sed falso. Medica.) Medicante & salubritatem adferente. Redimire.) Circundare & illigare & imponere.

Illotis etiam lanis suffire memento,
Cerritum, sæpe horrendi medicantur odores,
Atque ideo sanos primum curarier est par.

Lana succida.

Lib. 2.

Oesypus.

Lib. 9. c. 43.

Lib. 29. c. 2.

Simp. lib. 10.

Oesypus, æsypus, æsopon.

Error medicorum recentiorum pro æsypo, hyssopum humidam dicunt.

Illotis lanis.) Lanis succidis, quæ quales sint docet nos Varro rusticæ rei libro 2. circa finem dicens, Tonsuræ tempus inter æquinoctium uernum et solstitium, cum sudare cœperint oues, à quo sudore recēs lana tonsa succida est appellata. Quæ probatissima est, autore Dioscoride, quæ mollis est & ex collo, femoribusque pecoris detonsa: talis enim adspergines facile combibit, & sordium suarum pinguedine quæ æsypus est, egregie mollit. Estque succidis omnibus, ut Plin. tradit, usus medicatus, plurimaque præstant remedia. Quin ipsæ sordes pecudum, sudorque foeminarum & alarum adhærentes lanis, æsopon uocant, innumeros prope usus habent. Vnde si succidæ lanæ, cui magna propter æsypum in medicinis utilitas, non fuerit facultas, eius loco, ipsius æsypus accipi poterit, autore Galeno, & præsertim Atticus, qui cæteris præstat: melior tamen ad præsentem usum contra phrenesim est ipsa lana succida, quam cum Sereno Plinius etiam suffitu phreneticis prodesse testatur. Verum quia de æsypo agimus, sciendum quod & æsypus dicitur & æsypum. Ouidius libro de arte amandi 3. Oesopa quid redolent quamuis mittantur Athenis, Demptus ab immundæ uellere succus ouis. Non autem dicendum est Isopus, ut perperam nostri temporis medici faciunt, et ad differentiam hyssopi herbæ addunt dictionem humida, qua omnino nihil opus est si recte proferatur. Quomodo autem fiat æsypus, docet nos

nos Dioscorides medicinalis Syluæ libro 2. Plinius natu-
 ralis historiæ libro 29. cap. 2. & Mesue in suo Grabadin.
Suffire.) Suffumigare, ut grauis odor ad ægri nares per-
 tingat. A uerbo suffio fit suffitus, & suffimentum & suf-
 fitio, id est, suffumigatio. *Ceritum.*) Lymphatum, insa- *Ceritus.*
 num, furore perculsum, et quasi Cereris ira uexatum, ceu
 laruatus dicitur qui laruarū occursatione uexatur. Plau- *Laruatus.*
 tus, Certe laruatus es, aut ceritus. Horat. Ceritus fuit aut
 commotæ crimine mētis. Lymphatus uero dicitur quasi *Lymphatus.*
 Nympharū spiritu correptus, unde etiā lymphationes a-
 pud Plinium. Et huiusmodi insanos & commotæ mentis
 homines Græci νυμφολήπτες uocant, de quibus iam an- *νυμφολήπτες*
 tea dictum est, capite sexto. Qui tamen nō ex morbo sed
 naturali intemperie tales fiunt, cum scilicet atra bile agi-
 tantur, quæ melancholia dicitur. Qualibus autem inge-
 nijs huiusmodi intemperies accidere soleat, docet nos ex
 Phauorini sentētia A. Gellius Atticarum noctium lib. 18.
 cap. 7. cuius hæc sunt uerba: Scitote intēperiem istā, quæ
 μελαγχολία dicitur, non paruis, nec abiectis ingenijs ac- *Melancholia*
 cidere, ἀλλὰ εἶναι χεῖρόν τι τῷ πάθος τῷ ἡρωϊκῷ, & ueritates *quibus pecu-*
 plerunq; fortiter dicere, sed replectum non habere, μήτε *liaris.*
 καίρου, μήτε μέτρου. *Sæpe horrendi odores.*) Quod prius spe-
 ciatim de succidæ lanæ suffitione, id nunc generatim de *Ordo grauis.*
 omnium graueolentium rerum odore testatur medica-
 mentum. Agunt autem id huiusmodi odores, non quia
 calefaciunt, sed potius quia meatuum obstructions ada-
 periant, & humores in cerebro congestos & commotos
 attenuant, dissipant & sternutamento educunt: quanq̃
 id etiam haud perpetuo agant, præsertim ubi morbus fir-
 mas fixerit radices: quare etiam nō perperam adiecit di-
 ctionem SÆPE. Contingit etiam aliās aliquando ubi ca-
 put uel sanitatis tempore multum oppletum est humori-
 bus, non modo graues odores, sed & aromatum quoq;
 & omnium satis calefacientium rerum odores ui sua calo-
 rifica caput petente & humores ac spiritus commouēdo

PHRENESI ET CAP. PVR..

perturbandoq̃, capitis grauitatem facere, ut in aphorismis testatur Hippocrates: cuius libro 3, uerba sunt hæc, Suffitus aromatu muliebria ducit, sæpius uero & ad alia utilis esset, nisi capitis faceret grauitatem. *Sanos.*) Incolumes, non quidem simpliciter tales, sed qui sanitatis, latitudinem egressi, iam ægrotare cœperunt, & in quibus ægritudinis initium factum est, nondum tamen confirmatum. Quot uero modis dicatur sanum, & ægrum, & si inter hæc sit medium, docet Galenus in libro μικροτεχνῆς, id est, artis paruæ. *Frimum.*) Ab initio egritudinis, cum iam afficere & ledere incipit, nondū tamen radices fixit. Nam ut paulo post inquit, Non semper præsens dolor est sanabilis: esto. Cura magis prodest uenturis obuia morbis. Quare Galenus, uti in libris de affectorum locorum notitia siue de interioribus refert, cum ardēti febre correptus floccos euellere & festucas colligere se intelligeret ex amicis astantibus, timens ne ex delirio illo phreneticus euaderet, dixit illis, Ne phrenitis me accipiat, auxilio estote. Si enim in phrenitin transisset delirium, uix et cum difficultate curari potuisset. *Curarier.*) Curari. Adiecta est syllaba Er, per proparalepsin: quæ figura est, ut Diomedes grammaticus inquit, quando aliquid ad nouissimam partem dictionis accedit, ut admittier orat, pro admitti. *Est par.*) Par cum uerbo substantiuo & nullo sequente casu, idem est quod decens, idoneum, rationi consentaneum, utile & proficuum.

Purgatur cerebrum mansa radice pyrethri.

Vngitur & succis dederit quos parua sabucus.

Purgatur.) Vacuatur, exoneratur, alleuiatur et ab humoribus noxijs emundatur. Est aut purgatio proprie, ceu iam paulo ante dictū est etiā, humorū sua qualitate molestantium euacuatio. Porro cerebrum non una purgatur uia. Sunt enim purgandi ipsum meatus multi. Nam cum rationalis animæ sit ceu domiciliū, uti Galenus de sanitate tuenda

Er syllaba in fine adiecta.
Proparalepsis figura.
Par.

Purgatio.

Cerebri purgandi meatus.

tuenda libro 1. tradit, & osse solido undiq; sit septum, plurimis maximis q̄ canalibus expurgatur. Primum per nares & palatum. Secundo per utraq; aurem. Tertio per caluæ commissuras. Nec absimile est etiam aliquid ab eo confluere ad oculos. Verum insanientium cerebrum Serenus hic potissimum per nares, palatum, & caluæ commissuras purgare docet, quamuis auribus etiam medicamentorum aliqua instillari possint, per quæ cerebrum expurgetur. *Mansa.*) Masticata & dentibus confecta atque comminuta. Est enim mandere, cibum dentibus comminuere: unde nutrices pueris cibum præmandere dicuntur. Et cibus mansus, hoc est, dentibus confectus atque comminutus, ex quo digestionis initium sumere creditur. Mandendo autem res ad id idoneas, cerebrum per os, palatum & canales illos atq; meatus à superfluis et noxijs expurgatur humoribus. *Radice.*) Hæc enim plantæ *Radix pyrethri.* pars sola nunc in medico usu est: unde Auicenna, Plurimum quod de hac planta administratur, est radix eius, melius autem est illud quod est acutum, mordicans linguam. Nam uis illi est feruens, masticatum ceu reliqua feruida, copiosam oris saliuā prorit: cerebri enim meatus obstructos aperiendo, & pituitam per palatum & os trahendo caput purgat, quemadmodū cæteri caput purgantes apophlegmatismi, hoc est, medicamenta quibus per os capitis pituita purgatur. *Pyrethri.*) Pyrethrō herba est, quæ, ut libro 3. tradit Dioscorides, caulem & folia agrestis dauci & fœniculi modo ex se profert. Umbellam anetho similem et rotūdā habet, radicem pollicis crassitudine, longam, sapore maxime feruido: qua mansa, in ore saliuā abundat, & capitis pituita purgatur. *Parua sabucus.*) Sabucus minor, humilis & humi depressa, quæq; in altum non surrigitur, unde & chamæacte à Græcis dicitur. Nam χαμαι humi depressam significat, & κτη uero sabucus est. Latini Ebulum uocant. Huius succus, ut Plinius etiam libro 24. cap. 8. tradit, cerebri collectiones, pri-

Mandere.

Radix pyrethri.

Apophlegmatismus.

Pyrethron.

Sabucus parua.

Chamæacte.

Ebulum.

PHRENESI ET CAP. PURG.

uatimq; membranæ quæ circa cerebrum est, lenit infusus. Vis illi ficans & refrigerans.

Expressusq; hedera mandatur naribus humor.

Aut mixtum rutæ cerebro stillatur acetum.

Non semper præsens dolor est sanabilis, esto,

Cura magis prodest uenturis obuia morbis.

Hedera.

Hedera.) Id est ex hedera succus præsertim ex folijs & corymbis eius: qui, ut Plinius tradit, naribus infusus caput purgat. Mandatur.) Immittitur, infunditur & instillatur.

Ruta.

Ruta.) Ruta duorum generū est. Vna satiuæ & hortensis, cui latiores folia, rami fruticosiores: altera syluestris, quæ maiore acrimonia est & ideo in cibis damnata. Quæ fico arbori adnascitur, melior edendo est. Succus exprimitur tusa ea & aspersa modice aqua, & in pixide Cypria asservatur. Feruentis naturæ utraq; & in præcipuis medicaminibus, gustu acris & amara: meatus occlusos referans, humores discutiens & ex imis partibus euocans, unde & insanientibus medetur. Celsus, Conuenit etiam offerre naribus rutam ex aceto contritam. Plinius, Rutæ succus & phreneticis ex aceto tritæ instillatur in tempora & cerebrum. Admiscetur autem acetum, quoniam aliorum medicaminum ad membra, ad quæ aliās pertransire sine eo non possent, uehiculum est atq; delator: præterea refrigerandi ui qua rutæ feruori resistit, dotatum est. Cerebro.) Scilicet per nares, ut apertis meatibus sternutamenta moueantur, per quæ materia expurgetur. Plurimum enim prodest in hoc morbo sternutamenta mouere medicamentis in id efficacibus: quæ tamen facienda sunt in hijs, quibus, ut Celsus tradit, uires non desunt. Non semper est sanabilis.) Scilicet ubi nimia facta est impressio. Nā, ut Mesue dicit, cura huius ægritudinis si iam impressit, cassa est: si autem adhuc sit præparamentum ut imprimat, sed adhuc non impressit, curatur: sed non apud negligentes & stolidos. Præsens dolor.) Impressus et iam confirmatus affe-

Acetum.

Dolor.

affectus. Dolor, uti Gal. ait, tristis est sensus. Aliquando uero dispositio ipsa in qua dolemus, & quæ cum dolore natura apta est fieri, quemadmodum Erysypelas, inflammatio, uulnus, fractio, ruptura, conuulsio & similia. Et in huiusmodi significato accepit dolorem nunc Serenus, & Hippocrates in libro epidemiarum sexto, ubi inquit, In Cranone dolores antiqui, frigidi, noui, calidi, sanguinolenti plurimi fuerunt. Et in aphorismis lib. 2. Quicumquæ, ait, dolentes parte aliqua corporis omnino dolorem non sentiunt, his mens ægrotat. *Esto.*) Ponit curæ possibilitatem. *Cura obuia.*) Curatio & medicatio morbo imprimere & radicem figere uolenti occurrēs, ipsumque præueniendo auertens. *Venturis.*) Futuris & firmam impressionem molientibus, cum scilicet adhuc est in principio, & nondum in uigore constitutus morbus: postquam enim omnino radices fixerit, tunc difficilis, imò, ut dictum est, impossibilis est curæ. Hinc Persius, Venienti occurrere morbo. Et Ouidius, Principijs obsta, sero medicina paratur, Dum mala per longas inualuere moras.

DE FLVORE CAPILLORVM ET MACVLIS CAPITIS TOL.

CAPVT VIII.

DE FLVIT expulsus morbo latitante capillus,
Seu raro ablueris, seu uis epota ueneni est,
Seu salamandra potens, nullisq; obnoxia flammis
Eximium capitis tactu deiecit honorem.

DE FLVORE *capillorum.*) De casu & deflu- *Defluuij capill-*
uio capillorum. Decidunt autem capilli uel uia *orum causa.*
naturæ ob alimenti inopiam, & fit caluities, de
qua nihil in præsentia, nam incurabilis est pas- *Caluities.*
sio: uel propter uitium aliquod accidēs in humoribus ex

DE FLVORE CAPILL. ET MAC.

Corporis ex-
crementa tri-
plicia.
Sicca.
Humida.
Halituosa.

Pori.

Sudor.

Insensibilis
transpiratio.

quibus nascuntur. Qualis autem sit humor ex quo gene-
rantur, & ex cuius corruptione corrumpuntur, docet
nos Galenus tuendæ sanitatis libro 1. ubi de corporis ex-
crementis agens, dicit illorum unum esse siccum quod
per aluum deijcitur: alterum humidum quod per uesticam
excernitur: tertium uero halituosum quod in singulis
animalis nascitur particulis, ex ipso unde aluntur succo.
Cui excremento quamuis nullus certus ut alijs à natura
præscriptus est meatus, expellitur tamen ipsum partim
actum per ipsa molliora corpora, quæ fluentis eius uio-
lentia cedunt, potissimum cum à spiritu maiore impetu
irruente, impellitur: partim etiã per exiguos omnes quos
poros Græci uocant, corporis meatus, quorum non mo-
do reliquum corpus uniuersum, sed etiam tota cutis ple-
na est. Porro huiusmodi generis excrementum tenuissi-
mum facile sanè eijcitur, partim quidem in speciem hali-
tus ab insito calore solutum, partim uero uiolento motu
confertim erumpens. Cæterum quod ita excernitur, S V-
D O R E M appellant. Alterum uero cui nullum publice no-
men est, & quod uulgo etiam quoniam uisum præ tenui-
tate effugiat, haud cognitum est ab ijs qui id ratione con-
templati sunt, Græce ἀσθηλος ἀίσθησις δ' ἀπνοή uocatur, hoc
est, insensibilis & sensum latens trāspiratio, in qua etiam
crassioris excrementi nonnihil excernitur, cui tamen &
uehementiore calore, & fluoris impetu maiore opus est,
ne ante itineris finem fistatur, saltem ad cutim: à quo ex-
cremento etiam tum sordes quæ circa omnium cutim
semper adseruantur, tum pili ipsi originem habent. Et
non solum ab huiusmodi per cutim transpirante excre-
mento, à principio pili gignuntur, sed & de cætero ue-
luti succrescendo, ut idem therapeutice libro 14. scribit,
augentur. Cæterum quoties id uel prorsus perit, uel
redditum est uitiosum, toties pilos corumpi est necesse:
quemadmodum & stirpes ipsæ aut nutriente succo desti-
tutæ, aut non idoneo usæ, corrumpuntur. Verum quan-
do

do prorsus deperditur qui pilos alit succus, caluities ori-
 tur, passio insanabilis. Quando uero uitatur, tum ophia-
 ses tum alopecia proueniunt: in quibus omnibus particu-
 larum quæ utilis fuerat, amissio est. Vtraque uero ab animali
 nomen adepta est. Alopecia quidem quod uulpina sit pas-
 sio, id est, quæ uulpibus sæpe accidere consuevit. Ophia-
 sis uero à serpentis similitudine nomine ducto. Quorum
 malorum alopecia Galenus in diffinitionibus suis dicit
 esse natiui coloris in capillo mutationem, qua ad aurum
 inclinato colore capillus à radicibus fluit. Ophiafim uero
 similem huic in capillo natiui coloris in magis uarium et
 uersicolore mutationem, quo uitio circumactis & obli-
 quis spatijs capitis partes glabrescunt. Celsus hæc mala
 Areas uocat, & de iisdem libro 6. sic scribit: Arearum duo
 genera sunt. Commune utrisque est, quod emortua sum-
 ma pellicula pili primum extenuantur, deinde excidunt:
 at si ictus is locus est, sanguis exit liquidus & mali odo-
 ris, increfcitque utrumque in alijs celeriter, in alijs tarde. Peius
 est quod densam cutem & subpinguē & ex toto glabram
 fecit: sed ea quæ alopecia nominatur sub qualibet figura
 dilatatur, fit & in capillo & in barba. Id uero quod à ser-
 pentis similitudine Ophiafis appellatur, incipit ab occi-
 pitio, duorum digitorum latitudinem non excedit, ad au-
 res duobus capitibus serpit, quibusdā etiam ad frontem,
 donec se duo capita in priorem partem committāt. Illud
 uitium in qualibet ætate est, hoc ferè in infantibus. Illud
 uix unquam sine curatione, hoc per se sæpe finitur. Hæc
 Celsus. (Maculis.) Capillorum et capitis defedationibus,
 areis, glabretis & inanitatibus, præsertim ijs quæ in ophia-
 si fiunt. Nā quod serpētinis maculis sit assimilis, ophiafis
 dicta est. (Defluit morbo latitante.) Ponit primo floris capil-
 lorum causas, quarum una est aliquando morbus. Solet
 enim post morbum ferè semper capillorum contingere
 defluuium, humores enim sub cute latentes à quibus nu-
 triuntur, & subinde succrescunt capilli, tunc maxime cor

Caluites.

Alopecia.

Ophiafis.

Area.

Morbus deflu-
uij causa.

N

DE FLVORE CAPLL. ET MAC.

1
Sordes et rior capitis lotio.

3
Venenum.

Venenū quid.

4
Salamandra.

rumpi solent: quamuis etiam citra morbos id aliquando fiat. *Seu raro ablueris.*) Alia fluoris capillorum causa est rior capitis lotio, cuius intermissione sordes circa cutim aceruantur, qui tandem putrescentes capillorum radices etiam corrumpunt, unde & decidunt. *Vis epota ueneni.*) Inter defluū capillorū causas una etiam est uel assumptum uenenum: cuius signum est, coloris in uniuerso corpore mutatio, aut enim liuens est, aut nigricās, aut uarius. Nec refert siue in cibo siue in potu fuerit assumptum: quāuis facilius fallere, celeriusq; in uenas & uniuersas corporis partes permanare, precipueq; cor ipsum pertingere possit in potu quā in cibo sumptum. Est autem uenenum quicquid assumptum aut attactum nocet, & naturā eius cui approximatur, immutat. Quod, ut Auerrois docet, in corpore operatur, aut qualitatibus primis, aut à tota substantia, aut fortitudine attractionis, aut uitæ calorem remouendo *Salamandra.*) Alia fluoris capillorum causa & efficax quidem est, ut inquit, salamandræ attactus. Est autem salamandra, ut Dioscorides tradit, ignauum animal, in lacertarum censu & genere, colore uario. Er ut Plinius scribit libr. 10. Salamandra animal est lacerti figura, stellatum, nūquam nisi magnis imbribus proueniens, & serenitate deficiens. *Potens.*) Efficax in nocendo et præsens. Estq; ut Plinius libro 29. cap. 4. tradit, inter omnia uenena salamandræ scelus maximū. Cætera enim singulos feriunt, nec plures pariter interimunt, ut omittam, quod perire conscientia dicuntur homine percusso, neq; amplius admitti ad terras. Salamandra populos pariter necare impruidos potest. Nam si arbori irreperit, omnia poma inficit ueneno, & eos qui ederit, necat frigida ui, nihil aconito distans, quinimo si contacto ab eo ligno uel pede crusta panis incoquatur, idem ueneficium est, uel si in puteum cadat. *Nullis obnoxia flammis.*) Hoc est, ignis calori & consumptioni non subiecta, sed ab igne, in quo uiuit, inuicta: imò tantus huic rigor est, tradente Plinio libro

bro 10. cap. 67. ut ignem tactu extinguat, non alio modo
quàm glacies. Quamuis alibi, libro scilicet 29. idem neget
uerum. Inquit enim, Ex ipsis quæ magi tradunt contra
incendia, quoniam ignes sola animalium extinguat, si fo-
rent uera, iam esset experta Roma. Sestius negat restingui
ignem ab hīs. Hæc Plinius. Dioscorides item libro 2. igne
non cremari salamandram, falsum esse dicit. *Capitis hono-*
rem.) Capillos, qui à summo illo rerū opifice ornamentis
& honoris causa in capite ueluti in eminente ædificij cul-
mine procreati sunt. Non obstante quod Aristoteles ca-
pillorum rationem ad duas tantum referat causas, uide-
licet ad necessitatem ipsam, & ad præsidij rationem: qua-
rum necessitas est propter cerebri humiditatem ac caluæ
commissuras: ubi enim plurimum est humoris atq; calo-
ris, ibidem pilorū ortus ut copiosior sit, necessum est. Præ-
sidij autem ratio est, ut pilorum copia caput à nimio tum
frigore tum calore defendat. Et quamuis hæc duæ præci-
pue capillorum sint causæ, nihilominus tamen et in or-
natu est tertia, qui uelut in ædificij culmine miri decoris
speciem ostendat. Vnde Charilaus aliquando interroga-
us, cur comam nutrirer? respōdisse fertur, Quoniam ex
omni ornatu is pulchrior, uenustiorq; ac minimi sump-
tus esset. Sed de hīs antea quoq; dictū est ca. 4. Cæterum
hominis caput inter cetera animantia cuncta maxime pi-
losum esse, rei ipsius indicio satis cōstat, nec argumētis ad
id opus est. *Tactu.*) Præsertim saliuæ. Nam, ut Plin. lib.
10. ait, Eiusdē saliuæ quæ lactea ore uomitur, quacūq; par-
te corporis humani contacta, toti defluūt pili, idēq; quod
contactum est colorem in uiriliginem mutat. Et libro 29.
Quippe cū saliuæ eius quacūq; parte corporis, uel in pe-
de imo respersa, omnis in toto corpore defluat pilus.

*Capillorum
cause.*

Nonnūquam uariant maculæ, paruisq; parumper
Orbibus aspersum ducit noua uulnera tempus.

Nonnunquam uariant.) Ostenſis Alopecię & defluuij capillo-

DE FLVORE CAPILL. ET MAC.

Tiria. rum causis, describit nunc alteram arearum speciē, quam ophiasin siue tiriam uocant aliqui. *Variant macula.*) Areæ & depilationes uarie & tortuose fiunt & serpunt. Vnde Abinzoar libro 1. Theizir ait, Tiriam à serpentis nomine ita nominari, eo quod depilatio cutis fit per uiam tortuosam. Et Galenus in primo memiri capite primo, demonstrat alopeciam non differre à tiria (quam ipse serpiginem uocat) nisi in sola figura. Alopecia enī, ut Celsus tradit, sub qualibet figura dilatatur, non sic autem altera ut iam patuit. *Orbis.*) Circuitibus & tortuosis itatibus maculosis in orbis formam factis. *Noua uulnera.*) Vlcerā recētia, per quē tiria siue ophiasis differt ab alopecia. Vnde Auicēna canonis libro 4. dicit: Et differentia quidem inter alopeciam & tiriam est, quod in tiria non tantum cadunt pilī, imò exoriatur cum ea cutis tenuis, sicut accidit serpenti, & fortasse accidit in ea figuratio proueniens sicut figura serpentis. *Tempus.*) Ophiasis enim, ut Celsus ait, ab occipitio incipiens, ad aures duobus capitibus serpit, quibusdam etiam ad frōtem, donec se duo capita in priorem partem committant. Tempora autem partes sunt capitis, oculos ac aures interiacentes.

Vipereæ pellis cineres his addito rebus,
Roboreæ sue pilas ursino iungito seuo,
Vel testudineo mala permulceto cruore.

Vipera. *vipereæ.*) Vipera serpētis genus est, sic dicta, ut aliqui uolunt, quod ui pariat, non obstante quod & reliqua animalia ferme omnia ui quadam partum suum edere soleant. Alij hanc nominis rationem ueluti frigidiusculam, refutantes, uiperam, eo quod uiuum, hoc est, animal pariat, quasi uiuiperam dictam aiunt, id quod ex feræ proprietate colligunt. Nam, ut Aristoteles & Plinius tradunt, sola uipera ex omni serpentium genere animal parit. Sunt & alij qui ideo dictam uolunt uiperam, quod ui pereat, eo quod tum mas in coitu, tum foemina in partu pereat. Sed
quæ

quæ potior sit sententia, iudicent alij. Verum uiperam Græci, marem quidē Echin, fœminam uero Echidnam ^{Echid.} uocant, sicq; diciam uolunt ^{Echidna.} παρὰ τὸ ἔχει ἐν αὐτῇ τὴν γονὴν ἄχρι θανάτου, quod ad interitum & mortem usq; fœtus in tus contineat. Nam dum pariendi tempus adest, fœtus exeso parentis utero in hæc uitalia prorumpit: idq; pœna, ut uolunt, iustissima, quo scilicet talionem reddat. Nam coeuntibus mare & fœmina, hæc coeuntis maris præ dulcedine caput abrodit. Quod & Nicander testatur dum inquit, Vipera sæua caput lætali dente mariti Mor-
dicus abscindit, sed nata ē semine proles, Viscera dilaniat matris, lucemq; requirit, Sic patris interitum sub primo ulciscitur ortu. Et Galenus in libro de Theriaca ad Pisonem ex Nicandri sententia ait, Vipera præ alijs animalibus omnibus caput ad perniciem habet idoneum: nam, ut ferunt, maris semen aperto ore excipit, quo deinde suscepto, eiusdem caput abscindit: tali uiperarum exitiali existente complexu, demum ex semine geniti catuli quodam naturæ instinctu uterum matris abrodunt, atque in lucem erumpunt patris mortem uindicantes. Sed contra hæc Appollonius apud Philostratum, Vipera esse uisam refert, serpentes, quos peperisset, lambentem quasiq; expolientem. Non enim assentior, inquit, impudenti eorum sermoni, qui uiperarum fœtum absque matre prodire aut uinant: id natura non patitur, nec recipit experientia. Sed hijs omiſſis, ad alia progrediendum. Itaq; quam nos uiperam, Græci echidnam uocant, Arabes ex Græcorum lingua detorto & corrupto uocabulo Tyrū appellant, generis nomine speciei imposito. Nam uipera theriu species est. Theriō ^{θηρίον.} δὲ ἄλλοι Græcis & præsertim poëtis, fera est & noxia bestia, ceu lupus, leo, ursus. Apud medicos uero pro uenenata bestia accipitur, quæ morſu aut ictu uenenum relinquunt, & ueneni sui ui & maleficio nocent, maximeq; uiperam significat: & in hoc significato peculiariter utitur Gal. Et quæ de Tyro

DE FLVORE CAPILL. ET MAC.

tradit Serapio, eadem de uipera scribunt Dioscorides, Paulus atq; Galenus. Et quos hñ trochiscos, seu, ut Plin. uocat, pastillos appellant theriacos, quoniam ex therio, id est, uipera componuntur: eosdem Auicenna in mentione theriaces Andromachi, trochiscos uocat tyri. Verum quæ medicorum uulgus narrat hodie de serpente quodam alio à uiperis & peregrino, qui proprio nomine Tyrus appelletur, & quē nō nisi peregre ex Aegypto usq; petatum, nobili illi antidoto theriacæ addere oporteat, fabulosa sunt, & à ueritate maxime aliena. Vipera enim est quæ theriacæ admiscetur, & non modo in Aegypto, sed & uniuerso orbe reperitur, quare etiam ex ubique reperta confici potest theriaca: quamuis nō inficias eam, uno in loco repertam efficaciorē & utiliorē esse quā in alio. Nam, si Theophrasto credimus, plurima sunt quæ tum loci in quo agunt, tum uictus quo uiuunt causa, uiribus aut efficaciora aut deteriora redduntur. In Arabia enim si quem momorderit uipera, uulnus facit, sed ac si ferro illatum fuerit, citra ueneni timorem, quod cibi ratione quo alūtur contingit: cum enim odoratis ac medicatis ceu balsami succo, qui ubertim illic nascitur, plurimum alantur, uirus aliās letale, mitiore permutant potestate. Alimenta enim uim habent non minimā tum mitigandis tum accendendis uenenis. Vnde etiam in Phœnicia, uti tradunt, uel halitu solo uiperæ perneant hominem, ob radicem quæ illic nascuntur uim atque uenenositatem. Quare non mirum est, unam theriacam altera meliorem credere & esse, ob uiperas, uipere ò sue pastillos aliunde conquisitos & additos. Neq; uipera quæ trochiscos theriacos ingreditur, pro alijs accipitur serpentibus, quā de quibus paulo ante dictum est ex sententia Galeni atq; Nicandri: quamuis diuersum manifestum errore tradat Gētilis haud parū autoritatis medicus, dū in expositionibus suis in quintū Auicēnæ librum sic ait, Ut apparet Vipera sumitur pro communibus serpentibus

tibus, non pro illis quæ caput masculi in specie sua præ-
 scindūt quando coit cum ea, unde filij facientes matris
 uindictam eas scindūt. Sed erroris causa, reor, fuit, quod
 eosdem serpentes aliquando uiperas aliquādo tyros no-
 minauit Auicenna. Cæterum sunt qui uiperam non ali-
 um credant quam quem uulgo marassum uocāt, à Mar-
 forum populis ducta nomenclatura, quia id genus ma-
 xime consecrantur, circumferrentq; Marfi. Quod &
 Galenum significare dicunt in libro ad Glauconem, et li-
 bro de simplicibus. 11. Et Plinium quoq; qui libro 7. Mar-
 sos à Circes filio ortos testatur, & ob id ingenitam cōtra
 serpentes uim illis fuisse. Cuius sententiæ autores sunt
 cum primis Nicolaus Leonicens medicinæ decus præ-
 cipuum & parens optimus, qui primus labefactatā fun-
 ditusq; euersam medicinam reparare & è tenebris Aescu-
 lapij more reuocare aggressus est, barbaramq; illam me-
 dicinā Latinitati restituit. Alter huic subscribens est Lu-
 donicus Cælius, uir eruditus & in omni disciplinarum
 genere exercitatus. Quorum permulta de uiperis & de
 illarum in pariendo natura, & an Plinius & Aristoteles
 de hoc inter se concordent, discordentue, tradit uterq;
 hic quidem in antiquarū lectionum libris, ille uero tum
 in proprijs tum in his quos de Plinij & aliorum medico-
 rum erroribus conscripsit: cuius tamen ueracia scripta
 mordere haud puduit Pandulphū quedā Collenutium,
 uirum & si aliās non indoctū, tamen, ut est in proverbio,
 εαυτὴν ἀυλὴν. Sed de his satis. Nunc quia theriacæ facta est
 mentio, sciendum theriacam proprie dici ἀπὸ τῶν θηρίων, Theriaca.
 hoc est à feris uenenatis quæ icū aut morfu uenenum re-
 linquunt. Et hoc aut quia aduersus theria, id est, feras ue-
 nenatas præsens sit remedium: & sic accipit Plinius libro
 20. cap. ultimo, ubi theriaces compositionem describit,
 nulla uiperæ facta mētionē, qua magnus rex Antiochus
 aduersus omnia uenena usus traditur. Et libro 29. cap. 1.
 dicit; Theriace uocatur excogitata compositio luxurię: fit

DE FLVORE CAPILL. ET MAC.

ex rebus externis, cum tot remedia dederit natura, quæ singula sufficerent. Aut dicitur theriaca, quoniam therion, id est uipera, compositionem eius ingreditur: unde quoque eandem ob causam trochisci siue pastilli theriaci uocantur: de quibus Plinius libro iam dicto cap. 4. sic scribit, Fiunt ex uipera pastilli, qui theriaci uocantur à Græcis, quaternis digitis utrinque amputatis, exēptisq; intera-
neis & liuore spinę adherente, reliquo corpore in patina ex aqua & aneto discocto, spinisq; exemptis & addita similagine, atq; sic in umbra siccatis pastillis, quibus ad multa medicamenta utuntur. Significandum uidetur ē uipera tantum hoc fieri. Hactenus Plinius. Quod autem ad extremarum partium amputationem attinet, fatentur id etiam medici, sed in amputationis causa adserēda non conueniunt: aliqui enim id fieri debere uolūt, quoniam in his partibus & in ore potissimum uenenum gestitent: quod tamen tanquam fabulosum non acceptat Dioscorides, sed eò causam reijcit quoniam partes illæ sint ossæ & sine carne, quare etiam inutiles. Verba eius libro secundo, sunt hæc: Oportet detracta pelle caput & caudā, quod nulla in hīs caro est, amputare. Fabulosa enim ad mensuram extremarum uiperæ partium amputatio est. Sed hoc ultimum Dioscoridis dictum ad amputationis causam tantum, quia uenenū in hīs partibus lateat, referendum est, non simpliciter ad amputationem ipsam in qua omnes conueniunt. Demum theriaces nomine uocantur aliquādo sine permixtione id genus simplicia quoq; uenenis aduersantia, ut apud Auicennam canonis libr. 2. cap. de opopanace, Cum aristolochia pota, theriaca est. Et capite de Scylla, Theriaca est, inquit, aduersū uenenosa. Plinius item libr. 32. cap. 4. Et algam maris theriacen esse Nicander tradit. Sed de uipera & theriaca satis superq;. Pellis.) Membranę & cutis exuētæ ac aridę et inanis, quam renouando iuuentam, quottanis exuunt, & exuuium spoliūq; dicitur. Plinius senectam, senium &

Exuuiū
Spoliū Serpētis.
Senecta,

& senectutem appellat: interdum uero quia uerno tempore potissimum hanc exuunt, uernationem. Græcileberida & aliquando syphar dicunt. Huius cremati cinerem alopeciam sanare testatur etiam Plinius libro 29. cap. ultimo dicens, Pellium uiperinarum cinis alopecias celerissime explet. (Cineres.) Cinis combustæ materiæ puluis est. Modus uero cōmunis cremandi res omnes præter ligna est, ut in testaceum & fictile uas coniiciantur & operculentur, tum carbonibus obrutæ dimittantur usq; dum exustæ sint. (His addito rebus.) Arcis, alopeciæ et ophiassi apposito & inungito. (Roboreas pilas.) Idem medicamentum hoc testatur etiam Plinius libro 24. cap. 4. dicens, Roboris pilulæ ex adipe ursino alopecias capillo replent. Est autem Robur glandifera arbor, de qua inter alia idem Plinius libro 16. sic scribit: Robur præter fructum plurima alia gignit. Nanq; fert & gallæ utrūq; genus, et quædam ueluti mora, ni distarent. Nascuntur in eo & pilulæ nucibus non absimiles, intus habentes flocculos molles, lucernarum luminibus aptos: Nam & sine oleo flagrant sicuti galla nigra. Fert & aliam utilem pilulam cum capillo uerno tempore tamen. Gignunt & alij ramorum eius pilulas corpori non pediculo adherentes. Necnon & è folijs conuolutas pilulas. Ferunt robora & cachryn: ita uocatur pilula in medicina urendi uim habens. Continet nucleum pineis similem, is crescit hyeme, aperitur uere pilula tota: cadit cum folia cœperint crescere. Et hæc pilula est aduersus capillorum defluuia efficax. Qualis autem hæc ipsa seu cachry sit, & quæ eius forma & figura, clarius nos docet Theophrastus de plantarum historia lib. 3. hīs uerbis: Harum unaquæq; ex paruis particulis squamarum modo deinceps constat eadem qua pineæ nuce forma, eousq; ut non dissimilis nouæ & uiridi pineæ nuci figura sit, oblongior tamen forma & æqualiter per totū crassa. Augetur hoc hyeme, uere aperitur: flauescuntq; tunc squamæ illæ, & in trium digitorum longitudinem

Senium,
Senectus anguiæ.
Vernatio.

Leberis.

Syphar.

Cinis.

Aduersionis re-
rum modus
communis.

Robur.

Pilulæ roboris.

DE FLVORE CAPILL. ET MAC.

Vrsi adeps.

στέαρ.

Seuum. στέαρ.

Adeps. πρ
μελί

Sanguis testudi
nis.

Sanguis.

Cruor.

estudo.

extenduntur: & cum uere folium prodierit, decidunt. Ha-
cenus Theophrastus. *Vrsino seuo.*) Adipe urfi, qui, ut
Dioscorides tradit, capillos nutrit, & auget, alopeciasq;
emendat & explet. Et Plinius libro 9. Vrsio, inquit, sunt
adipes medicaminibus apti, cōtraq; defluuium capilli te-
naces. Quod autem ad seuum attinet, sciendum quod
quemadmodum Dioscoridi unum & idem totius anima-
lium omnium pinguis nomen est στέαρ, ita Sereno sub di-
uersis, seui, adipis, & pinguis nominibus, unum & idem
pingue est, idq; à renibus potissimum detractum, à qui-
bus omne laudatissimum. Quamuis Aristoteles libro de
historia animalium tertio, seui & adipis ex animalium ge-
nere & eorum partibus corporumq; temperamentis &
pinguium ipsorum habitu, sua fecerit discrimina. Quo-
rum alterum apud Græcos στέαρ, alterū πρμελί uocatur,
hoc Latine adipem, illud seuum seu mauis sebum dixe-
ris. Quorum seuum pinguedo est durior, plusq; terrestris
naturæ participans, & cum refrixit glaciatur & fragilis
est, & in fine carnis semper existit, & in animalibus alteræ
tantum parte dentatis, & naturæ temperamento magis
terrestribus repperitur: adhæc seuum ægre liquefit, liqua-
tum uero celerrime densatur, duriusq; adipe uel sensu
ipsoprehenditur. Adeps autem contrario modo se ha-
bet. Nam liquidior est, minusq; duratur, ac inter carnem
& cutem inuenitur, & in animalibus utrinq; dentatis &
naturæ temperamento humidioribus, celerrimeq; liqua-
tur. Et hæc seui ac adipis autore Aristotele differentia.
Nec obstat quod Plinius libro 11. tradit adipem concre-
tum & cum refrixit fragilem, semperq; in fine carnis. Sed
quàm bene id dicat, iudicent aliq. Vulgus hodie Aristote-
lis sententiam sequitur, & differentiam illam ab eo præ-
scriptam obseruat. *Testudineo cruore.*) Sanguine testudi-
nis. Caper grāmaticus sanguinē dicit, dū manat: effusum
uero, cruorē. Sed nō obseruatur hæc proprietas. Testudo
autē animal est quadrupes, ut Pacuuius illā describit, tar-
digrada,

digrada, agrestis, humilis, aspera, capite breui, ceruice an-
guinea, aspectu truci. Et ut Græci dicunt ἀμφίβιον, hoc ἀμφίβιον.
est, aqua terræq; ceu rana uictitans. In quibus & naturæ
spectabilis potētia est, ut Plinij uerbis utar, qui etiā lib. 32.
post castorū medicinas & obseruationes de testudine sic
quoque ait: Geminus similiter uictus in aquis terræq; &
testudinū, effectusq; par in honore habendo uel propter
excellēs in usu pretiū naturæq; uere proprietatem. Et pau-
lo post in medicinæ ipsius obseruatione, Testudinum, in-
quit, marinarū carnes ammixtæ ranarū carnibus contra
salamandras præclare auxiliātur. Neq; est testudine aliud
salamandræ aduersus. Sanguine alopeciarū inanitas, &
porrigo, omniaq; capitis ulcera curantur. Inarescere autē
eum oportet, lēteq; ablui. Dicta est autē testudo, ut Varro
sentit, quod testa tegatur. Suntq; genera ipsius plura, de
quib; dictū est supra. *Permulceto.*) *Permollito* & *inūgito*.

HVMORIBVS ET PERFRIC- TIONIBVS MEDENDIS.

CAPVT IX.

SAEPE ita peruadit uis frigoris ac tenet artus,
Vt uix quæsito medicamine pulsa recedat.
Si ranam ex oleo decoxeris, abijce carnem,
Membra foue, parili pellet ratione rigorem
Vrticæ semen, perceptaq; frigora uincit.
Et ceruina potest mulcere medulla rigorem.



HVMORIBVS.) Scilicet frigidis et crassis,
qualis est pituita crassa & uiscida in corpore
collecta & concreta, cuius exuperantia & su-
perfluitatis redundātia fiunt capitis, stomachi
& artuum dolores, debilitates, grauitates et dispositiones
ægritudinesq; alię. *Perfrictionibus.*) Id est, algoribus & fri *Frigoris noxia.*

HVMORIB. ET PERFRICT.

goribus & ex hijs neruorum ac artuū cōtractionibus. Frigus enim neruis & mēbris neruosis inimicū, illa cōgelās et cōtrahens ac meatus constringendo spiritibus transitū intercipiēns, unde à soliti muneris functione destituit, & sensus aut motus aut utriusq; difficultatem inducit, aut horum alterum uel utrunq; simul auferunt. Acciduntq; ægri tudines qualis est paraly sis, spasmus, stupor & id ge nus si quæ sunt alia. *Peruadit.*) Pertrāsīt ac penetrat. *Ver gilius,* Penetrabile frigus adurit. *Vis frigoris.*) Violentia & acuties ipsa frigiditatis & aeris ambientis frigidi. *Ho rati us,* Geluq; flumina constiterint acuto. *Tenet.*) Deti net & congelando contrahit, et per hoc ultra frigoris no xam, duritiem quoq; neruorum nobis insinuat et motus difficultatem. Nam quæ frigent membra, horrent etiam et dure scūt quodam modo, subindeq; sensu et motu non nihil destituuntur. *Artus.*) Artus proprie dicuntur par tes corporis inter iuncturas connexæ; sic dictæ quod in ter se arctentur: & per diminutionem articuli partes mi nores ceu digitorum. Differuntq; à membris, quoniam artus dicuntur ossa cum neruis et uenis; membra uero ca ro quæ artus tegit. *Silius,* Et uenis male iuncta trementi bus ossa, Extant cōsumptis uisu deformia membris. Sed ista sæpius confunduntur nec semper isthæc obseruatur proprietas. *Quæsto.*) Conquisito & requisito atq; ex quisito. *Ranæ ex oleo.*) Hoc est oleum in quo coctæ sunt ranæ. Coquuntur autem donec caro ab ossibus separe tur, quibus deinde proiectis, quod reliquum est, usui serua tur. Tale uero oleum neruos refrigeratos calefacit, & in duratos mollit, dolores lenit, & membris sensum ac mo tum restituit, imò ut inferius tradit, articularijs morbis et neruis contractis est quàm utilissimū. *Carnem.*) Totam ranarum materiam crassam, scilicet, carnem, ossa, & quic quid crassioris est substantiæ. *Membra.*) Artus, ubi ab ex terno frigore fuerint affecti. Nam ubi ab interiore causa ceu humoribus superfluis propter obstructionem mea rum

Artus.
Articuli.
Membra.

Oleum ranarū.

tuum cerebri & originis neruorum acciderit affectio, tūc
 alibi applicanda erunt medicamenta, ceu in occipite, nu-
 cha et primis uertebis. Rigorem.) Frigus et duritiē: Nam Rigor.
 quæ frigent membra, horrent etiam & durescunt quo-
 dammodo, Rigorem pro frigore accipit M. Cato in libr.
 de re rustica cum ait, Ni rigore peruratur. Pro duritiæ ue-
 ro Vergilius inquit, Tū ferri rigor. *Vrtica semen.*) *Vr-* Vrtica.
 tica omnibus nota herba est, qua quamuis nihil inuisius
 nascatur ob igneum pruritum quo urit & unde nomen
 habet, tamē nihilo secius plurimis etiam scatet remedijs,
 multisq; medetur morbis: & semen quidem quod effica-
 cius est, ex oleo membris frigore rigentibus inunctum: ca-
 lorificum enim est & discussorium. Nec modo rigenti-
 bus algore membris, sed & articularibus morbis te poda-
 gricis cum oleo uetere plurimi imponunt, ut refert Pli-
 nius. *Ceruina medulla.*) Medulla ceruina omnium proba- Medulla cer-
uina.
 tissima est & laudatissima, mox uitulina, post hanc tauri-
 na, tum caprina & ouilla, ut tradit Dioscorides. Sed Pli-
 nius post uitulinam proximam laudat hircinam & dein-
 de caprinam. Est autē medulla, pingue id quod in ossium Medulla.
 medio latet, de quo sic scribit Dioscorides, Crassescit me-
 dulla omnis ultima æstate appetente iam autumno, reli-
 quis temporibus sanguineo colore & ueluti fluida caro
 in ossibus inuenitur. Cognitu difficilis medulla est, nisi
 aliquis à seipso exossatam roposuerit. Molliunt medullæ
 omnes, rarefaciunt, calefaciunt & ulcera explent. Curan-
 tur, ut Plinius docet, ante autumnum recens lutæ, sicca-
 tæq; in umbra per cribrum, deinde liquatæ per lintea ex-
 primuntur ac reponuntur in fictili locis frigidis. *Mulcere.*)
 Delinire, mollire & mitigare.

Decoctum raphani semen cum melle uorabis.

Decoctum raphani semen.) Pituita & noxi humores capitis
 & totius corporis, quoniam sæpiusculæ uentriculi ratio-
 ne proueniunt, ideo nūc autor ante capitis purgationem

HVMORIB. ET PERFRICT.

Vomitus.

Rhaphnus.
Radix,
Radicula.

Armoracea.

docet mederi uētriculo iuxta doctrinā Galeni, qui micro-
technes libro tertio unum commune præceptum obser-
uandum sub oculos nobis proponit: scilicet, ut unam
quanq; prius quæ efficit causam rescindamus: deinde ita
ad illam quæ ab eadem causa facta est, ægritudinem acce-
damus. Cū itaq; à uentriculo & excremētis eius uapores
quidam subleuantur ad caput & id implendo aggrauāt,
necessum est in primis uentriculum à talibus excremētis
purgari. Quod bifariam fieri potest: aut uentrem subdu-
cendo, de quo nulla est ambiguitas: aut uomitū ciendo,
de quo Auicēna quarta primi dicit, quod uomit⁹ euacuat
pituitam et bilem: ipse nanq; nō habet quod ipsum mun-
det, sicut intestina habent bilem ruffam quæ ad ea descen-
dit et mūdāt ea, et remouet grauitatē quæ accidit capiti, &
aufert fastidium, & confert lassitati corporis, & epilepsiæ
stomachicæ & tremori et paralyfi. Est autē maxime post
coenā utilis, ut Celsus tradit, hoc est, post assumptū cibū.
Vnde nostri temporis medici ferme omnes in hoc con-
sentiunt, & præcipiunt, uomituros primo uentriculum
uarijs replere cibarijs, deinde uomitum ciere: quod ta-
men periculosum est, multi enim hoc pacto strangulan-
tur, sæpiusq; mors inde sequitur: id quod sæpiuscule se-
uidisse testabat præceptor noster LEONELLVS VICTO-
RIVS, æui sui BONONIAE medicus: clarissimus: quare
ab huiusmodi uomitus prouocatione semper dehortari
solebat discipulos. Sed unusquisq; quod rationi cōsen-
taneum & sine periculo fore censuerit, id sequatur. Rha-
phani.) Raphanus, duū generū est. Vnus satiuus, qui etiā
radix uocatur & radicula. Celsus libro 3. cap. de resolu-
tione linguæ. Nonnunquam multam esse radiculā opor-
tet, deinde uomere. Alius uero agrestis est, armoracea di-
ctus. Dioscor. Agrestis raphanus quā Romani armora-
ceā uocant. Palladius libro 11. Item betā locis ficcioribus
nec nō armoraceā seremus, uel transferemus ad culta, ut
melior fiat, nam hæc agrestis est raphanus. Raphano uis
&

& natura est, ut tradit Dioscorides, colligendi flatus. Calefacit, in cibo gratus ori, sed stomacho parum accommodatus, ructus cit, bonam facit aluum, sed oportet à cibo eum sumere, sic magis digestionem conferentem: præsumptus enim cibum in stomacho supra se suspendit. Præsumptus itidem uomitionibus accommodatus est, sensus exacuit. Cortex raphani ex aceto mulso sumptus, maiore efficacia ad uomitiones est. Et hæc de plantæ radice dicta sunt: de qua Plinius etiam libro 20. sed cōtra quàm hic, ait: Vomituris summo cibo esse raphanos utilissimū est: purgant enim stomachum, pituitamq; extenuant raphani. *Semen.*) Quod, ut Gale. lib. simpl. s. tradit, fortius est omnibus partibus plantæ, & agrestis quidem fortior est domestico: cuius uirtus est calida & sicca atq; attenuatiua, quæ in uomitu prouocando desideratur. Et de semine Dioscorides ait, Vomitorium etiam semē raphani est. Et Auicēna quarta primi, Res quoq; quæ uomitus sunt præparatoriæ, sunt eruca & raphanus cum melle, & quæ sunt eis similia, & eorum semina. *Vorabis.*) Degluties. *Vorare.* Vorare est cibum non confectum dentibus deglutire.

Siue fel ursinum tepefacta dilue lymphæ,
Proderit hoc potu. Seu cassis ostrea testis
Vsta dabit cinerem, qui pro sale sumptus in escis,
Decutiet gelidum calefacto uertice uirus.

Fel ursinum.) Ponit nunc uentris subductiuū medicamen *Fel ursi-*
tum. Est autē fel nihil aliud quàm pessimi sanguinis pur- *Fel quid.*
gamentum, Et inter omnia communia animalium præ-
stantius in effectū: habetq; omne acrimoniā, et calefacit:
differtq; hoc ab illo maiore tantum minoreue efficacia.
Proritat omne fel deiiciendæ alui cupiditatem: imò & so-
lutium est, ita etiamq; fel porcinum, quod inter alia
est debilius. Curatur omne hoc modo: Sumito recens & *Fellis curandē*
filo crasso ore eius præligato in feruentem aquam demit *modus et ratio.*

HVMORIB. ET PERFRICT.

Thera. lib. 10.
Aqua calida.

Luere. Reluere
Diluere.

Georg. lib. 1.

Ostrea.

Cinis ostreae.

Virus.

tito: finitoq; illic semihora, seu tandiu dum trium stadio-
rum spatium quis decurrat: deinde extractum ex aqua
mox sine sole in umbra, & sine humore locis siccatur ser-
uato. Quod uero sel oculorū medicinæ seruandum erit,
filo pariter præligatum in uitreum uasculum melle ple-
num demittito, filiçq; capite ex uasculi ore religato oper-
culatum reponito, autor Dioscorides, Auicenna, Plin.
Tepefacta lymphæ.) Aqua calida. Nam, uti Galenus testatur,
neq; ipsam frigidā substantiam (scilicet per se solam) neq;
eius qualitatem omnino integram, usq; ad uiscera per-
tingere, est salubre. *Dilue.*) Luere est soluere. Inde relue-
re, resolueret: et diluere, dissoluere: ac, uti Agretius inquit,
temperare est. Persius, Diluis helleborum. Vergilius,
Cui tu lacte fauos, & miti dilue baccho. Hinc uinum di-
lutum, id est, aqua dissolutum & temperatū. Martialis,
Diluti bibis unciam falerni. Celsus uinum præcipit pue-
ris dilutius, senibus meracius esse bibendum. *Cassius testis.*)
Inanibus, uacuis & amotis tegumētis. *Ostrea.*) Ex aqua
tilium & siliceo conchiliorum genere sunt & ostreae, sic
dictæ quod scabram & asperam habent testam. *Vsta dabit*
cinerem.) Per adustionem nanq; omnis fit cinis: qui cale-
facit, siccatur & secundum rerum ex quibus fit diuersitatem
diuersificatur, ut tradit Auerrois. *Pro sale.*) Loco salis
cibo inspersus & comestus. Est enim & ipse falsedinis par-
ticeps, terrestrium partium naturæ calidæ & deficcantis.
Gelidum uirus.) Hoc est, frigus et humores capitis frigidos.
Virus multa significat, proprie tamen asperitatem odoris,
ut uirus alarum: aliquando uero asperitatem saporis. Pli-
nius lib. 31. Aqua marina uetustate uirus deponit. Et lib.
34. Stannum illitum æreis uasis saporem gratiorem facit
& compescit æruginis uirus. Item coloris asperitatem.
Idem defanguine purpuræ: Tum superadditum deco-
quitur uirus. Significat & geniturā. Idem libro 13. Virus
uerrinum ē scropha à coitu exceptum priusquam terram
attingat, contra dolores aurium ualet. Accipitur etiam
inter-

interdum pro ui naturali. Idem libro 34. cap. 14. ut legit Pe-
 rottus: Sola hæc materia uirus ab eo lapide accipit reti-
 netq; longo tempore, aliud apprehendens ferrum. Ni-
 malis pro uirus hoc loco legere uires, ut aliqui codices ha-
 bent. Demum accipitur etiam pro ueneno & quicquid
 humanæ naturæ cōtrarium est, ut hic. Vergilius, Ille ma-
 lum uirus serpentibus addidit atris. *Calefacto.*) Morbus
 frigidus calefactione indiget, si abigi debeat. Contraria
 enim contrarijs curantur. Vnde Galenus microtechnes
 lib. 3. Curatio, inquit, unam præcipuam, ac communissi-
 mam habet intentionem, ad id quod est dispositioni au-
 ferendæ contrarium. Ex hoc siquidem genere sunt causæ
 illæ omnes quæ sanitatem efficiunt. Secundum partem
 uero, ex unicuiq; dispositioni contrarijs. Calido igitur
 affectui, causa frigida contraria existit, frigido autem cali-
 da, eademq; in cæteris proportionē. Etenim si omne im-
 moderatum est præter naturam, moderatum uero secun-
 dum naturam, necesse est omnino, ut immoderatum ab
 immoderato contrario ad mediocritatem redigatur. At
 manifestum est quod secundum potentiam, non autem
 imaginationem, & calefaciens, & refrigerans, & quæcun-
 que alia huiusmodi oportet assumere. Voco autem se- *Secundum po-*
 cundum potentiā, quod reipsa uere tale existit, quale esse *tentiam.*
 dicitur. Secūdam imaginationem aut, quod ex prompto *Imaginationē.*
 quidem sensu tale esse imaginamur, cum tamen uere tale
 non sit. Hæc ille. *Vertice.*) Vertex, autore Quintiliano, *Vertex.*
 est contorta in se aqua, seu quicquid aliud similiter uerti-
 tur: unde summum capitis ob capillorum flexum, uertex
 quoq; dicitur, & pro ipso toto capite nonnunquam acci-
 pitur, ut hic. Adhæc montium & herbarum summitates,
 uertices appellantur. Vergilius, Accipiens sonitum, saxi
 de uertice pastor. Columella de lactuca, Tertia quæ spif-
 so, sed puro uertice pollet.

Nonnullus liquidum sumit mulsūq; sinapi,
 Atq; palato agitat, pariter retinensq; uomensq;.

P

HVMORIB. ET PERFRICT.

Sinapis.

Liquidum.) Molle, tritum & liquore solutum. *Mulsum.*) Hoc est, melle seu mulso temperatum & contritum liqua-
tūq. *Sinapi.*) Sinapi uis & natura est, ut tradit Diosco.
calefacere, extenuare & extrahere. Commanducatum pi-
tuitas capitis per os ducit & purgat Et Plinius, Sensus, in-
quit, atq; sternutamenta capitis purgat. Item, Contra pi-
tuitam tenetur in ore donec lique scat, aut gargarissatur
cum aqua mulsa. Amplius Auerrois, Sinapi, ait, calidum
est & siccum, mundificat humiditates quæ sunt in capite,
& est de medicinis aperientibus colatorij oppilationem.
Corn. Celsus item libro 5. sinapi inter ea quæ gargarissan-
do humores euocant, connumerat, dum inquit: Garga-
rissationes autem, aut lauandi causa fiunt, aut reprimedi,
aut euocandi. Lauant lac, cremor uel ptisanæ uel surfu-
rum: Reprimit aqua in qua uel lenticula uel rosa uel ru-
bus uel cotoneum malū, uel palmulæ decoctæ sunt: Euo-
cant, sinapi, piper. *Palato agit.*) Ore mouet & garga-
rissat. Palatum oris pars est. Aristoteles de historia anima-
lium libro 2. Oris partes sunt palatum, fauces, lingua, ton-
sillæ & dentes. *Retinens.*) Detinens in ore dum mouetur
& gargarissatur in eo. *Vomens.*) Euomens et expuens sci-
licet post gargarissationem.

*Gargarissatio-
num cause.*

Oris partes.

Allia nonnulli mandunt, olei uel liquore
Perfundunt calido cerebrum, nasiq; latebras.
Quidam lactucæ credunt prodesse saporis,
Curandi modus hic & suauis & utilis idem est.

Allium.

Allia.) Allium omne acrimoniam habet, unde & cerebri
pituitas purgat masticatum non minore utilitate quàm
sinapi. Prodest & comestum contra pituitas, eo quo Pli-
nius docet modo præparatum, uidelicet, sub pruna co-
ctum potum & cum mellis pari modo sumptum. *Olei li-
quore.*) Hoc est, oleo ipso. Plinius libro 12. Arbores postea
grandioribus fruge succis hominem mitigauere: ex hijs
recreans membra olei liquor: qui etiam, ut Dioscorides
tradit

Oleum.

tradit, calefaciendi & discutiendi uim habet, præsertim
 uetus. *Perfundunt cerebrum.*) Caput in quo cerebrum situa-
 tur, inungunt. *Nasilatebras.*) Narium intima & forami-
 num nasi profunda, quo facilius per colatorij meatus uis
 eius ad cerebrū ipsum pertingat. *Lactuca.*) Lactuca no-
 ta planta est, sic dicta, ut Palladius ait, quod abundantia
 lactis exuberet: seu, ut Dioscorides tradit, quod lactis ab-
 undantiam facit. Suntq; plura eius genera, de quibus in
 sequentibus. Virtus omni lactucæ refrigeratrix & hume-
 ctans, soporiferaq; & ebrietati aduersa: unde capitis gra-
 uitates quas Græci *κακηλαρία* dicunt, & à nimio uini po-
 tu ac ebrietate propter uapores eorum sursum leuatos &
 caput opplentes contingunt, insita frigiditate sua illos
 prohibendo, retundendo & discutiendo sanat, uel Ruffo
 teste, qui ait: Lactuca curat ægrotudines quæ fiūt ab ebie-
 tate, quando sumitur: succus enim eius in detentis à cra-
 pula, humores qui uinosi crudiq; existunt, in aluum de-
 trahit, ac corpus refrigerās eosdem discutit, uinum enim
 humidum est & calidum, replens & obstruens, Lactuca
 uero inter acrepala connumeratur, hoc est, ea quæ ebie-
 tati oblectantur, eamq; prohibent: et ideo quoq; antiqui
 tus in cœnæ fine sumebatur: post uero ad conciliandam
 appetētiā in cœnæ principio sumi cœpta est. Vnde Mar-
 tialis inquit, Claudere quæ cœnas lactuca solebat auorū:
 Dic mihi, cur nostras inchoat illa dapes? Diuersas itaque
 ob causas, diuerso etiam tempore fuit eius usus. In tan-
 tumq; commendata est olim post s̄uium seruatum Au-
 gustum, lactuca, ut seruari etiam in alienos menses eam
 oxymelite repertum sit, ut tradit Pli. Fuit autē uarius con-
 dituræ eius modus & operosus etiam. Nam ut Columel
 la rei suæ rusticæ libro. 12. cap. 9. docet, Caules lactucæ ab
 imo depurgatos eatenus, qua tenera folia uidebuntur, in
 alueo salire oportet, diemq; unum, & noctē finire, dum
 muriam remittant, deinde muria eluere, & expressos in
 cratibus pandere, dum assiccescant, tum substernere ane-

Lactuca.

κακηλαρία.

Acrepala.

Lactucæ condi-
tura qualis.

HVMORIB. ET PERFRICT.

thum aridum, & sceniculum, rutęq; aliquid & porri con-
cidere, atq; ita miscere, tum siccatos coliculos ita compo-
nere, ut fascioli uirides integri interponantur, quos ipsos
ante dura muria die & nocte macerare oportebit. Simili-
terq; assiccatos cum fasciculis lactucarum cōdi, & super-
fundi ius, quod sit aceti duarum partium, atq; unius mu-
rię; deinde arido spissamento sceniculi sic comprimi, ut
ius supernatet: quod ut fiat, is, qui huic officio pręerit,
sępe suffundere ius debet, nec pati sitire salgama, sed ex
trinsecus munda sponsia uasa pertergere, & aqua fonta-
na quā recentissima refrigerare. Et hunc condiendi
modum breuibus innuere uidetur Dioscorides cum ait,
Condiuntur lactucę muria, seruanturq; aliorum salga-
morum modo. Sed nostro tempore raro in alienos men-
ses illas condimus, sed recentibus simpliciter & sine im-
pendio in acetarijs utimur cum sale, oleo & aceto, adiun-
ctis aliquando nasturtio, buglossio, mentha aut alijs her-
bis, aut succidijs, aut ouis duris insectis, piscib; sue assa-
ris, & alijs rebus cōpluribus. *Sapores.*) Sapor gustus ob-
iectum est, & sic ab Aristotele describitur: Sapor est à ter-
reo sicco in humido facta passio, alteratiua gustus de po-
tentia ad actum. Estq; nunquam non coniunctus hu-
mori sapor, neque sine ipso percipi potest. Si quid enim
gustandi sensum afficere debet, necessum est, ut humi-
dum sit illud aut actu aut potentia. Et hinc etiam sapo-
res dicuntur conditurę & falsamēta, quę liquore aliquo
aut sale condiuntur, uel in alienum tempus seruari pos-
sint. Item succi & humores siue liquores quibus panem
uel obsonia quo commendatioris suauiorisq; sint sapo-
ris, intingimus. Vnde etiam à tingendo, id est, inficiendo
& madefaciendo immergendoq; intinctus dicuntur:
Embammata. Gręci embammata uocant, ἀπὸ τῆς ἐμβάπτεω, quod intin-
gere est: qua dictione Latini quoq; utuntur. Columella li-
bro 12. Hoc sinapi ad embammata non solum idoneo, sed
etiam specioso uteris.

Ele-

Sapor,

Sapores.

Intinctus,

Embammata.

ELEPHANTIASI PROPEL-
LENDÆ.

CAPVT X.

EST elephas morbus, tristi quoq; nomine dirus,
Non solum turpans infandis ora papillis,
Sed cito præcipitans funesto fata ueneno.

ELEPHANTIASI.) Elephantiasis apud *Elephantiasis.*
diuersos autores, diuersos etiam morbos signi-
ficat. Rasis etenim, Auicenna & Arabes, & hos
sequeuti medici recētiore, morbum ita uocāt,
eum in quo pedes & crura supra modum intumescunt:
sed de hoc nihil in præsentia. Galenus uero, Paulus Aegi-
neta et Græci & Latini uetustiores, ceu Plinius, Celsus &
noster Serenus, eum intelligunt morbum, quem Arabes
& medici iuniores uocant lepram, qui ex crassa pituita
& atra bile ortum traxit, nomen uero ab animalis simili-
tudine. Nam ut in libro de causis accidentium sexto scri-
bit Galenus, Hoc morbo laborantes carnem habent ni-
gram, & tuberibus plenam, qualis est cutis elephantum.
Aliqui tamen sic dictum putant ob morbi magnitudi-
nem, qui nulli ferè remedio succumbit. Alij uero ob id,
quod sicut elephas præ cæteris animalibus diutissime ui-
uit, ita hic humor longissimus est. Est autem non solius
cutis, ceu λεπρά uocata à Græcis, passio, sed in eo cutis, car-
nes & ossa quoq; uitiantur: quod uel Celsus ipse testatur
medicinæ libro 3. ita scribens, Ignotus penè in Italia, fre-
quentissimus aut in quibusdā regionibus is morbus est,
quē elephantiam Græci uocāt: isq; longis annis numeratur.
Totum corpus afficitur, ita ut ossa quoq; uitari dicātur.
Summa pars corporis crebras maculas, crebrosq; tumo-
res habet. Rubor harum paulatim in atrum colorē con-

ELEPHANTIASI PROPELL.

vertit. Sūma cutis inæquabiliter crassa, tenuis, mollisq̃
quasi squamis quibusdam exasperatur, corpus emacre-
scit, os, suræ, pedes intumescunt. Vbi uetus morbus est,
digiti in manibus pedibusq̃ sub tumore cōduntur. Pli.
item nat. historiæ libro 26. cap. 1. eundem morbum sic de
scribit: Diximus Elephantiasin ante Pompei magni æta-
tem non accidisse in Italia, & ipsam à facie sæpius incipi-
entem. In nare prima uelut lenticula, mox inualecente
per totum corpus maculosa uarijs coloribus & inæquali
cute, alibi crassa, alibi tenui, dura ceu scabie aspera, ad po-
sterum uero nigrescente, & ad ossa carnes apprimente,
intumescuntibus digitis in pedibus, manibusq̃. Aegypti
peculiare hoc malū, & cum in reges incidisset, populis fu-
nebre. Quippe in balneis solia temperabātur humano
saguine ad medicinam eam. Hic morbus quod eo affecti
faciem habent similem Satyris, nasum simum, crassa la-
bra, aures leuigatas, Græce Satyriasis etiam uocatur, ut
scribit Galenus de causis morborum libro 2. suntq̃ tales,
ut idem in lib. de tumoribus præter naturam dicit, aspe-
ctu horribiles, & male olentes. Porrò Satyriasis non sem-
per hunc morbum illis significat, sed & priapismum ali-
quando. Est elephas.) Describit elephantiasin. Dicitur
autem & elephas & elephantia & elephantiasis. Tristi.)
Hoc est, tristitiam adferente. Dirus.) Crudelis, funestus
& quasi deorum ira missus. Horatius, Crescit indulgens
sibi dirus hydrops. Infandis.) Nefandis, turpibus & fe-
dis, quibus uel quæcunq; mors præferenda sit: qui enim
huiusmodi morbo affecti sunt, tanquam à communi ho-
minum conuersatione seiunguntur, ne alios quoq; infi-
ciant, cum morbus sit contagiosus. Ora.) Vultum &
faciem in qua primum sese ostentat, quamuis per totum
corpus serpat. Est enim, Paulo Aegineta autore, cancer
totū corpus occupans, à facie tamē sæpius incipiens, quā
obrē & inter capitis affectus de illo nūc agit Serenus. Pa-
pillis.) Tuberculis & paruis papulis, tumoribusq̃, qui-
bus

Satyriasis.

Elephantiasis
est cancer uni-
uersalis.

bus plenum est corpus. *Funestus.*) Funestū dicitur triste, *Funestuna.* cruentum, funebre & mortiferum, hoc est, quod funeris ac mortis causa est. *Fata.*) Mortem diuina prouidentia destinata & inuitabilē. Est enim morbus ubi radices fixerit, incurabilis, sed non acutus, imō potius inter longos et diuturnos cōnumeratus: de quo Paulus Aegineta libr. 4. cap. 1. sic tradit, Si cancer unum tantū membrum infestans, tamen secundum sententiam Hippocratis insanabilis est, quanto magis elephas, qui cancer quidam est uniuersalis, omnem curationem superabit. Et hoc intellige de eo qui iam confirmatus est. Nam qui primum incipit morbus, non omnino desperatus est. *Veneno.*) *Venenum.* Humoribus per uniuersum corpus corruptis & putridis, imō & toto corpore putrefacto: et perniciē uitę. Quicquid enim naturę & uitę contrarium est & aduersatur, ipsi perniciem adferens, id eorum uenenum est.

Huic erit aduersus cedri de cortice succus.

Mustelę uē cinis, uel fusus sanguis ab illa.

Nonnulli dixere serum prodesse bibendo.

Aduersus. Cōtrarius, amolitur enim & ut hostis propulsat ac abigit morbū. *Cedri de cortice succus.*) Hoc est, cedri *Cedrium.* liquor, qui per corticis incisi cauernas ex arbore defluit, seu cruda cedri lachryma quę per se ex arbore gummi modo per corticē fluit et cedrea siue cedrium uocatur, de quo dictum est supra cap. 3. & 5. De hoc sic tradit Dioscorides, Illinitur elephantis, & linctū iisdem pariter medetur. Plinius etiam libro 24. cap. 5. In elephantia si ulcera sordida & excrescētia in ijs, si cedrio illinātur, facilius per sanari testatur. *Mustela.*) Mustelarum duo sunt genera, *Mustela.* magnitudine distantia. Vnum uulgare & minus, quod domesticum uocatur, quia in domibus nostris oberrat, & catulos suos (ut auctor est Cicero) quotidie transfert, mutatq; sedem. Vnde Plautus in Stichō ait, Certum est mustelę posthac nunquā credere, nam incertiore nula

ELEPHATIASI PROPELENDÆ.

Gale.

Iam noui bestiam, quin & ipsa decies in die mutat locum. Græci γαλέμ galen uocant: hæc felium modo mures uenatur. Plinius libro. 8. cap. 27. Mustela ruta in muriū uenatum cum ijs dimicatione conferta. Homerus in libello cui titulus βατραχομυομαχία, id est, ranarum & murium pugna, idem testatur, ubi pſicharpax mus de se sic refert: Ἀλλὰ δ'ὕω μάλα πάντα τὰ δειδία πᾶσαρ ἐπ' αἶαν, Κίρκον καὶ γαλέμ. οἱ μοι μέγα πένθος ἄγουσιμ, Καὶ παγίδας σονόεσσαρ ὅπου δολοίε πέλεπότμος, Πλεῖστον δ' ἡ γαλέμ περιδείδια ἥ τις ἄρις, ἥ καὶ τρωγλοδύνοντα κατὰ τρώγλην ἐρεεῖνει: hoc est, At duo ualde sunt omnia quæ timeo in uniuersam terram, circū siue accipitrē & galen, qui mihi magnū luctum inducūt, Et decipulam suspiriosam, ubi dolosa inest mors. Plurimum uero galen pertimeo, quæ optima est: quæq; foramen ingredientem me in foramine inuestigat & querit. Alterum genus est syluestre, domestico longe maius. Græci uocant ἰκτίδες. Aristoteles: Ἰκτίς syluestris mustelæ genus est magnitudine melitenſis. Syluestrium etiā duo genera sunt. Vnum quod sub uentre ruffescit, martem appellant. Martialis, Venator capta marte superbus adest. Suntq; huius pelles hodie magno in precio. Alterū candidius est, quod uiuerram uocant: cui magna propter leporum uel cuniculorum uenatum gratia est, ut Plinius lib. 8. refert: Inijciunt eas in specus qui sunt multifores in terris, unde et nomen animali, atq; ita eiectos superne capiunt. Meminit eiusdem animalis Aristoteles quoq; lib. de naturis animantium 9. cap. 6. quanquam leporibus insidiari nō indicet, sed auibus & aluearibus. Itē Suidas idem animal piscibus insidiari tradit. Cinis uel sanguis.) Idem testatur Plinius lib. 30. cap. 3. Elephantiasin curat sanguis & cinis mustelæ. Vel.) Disiunctiua coniunctio est. Accipitur tamen interdū pro etiam. Vergilius, Carmina uel cœlo possunt deducere lunam. Et sic etiam accipere potes hoc loco. Serum.) Serum est aqua lactis. Dioscorides, Habet omne lac cōiunctum sibi serum, quod à lacte separa-

lctis.

Mars animal.

Viuerra.

Cinis mustelæ.
Sanguis mustelæ

Vel.

Serum.

separatum efficacius in purgādo est. Datur hijs quos sine acrimonia purgare uoluerimus: quales erunt atra bile laborantes, comitiales, lepræ, elephantiafes, & toto corpore papularum eruptiones. Datur autem bibendum heminis per interualla temporis usq; ad quinas. Verum à potu eius spatari bibentes per interualla illa temporis oportet. Plinius de eodem sero libro 28. cap. 9. sic quoq; scribit: Bibitur efficacissime heminis per interualla singulis usq; ad quinas à potu illius solitis gestari. Datur comitialibus, melancholicis, paralyticis, in lepris, elephātijs, articularibus morbis. Et Mesue, Aqua lactis est medicina bona infectionū cutis, quarū materia est cholera, & humor adustus, sicut est impetigo, & serpigo, & scabies sicca, & pustulæ, & pruritus, & ulcera mala sicca, & lepra, et similia. Per lepram autem intelligit morbum quem Græci & hic Serepus noster uocāt elephantiam. Melior est autem sumpta ex lacte iuuenum caprarum & nigrarum & boni pastus & recenter scetarum. Post istam uero est ouium: & cum primis recens, boni odoris & saporis, in quam nulla cecidit corruptio.

Mentastri folium potu appositūq; salubre est.

Nec frustra bulbos & sulphura iungis aceto.

Præterea nitrum debes cum melle iugatum

Spargere lacte bouis, uarias sic ungere frontes.

Mentastri.) Plinius naturalis historiæ libr. 20. cap. 14. *Mentastrum.* *Mentastrum*, inquit, syluestris mentha est, differens specie foliorum quasi figura ocymi, pulegij colore, propter quod quidam syluestre pulegium uocant, ijs commanducatis & impositis sanari elephantiam, sicut Magni Pompei ætate fortuito cuiusdam experimento propter putorem in facie illita compertum est. Apuleius, Ad elephantiosos, Herbe mentastri folia frequenter commanducato, sanare certum est. *Nec frustra.*) Imò cum profectu & commodo maximo. *Bulbos.*) Bulborum, qui ex cepearum genere *Bulbi*.

Q

ELEPHANTIASI PROPEL.

sunt & illis similes, plura sunt genera, quæ differunt magnitudine, colore & suauitate. Alicubi enim, ut Theophrastus tradit libro de plâtis octauo, adeo dulces nascuntur, ut per se sine condimento alio edantur, quales in Taurica Chersoneso sunt. Post quos maxime laudantur in Africa nati, et cum primis à Catone celebrati Megarici, à Megaris ciuitate Græciæ. Et hi præ cæteris Venerem maxime stimulant. Columella: Quæcûq; uiros acunt, armantq; puellas, iam Megaris ueniant genitalia semina bulbi, Et quæ sicca legit Getûlis obruta glebis. Et hinc pluribus in locis salaces eos uocat Martialis, quod demortuam excitent Venerem. Et eandem ob causam in nuptiis edendos præcipit Varro, cui & Apicius subscribit: sed is nucleos addit pineos, erucæ succum & piper. Sic enim septimo culinariæ artis libro scribit: Varro si quid de bulbis dixit iniquum, qui Veneris hostium querunt, deinde ut legitimis nuptiis in cœna ponuntur, sed & cum nucleis pineis, aut cum erucæ succo & pipere. Pythagoras philosophus tanti fecit bulbos præsertim Megarenses, ut de ipsis & uiribus eorum in medico usu, uolumen condiderit. Habent omnes acrimoniam, & quam nunc cum reliquis sibi iunctis uim eorum ad elephantiam tantum contrahit Serenus, illam generalius & simpliciter contra faciei uulnera efficacem tradit Plinius dicens: Bulbi ex aceto et sulphure uulneribus in facie medentur. Sed hæc de bulbis priuatim sic dictis sufficiant. Alioqui bulbus generaliter pro omni radice rotunda accipitur, quales lili, croci, narcissi & cannarum bulbos legimus. Et Cornelius Celsus medicinæ libr. 2. bulbos inuit uocari omnia olera capitata, uel quorum radices esui dantur. De alimentis namq; pertractans, post ualentissimorum, hoc est, in quibus plurimum alimenti est, ciborum enumerationem, In media, inquit, materia numerari ex oleribus debere ea, quorum radices uel bulbos assumimus. Et paulo post, Ex oleribus, ait, ualentior rapa, napiq; & omnes bulbi, in quibus cepam

pam quoque & allium numero, quàm pastinaca, uel quæ
 specialiter radícula appellatur. *Sulphura.*) De sulphure et *Sulphur.*
 generibus eius dictum iam est in præcedentibus. Vis illi
 discutere & siccare: lepras, impetigines, scabros ungues,
 uirilignes & omnes corporis exulcerationes tollit, auto-
 re Dioscoride. *Nitrum.*) De hoc dictum est etiam supra *Nitrum.*
 cap. 5. Plinius libro 31. In facie, inquit, exulcerationes sanat
 cum melle & lacte bubulo nitrum. *Melle.*) Quæ mellis *Mel.*
 natura sit, docet nos Plinius libro 22. dicens, Mellis ipsius
 natura talis est, ut putrescere corpora non sinat, iucundo
 sapore atq; non aspero, alia quàm salis natura. Et Colu-
 mella libro 12. Ea mellis est natura, ut coerceat uitia, nec
 serpere ea patiatur, qua ex causa etiam exanimus corpus
 hominis per annos plurimos innoxium conseruat. Dio-
 scorides, Melli uis & natura est exterere, aperire, & humo-
 res in summum proritare. Ideoq; sordidis ulceribus & si-
 nibus utiliter infunditur. *Lacte bouis.*) Lac medicatus *Lac bubulum.*
 est bubulum, maxime recens: quod cum melle crudo &
 modico sale pruriges, papularum eruptiones, & om-
 nes malos corporis humores medicatur. *Varia.*) Hoc
 est, varijs maculis & exulcerationibus uariegas et defoe-
 datas. *Frontes.*) Faciem. Frontem aliqui à ferēdo dictam *Frons.*
 uolunt, quod animi indicia præ se ferat. Nam frons, ut Pli-
 nius libro 11. ait, homini tristitiæ, hilaritatis, clementiæ, se-
 ueritatis index in assensu eius. Varro tamen dictam existi-
 mat à foraminibus potius oculorum.

Cerussam & chartam quam gens Aegyptia mittit
 Tunde simul, misceq; oleum quod flore rosarum
 Conditum est, line sic faciem, sic redde salutem.

Cerussa.) Cerussa color est quem Græci ψιμύθιον uocant, *Cerussa.*
 hoc quondam meretrices, nunc honestæ etiam, si dicere *ψιμύθιον.*
 fas est, matronæ sese fucant, faciemq; oblinunt, quo sene-
 ctam ac formæ uitia dissimulent, quemadmodum & pur-
 purisso eandem ob causam sese fucant, sed hoc ruborem

ELEPHANTIASI PROPEL.

addunt uultui, cerussa uero candidant ipsum. Est autem factitia res Cerussa. Nam ut libro 34. Plinius tradit, Psimythium hoc est cerusam plumbariae dant officinae. Fit autem ramentis plumbi tenuissimis super uas aceti aspermi impositis atque ita distillantibus, quod ex eo cecidit in ipsum acerum arefactum molitur & cribratur, iterumque aceto mixto in pastillos diuiditur, & in sole siccatur aestate. Fit & alio modo addito in urceos aceti plumbo obratos per dies 10. derafoque ceu situ ac rursus deiecto, donec deficiat materia: quod derafum est teritur & cribratur & coquitur in patinis, misceturque tudiculis, donec rufescat, & simile sandarace fiat: deinde lauatur dulci aqua, donec nubeculae omnes eluantur: siccatur similiter postea, & in pastillos diuiditur. Est autem letalis potus, sicut spuma argenti. Palladius libro 9. Cerusa plumbo creatur attrito, quae corporibus nocet humanis. Nam ut Dioscorides testatur, letalis est, & ueneni maleficium habet pota. Ceterum in usu medico Cerusa, tradente therapeutices libr. 3. Galeno, siccatur & adstringit modice, uulneribusque medicatur, si emplastici similis sit, uel etiam humidioris cuiusquam medicaminis: humiditatem enim desiderat, quae uis eius ad ima pertrahatur: cineris namque ritu si circa uulnus eam insperges, nihil proficies: non enim ad fundum medicamenti uis peruenit, quod ita sit siccum. *Chartausta.* *Chartam.*) Scilicet adustam & incineratam. Charta ex papyro fiebat, ut dictum est supra in prooemio. Ipsa cremata inter caustica est, ut Plinius tradit libro 24. cap. 11. Eandem combustam inter ea quae adurunt, ponit Celsus, Dioscorides. Potest crematae papyri cinis quae in ore aliisque partibus pascendo serpunt cohibere: ueruntamen in eo efficacior facta ex eo crematae chartae cinis est. *Quam gens Aegyptia.*) Hoc est, quae ex Aegypto, ubi papyrus, ex qua fit, nascitur, ad nos uenit. Nam quae alibi nascitur papyrus, chartis & huic medico usui minus est habilis aut efficax. Est autem Aegyptus Asiae pars prima inter Catabathmum et Arabas, ut tradit

tradit Pomponius Melas: quamuis Ptolemæus illam tribuat Aphricę. Sed latius de hoc uide Plinium lib. 5. cap. 9. Strabonem libr. 17. & Herodotum libro 2. *Oleum rosarum.* Simplex hoc est rosaceum: quod, ut tradit Dioscorides, sic fit: Rosę (defectis prius forfice unguibus, quę in imo folio candida pars sunt) insolatę pondere unciarum sex in olei sextarium demerguntur, dimissęq; in eo diebus octo madere, mox quadraginta diebus tertia rosarum ad iectione insolatę sic reponuntur & seruantur. Et tale oleũ cataplasmatibus etiam utiliter miscetur, nedum quod per se tantum adspargitur & illinitur. Estq; uis illi adstringēdi, refrigerandiq; & ulcera malefica, quę cacoethe uocant, mitigandi. *Conditum.*) Confectum & compositum. *Oleũ rosarum.* *Vngues in folijs.*

CVTIS ET FACIEI VITIIS

PROPELLENDIS.

CAPVT XI.

LIVIDA si maculat faciem lentigo decoram,
Nec prodesse ualent naturę dona benignę,
Erucam atq; acidum laticem simul illine malis.



V T I S & faciei uitij. Cutis & faciei uitia & Cutis uitia. defœdationes, de quibus hoc capite agit Sere- nus, sunt cum primis lētigo, quam Celsus len- *Lentigo.* ticulam uocat, liuores, cicatrices, impetigo siue *Lenticula.* papula leuis, & hijs similes cutem ac faciem deturpantes maculę. *Liuida lentigo.*) Macula nigricans aut rubicunda, liuoreq; perfusa, qualis color esse solet plumbi aut qui ex percussione fit, & ad lentis similitudinem prouenit, unde & nomen habet: cui non absimiles sunt uari & *Vari.* ephelides, omnes in sceminis præcipue se depromen- *Ephelides.* tes. De quibus Celsus medicinę libro 6. sic scribit: Penę ineptiæ sunt, curare uaros & lenticulas & ephelides,

CUTIS ET FACIES VITIIS.

sed eripi tamē fœminis cura cultus sui non potest. Ex hijs autem quas supra proposui, uari lenticulęq; uulgo notę sunt, quamuis rarior ea species quā φάκον Græci uocant, cum sit ea lenticula rubicundior & inæqualior. Ephelis uero à plerisq; ignoratur, quę nihil est, nisi asperitas quędam & durities mali coloris. Cætera non nisi in facie, lenticulę etiam in alia parte nōnunquam nasci solent. Hęc

Facies corporis ornatus.

Cap. 11.

Vultus.

De part. lib. 4.

Prosozon.

A. Gell. lib. 13.

cap. 18.

pulchritudo nature donum.

ille. *Faciem decoram.*) Facies in homine tum capitis tum uniuersi corporis ornatus est uel præcipuus: hac nihil pulchrius, nihil ornatius, magis uē decorum: hac mētis arcana produntur. Facies ipsa, Cassiodoro in lib. de anima tradente, quemadmodum prudentiæ suę patefecit indicia, in effigiem nostram exeunt occultę cogitationes, & ex parte cognoscitur, qualis intus animus uoluntasq; uersetur. Vultus siquidem noster, qui à uoluntate nominatur, speculum quoddam est animæ suę, & quod substantialiter non cernitur, per eius habitum euidentissime declaratur. Et quia solus omnium animalium, teste Aristotele, erectus est homo ac solus anteuersus prospicit, uocemq; mittit: hinc Græce προσωπον dicta est facies, ut uolunt, nomine ab re indito. Adhęc uultus & facies aliquando pro rerum apparentia, & specie siue forma, posita repperiuntur. Columella, Nec omnibus annis eodem uultu uenit æstas aut hyems. Plinius, Parum est singulas herbarum ætates pingi, cum quadripartitis uarietatibus anni faciem mutant. *Nec prodesse ualent.*) Facies enim deformis & uitiata neq; decori neq; uoluptati est homini, sed labori potius & fastidio & despectui. Integra uero & pulchra, decor est corpori & honos non paruus. *Nature dona benignæ.*) Inter naturę dona non minimum est ipsa corporis forma integra & pulchritudo ipsius decora, iuxta illud, προσωπον εἶδος ἀξιοπρεπείας, hoc est, primum species digna est imperio. Hanc autem non nostro merito, sed liberaliter sua sponte & gratuito nobis largitur consummatissimam. Cum enim nihil faciat frustra, semper quod

quod optimum est & perfectissimum, operatur, non pre-
 pedita. *Eruca*) Eruca herba est calida, frigorū con- *Eruca.*
 temptrix, & diuersæ quam lactuca naturæ, quare & illi *Plin. lib. 19.*
 in cibis ferè iungitur, ut nimio frigori par feruor immi- *cap. 8.*
 xtus temperamentū æquet. Est item Veneris concitatrix.
 Columella, Excitet ut Veneri tardos eruca maritos. Dio-
 scorides, Stimulat Venerem multus crudæ erucæ cibus.
 Potest idem & semen, quod confectionibus etiā additur *Διαστυρίων*
διαστυρίων, id est, dia satyrion uocatis, hoc est, quæ ex
 Satyrj radice, à qua nomen habent, ad Venerem exci-
 tandam componuntur. Huic in cōdiendis obsonijs tan-
 ta est suauitas, ut Græci *ἐνζωμορ* appellauerint, Cuius se- *Ενζωμορ.*
 men etiam cutis uitia in facie cum melle illitum arcet: len-
 tiginēs ex aceto: cicatrices nigras reducit ad candorem
 cum fele bubulo, ut auctor est Plin. *Acidum laticem*) Hoc *Lib. 10. cap. 13.*
 est, humorem & liquorem acidum & acetum ipsum, cui *Acetum.*
 nequitia inest uirtus. Nam uini uitium est: fitq̃ ex uino.
 Si enim uini, quod calidum est, uas uacuum fuerit, nec
 clausum, aër uim eius ex uacuo elicit, quare uapidum fit
 & in uitium transit, quod acetum dicitur, hocq̃ in reme-
 dia, magnosq̃ ad usus, & sine quo uita mitior degi non
 posset. Cibos enim & sapes non alius magis succus cō *Plin. lib. 24. c. 2.*
 mendat aut excitat. Plurimum foru medetur post uredi-
 nes, item lepris, furfuribus, ulceribus manantibus. Con- *Latex.*
 tra lichenas & impetiginēs et bibitur & imponitur. Quo
 modo autem arte conficiatur acetum, docet Columella
 lib. 12. cap. 5. Cæterū latex proprie dicit de aqua, eo quod
 intra terræ uenas lateat. Consequenter uero & de omni
 alio liquore, sed cum adiūcto, ceu hoc loco, cum acetum
 dicere uellet, acidum dixit laticem. Et Vergilius, Regales
 inquit, inter mensas, laticemq̃ lyeum: uinum intelligens.
 Ouidius item Palladios latices uocat oleum. *Malis*) Fa-
 ciei quæ lentigene infecta est, Malæ faciei pars sunt infra *Male.*
 oculos homini tantum, quas prisci genas uocabant. Pu- *Gene.*
 doris sedes: ibi maxime ostenditur rubor: infra eas hila- *Buccæ.*

CUTIS ET FA. VITIIS.

ritates risumq; indicantes buccæ, Autor Plinius libro 11.

Proderit & bulbus mellis dulcedine uictus.

Crudæue dulcacido miscebis rapa liquori.

Sanguine uel leporis morbus delebitur oris.

Frons salicis cum flore suo contrita medetur.

Bulbus.
Mel.

Bulbus.) Idem testatur Plinius dicēs: Bulbus in melle con-
tus, & faciei illitus, lentigini medetur. *Mellis dulcedine.*)
Hoc est, melle cui dulcedo inest, & in omni genere quo
dulcius, eo probatius: estq; illi uis exterere, qua in hīs ui-
tijs opus habemus. *Victus.*) Superatus & mitigatus dul-
coratusq; per admixtionem mellis: habent enim acrimo-
niæ nonnihil bulbi etiam qui edendo sunt. *Cruda.*) Co-

Dulcacidus
liquor.

ctura enim nōnihil absterfionis illi adimit. *Dulcacido liq.*)
Dulcacidus dicitur liquor, qui dulcissimis rebus est con-
ditus & acidis ceu melle & aceto, ē quibus duobus & a-
qua & sale potus conficitur, qui oxymel dicitur, id est, a-
cetum mulsum. Quod sic conficitur, ut tradit Dioscori-
des, Sumito aceti sextarios quinque: marini salis pondo u-
num: mellis pondo decē: aque hemias totidem, mixtaq;
simul omnia coquito usq; dum decies inferbuerint, tum
refrigerata omnia in dolia diffundito. Sunt & alij confi-
ciendi oxymelitos modi & rationes, de quibus uide Gal.
libro de sanitate tuenda quarto, & Plinium libro 14. cap.

Rapum.
Congyle.

17. & libro 23. cap. 3. *Rapa.*) Rapum siue rapam: utrunq;
enim dicitur, Græci à rotunditate congylen uocant: ipsis
enim γόγγυλον significat στρογγύλον, id est, rotundum.
Vtitur dictione Columella, Gōgylin illustri mittit quam
Nursia campo. Sunt autē duo raporum genera. Vnum
satiuum in latitudinem fusum aut in rotunditatem globa-
tum. Alterum agreste, in aruis maxime nascens, frutico-
sum, radice in longitudinem procurrente raphani simi-
litudine, semine foris nigro, intus albicante, duplo maio-
re quàm papaueris. Cæterum quod hic simpliciter de
crudis rapis dicit Serenus, id de satiuorum radice, quæ in
communi

communi uitæ usu est, intelligendum est: non obstante quod Plinius & Dioscorides eundem effectum de syluestris semine testentur, & aliter etiam medicinam illam instruant. Dioscorides siquidem de syluestri loquens, Additur, inquit, semen id his quæ ad exterendam faciem reliquumq; corpus, lupinorum, triticiu, aut lolij, aut erui farinis conficiuntur, Plinius uero, Semine, ait, ad albicandam cutem in facie, totoq; corpore utuntur mixta urina pari mensura. *Sanguine leporis.*) Idem testatur Dioscorides libro 2. cap. 18. de utroq; lepore, dicens: Vitilignes, lentigines, ephelides, id est, aspera & discolor ceu ab æstiuo sole cutis, calido leporis sanguine utiliter inüguntur. Idem eiusdem libri cap. 70. de sanguinibus: Emēdat leporinus sanguis lentigines, ephelides, si calente eo inungantur. Sextus item Platoniscus, Leporis, inquit, sanguis, lentigines de facie purgat perunctus. *Oris.*) Faciei. Vergilius, Os, humerosq; deo similis. Ouidius, Os homini sublime dedit. *Frons.*) Frons frondis arborum et herbarum folia significat. *Salicis.*) Adstringunt salicis flores, folia, semē, cortex et succus: estq; omnium uirtus desiccans sine mordicatione, ualidior tamen cortici, quemadmodum & omnium corticum natura est: foliorum & florum succus lentiginem cæteraq; cutis in facie uitia purgat & emendat: imò & corticis & ramis primis cinis, magisq; admixto succo suo, ut tradit Plinius libro 24. cap. 9. Est autem trium generum. Vnus quem arbor ipsa exudat gumi modo. Alter, qui manat in plaga cum floret exciso cortice trium digitorum magnitudine. Et tertius, qui detruncatione ramorum à falce distillans est.

Sanguis leporis.

Frons, dis.

Salix.

Salicis succus triplex.

Sepiolæ cineres ex ossibus, omnia sanant.

Cycneos adipēs hilarī misceto lyeo,

Omne malū propere maculoso ex ore fugabis.

Sepiola.) Sepiola diminutiuum est à sepia, quæ piscis est in ter eos qui sanguine carent connumeratus. Quorum ut *Sepia.*

R

CVTIS ET FA. VITIIS.

libro nono tradit Plinius, tria sunt genera. In primis quæ mollia appellantur: deinde contexta crustis tenuibus: postremo testis conclusa duris. Mollia sunt loligo, sepia, polypus & id genus reliqua. Hijs caput inter pedes & ventrem situatum est. Pediculi octoni omnibus, sepiæ & lolli gini, pedes duo ex hijs longissimi & asperi, quibus ad ora admouent cibos, & in fluctibus se ueluti anchoris stabiliunt, cæteri cirrhi quibus uenantur. Mares sepiarum generis, uarij & nigriores, constantiæq; maioris. Percussis tridente foemina auxiliantur. At foemina icto mare fugit. Ambo autem ubi sensere se apprehendi, effuso atramēto, quod pro sanguine hijs est, infusata aqua absconduntur. Quod & Oppianus halieuticōn libro 3. testatur dum inquit: Quin & natiua foecunda est sepia fraude. Est liquor in tumida concretus turbidus aluo, Qui fuscus piceam superat caligine massam, Conditus hic humor nutritur corpore, præsens Auxiliū miseræ, subita formidine capta Attras emittit guttas, & polluit æquor, Obscuratq; uias ponti tenebrosa cruore Permixon sanies piscantis lumina turbans Auerit uisum & prospectum surripit omnem, Hæc facili cursu pertinctas æquoris undas Effugit horrendos pisces hominemq; sagacem. (Ossibus.) Sepia duabus constat partibus. Vna quæ duriore testa clauditur: & altera quæ hanc foris claudit testa. Cuius etiam duplex rei substantia, una interior pumicosa & tenera, qua aurifabri ad formarum insculptiones utuntur: altera exterior silicea, durior, crustacea, & in qua cū asperitate aliqua est lenor: & huius cinis est qui lentiginē et alias similes corporis defædationes purgat & exterit. Plin. Medetur lentigini, cæterisq; uitij ex ossibus sepiarum cinis: idem & carnes excrecentes tollit, & humida ulcera. (Cygneos ad.) Cygnus Græce, Olor Latine, Avis est candida atq; canora, quæ instante morte mirandos quosdam edit catus, quod uel omnium poëtarum literis est celebratum. Martialis, Dulcia defecta modulatur carmina lingua Cantator cygnus

Os sepiæ.
Sepiæ partes.

Cygnus.
Olor.

gnus funeris ipse sui. Etiam si nemini contigit hunc audire cantum. Nam Lucianus negat se uel uidisse cygnos cum in Pado flumine nauigaret. Aelianus addit eos non canere, nisi flante Zephyro uento, qui & Fauonius dicitur. Cuius rei causam etiam philosophi reddere conantur, aiuntque id accidere propter spiritus per collum procerum & angustum erumpere laborantes. Vnde proverbia etiam fertur, *Κύνεον ἄσμα*, hoc est, cygnea cantio, *Adagio.* de his qui suprema senectū facunde disserunt, aut suauiloquentius scribunt. Et alterum quum indocti & *ἄμειβοι* falsæ doctrinæ iactantia, uiris eruditis & *ἐν μούσοις* imprudenter obstrepunt, Anser inter olores. Vergilius: Sed argutos interstrepere anser olores. Cæterum de cygnis ad medicum usum idoneis sic etiam tradit Plinius libro 30. cap. 3. Præcipue faciem purgat atque erugat cygni adeps. *Hilari.*) Ab effectu, hilares enim ac lætos reddit bibentes *Vinum bilare.* uinum. Horatius, Natis in usum lætitiæ scyphis. Et, Ades lætitiæ Bacchus dator. Tibullus: Adde merum, uinoque non uos compesce dolores. Propertius: Curarūque tuo sit medicina mero. *Lyc.*) Baccho & uino, quod omnis ulceris, qua ulcus est, optimum est medicamentum, autore Galeno, detergit enim & mūdāt. Dictus est autem *Lycus* *Lyca.* à uerbo *λύω* quod est soluo, eo quod & corpus & mentem *λύω.* dissolutam reddat uinum.

Si liuor torreat atrox, aut nigra cicatrix,
Attritos appone genis, purgare memento,
Rutarum succos lentisci mastiche tundens.

Si liuor torreat atrox.) Intelligit ephelidas quæ proprie cutis uitium sunt, ubi ipsa multo sole tosta candore & leuore suo amisso, nigræ tiam & aspredinem contraxit: quarum nigrorē Serenus per liuorem, qui nihil aliud quam *Liuor.* cutis macula liuida & nigricans est, intelligit: aspredinem uero per uerbū torreat. Quæ enim torrentur, dura fiunt & aspera. Ephelides itaque dictæ sunt à sole, quasi *ἐφ' ἡλίου*, *Ephelides* unde dictæ.

R 2

CUTIS ET FA. VITIIS.

Solati.
Cicatrix.

Ad cicatricem
ducere ulcus.

Cicatrix
duplex.

Vari.

Parenthesis.

Ruta.

Mastiche
lentisci.

id est, sub sole; & hæc prima nominis origo fuit & causa: licet postea etiam de similibus à quacunq; causa contractis cutis vitijis dictæ sint ephelides. Hoc vitio à sole adu-
stos Plinius aliquando solatos uocat. Cicatrix.) Cicatrix stigma est & nota quæ curato uulnere uel ulcere remanet in corpore, hoc est, membrana & tegumentum carnis cuti quàm simillimū: cutis enim non est, quando & densior ea uisu tactuq; sentitur: & ratione, ex eo quod pilos non edit, intelligitur. Vnde ad cicatricem ducere ulcus, ut tradit Galenus, est tegere carnem naturali aliquo tegumento, hoc est, cutem generare, aut summā carnem cuti similem efficere. Est autem duum generum cicatrix. Vna simplex & plana: altera quæ in tumorem excreuit & cal-
lum duratum, cuiusmodi sunt uari, qui tubercula sunt et exigui ac duri tumores siue calli ex male curatis puerorū cum in toto corpore tū in uultu pustulis relictī. Purgare memento.) Hæc uerba per parenthesis interiecta sunt, & medicamēti uim, quæ est purgare & mūdare, exprimunt. Est autem parenthesis, diuisæ sententiæ interposita ratio cinatio, autore Diomede grammatico. Rutarum succos.) Hanc rutæ contra cicatrices uim, radici eius maxime tribuit Plinius dicens, Radix rutæ sanguinem oculis suffu-
sum, & in toto corpore cicatrices aut maculas illita emen-
dat: exterit enim & attenuat. Sunt autē duo rutæ genera: de quibus et quomodo succus illarum exprimatur, dictū est in præcedentibus. Lentisci mastiche.) Lachrymo quod ex arbore lentisco gumi modo sudat. Nam ut in natura-
lis historiæ libro 12. cap. 18. tradit Plinius, gemina est ma-
stiche; quoniā in Asia Græciāq; herba reperitur è radice folia emittens, & carduum similem alo, seminis plenum, lachrymāq; erumpit incisa parte summa uix ut dignosci possit à mastiche uera: nec non & tertia in Ponto est bitu-
minis similior. Laudatissima autem Chia cādida. Adulte-
ratur thure aut resina. Verum mastiche lentisci uera, mi-
scetur, autore Dioscoride, hijs quæ exterendis dentibus
con-

conficiuntur & circumlitionibus uultus nitorem adferens. Et Plinius libro 24. cap. 7. Mastiche lentisci, inquit, ad exterendam cutem in facie & stygmata adhibetur.

Si uero uitium est, quod ducit ab impete nomen,
Hoc matutina poteris cohibere saliuā,
Seu folio platani quod mansum mane uorabis.

Si uero uitium.) Docet nunc mederi impetigini, quæ Celso *Impetigo.*
leuis est papula, Græcis lichen, & si serpere ceperit, serpi- *Papula leuis.*
go dicitur: de quibus dictum iam est supra capite 6. *Ducit Lichen.*
ab impete nomen.) Hoc est, uocatur impetigo, ab impetu &
ortus sui celeritate: cito enim uenit. Dixit autem impete
pro impetu, per antithesin, hoc est, per literæ commuta- *Antithesis.*
tionem, ut Impete nunc uasto ceu concitus imbribus
amnis. *Matutina saliuā.*) Saliua ieiuna quæ impetigini me *Saliua ieiuna.*
detur illita. Auicenna, Fricatur impetigo cū saliuā homi-
nis ieiuni. Celsus, Leuis papula etiā si ieiuna saliuā quoti-
dine defricatur, sanescit. Plinius, Credamus ergo & liche-
nas leprasq; ieiuno illitu assiduo arceri. Adhæc Paulus
Aegineta sic scribit, Ad impetiginem fortis operationis
est saliuā famelici hominis, & ieiuni, & proprie cuius cō-
plexio est calida. Et interficit uenena omnia. Porro du- *Saliua duplex.*
plex est saliuā. Vna quæ à capite destillat pituita, de qua ni-
hil in præsentī. Altera quæ generatur in carnibus glando-
sis circa radicem linguæ, ubi multa principalium mem-
brorum uirtus cōcurrit, estq; in ea magnum complexio-
nis siue caloris, cuius est, uestigium, unde & ad cibi con-
coctionem iuuat: & ideo etiam quia unus homo habet
complexionem alteri non conformem, propterea quoq;
saliuā unius respectu alterius est permutatiua, & habet ra-
tionem ueneni, nedum quod cæteris animantibus ceu
scorpioni & alijs sit uenenum. *Cohibere.*) Ne longius ser-
pat inhibere, & sanare. *Folio platani.*) *Platanus.*
Platanus insignis arbor est, sic dicta Græcis à latitudine, quod sit πλατύφυλ-
λος, hoc est, latissimorum foliorum, quæ umbram præstet

CVTIS ET FA. VITIIS.

uel opacissimam: cuius gratia tantū petita orbe est ihs qui
 σκιατροφούμενοι dicuntur, ut autor est Theophrastus. Et
 hinc etiam umbrantes platanos uocat Palladius. Tantæ
 autē magnitudinis aliquando repertæ sunt, ut intra ipsas
 domicilij modo cauas, multi epulati fuerint, ramis men-
 sas ac scamna præbentibus. Cuius rei non unum extat ex-
 emplum, & præsertim illud quod Caius princeps in Ve-
 literni ruris platano, cuius tabulata, laxisq; ramorum tra-
 bibus scamna patula miraculo fuerāt, epulatus est, quam
 cœnam ipse Nidum appellauit. Sunt & alia huius rei ex-
 empla quæ apud Plinium repperies libro 12. Qui tantum
 etiam honoris increuisse platanis tradit, ut mero infuso
 enutrentur, quoniam compertum foret id maxime pro-
 desse radicibus, sicq; edoctas uel arbores uina potare. Sed
 de foliorum large thoros etiam præbentium insigni, &
 ramorum mensis ac scamnis idonea amplitudine, uiniq;
 infusione, paucis sic etiam meminit Palladius, Insignes
 folijs platanos, scelicia mensis Brachia, gaudentes uitis
 honore comas. Amplius de Platano Nicæder in theriacis
 sic scribit: σφαίρις τε θερά λειχέος πλατάνοιο, hoc est, Sphæra q;
 thorum præbentis æstate platanis: ubi interpres, illud θερά-
 λειχέος pro umbrosa accipi posse tradit, quoniam latissi-
 ma sint eius arboris folia, ut opacissime contegant æsti-
 uo tempore. Vel, inquit, quia thorus ex numerosis folijs
 confici abunde possit tempore eodem. Additq; platani
 fructum esse sphæria quædam trachea, id est, orbiculos
 asperos, & propterea à Nicandro dici sphæram. Plinius
 Latine pilulas reddidit. Præterea platanum Græci plata-
 nistum etiā uocāt: & sic apud Homerū semper accipitur:
 quandocunq; enī platanistū nominat, platanū intelligit.
 Estq; paronymon siue denominatiuū, primitiuo nihil
 plus minúsue significans. Neq; est per diminutionem di-
 ctum, tūc enim in σκος exire deberet sicut Satyriscus, Ca-
 lamiscus, Pyrgiscus & reliqua. Mansum mane uorabis.) Ma-
 tutino tempore dum adhuc ieiunus est uenter dentibus
 con-

Platani fructus
 sphæria, et
 sphæra, pilu-
 laq; dicitur.
 Platanistos.

confectū & masticatum platani folium degluties & comes, si impetigini & alijs cōsimilibus morbis consultum uoles: frigiditate enī sua platani folia sanguinis & humorū ex quib⁹ fit impetigo, adustiones refrigerāt, desiccant & emendant, morbum q̄ sanant: quemadmodū et pilulę eius in uino potæ lentiginē curāt, teste Plin. lib. 24. cap. 8.

Fœda fluunt curui quæ purgamenta cameli
Vrentur, cineremq̄ dabunt, iungentur aceto
Mascula thura simul, diuinaq̄ cura ualebit.

Fœda purgamenta.) Stercus fœtidū quod à corpore excer- *Stercus cameli*
nitur atq; expurgatur cameli, quod ulcera cum alia tum
impetiginosa & serpiginosa detergit & mundificat, imō
quod plus est, uerrucas etiam magnas destruit, et resoluit
scrophulas fortiter, autore Auicenna. Curui.) Camelorū
corpora quia distorta & gibbo montuosa sunt, curua di-
cuntur atq; praua. Prauum nanq; intortū est. Hinc diuus *Prauum*
Hieronymus in exhortatoria ad Exuperantium, Came-
lorum corpora prauitates appellat, cum ait, Ne queras
diuitias quę camelorū prauitatibus comparantur. *Camelus*
meli.) Camelos inter armēta pascit oriens. Quorum duo
genera, Bactriæ & Arabiæ. Differūt, quod illi bina habēt
turbera in dorso: hī singula, & in pectore alterum cui in-
cubant. Dentium superiore ordine ut boues carent in
utroq; genere. Homines autem iumentorum in hīs terris
dorso funguntur, atq; etiam equitatu in prælijs. Veloci-
tas inter equos: sed sua cuiq; mensura, sicut uires: nec ul-
tra assuetum procedit spatium, nec plus instituto onere
recipit. Odium aduersus equos gerūt naturale. Sirim ex
quatrīduo tolerant. Implentur cum bibendi occasio est,
& in præteritum & in futurum, obturbata cōculcatione
prius aqua: aliter potu non gaudent. Viuunt quinquā-
genis annis: quidam & centenīs: autor Plinius historiæ
suæ lib. 8. capite. 13. *Mascula.*) Plinius lib. 12 cap. 15. Quod *Thura mascula*
ex eo rotunditate guttæ pendit masculum uocamus,

CUTIS ET FA. VITIIS.

*Thus in Arabia
& Saba tantū
nascitur.*

*Manna thuris.
Thuris pollin.*

cum aliās non ferè mas uocetur, ubi non sit foemina. Religioni tributum ne sexu alter usurparetur. Masculum aliqui putāt à specie testium dictum. *Thura.*) Inter principales Arabiæ diuitias, quæ cognomē illi foelicis atq; beatæ dederunt, thus quoq; habetur: quod etiam, ut Plinius lib. iam dicto testatur, præter Arabiam ipsam nullis, ac ne Arabiæ quidem uniuersæ, sed ei tantum parti quæ Saba appellatur, quod significare Græci mysterium dicunt. Vergilius idem testatur dicens, Solis est thurea uirga Sabæis. Creditur nouellæ arboris candidius esse, sed ueteris odoratius. Præcipua gratia est māmoso, cum adhærente lachryma priore consecuta alia miscuit se. Singula hæc manum implere solita, Græci stagoniam & atomon tali modo appellant: minorem autem orobian. Thuris concussionem & purgamentum siue puluerem & micas concussu elisas antiqui thuris pollinem & mannam uocauerunt. Trifariam enim omnis thuris substantia diuiditur, in thus, corticem thuris, & dictam iam mannam: quæ magis quàm thus adstringit, quamuis leuis etiā sit manna uis adstringens, quam à cortice habet, qui illi paululum admiscetur, unde etiam thure ipso ad nōnulla utilior existit. Ipse uero cortex thuris, tū adstringit, tum siccatur insigniter, ut tradit Galenus. Adulteratur autē thus resinæ candidæ gēma perquàm simili. Probatur candore, amplitudine, fragilitate, carbone ut statim ardeat, item ne dētem recipiat potius quàm in micas frangatur. Vsus illi medicatus. Præterea de thure sic scribit Dioscorides, In Arabia quæ ob id thurifera dicta est, nascitur thus. Primum bonitatis honorem masculum habet: quod stagoniam quasi stillicidiare uocant natiua guttæ rotunditate, & atomon quod nullas sectiones habet: candido præterea colore: fractumq; intus pingue est: & incēsum quàm primum ardet: Indicum subrufo & liuido colore est Rotundum opere & artificio humano thus fit: sectum enim in quadrangula fragmenta, tum coniectum in fictile aliquod

aliquid, multa uoluatione donec rotundum fiat circum agitur. Vetusitate quod tale fuerit ruffescit: uocātq; id stageron aut entomon. Secundæ bonitatis est quod Orobiam, & melioton appellāt: quantitate minimum, colore uero maxime ruffum. Vocatur & thus aliquod amomite: candidū quidem, sed cū fricatur mastiches modo lentescens. Adulteratur omne thus pinea refina, & gumi artificiose conformatum: facillime tamē deprehenditur. Gumi enim incensum non agit flāmas. Refina in fumum euanescit. Thus uero quā primum ardet. Indicat fraudem præterea & odor. Potest thus omnia hæc: calefacit, adstringit, purgat, explet, & ad cicatricem perducit. Incipiētes formicas et impetigines tollit, additis aceto & pice inunctum.

AVRIVM VITIIS SVC-

CVRRENDIS.

CAPVT XII.

QVVM sæuus teneras dolor alte fauciat aures,
Fraxinea in flammis fundit quem talea succum
Instilles, siue obscenos ex uirgine rores,
Aut succum ex folio dederit quem populus alba.



AVRIVM *uitijs.*) Aures cartilagineæ ac sinuo *Aures.*
sæ in sublimi corporis, et ut Auerrois tradit, in
osse petroso collacatæ sunt, & ideo Arabum
lingua uocantur Agari. Quarum pars infima, *Agari.*
quam imam uocant auriculam & in qua memoriæ dica- *Auricula ima.*
tus est locus, Lobus nuncupatur: quanquā superior por- *Lobus.*
tio etiam, & omnia summa ita nominari possint, ceu iecoris lobi, & ciceris uas aut fabæ, & quod Plinius ait, mlij panniculæ, Aurium uero sordes, autore Plinio, mar-

S

AVRIVM VITIIS SVC.

*Marmorata,
Cerumina.*

*Aurium mea-
tus cur tortuo-
sus.*

Unda uocalis.

*Auditum dupli-
ci aere perfici.*

*Auditus incolu-
mis argumen-
tum.*

*Aures cur
binae.*

morata dicuntur, recentiores Cerumina uocāt: quæ quia sudoris qui computruerit ratione censentur, amarulenta sunt. Alij biliosa cerebri censent excrementa, cuius indicium quoque uolunt colorem luteum: quemadmodum enim per oculos melancholicum expurgatur excrementum, & per os pituitosum atq; sanguineum, ita etiam per aures biliosum excerni dicunt. In auribus item primum rectus ac simplex est meatus, mox tortuosus & flexuosus, qui subinde iuxta cerebrum in multa & tenuia diducitur foramina, per quæ fit auditio. Tortuosus autem & non rectus est anfractus, ne, ut Auicenna tradit, subita aëris irruptio frigiditate uel caliditate cerebrum male afficeret, uel soni excessus neruum quo fit auditus oblæderet atq; disrumperet. Cum ergo peruenit unda uocalis, sic aerem sonum deferentem uocat Auicenna, ad illud quod est illic, comprehendit eam auditus. Ex quo colligitur Auditum non tātum exteriore aëre perfici, sed & interno quodam qui auribus inest congenitus, quod uel Aristoteles in libris de anima scriptum reliquit, Auditui enim con-naturalis congenitusq; inest aer, qui exteriore aere moto excitus, meliorem præstat auditionem. Est enim aer ille internus & auribus insitus, de se immobilis, & cum mouetur, id ab aere fit exteriore, placide tamē & tranquille, citra turbationem aliquam et strepitum auris, ut non percipiatur quando mouetur, & quando non. Et hinc membra coniectus & cōuolutus est, & auris iter cochleatum, flexuosum atq; anfractuosum factum est, ne lædatur aut turbetur, aut à tranquillitate sua dimoueatur. Cum enim membrana illa læditur, præpeditur auditio: ceu læsa cuti-cula pupillam obuolvente, præpeditur uisio. Incolumis autem auditus argumentum est, si auri admota manu aut cavitatibus illato digito, sonitus & tinnitus quidam aeris ceu cornu sonantis, introrsus auditur. Qui tamen sonus insito aeri non est proprius, sed alienus. Qui etiam si non auditur, læsi auditus indicium. Cæterum quod ad aures

aures etiam attinet, binæ à summo rerum opifice creatæ sunt, ne una oblesca, auditus omnino præpediretur. In lateribus autem collocatæ & non in parte anteriore, propter uisum, gustum, & olfactum, qui commodissime in ea fuerunt positi: nec in posteriore, ne à sensu communi longius abessent. Et quamuis binæ sint aures, simplex tamen illis hauritur sonus: quemadmodum enim in uisu nerui optici coniunguntur, ne species appareat duplex, ita et in auditu, nerui ἀκουσικοί, in origine concurrūt, unde etiam formarum audibiliū fit unio. Amplius aures, ut Plinius scribit, homini tantum immobiles. Quod si quis moueri dixerit, sciat perparuum quidem esse motum eiusmodi. In alijs tamen animantibus mirum in modum moueri aliquando uidentur. Ratio autem est non ex aurium motu intimo, sed per expulsionem musculi mandibulam mouentis, qui quandoq; ita auribus admouetur, ut contingat. Cæterum morbi & uitia, quæ auribus accidunt, sunt comprimis dolor & inflammatio, humores, pus & sanies profluens, ulcus sordidum, uermes in ipsis generati, foraminum compressio, auditus grauitas, aurium intra se ipsas sonitus, & res quæ in ipsas ceciderunt ceu lapilli, aqua, pulices aut aliorum animalium quoddam: de quibus post capitis & faciei morbos nunc primum agit Serenus, subinde ad oculos transiens: non quod aurium usus sit potior, hunc enim natura, ut Celsus ait, proximū à luminibus nobis dedit, sed quia maius aliquāto in hijs periculum est. Nam uitia oculorum intra ipsos nocent, aurium inflammationes, doloresq; interdum etiā ad demerentiam mortemq; præcipitant, quo magis inter initia protinus succurrendum est, ne maiori periculo locus sit. Quoniam, Auicenna teste, dolores eius quandoq; perniciosi sunt. Sed antequam ad localia medicamenta procedatur, ubi corpus nimis & malis repletum fuerit humoribus, ipsum ab eiusmodi prius alleuiandum est. Et si per consensum fuerit affectio, membro cui cōsentit prius

Aures cur in lateribus.

Nerui ἀκουσικοί.

Aurium mobilitas.

Aurium uitia.

Lib. 6. cap. 7.

Aurium usus proximus à luminibus.

Aurium dolor periculosior.

Canones generales circa curationem.

AVRIVM VITIIS SVC.

subueniendum, capitis etiam dolorem, si quis adest, prius mitigando. Quibus peractis localia tum demum administranda sunt remedia, semper etiam à leuioribus inchoando, & ante medicaminis immiſſionem, aures à sordibus aut prius impositis medicamentis, si quæ insunt, mundando. Nam, ut Paulus Aegineta tradit, Audiendi facilitatem præstat in primis purgare meatum à sordibus. Adhæc præcipiente Celſo, medicamentum quod imponendum est, semper ante tepefieri conuenit, commodissimeque per strigilem instillatur. Vbi auris repleta est, super lana mollis addenda est, quæ humorem intus contineat. Idem de calidis imponendis medicamentis testatur Meſue dicens, Post hæc autem non prætermittimus quod medicamenta quæ distillantur in oculis, semper actualiter frigida mittenda sunt: quæ autem in auribus, tepida aut calida sunt apponenda, siue sint ad ægritudines calidas siue frigidas. Primo tamen antequam quicquam in aures imponatur, ob periculum quod ex auditoriorum meatuum obstructione contingere posset, cura prius tentanda est cum sacculis, suffitibus & cataplasmatibus: quibus adhibitis, si nulla sequatur salus, tum primum iniectiones & instillationes fiant, quæ post tertiam, ut aliqui uolunt, seu, ut alijs placet, post sextam horam iterum ab aure extrahantur. Sint autem quæ iniiciuntur quantitatis modicæ, utpote, unius aut duarum guttarum, ne meatus obstruant. Sint item liquida. Nam, quod Celſus ait, illud perpetuum est, quotiescunque crassius medicamentum est quàm ut in aurem instillari possit, adiiciendum eum esse humorem, ex quo id componi debet, donec satis liquidum sit. Vbi autem immiſſum est medicamentum, patiens per horæ spacium sanam super aurem iaceat. Tandem, operationes in auribus ob magnam auditui nerui sensibilitatem, sua uiter & citra dolorem fiant, ne læsio contingat. Nec illud omittendum, ubi exulceratæ sunt aures, sicciſſimis opus esse medicamentis, ut tradit Galenus therapeutice libr. 5.

quo-

quoniam audiēdi locus etiam siccissimus est. Cum enim particula cui medetur siccissima est, necesse est ut ualentissime siccetur. Indicat enim ueluti uitium ipsum ut curetur, sibi applicandum esse contrarium: sic particula ipsa quod sit sibi simillimū. *Sæuus.*) Crudelis, magnus & uehemēs, qui uel somnum tollere soleat, siue calidus siue frigidus is fuerit. Vtrisque enim medicari docet. *Teneras.*) *Auris tenera et lenis.* Graciles, molles ac lenes. Est enim auris, ut Auicenna tradit, creata cartilaginea, habens cum conseruatione figuræ lenitatem & reflexionem. *Alte sauciat.*) Profunde, intime, et uehemēter uulnerat & afficit. *Fraxinea talea.*) Hoc *Fraxinus.* est, fraxini lignum & ligni sectiones atque præsegmina. *Talea.* Talea enim proprie ligni frustum dicitur quod serendi aut plantandi gratia præscinditur. De fraxino uero, quæ inter arbores quas materiæ causa natura genuit, copiosissima est, Plinius libro 16. cap. 14. inter alia sic scribit: Fraxinus procera arbor est, ac teres et pennata folio, multumque Homeri præconio & Achillis hasta nobilitata: materies est ad plurima utilis. Græci duo genera eius fecere: longam, enodem: alteram breuem, duriorē, fuscioremque, laureis folijs. Alij situ diuisere. Campestem enim esse crispam: montanam, spissam. Folia earum iumentis mortifera: cæteris ruminantium innocua Græci prodidere. In Italia nec iumentis nocent. Contra serpentes uero succo expresso ad potum, et imposita ulceribus opifera, ac nihil æque repperitur. Tantaque est uis, ut ne matutinas quidem, occidentesue umbras quamuis sint longissimæ, serpens arboris eius attingat, adeo ipsam procul fugat. Experta prodimus. Si fronde ea gyro claudatur ignis & serpens, in ignes potius quam in fraxinum fugere serpentem. Mira naturæ benignitas, priusquam hæc prodeant florere fraxinum, nec ante conditas folia dimittere. *In Oleum fraxine flammis fundit succum.*) Hoc est, liquorem: & ut Mesue uocat, oleum fraxinum, quod ignis ui ex conciso ligno elicitur, hoc modo: Accipiuntur ollæ, iustæ magnitudinis,

A V R I V M V I T I I S S V C .

binæ, una orificij arctioris, altera latioris: quarum hæc extra luto figuli bene inducâ, in terræ foueam ponitur: illa uero conciso ligno impleta priori ollæ inuerso orificio superponitur, ita tamen ut ambabus interponatur lamina ferrea tenuis & multorum foraminum instar cribrî triticei, quæq; amplitudine sua ollam latiorē undiq; cooperiat: sicq; præparatæ ollæ, luto exacte ut nihil ex alterutra euaporare & exhalare possit circumliniatur: quo facto, lignorum congeries ipsi superposita accendatur, & duabus horis ardere sinatur: sic enim succus & oleum manabit, quod usui seruetur. Et eodem modo fit oleum iuniperinum: quod ego sic feci. Primo accepi ollam grandem ex una parte lati orificij, ex altera rotundatam & paruis foraminibus plenam, quam ligni frustulis paruis impletam cum cooperculo & luto circumlito bene clausi, deinde clausam alteri ollulæ paruæ in terram locatæ cum parte perforata imposui: sicq; ambabus dispositis & undiquaq; luto ne quid exhalare posset, bene illitis, postea cum igne, ut dictū est, operatus sum. (*Obscænos rores.*) Hoc est, humorē corporis qui per partes obscænas expurgatur. Et is quidem est lotium siue urina, quæ auribus frigore affectis opitulatur, maxime etiam si exulceratæ fuerint. Nam, ut Auicenna tradit quarta tertij, cum multiplicatur pus ualde, tunc necessariæ sunt distillationes ex urina infantium. Plinius hanc cōtra pituitas & uermes, sed cum porro utilem tradit libro 28. cap. 6. dum inquit: Vrina impubium puerorum contra aurium pituitas, uermiculosq; si decoquatur ad dimidias partes cū porro capitato nouo fictili. Nec modo auribus sed & uniuerso corpori urinam impubium prodesse testatur Sextus Plonicus dicens: Pueri uel uirginis inuestis lotium infusum auriculis quæ pus habēt, curat, et remediū est rotius corporis. (*Virgine.*) Per uirginem intelligit puerum siue masculus siue femella is fuerit, qui adhuc incorruptus est & Veneris usum nondum expertus, Dicitur autem & de alijs rebus

Lotium impu-
beris.

Vrina.

Cap. 12.

bus illibatis, intactis & incorruptis uirgo: unde Martialis chartam nondum contrectatam inuulgatamq̃ uocat uirginem. Et Plinius terram uirginem dixit synceram & intactam, neq; à metallicis refossam aut attaminatam. *Succum ex folio pop.*) Diosco. lib. primo: Tepidus foliorū succus cōtra aurium dolores utiliter instillatur. Item Plinius libro 24. cap. 8. Foliorum populi albæ succus calidus aurium dolori prodest. *Populus alba.*) Plinius lib. 16. cap. 24. Populi tria facit genera, albam, nigram, & quæ lybica appellatur. Alba folio bicolor, superne candicans, inferiore parte uiridi. Mirū in primis id quod ulmo, tiliæq̃, & oleæ, populo albæ & salici euenit. Circūaguntur enim folia earum post solstitium, nec alio argumento certius intelligitur sydus confectum.

Populus.

Sæpe chelidoniæ rapidum sociatur acetum
 Adiunctoq̃ nitro procedit cura salubris.
 Mentaſtri liquor expressus conducere fertur.
 Infectum uiolis olium bene consulit auri.
 Annosa rubros si legeris arbore uermes
 Ex oleo tere, sic tepidos infunde dolenti.

Chelidonia.) Qua ratione capitis, eadem et aurium dolori medetur chelidonia: cuius uirtutes dictæ sunt superius capite primo. *Rapidum acetum*) Hoc est, citū & quod uim suam cito exercet: quale est maxime quod forte est et acre. Scriptus codex habet S A P I D V M, hoc est, proprio sapore & saporis aciditate ualidum & efficax. Aceti calidi uaporatio, ut tradit Auicenna, confert difficultati auditus et acuit ipsum. Et, ut Dioscorides testatur, Acetum instillatum necataurium uermes. *Nitro.*) Dioscorides, Nitrum medetur purulentis auribus, earūq̃ inflationibus & tintinibus, cum calida aqua uel uino illis instillatum. Purgat & sordes cum aceto ijsdem instillatum. Plinius libro 31. cap. 10. Nitrum auribus purulētis uino liquato infun-

Chelidonia.

Acetum.

Nitrum.

A V R I V M V I T I I S S V C .

ditur. Sordes eiusdem partis erodit ex aceto. Sonitus & tinnitus discutit ficcum additum. Et exinde doloribus illarum medicina est efficax, præsertim ubi humor est tenax & causa frigus. *Mentastri liquor.*) Succus mētaſtri aurium dolorē frigidum sanat & maxime eum cuius causa sunt uermes, ipsos ui ignea & amaritudine sua occidēdo. Hinc Apuleius herbæ mentastri succum cum uino austero auriculis iniectum, uermes natos necare dicit. Et Plin. libro 20. cap. 14. Succus, inquit, auribus uerminosis instillatur. Porro quem hij mentastro, eum Dioscorides calamētho tribuit effectum dicēs : Verminosas aures sanat enectis uermibus instillatus calamēthi succus. *Cōducere.*) Conducere inter alia significata sua aliquando idem est quod prodesse & utile esse, ut in hoc loco. *Infectum.*) Inficere proprie est tingere & colorare: μεταφορικῶς uero, polluerē, maculare & corrumpere. Vnde oleum infici dicitur, quando per alterius rei admixtionem natura eius corrumpitur & admixtæ rei naturam accipit. Est autem & infectus quarti ordinis nomē, & tincturā significans. Plinius libro 3. De lanarū infectu suis locis dicemus. *Vi oleum uiolarū* *olis oleum.*) Oleum uiolarum, quod fit floribus earum in oleo maceratis & expressis: hocq; autore Auicenna, magis sedatiuū est doloris quā oleum rosaceum, propter mollificationem quæ est in ipso: conuenitq; in dolore uehementi & à causa calida proueniente. *Consultit.*) Prouidet & opitulatur. *Annoſa.*) Vetus & cariosa. Rubros uermes.) Plinius libro 29. capite 5. testatur idem, dicens: Vermes ex arboribus rubri cum olio triti, exulceratis & ruptis auribus præclare mēdētur. Detergunt enim & dolores permulcent maxime ex oleo quod etiam mitigando lenit.

Si uero obstrusa sensus moreretur in aure,
Lumbricos terræ, seuumq; ex anſere rauco
Excoque, uel ueterē poteris dissoluere morbum.

Si uero

si uero obstrusa.) Docet nunc aurium dolori, quem auditus grauitas comitatur, mederi, ubi scilicet cum dolore grauius quis audire coeperit: quod maxime post lōgos & uehementes aurium et capitis dolores euenire consuevit ex meatuum auditoriorum obstructione, quę uel à sordium coitu accidit, uel ab humorū copia, uel à crusta qualis sup

Lumbrici terre
ulcera innascit. *Lumbricos terre.*) Vermes terrenos, quos *Intestina terre.* Dioscorides *γῆς ἐντέρας*, id est, terre intestina uocat, traditq; cū anserino adipe elixa auriū uitijis utiliter instillari: quod Plin. etiam lib. 29. cap. 5. testatur inquit, Constat deplorata aurium uitia sanari si terreni uermes adipe anseris de cocti infundantur. Celsus eosdem ex oleo coctos adhibere docet cum ait, Medicamentum est oleum in quo lumbrici cocti sunt. *Seuum.*) Seuum quid sit & quo pacto differat ab adipe, dictū est supra. Sed huiusmodi dictionum proprietas nō semper obseruatur, præsertim in carmine, quod uel ex præsentī capite, ne longius testimonia conquiram, manifestum est. Nam quod nunc anseris seuum nominat, paulò post adipem uocat, dum inquit, Anseris aptus immittetur adeps. A seuo fit seuosum, quasi seuo plenum: et seuare, hoc est, seuo cōcinnare. Columella lib. 2. cap. 22. Ferijs ritus maiorum etiam illa permittit, far pinsere, faces incidere, candelas seuare: ni mauis dicere sebare, utrunq; enim dicitur, & seuum & sebum. Dicitur item sepacum à sepo. Apuleius in asino aureo lib. 4. Nec mora cū numerosæ familiæ frequentia domus tota completur, tedis, lucernis, cereis, sepacis, nocturni luminis instrumētis. *Anseris.*) Dioscorides, Adeps anserinus facit ad aurium dolores. Auicenna lib. 2. Adeps anseris sedat dolorem auris. *Rauco.*) Male sonoro, obstrepero. *Vel.*) Etiam. *Dissoluere.*) Discutere. Hinc medicamentum discussorium, quod Gręci diaphoreticum uocant, quod discussorium scutit atq; dissoluit humorum crassitudinem. Et diaphoretis discussio est, hoc est, digestio & euaporatio, humorumq; per insensibiles meatuseductio. *Medicamentū discussorium Diaphoreticū Diaphoresis.*

T

AVRIVM VITIIS SVC.

Fella bouis surdis etiam prodesse loquuntur,
Si iungas olidæ graue quod minxere capellæ.

Fel bouis.

Surdus.

Serm. lib. 2.

Tragax odor
seu hircus, aut
caper.
Lotium capri-
num.

Fella bouis.) Fella bubula uel taurina, quæ cæteris, testante Dioscoride, sunt efficaciora. Et Auicenna, Fortiora fella quadrupedum sunt, fel uaccinum siue taurinū. Plinius libro 28. Si grauitas sit audiendi, fel bubulum cum urina capræ uel hirci, uel si pus sit. *surdus.*) Surdus proprie dicitur qui nihil audit, aut qui male audit. Dicitur etiam de eo quod non auditur. Iuuenalis, Surda nihil gerneret graue buccina: & herbæ surdæ, quorum nomina nō audiuntur, quia non sunt. Transfertur autē & ad alia. Vitruuius Architecturæ libro 5. Etiam diligenter est animaduertendum, ne sit locus surdus, & ut in eo uox quā clarissime uagari possit. Plinius libro 36. Ad hoc quibusdam incurrit umbra, surdusq; color fit. Et, Hebescent ni color surdus repercussu angulorum excitetur. Persius, Seu spirent cinnama surdum. Horatius, Feruida quod subtile exsurdant uina palatum. *Olidæ.*) Fœtidæ. Sunt enim grauis ac fœtidi odoris capræ, quarum graueolentem odorem & uirus nunc tragum nunc hircum uocāt. Catullus aut caprum, Lædit te, inquit, quædā mala fabula qua tibi fertur Valle sub alarū trux habitare caper. *Graue quod minxere capellæ.*) Hoc est, excrementitium illum uesicæ caprarum humorem graueolentem, ac tetrum fœtidumq; odorem reddentem. Huiusmodi autē humorem & urinam aurium doloribus conferre, auctor est Dioscorides, dicens: Vrina caprina aurium doloribus medetur instillata.

Si uero in patulas animal penetraverit aures,
Proderit admixto pauidi fel muris aceto,
At si lymphapotens peruaferit, anseris aptus
Immittetur adeps, ceparum non sine succo,
Qui grauis est oculis, sensum tamē auribus auget.
Patulas.) Semper enim aperti sunt aurium meatus & an-
fractus

fractus. *Animal.*) Ceu pulex, aut aliud tale animal paruum, *Pauidi.*) Trepidantis & periculum semper pertimescentis, Ad omnem enim sonitum & strepitum expauescunt mures & fugiunt. *Fel muris.*) Fella remedio esse si quod animal in aures ceciderit, testis est Auicenna sen quarta tertij. Et Plinius libro 29. cap. 5. Si quod animal, inquit, in aurem intrauerit, præcipuum remedium est murinum fel aceto dilutum. *Lympha potens.*) Aqua multa & copiosa. Solet enim nonnunquã aqua aures intrare quæ multitudine & frequẽtia sua potenter & uiolenter nocumẽtum eisdem adfert. *Peruasurit.*) Intrauerit & ad intima usq; penetrauerit. *Anseris adeps.*) Plinius libro 29. cap. 5. Si aqua intrauerit, adeps anserinus cum cepæ succo remedium est. Sextus Plonicus, Aqua in aurem si introierit, anserinus adeps cum cepæ succo mixtus bene, auriculæ infundatur, prodest. *Ceparum non sine succo.*) Hoc est, cum succo ceparum: cui tamen non anserinum sed gallinaceorum adipem iungit Dioscorides, dicẽs ceparum succum cum gallinaceorum adipe utilem esse ad grauitatem aurium, incertos earum sonos, purulentas ex eis destillationes, & exhauriendas quæ in eis coierunt aquæ. Quamuis per se etiam tum gallinaceum tum anserinum adipem ad aurium dolores facere testetur Auicenna. Distillatur, inquit, cepæ succus in aurem, propter grauedinem capitis & tinnitum & putredinem in auribus & aquam. Plinius libro 20. cap. 5. Multos in auriculis sonitum & grauitatem emendantes, syluestrium ceparum succũ unã cum anserino adipe in easdem stillasse scribit. *Qui.*) Ceparum succus. *Grauis est oculis.*) Id est, oculis nocet præsertim sanis. Nam male affectis sæpenumero auxilio est, No cet autem comestus quidem, quoniam uaporosus est. Omne autem uaporosum, oculis noxium. Vnde Iesus Hali dicit, Omnes concordati sunt, quod comestio salis debilitat uisum, lac, cepe, porri, caules, lentes, fabæ, & uersaliter omne uaporosum, Nocet etiam oculis imposi-

AVRIUM VITIIS SVC.

Adagio.

tus ui sua acri & exulcerante. Imò odor ipsius oculis no-
xius est, lachrymas ipsis excutiendo. Vnde quia lachry-
mas mouet, prouerbio etiam cepas edere aut olfacere iu-
bemus eos quos flere iubere uolumus. Lachrymosam ce-
pam uocat Columella. Et Plinius, Omnibus odor est la-
chrymosus, inquit. *Sensum auribus auget.*) Hoc est, aurium
sonitus & surditatem auferendo, auditū recuperat, iuuat,
& corroborat, bonamq̃ facit auditionem.

Vis & phœbigenæ diuinam discere curam,
Sitq̃ uel annolis confecta doloribus auris,
Allia tum septem numero, septemq̃ lupinos
Muriceam dabis in testam, tum Delphica frondis
Addatur, mixto totum feruescat aceto,
Doctus eris tepidos illinc immittere rores,

Allium.

Phœbigenæ.) Phœbo geniti Aesculapij. *Confecta.*) Affe-
cta, saucia & læsa. *Allia.*) Auicenna fen quarta tertij cap.
9. Oleum instillari iubet in quo coctum sit allium. Plinius

Lupinus.

uero libro 20. cap. 6. alliorum succum cum adipe anseri-
no. *Lupinos*) Lupinus legumen est notum, cuius suc-
cum instillare iubet Auicenna. *Muriceam.*) Murex con-

Murex.

chilijs adnumeratur ceu purpura, quorum sanguine ue-
stes tinguntur infectu precioso. Per se autem, ut Plinius
tradit libro 32. cap. 4. conchilio infecta lana magnopere
prodest auribus. Inest autem & testis uirtus desiccans at
que detergens auribus utilis, quam & medicamenta illis
imposita ad se rapiunt, quare illa cum eadem coqui et præ-
parare iubet nūc Serenus. Ni pro testam legere malueris
textam, ut lanam intelligas murice infectam, ex qua & fa-
sciolæ fieri possunt quibus capilli in capite alligantur &
textæ dicuntur. Et forte non male, ut Plinij sententiæ iam
relatæ cōcorder. Verum in scripto codice pro muriceam
legitur Puniceam; ubi per testam Puniceā intelligito ma-
licorium quod Punici mali cortex est, & is quidem in ma-
gno usu. Et in quo decoctū ex porri succo efficaciter sanat

Textæ.

aurium

aurium dolores, ut libro 30. ad finem tradit Plinius, & libro 23. ait, Ad aurium dolorē utile est ex Delphica oleum in mali Punici cortice tepefactum. *Delphica frondis.*) Folia *Laurus.* laurus Delphicæ. Sunt enim duo genera laurus, ut Cato tradit: Vnum Delphicum, sic dictum quod eo uictores Delphis olim coronarentur, & est uiridior laurus: Alterum Cyprium, folio breui, nigro, per margines imbricato, crispum. Sed de lauri generibus plura Plinius libr. 15. ca. 30. Vis lauro excafactoria & folijs & cortice & baccis: ualenterq; siccant, molliunt, & discutiunt, ac contra aurium dolorem & grauitatem ualent. Vnde Auicenna inquit, Faciunt ad dolores auris frigidos & elongationem auditus & conferunt tinnitui. Plinius item libro 23. cap. 8. Aurium, inquit, dolori et grauitati instillatur succus cum uino uetere & rosaceo. Et, Ad aurium dolorem utile est ex Delphica oleū in mali Punici cortice tepefactum. Celsus porri succo cum laureo oleo utitur. Adhæc habet & contra uenena remedium laurus, unde in prouerbium abiit, ut qui sceleriter ē periculo effugisset, & tutum se afferere uellet, is diceret, *Δαφνίνην πορῶ βακτρίαν*, hoc est, Lau Adagio, reū gesto baculū. Et quia hæc arbor fulmine non igitur, ideo & aduersus fulmē uis eius tueri creditur. Vnde & Tiberius Cæsar, qui tonitrua, autore Suetonio, præter modum expauescebat, turbatiore cælo nunquam non coronā lauream ceruice gestauit, quod fulmine afflari negetur id genus frōdis. Est autem Apollini sacra, uaticinaq; arbor laurus. Nam quia nihil crepitantius uritur, unde etiam *Δάφνη* daphne dicitur, ab particula *δα* quæ intētionis uim habet, & *φωνεῖν* quod loqui est & canere, hinc ueteres rerum euentus ex crepitantis modo aucupabātur. Si enim crepuisset abunde & sonantius, sceleris auspiciū existimabatur. Vnde Tibullus, Laurus ubi bona signa dedit, gaude coloni. Quod si tacita conflagrasset, infelix habebatur. Hinc Propertius, Et tacet extincto laurus adusta foco. Alij uero laurū Apollinis tutelæ adscribunt, ideo

OCVLORVM DOLORI.

quia si noctu dormientibus ad caput puluillo subieceris, uera somnia uisuri sunt, uti Fulgentius recitat mythologiarum libro primo. Frondis.) Frondis in recto casu posuit, quemadmodum infra quoque capite 29. ubi ait, Persica frondis.

OCVLORVM DOLORI

MITIGANDO.

CAPVT XIII.

SUMMA boni est, alacres homini contingere
Quos quasi custodes, defensoresq; pericli (uisus
Prospiciens summa natura locauit in arce,
Sic tamen ut nullos paterentur desuper ictus,
Atq; supercilio pauidi tegerentur opaco.

OCVLI.

Libro. 11.



OCVLORVM dolori.) Oculos humani corporis partem esse preciosissimam, ut qui lucis usu uitam distinguat à morte, scriptum est à Plinio. Hos Galenus nunc uisus potentia uocat organum lucidum, nunc solarè animalis particulam, & diuinum quoq; membrum, ut cuius precipue inexplicabilis & mira sit subtilitas, si quid aliud in animantium natura. Vnde Auēzoar rheizir sui lib. 1. Oculi, inquit, membrum est subtile & delicatum præ cæteris membris. Huius particulæ sunt humores contenti tres. Tunica uero continentes ab alijs aliter statuta. Sunt enim qui quatuor eas faciunt, quarum summam & extimam uocant Consolidatiuam, robustam, solidam & pinguem, quæq; oculi constitutio tueatur uniuersa. Alteram quæ huic subest Græci Ceratoidè appellat, uulgo Cornea dicitur, eo quod pellucida sit ut cornu attenuatum, quo sit speciebus peruia. Tertiam uocant Vueam, ab nigrore uisus, ut obscureretur in ea humor

Oculorum
partes.

Humores 3.

Tunica 4.
uel 7.

1
Consolidatiua.

2
Cornea.

3
Vuea.

ea humor in quo uisus facultas uiget, aliās enim species in eo se non ostentarent: estq̃ densa, ne si laxior esset, inclusus humor se promeretur: habet tamen in anteriore parte orbicularem pupillæ meatum, qua se uisibilia insinuunt species. At intra tunicam hanc humorē statuunt albidum, ouorum albugini similem ac pellucidum. Glacialis enim omnium humorum est intimus, glaciei assimilis: quem bifariam diuidunt, in partem scilicet anteriorem & posteriorem, quam uitream uocant, quæ glaciale foueat & alat. Et hīs circūiecta est tunica quarta tenuissima quam araneā dicunt, & Herophilus arachnoiden nominauit. Et sic tres sunt in oculis humores, et tunicæ quatuor. Alij tamen septē constituūt tunicas. Primam coniunctiuam siue consolidatiuam. Corneā quam à dura matre oriri dicunt, bifariam diuidunt, & anteriorem corneā uocant, interiorē uero scleroticā. Consimiliter uueam, quam à pia matre oriri tradunt, in duas secernūt, & partem anteriorem uueam, posteriorem secundinam uocant. Idem in aranea faciūt, eandemq̃ bifariam diuidunt, & anteriorem araneam, & posteriorem retinā appellant. Sicq̃ decē sunt quas intimas uocant oculiū particulæ, uidelicet, tunicæ continentēs septem, & humores tres contenti. Diuidunt & aliter tunicas quidam, sed illos nunc sinamus. Omnium autem harum utilitatem & operationē difficile & quasi impossibile est tradere. Vnde Abinzoar theizir libro 1. sic scribit: Et scire debes oculi partes esse multas, & scire atq; cognoscere utilitatem seu operationem cuiuslibet earum difficile ualde tēpore Galeni erat, adeo quod Galen. in corde suo proposuit, nō reddere rationem singillatim de prædictis, nec earum causas & utilitates declarare in libro suo de iuuamēto membrorū. Et Auerrois sui Colliget libro 2. maiorem partem iuuamentorum arbitrij iudicij esse scribit. Ceterū uirtus uisuum, ut tertia tertij tradit Auicēna, & materia spiritus uisibilis procedit & penetrat ad oculū per uiam duorū neruorū cōcauorū, quos *Nervi optici.*

1
Humor albugineus.

2
Glacialis.

3
Vitrea.

4
Tunica aranea.

Alia tunicarum diuisio.

Coniunctiua.

Cornea,

Sclerotica.

Uuea,

Secundina.

Aranea,

Retina.

OCULORVM DOLORI.

ὀπτικόν uocant Græci, ab eo quod uisuum spiritum ad oculos per ipsorum spiracula deuehant. Qui nerui à cerebro ad oculos producuntur effigie in primis literæ Græcæ χ, qui in contactu ad crucis modum interfecare se uidentur, quod tamē neutiquam fit, si acrius atq; solertius quis inspiciat. Sed à cerebro exorientes ad eundem tendunt locum, donec iungantur ita, ut meatus, qui antea duplex uisitur, unus et communis fiat: mox iterum disiuncti resiliunt, & qui à dextris oritur, dextrum item oculum petit, & qui à leua, itidem ad leuum tendit oculum, autore Galeno de utilitate particularum libro 10. Vnde Auicenna prima primi ait: Ille qui à sinistra oritur, dextratur: & ille qui à dextra oritur, sinistratur: deinde sibi super sectionem cruceam obuiant: postea ille qui à dextra oritur, ad pupillam dextram penetrat: & qui nascitur à sinistra, ad sinistram pupillam: quorum adeo dilatantur orificia, donec humorem qui uocatur uitreus, comprehendant. Quoniam itaque utriusq; oculi ex neruorum illo congressu, unum fit deferēs, & uisibilem species in comuni coeunt cōceptaculo: hinc fit quod sensibile utroq; haustum oculo, simplex & non geminum se ostendat, quod aliàs dubio procul contingeret: hinc etiam quod spiritus uisuius, altero oculorum obleso, ad reliquum delabitur totus, & roboratur, ualidiorq; promitur in actum, ut clarum est, alterū claudentibus oculum. Quod in oculi meditullio nigricans uisitur, pupilla dicitur, in qua qui sunt humorum medius est glacialis, & ipse quidem clarus sicut grando. Et situs est in medio, quoniam est dignior locis qui sunt cum custodia, autore Auicenna. Idem humor glacialis dicitur & crystallinus & grandineus. Et in hoc præcipue uidendi facultas uiget. Vnde Abinzoar: Humor grandineus est radix & subiectū sensus uisus, recipiens spiritum uisibilem per neruum opticum uenientem à cerebro. Et Iesus Hali: Humor crystallinus est nobilior partibus oculi, quia per eum fit uisus, et reliquæ

Visibile utroq;
haustum oculo
eur simplex &
non geminum
appareat.

Pupilla.
Humor glacialis,
crystallinus,
grandineus.

Videndi facultas
in quo humore
consistat.

reliquæ partes oculi sunt paratæ ut seruiant illi humori nobili, aut expellant nociua aut prebæant ei utilitatem. Galenus item therapeutices libro 7. Ipsum uisus instrumentum, inquit, est crySTALLINUS humor. Et lib. 2. eiusdem tractationis, Visio, ait, non oculi totius, sed crySTALLINI in ipso humoris est, cuius causa reliquæ oculi partes sunt factæ, quarum etiam singulæ aliquam seorsum actionem sunt nactæ. Ac uena quidem & arteria & neruus toti animanti communem: membranulæ oculi omnes, cum sint nutrimenti participes, omnino naturalibus facultatibus sunt præditæ, ac perinde etiam functionibus, quæ ab hijs proficiuntur. Sed qui perficiatur uisus, an intus per aeris media suscipiendo simulachra, an extra ab oculis profluëntibus radijs, autorum inter se est discordia. Plato enim & Academici uisum ab oculis emanare & extra prodire uolunt: contra quos pugnant Aristoteles & ipsi Peripatetici, qui uisum fieri intus suscipiendo dicunt. Sed quia harum opinionum scrutinium, & ut inquit Auicenna, uerificatio certioris in his duobus sermonibus pertinet ad sapientes, non ad medicos, ideo de his nunc non plura. Quod reliquum est, Oculorum cuique duo sunt anguli quos Lachrymalia uocant medici recentiores, Auicenna Almacheni, Græci uero Canthos: de quibus sic scribit Aristoteles, Κοινὸν δὲ τῆς βλεφαρίδος μέρος τῆς ἄνω καὶ κάτω, κανθοί, δύο μὲν πρὸς τῇ ρίνι, δύο δὲ πρὸς τοῖς κροτάφοις, hoc est, Communis uero pars palpebræ superioris & inferioris, canthi, duo quidem iuxta nasum, duo uero iuxta tempora. Quorum hos syluestres uocant recentiores, illos uero domesticos. Græci παγὰς, id est pagas nuncupant, quasi lachrymarum fontes quosdam: hinc enim lachrymæ fluunt, singularis in homine admirationis. De quibus ab oculis emanantibus sic scribit Plinius: Hinc illæ misericordiæ lachrymæ, hinc fletus, & rigantes ora riui. Quis ille humor est in dolore tam sæcūdus & paratus, aut ubi reliquo tempore? Sunt autē nihil aliud lachrymæ quàm

Visus instru-
mentum.

Oculorum anguli, Lachrymalia, Almacheni.
Canthi, domestici, syluestres.

Pagæ.
Lachrymæ unde fluunt.

Lachrymæ quid.

OCULORVM DOLORI.

Lachrymas
qua moueant.

Allium cur la-
chrymas non
itidem moueat
ut cepe.

Canones gene-
rales circa cu-
rationem.

aquosus humor siue sudor quidam ab oculis profluens. Aristo. τὸ δὲ δάκρυον, ἰσχυρὸς τίς ἐστι, διὸ καὶ γίνονται ὑπὸ θερ-
μασίας ἄμφω ταῦτα, καὶ ἄλκιμά ἐστι ὁ μὲν ὡς, hoc est, Lachry-
ma autem sudor quidam est, quapropter & à calefactione
fiunt ambo hæc, & falsa sunt similiter. Hinc etiam quæ
acriorem ac mordaciorem odorem ex se reddunt, oculis
quoq; lachrymas mouet, si cum acredine lentitiam quan-
dam etiam habuerint, ceu de oleo cõstat & cepis. Oleum
enim quamuis leniter mordeat, subintrans tamen suam
ob lentitiam atq; subtilitatem, mouet dolorem, & subin-
de humorem ac lachrymas elicit. Cepe uero quod et hu-
more & uapore est calido, tenui, & lento, acriter oculos
mordendo, lachrymas commouet. Et hinc prouerbij
quoq; locum fecit, ut si cui fletum imperare uolumus, iu-
bemus hunc cepas edere aut olfacere. Sed dicet aliquis,
Cur allium lachrymas nõ itidem mouet ut cepe, cum sit
etiam calidum, acre, & humoris quid continens? Respon-
detur, quoniam lentitia illi non inest, quare et lachrymas
mouere non potest. Nam, ut Aristoteles tradit, si quod la-
chrymas moueat, id mordax esse debet, humidum quoq;
& lentum, quod ultimum allio deest. Sed hijs omiſſis ad
oculorum affectiones & earundem curationes proceden-
dum. Ingentibus autem, ut Celsus libro 6. ait, & uarijs ca-
sibus oculi nostri patent, qui cum magnam partem ad ui-
tæ simul & usum & dulcedinem conferant, summa cura
tuendi sunt. Affectionum autem oculos infestantiũ, quæ
dam uniuersum oculum male afficiunt, quædam parti-
culis quibusdam sunt propriæ: de quibus omnibus sin-
gillatim scribere prolixum esset, neq; Serenus omnium
sed paucissimarum tantum curam tradit. Quæ igitur com-
munis affectionum oculorum curatio requirit, subscri-
bam. In primis autem, si cū oculorum affectu capitis do-
lor affuerit, is prius sedandus est, ubi ab oculis non pro-
cedit, & oculorum dolor non sit uehementior. Item si al-
teri membro compatiatur oculi, id quoq; prius medican-
dum

dam. Amplius cognita ægritudine et ex medicamentis salute non cito succedente, nihilominus continuanda cura est, accidit enim aliquando uel uentositatem aliquam uel crassum difficilis resolutionis humorem in meatibus contineri strictis. Duabus item ægritudinibus acuta & chronica in oculo coniunctis, ab acuta inchoandum quousq; remoueatur, chronicam non negligēdo, ne fortificetur, deinde redeundum ad causam chronicā: autor Iesus Hali. Adhęc, medicandi sunt oculi, ut inquit Canamufali, cum ferro & sine ferro. Qui uero medicandi sunt cum ferro, cum maxima subtilitate & sapientia medicandi sunt. Aliqui uero medicādi sunt cū puluere, aliqui cum aqua, alij cū unguento, alij cū coctura, alij cū medicaminibus, et alij cū purgationibus, & ita liberantur. Oportet autem, ut Iesus inquit, quod eligatur de medicinis quod fuerit bonum, recens, non uetus, nō sophisticatum, & quod teratur quælibet earum separatim, non simul, quia error est: quia ex medicinis quædam sustinent longam triturationem sicut minerales, quædam modicum sicut succi, & quædam teruntur magis quàm expedit & elongantur à natura sua. Omnes autem terendæ sunt quatenus nulla relinquatur in eis asperitas, qua oculis nocumentum inferri possit. Est enim multi sensus membrum. Vnde Auicenna etiam inquit tertij: Oportet penitus ut nō sit in medicina administrata in oculo & proprie in ophthalmia asperitas, neque qualitas saporis acetosi aut acuti. Et oportet quidem ut conterantur ualde, quatenus ipsius remoueatur asperitas, & quanto tibi plus est possibile ut sis cōtētus insipidis odore priuatis, nam illud est bonum. Quod si tactus fuerit necessarius, oportebit ut sit cū facilitate. Exigitur enim propter membrū ipsum superflua facilitas. Nam, uti Galenus therapeutices libro 13. tradit, uehementior etiam humoris casus in oculis non conducit, nam quæ feriūtur in hijs membranosa quædam imbecilla & corpora sunt. Et quod feritur non est diuersum ab eo

OCULORVM DOLORI.

Oui albumen.

quod curatur: sed idem ipsum quod est curandum ualenter igitur. Adhæc oculus acerrimi est sensus, Ergo infundere huic medicamenta oportet, primum superiorem genam blandissime attollentes, mox minime incurientes. In ueniendi præterea humores mitissimæ minimeque mordentis naturæ, qui cum medicamentis sint infundendi. At mihi quidem magna cum consideratione uidentur ueteres ad oui deuenisse humorē, electo scilicet ex eo quod & mordēs minime esset, & glutinosum. Nam ex eo quod minime rodit, modo dictam indicationem ipsi compleuit. Ex lentore autem, ad indolentiam non nihil confertur. Quippe lenire eiusmodi humores possunt, asperitates omnes, quas cumque acris fluctio excitat. Accedit quod crassus ac lentus humor, constantius quam tenuis & aquosus in loco permanet. Sane quod lentum id quod absque rosione fit, cum modice incaleat, dolorē maxime leniat: id profecto ex rodentibus in aluo deiectionibus didicisti, in quibus iniectum seuum illico dolorem mitigat. Quod autem permanere quoque in laborante particula eiusmodi humidum expediat, manifestum est. Siquidem in ipsis quæ in uentre accidunt, per clysterē assidue infundere molestū est: in his quæ in oculis, genā attollere. At uero exquisitè membri sensus lene esse quod iniicietur, nihilque in se asperum sabulosum uel habere omnino indicat. Hinc igitur excogitatum commode est, tum humido oui utendum, tum quæ terrea oculariis medicamentis miscenda sunt, ea esse cum summa diligentia ad unguem leuiganda. Quoties tamen dolores hijs accidunt uehementes, repetitis hijs quæ de omnium dolorum generatione accepisti, disquires quo nam ex his affectu dolere oculos in phlegmone contingat. Nam aut ex uehementis acris confluentis humoris rosione, aut quod eorum tunicæ plenitudine distenduntur, aut propter crassorum humorum, flatuosi uel spiritus extensionem, uehementes in his excitantur dolores. Hactenus Galenus, Huiusmodi autem oculorum dolores,

lores, ut Hippocrates libro aphorismorum sexto prodidit, meri potio, aut balneum, aut uenæ sectio, aut medicamentum epotum, soluit. Meri quidem portio, ut in eiusdem aphorismi expositione tradit Galenus, ubi sine plethorica in toto corpore dispositione, sanguinis copia crassioris in oculorum uenulis continetur, ipsum diffundendo, & euacuando, suiq; motus uehementia obstructions aperiendo. Balnei uero usus dolorem sedat, ubi humores acres ad oculos influunt, citra tamen corporis uniuersæ plenitudinem, quæ nec uinum, nec balneum, ingens citra detrimentum, tolerat. Et hæc fortia sunt doloris oculorum remedia. Securissimum autem fomentum est, & omnino aliquam adferens utilitatem, uel tanquā signum ad dignotionem, uel tanquam causa sanitatis oculorum. Quando enim nihil omnino influit in oculos, fomentum dissoluens eam quæ in ipsis cōtinetur superfluitatem, eis sanitatem restituit. Adhuc autem influente humore, cum primum adhibetur suo calore, usq; ad aliquid dolorem lenit et leuamen adfert mediocre, sed paulo post dolorem auget, & alteram fluctionem attrahit, ex quo tanquam signo dignoscit uo qualis nam sit dispositio certius comprehendendo, ad uniuersæ corporis euacuationem peruenimus, ipso quidem sanguine redūdante, per uenę sectionem, sed humorum malitia infestante, per purgationem: neq; enim difficile admodum est distinguere alteram ab altera. Demum circa narcoticorum, quibus audaculi sæpius utuntur, usum, illud quoq; non omittendum, quod talia, uti Galenus loco iam dicto tradit, ab initio materia existente influxu, sunt suspecta. Neq; enim uehementes reprimunt fluctiones, sed excerni prohibent: atq; ideo si humores fluentes acres extiterint, corneam erodi contingit: si uero multi, magis irritari, ac uehementer extendi, ac si rūperetur, ex quibus nisi medicamentū fuerit uehementer stupefaciens, dolores impatibiles excitantur. Si uero fuerit adeo uehementer stupefaciens, ut ex eo oculi

*Narcoticis et
stupefacientibus
quando
utendum.*

OCULORVM DOLORI.

Ther. lib. 12.

maximam inflammationem nō sentiant, necessarium est simul quidem uim uisoria[m] offendi, adeo quod cessante inflā[m]atione, uel debilitat, uel nihil omnino uideant, simul autē & quandam præduram dispositionem & quæ difficulter sanari possit, in oculorum tunicis derelinqui. Quare cauere oportet, ut Iesus Hali præcipit, ab huiusmodi medicamentis stupefacientibus, quia uisum debilitant & forte destruunt. Quemadmodū contigit duobus Velt kirchij, quos noui, & quos huiusmodi stupefaciētibus ex cæcauerat nobilis quidā impostor. Quare talibus nō utē dum est nisi in forti necessitate & in re modica. Maxima enim sunt oculorū perniciēs, uti therapeutices libro, testatur Galenus, utpote quæ nulla re alia illius ad præsens leniminis speciē præstant, quàm quod ipsum sensum enecant. Utendum autem hijs, ut iam dictū est, non nisi cum maxima necessitas urget. Illud minime ignorando, particulas ipsas nō nihil lædendas, imbecillioresq; in reliquā uitam ex frigore futuras. Cæterum saluti hominis in præsens, ipsam futuram noxam posthabendo. Siquidem nō pauci eorum qui his utuntur, eò infirmitatis ueniunt, ut ferè nihil omnino uideant. Itaq; si quando cogimur his uti, postmodum in sanitatis tempore, particulas ipsas ex calfacimus oculis collyria quæ tantum exalfaciant infundentes. Vnde Mesue quoq; ait, Si accidit nocumētum propter narcothicum, utendum est et embrocis ex rebus in quibus sit uirtus maturans uirtutem narcothici. Ultimo illud etiam non omittendū, quod medicamenta quæ distillantur in oculos semper actualiter frigida immittenda sunt, quemadmodum quæ auribus immittuntur, debent esse tepida, ut dictū est capite priore. *Summa boni est.*) Inter bona naturæ & corporis nō est maius neq; preciosius quod homini contingere potest, quàm oculi sani & uisus incolumis, qui ad uitam transigendam maximum præstant usum & dulcedinem præcipuam, uitamq; à morte distinguunt. Cæterū oculus ipse nō tanquā primatum aliquem

aliquem inter partes obtinens, sed uelut qui purus esse omnino postulet, quo uidelicet probe munus suum obeat, per euidētes meatus eiicit, quicquid in eo excrementi gignitur, nempe per nares & genas, ut autor est Galenus de sanitate tuenda libro 1. *Alacres uisus.*) Oculos uegetos & uiuidos, incolumesq̃, qui uisus potētia sunt organū & instrumentum, quorumq̃ permagnus est usus. *Custodes defensoresq̃ pericli.*) Stipatores & ministros obseruantes custodiam, ne quid aduersi & nocumenti accadat corpori. Vnde Iesus Hali lib. 1. *Utilitas*, inquit, est cōseruare corpus ab occasionibus uenientib⁹ ab extrinseco, & dirigere illud quo uoluerit, & ideo positus est in superiori corporis parte sicut custos uiridarij. Operatio autē eius est cognoscere colores & figuras & corpora, & quod est minus & quod est maius, quia est membrum sensibile. Et Auicenna prima tertij, *Comparatio*, inquit, oculi ad corpus est propinqua comparationi speculatoris ad exercitum, & locorum quidem qui speculatoribus est melior & conuenientior locus est altus. *Prospiciens natura.*) Natura prouidens, & de rebus humanis sollicita, quæ nihil facit frustra, cum in contemplatione naturæ, ut Plin. ait, nihil possit uideri superuacuum. Et Aristoteles poly-
 tiorum libro 1. ἡ φύσις, inquit, οὐδ' ἐμ ποιεῖ περιεργον οὐδ' ἐμᾶταιον. Sed plus utilitatis causa genuit etiam quàm uoluptatis, autore Plinio. *Summa arce.*) Summo corporis loco & capite, quod corporis arx esse dicitur. Vnde etiam in libri procemio dicebat Serenus, Principio celsa de corporis arce loquimur. In alto autem constituti sunt, quod locus eiusmodi custodibus maxime cōueniens sit. Nam qui in sublimi constitutus est, unde quaq̃ imminetia pericula melius præuidere potest. Et oculi custodum uicem gerunt. *Sic tamen ut nullos pat.*) Ea industria ut aduersus occurrentia tuti essent. Superne enim supercilijs & fronte prominentibus, inferne uero malis protuberantibus tanquam uallo obsepuntur & sinuosa conualle re-

Oculorum utilitas et operatio

Natura prouidens.

Lib. 11. cap. 2.

Lib. 23. cap. 1.

Arx corporis caput.

Oculi cur in sublimi positi,

OCVLO RV M D O L O R I.

Supercilia.
Libro. 11.

γείωρον.

Ciliorum ratio

Palpebra.

βλέφαρα.

conduntur. Vnde Plinius naturalis historiæ libro 11. sic scribit de palpebris: Alia de causa hoc natura dederat ceu uallum quoddam uisus, ac prominens munimentum contra occurrentia animalia aut alia fortituito incidētia. Dea super.) Superne ab extrinsecus occurrentibus. 11. 11.) Casus & incommoda. Supercilio.) Supercilia, inquit Plinius, homini sunt & pariter & alterne mobilia. Et in his pars animi. Negamus, annuimus: hæc maxime indicant fastus. Superbia aliubi conceptaculum, sed hic sedem habet. In corde nascitur, hic subit, hic pendet. Nihil altius simul abruptiusque inuenit in corpore, ubi solitaria esset. Subiacent oculi pars corporis preciosissima, & qui lucis usu uitam distinguant à morte. Hæc Plinius. Oculis autem superposita sunt supercilia, quo humores à capite demanantes aliorsum corriuent, uelut imbricamentum quoddam siue grunda uel γείωρον: quanquam γείωρον proprie dicitur quod in supercilijs prominet. Quod autem à capite ad oculos demanent humores, testis est Galenus de differentijs febrium lib. 2. dicens: Fluctio decumbens oculis, ut omnes concedunt, ab ipso capite decurrit. Et de sanitate tuenda libro 1. ait: Nec ab simile est etiam aliquid à cerebro cōfluere ad oculos. Amplius Cilia quæ ab palpebris prominent, creata fuerunt, quo minutarum rerum ad oculos incursum tanquam stipatores quidam repellant, simulque uisum dirigant spiritum. Palpebræ autem oculorum sunt munimentum & membranæ oculos integentes, ad hoc cōstitutæ & creatæ à natura, ut, auctore Auicēna, expellant quod ad oculum uolat & descendit ad ipsum de capite, & ut æquent lumē sua nigredine. Verum membranas huiusmodi, quas Celsus & Theodorus Gaza palpebras uocant, Plinius genas nuncupat, Græci uero βλέφαρα quasi ὁμματόφυλλα, hoc est, ocularia folia, παρὰ τὸ φάρος καὶ ἰμάτιον εἶναι τῶν βλέπων, quod oculorum sint indumentum. Pilos uero de membranarum extremitatibus ortos, Græci βλεφαρίδας, Plin. palpebras uocat,

uocat, Theodorus uero cilia. Sed Cilium apud Plinium aliud significat. Nā extremū, inquit, ambitū genæ superioris antiqui cilium uocauere, unde & supercilia. *Pauidi.*) Timidi propter palpitationē & nictationē perpetuā, quæ timiditatis nota est, tradēte Aristotele libro priorum analyticorum 2. capite de syllogismo physionomico, dum inquit, Oculi nictantes nigri, ac cæsi, timidum significant. Et Plinius lib: 11. Plerisq; ait, naturale est, ut nutare non cessent, quos pauidiores accepimus. Et mox post, Lubrici sunt, inquit, et mobiles oculi, propter incurstantia. *Opaco.*) Denso & umbratili, quod lumen opacitate & pilorum nigritia fouet egregiæ atq; contemperat.

Oculi nictantes.

Sed dolor immeritum lumen si forte laceffit,
Lana madens oleo noctu connectitur apte,
Viuentisue nepæ fumen gestatur amictum.

Sed dolor.) Quoniam sæpius in quā plurimis dispositionibus, adeo uehemens excitatur dolor, ut curā ad se uertat, & affectui summouendo intentos esse non sinat, sed magis de se quā de affectu ipso sollicitos nos reddat, ideo primum doloris oculorum uehementiam mitigare docet Serenus, ceu priori quoq; capite de aurium dolore fecit, mox ad alias trāsiens dispositiones. Si enim aliquando, Doctore Galeno, occasione aliqua prohibemur, ut affectui summouendo intentos esse non liceat, tunc uehementiam doloris mitigare debemus, ne maius succedat periculum. Dolor enim sæpius fluctiones proritat, & affectus ipsos adaugēt. *Immeritum.*) Quod nihil mali promeruit, imò quā optime de nobis meritum est, utpote, quod à plurimis periculis nos defendit ac tuetur, et quod prius etiam dictum est non semel, lucis usu uitam distinguit à morte lumen & oculus. Neq; ulla ex parte maiora indicia animi cunctis animalibus, sed maxime homini, id est, moderationis, clementiæ, misericordiæ, odij, amoris, tristitiæ, lætitiæ. Profecto in oculis animus inhabitat:

*Oculi animi in
dices.*

OCVLORVM DOLORI.

Lana lota,
succida.

Nepa.
Scorpius.

Sumen.
Abdomen.

ardent, incenduntur, humectant, cohibent: hinc illæ misericordiæ lachrymæ: hos cum osculamur, animū ipsum uidemur attingere: hinc fletus & rigantes ora riui. Quis ille humor est in dolore tam fecūdus & paratus? aut ubi reliquo tempore? Animo autem uidemus: animo cernimus. Oculi ceu uasa quædam uisibilem eius partem accipiunt atq; transmittunt. Sic magna cogitatio obcæcat abducto intus uisu: autor Plinius. *Lana.*) Aut lota, aut succida. Lota in hoc confert quod materia est recipiendi humorem quando in eo infunditur, humores enim sine adminiculo aliquo minus apte applicari possunt. Verum si lanæ facultas non est, linteolo excipi possunt. Nam, ut Celsus inquit, Linteolo an lana excipiatur medicamentum, nihil interest. Succida autem prodest, quia sordium ratione ad penetrationem faciliorem facit, & oculis contra inflammationes utilissima, doloresq; mitigans. Et hac etiam Plinius uti docet, qui oleo uinum etiam addit, dum infit: Superimponi oportet lanam succidam ex oleo et uino. *Connectitur apte.*) Commode, rite & conuenienter uti decet annectitur & superimponitur, extra quidem clausis palpebris, non autem intra oculos, potius enim obesset quā prodesset, si intra ipsos mitteretur. *Viuentis.*) Ad differentiam signi cœlestis hoc ponitur, quod inanime est, & nepa etiam dicitur. Columella, Sed trepidus profugit chelas & spicula phœbus Dira nepæ. *Nepæ.*) Nepa scorpius significat. Cicero de finibus libro 5. Serpere anguiculus, natate anaticulas, uolare merulas, cornibus uti uideas boties, nepas aculeis, suam cuiq; naturam esse ad uiuendum ducem. Plautus item in Cassina, Recessim cedam ad parietem, imitabor nepam. Est autem duplex scorpius, terrestris, & marinus, qui piscis est, & cuius fel oculorum suffusionibus, albuginibus & hebetibus oculis utile est, autore Dioscoride. *Sumen.*) Plinius in historia naturæ libro 11. Sumen, inquit, quod antiqui abdomen uocabant. Abdomen autem uentris pars est, quæ ab umbilico

umbilico ad inguina inter cartilaginem & pellem ducitur: ut ex Celso colligitur libro 7. dum infit, Interdum enim uel ex ictu aliquo uel retento diutius spiritu uel sub graui fasce interior abdominis membrana superiore cute integra rumpitur. Item libro 4. Ab ilijs ac pube abdomen sursum uersus ad præcordia peruenit, ab exteriori parte euidenti cute, ab interiori leui membrana inclusum, quæ omento iungitur. Verum per suminis adiectionem intelligi datur, quod nepa hic pro scorpio accipi debet pisce, cuius sumen et ipsius pingue oculis superimpositum, dolores eorum medicatur. *Amictum.*) Circundatū, circumligatum & superimpositum.

Ex folio caulis cineres, confractaq; thura,
Et laticem Bacchi, foetæ cum lacte capellæ
Desuper induces atq; una nocte probabis.

Ex folio cineres.) Quod hic de foliorum Serenus, id de sti- *Cinis caulium.*
pitum cinere prodit Auicenna dicens, Cinis quidem sti-
pitum eius est fortis exiccationis, et habet proprietatem
in sedando dolorem. *Caulis.*) Caulis dicitur in herbis *Caulis.*
robur ipsum siue stipes, sæpius tamen ob sui caulis ac *Brassica.*
thyrsi magnitudinem pro brassica sumitur: quæ omni-
bus oleribus, ut Cato dicit, antistat, & ad salutem tempe-
rat comesta sese semper cum calore, & rigore arido, simul
et humido, & dulci, & amaro, et acri. Tria earum genera,
Prima est leuis, quæ nominatur λεία, grandibus & latis
folijs, caule magno: ualidam hæc habet naturam, & uim
magnam habet. Altera est crispa, quæ à similitudine
αρί, σελινόησις uocatur: hæc est & aspectu, & natura bona
ad curationem, ualidiorq; est quàm quæ suprascripta est.
Item est tertia, quæ κράμβη uocatur, minutis caulibus, te-
nuioribus folijs, & acerrima omnium est istarum, tenui
succo uehementissima. Et primum scito, de omnibus
brassicis nulla est illiusmodi medicamento sior. Et hæc
brassicæ genera sunt à Catone relata. Est autem peculiaris

OCVLORVM DOLORI.

*Brassica uino
aduersa,*

quædam uis illi cōtra uinā. Nam, ut Dioscorides tradit, ebrietatis & crapulæ noxas tollit brassica à cibo sumpta: imò & Plinius historiæ naturalis libro 20. Græcorum opiniones referēs, scribit brassicam uino aduersari, ut inimicam uitibus: antecedente quidem in cibis, cauere ebrietatem: postea sumpta, crapulam discuti. Vnde M. Cato, Si uoles, inquit, in conuiuio multum bibere, cœnareq; libenter, ante cœnam esto crudam quantum uoles ex aceto. Et item, ubi cœnaueris, come esto alia quinq; folia, reddent te quasi nihil ederis, biberisq; bibesq; quantum uoles. Cuius quidem rei rationem uel ex Aristotele colligere licet, sic enim in problematis tradit: Crapulam sedat brassica, quoniam frigida sit, & succum habeat dulcem et discutientem: unde fit, ut succus eius uinosos ac crudos humores in aluum detrahat, & ui sua diuretica tenues ad urinæ meatus perducatur, ipsa uero superius in uentriculo remanens, corpus refrigeret. Quo fit, ut humoribus utrinq; deductis, & refrigerato corpore ac euidente facta discussione, crapula cesset. Amplius de brassica scribit Plinius libro 19. cap. 8. quod cum ipsa corrumpatur in dolio uini sapor, odore betæ folijs demersis restituitur. Item libro 17. cap. 24. idem sic scribit, Quorundam natura non necat quidem, sed lædit odore, aut succi mixtura, ut raphanus & laurus uitem. Olfactrix enim intelligitur, & tangi eam odore mirum in modum. Ideoq; cum iuxta sit, auerti & recedere, saporemq; inimicum fugere. Hinc sumpsit Androcydes medicinam, contra ebrietates raphanum mandi præcipiens. Vbi per raphanum brassica intelligitur, quod uel hinc manifestum est, quod ea quæ Plinius scribit, transumpta sunt ex Theophrasti de historijs libro 4. circa finem: ubi raphanum ille quoq; nominat, sed ita, ut brassicam intelligat: cui etiam interpret Theodorus astipulatur, uti in lectionibus antiquis annotauit Cælius. Et idem quod raphanus sit brassica, testatur Iulius Pollux libro 6. dum ait: Raphanus est crambe, hoc

*Raphanus pro
brassica apud
ueteres.*

hoc est, brassica. Item Aristoteles in de animalibus libro quinto sic ait, ῥάφανος ἢ καλοῦσι τινὲς κράμβη, id est, raphanus, quam uocant nonnulli cramben. Mos autem est Plinio frequens, uti etiam Nicolaus Leonicensis annotauit, ut res easdem nunc Græcis, nunc Latinis appellet nominibus, ut paulo imperitioribus uideri possint diuersæ. Et quamuis ita sit quod raphanus apud antiquiores Græcos cramben id est brassicam significet, posteriores tamen tum Græci tum Latini radicem quæ comeditur per raphanum intelligunt, quam Celsus radiculam uocat. Porro apud Atticos, ut Hesychius scribit, differunt ῥαφανὶς raphanis, & ῥάφανος raphanus: hoc enim cramben est, illud uero apud nos raphanus. Tryphon ait apud Doros paruas, raphanidas dici, magnas uero raphas. Demum raphanum à brassica diuersum etiam facit Palladius libro nono cap. quinto. Et nihilo secius utrumque uitibus aduersari, dum ait: Raphanum tamen, sicut brassicam, constat esse uitibus inimicum. Nam si circa se serantur, natura discordante refugiunt. Præterea ut illud etiam addamus, Solebat antiquitus, ut Suidas scribit, in cōuiujs adhiberi crambe, sed recocta adeo nausea adferre, ut Græcis in fastidij prouerbiū abierit. Quoties enim rem iterum atque iterum repetitam non sine molestia significabant, dicebant, δις κράμβη θάνατος, id est, bis cramben mors, de quo copiosius Germaniæ nostræ decus Erasmus ille in adagiorū chiliade prima, ceteria quinta. Demum sunt in brassica cymæ siue cymata, teneriores colliculi, quos appetente uere in prima florum germinatione & in summa stirpe profert brassica, Græci κύμα cyma dicunt, in quo floris primū, mox seminis foetus clauditur. Theophrastus libro 7. de plantis, ὅτι τὸ κύμα καὶ ἐν ὧ τῷ ἄνθος ἢ καὶ ὁ καρπὸς, id est, cyema & in quo flos aut & semen. Plinius lib. 19. cap. 8. Cyma, inquit, à prima sectione præstat proximo uere: hic est quidam ipso caulium delicatior teneriorq; cauliculus Apitij luxuria. Et pereū

Raphanus pro
radicula apud
posteriores.
Raphanus.
Raphanis.
Raphanides.
Raphæ.

Cymæ.
Cymata.
Κύμα.

OCULORVM DOLORI.

Thus.

Druso Cæsari blanditus nō sine castigatione Tiberij patris. *Confractathura*.) Thus subtilissime puluerisatum, adeo ut nihil aspredinis in ipso reliquatur. Potest aut thus omnia hæc, testante Dioscoride: calefacit, adstringit, purgat quæ claritati oculorum officiant: concaua explet ulcera, & ad cicatricem perducit. Idem tradit Iesus Hali dicens, Thus calidū & siccum est ac stipticum, dissoluit materiam grossam de ulceribus oculi, & abstergit ea, & implet ulcera concaua, & sigillat ea, & enudat faciem pupillæ. Vnde Galenus etiam therapeutices libro 5. Collyrium quod ex thure cōficitur, exulcerato oculo expedire scribit. Ad quorum omnium sanationem, doloris sequitur mitigatio. *Laticem Bacchi*.) Vinum quod doloris mitigatiuum est, & ut Iesus inquit, oculum confortat & dissoluit humores crassos uiscosos. Bacchus autem pro uino accipitur, quoniam Iouis & Semeles filius uini repletor & Deus habitus est. Martialis in xenijs: Nomentana meum tibi dat uindemia Bacchū. Dicitur est autem Bacchus, uti ab Eustathio scribit, ἀπὸ τοῦ βαχχεῖν ab incondito ululatu, quo furentes bacchæ personāt. Postea quod tetri & immanioris soni fieret expressio, inserta est litera K, quemadmodū ex iacho quoque iacchus factus esse uidetur. *Fœta*.) Fœtu liberatę et exoneratę atque enixæ. *Lacte capelle*.) Auicēna canonis libro 2. de lacte sic scribit: Lac facit euenire tenebrositatem uisus & caliginem, ueruntamen cum mulgetur in oculo confert ophthalmiæ & nocumento materierum calidarum effusarum ad oculum & asperitati. Est enim, ut idē alibi sen tertia tertij tractatu 1. cap. 4. tradit, medicina oculi leniens. Et iterum capite 9. Quondoque, ait, administrantur in ea glutinatiua & comensuratiua materierum acutarū, & genera lactis sunt ex summa eorum: & non est cōueniens ut dimittatur distillatio eius in oculo tempore longo, imò oportet ut remoueatur, et remouet oī hora. Itē, oportet ut oculus assidue mūdificetur à lippitudine ex lacte distillato in ipsum.

Vinum.

Bacchus.

Lac.

Nam

Nam in lippitudinis mūdificatione est doloris alleuiatio & absterfio oculi, & medicinis adest possibilitas operandi. Iesus itē Hali: Lac refrigerat, & in eo est absterfio propter aquositatem eius. Et quamuis in summa, omnes species lactis, ut scribit Auerrois, ualent ophthalmiæ oculorum quę accidit ex rheumate calido, maxime tamē quod facit ad oculos est lac mulieris, & lac caprę, ut autor est Canamusali. Et de hominis lacte dicit Diosco. quod addito thure cruentis ex ictu oculis instillatur.

Lac humanum,
caprinum.

Hyblæi mellis succi cum felle caprino
Subueniunt oculis dira caligine pressis.
Vettonicę manus siccabit lumina succus.

Hyblæi mellis succi.) Hoc est, mel ipsum quod succosum est & liquidum, idēq; Hyblæum quod post Atticum primam bonitatis laudem habet. Nam, ut Dioscorides refert, Primam bonitatis æstimationem habet mel Atticum, & in hoc quod ab Hymeto eius regionis monte Hymeti on appellant. Probatum deinde ex Cycladibus insulis: & ex Sicilia, quod Hyblæum ab insulę eius ciuitate Hybla dicunt. Idem testatur etiā Plin. natur. historię libr. 12. cap. 13. Ibi optimum semper, ubi optimorum doliolis florum cōditur, Atticę regionis hoc & Siculę, Hymeto et Hybla ab locis. Meminit utriusq; etiam Martialis libro 13. Cum dederis Siculos medijs de collibus Hyblę, Cecropios dicas tu licet esse fauos. Laudantur autem huiusmodi mella maxime propter thymum, quo his locis pastę apes mel optimum conficiunt. Nam, ut Columella rei rusticę lib. 9. tradit, Saporis præcipui mella reddit thymus. Vnde Plinius lib. 21. cap. 10. Mellis, inquit, Attici in toto orbe summa laus existimatur propter thymum. Et Varro rei rusticę lib. 3. Aptissimum, ait, ad mellificium thymum: propter quod Siculum mel fert palmam, quod ibi thymum bonum & frequens est. Itaq; quidam thymum contun-

Mel & eius
genera.

OCULORVM DOLORI.

Fel capræ.

dunt in pila, & diluunt in aqua tepida, ea conspergunt omnia seminaria confita apium causa. Ceterum quod ad mellis bonitatem adhuc attinet: Probatius in omni genere, ut Dioscorides tradit, quod dulcius, odoratius, acre, colore rutilo, non liquidum, sed ponderosum fir- mumque est, & quod tractum digitos sequaci lentore se- quitur. Adhæc primam habet bonitatis æstimationem mel uernum, secundum æstiuum, hyemale quia crassius ideo deterius, ceragini faciendæ aptius. Vis melli & na- tura exterere, aperire, & humores in summum proritare. Purgat quæ claritati oculorum officiant. Et, ut Auicen- na dicit, Mel uisus tenebrositatem abstergit. Iesus item Hali, Mel, inquit, utile est principio aquæ & obscuritati- bus. *Felle caprino.*) Idem testatur Auicenna, dicens: O- mne fel confert obscuritati uisus, & fel caprinum confert cæcitati, & maxime admixto melle. Celsus libro 6. eisdem cōtra aspredines uti docet inquit, Si composita medi- camenta nō adsunt, felle caprino, uel quàm optimo mel- le satis commode aspritudo curatur. Et Plinius libro 28. aliorum sententiam referens ait, Fel caprinum pluribus modis assumunt cum melle cōtra caligines. Sed Diosco- rides contra oculorum uitia uim hanc felli syluestris ca- præ tribuit, dicēs: Syluestris capræ fel incipientibus ocu- lorum suffusionibus, caliginibus, albuginibus & scabris palpebris priuatim confert, et lusciosos inunctum sanat. Sextus Platonius item: Ad caliginem oculorum, Fel ca- præ (quæ syluestris capra est) cum melle Attico mixtum inunges, caliginem potenter discutit & claritatem præ- stat. Et ex hijs autoritatibus manifesto apparet, capris fel esse, quod & rei ueritas comprobatur: quamuis Plinius naturalis historiæ libro 11. cap. 37. dicat, Equi, muli, asini, cerui, capræ, apri, cameli, delphini non habent fel. Quod autem hoc loco equis etiam fel adimit, in hoc alibi se etiā coarguit. Nam libro 28. cap. 9. Sic scribit: Damnatur fel equinum tantum inter uenena. Ideo flamine sacrorum equum

equum tangere non licet cū Romæ publicis sacris equus etiam immoletur. *Caligine pressis.*) Caligantibus. Solent autem, ut Celsus tradit, caligare oculi, nonnunquam ex lippitudine, nonnunquam etiam sine hac propter senectutem imbecillitatem uē aliam. *Vetonica.*) Vetonica herba est nota, quā describit Diosco. lib. 4. cap. 1. & Plin. libr. 25. cap. 8. ubi etiā ait, Folia siccantur in farinā plurimos ad usus. Fit uinū ex ea & acetū stomacho & claritati oculorū. Tantumq̃ gloriæ habet, ut domus in qua sata sit, tuta existimetur à piaculis omnibus. Quod aut folia ferē lapathi ferrata habere scribit, aut mendū est eo loci, aut quod uerisimile uidetur, alteram betonicam, quæ alio nomine britannica appellatur pro hac pinxit. Nam Dioscorides britannicam folia lapathi, betonicam uero folia quernis similia habere tradit. Idemq̃ de uetonica testatur Augusti medicus insignis & archiater Antonius Musa in libello de hac edito & à nobis nuper recognito & emendato: Et quod plus est, ambobus sensus etiā astipulatur. Sed Musam audiamus, qui post multiplices ipsius apud diuersas gentes appellationes de ipsa sic scribit: Herba uetonica nascitur in pratis & montuosis locis, mundis & opacis circa frutices. Animas hominum et corpora custodit, & nocturnas ambulationes à maleficijs & periculis, & loca sancta & busta etiam à uisibus metuendis tuetur & defendit, & omni rei sancta est. Cestron uocatur etiam psychotrophon, siquidem frigidis repperitur in locis, radicibus tenuibus, thyrsō tenui ultra cubitum quadrangulo, folijs querci similibus, boni odoris, semine in summitate thyrsi spicato, modo thymbræ. Hactenus Musa, qui etiam de uirtutibus eius quatenus oculis prodest sic scribit: Ad dolores oculorum. Herbarū uetonicarū radices ex aqua ad tertias coquito, & ex ea aqua oculos foueto: Ipsa autem folia eius trita supra frontem & oculos imposito. Item ad caligines oculorum: Vetonicarū drachmam unam, aquæ calidæ cyathos 4. ieiunus bibat: deducit ad

Caliginis oculorum causæ.

Vetonica.

Y

OCULORVM DOLORI.

inferiorem partem eum sanguinem qui caliginem oculorum facit. Item ad lachrymosos oculos: Vetonica manducata aciem oculorum clariorem facit. *Siccabit.*) Per hoc dat nobis intelligere quod medicina hæc ualet contra caliginemque ex lippitudine nascitur. *Lumina.*) Oculos lachrymosos & lippientes atque ex lippitudine caligantes.

Sitenebras oculis obducit pigra senectus,
Expressæ marathro guttæ cum melle liquenti
Detergere malum poterunt, uel uulturis atrii
Fella, chelidonio fuerint quæ gramine mixta,
Hæc etiam annosis poterunt succurrere morbis.

Tenebras obducit.) Caliginem & uisus obscuritatem inducit, ac si tunica quædam & uelamen obuolutum & superpositum sit. *Pigra senectus.*) Oculos propter senectutem aliquando caligare, dictum iam est ex Celsi sententia.

Senectus pigra.

Dicitur autem pigra senectus, hoc est, tarda & multos post annos adueniens, aut quia pigri lassique sunt ad obeunda corporis munia senes. *Expressæ marathro guttæ.*) Succus fœ-

Marathron.

Fœniculum.

niculi expressus. *μαραθρον* Græce, Latine fœniculus est: de quo in historia naturæ libro 10. cap. 23. Plinius sic scribit: Fœniculum inobilitauere serpentes, gustatu senectam exuendo, oculorumque aciem succo eius reficiendo: unde intellectum est hominum quoque caliginem præcipue eo releuari. Colligitur hoc, caule turgescente. In sole siccatur. Inungitur ex melle. Dioscorides ite, Ex folijs, inquit, & caulibus expressus tum in sole siccatus succus, oculorum medicinæ & remedijs utilis quæcunque ad eorum claritatem conficiuntur. Exprimitur & ex uiridi semine succus cum folijs ramulisque ad eadem omnia. Radix præterea eodem modo in prima foliorum germinatione exprimitur. In occidentali Hiberia gumi similem ex se liquorẽ mittit fœniculum: medium cum floret demerentibus incolis caulem, ignique admouentibus, ut ui caloris ueluti exsudatũ gumi illud ex se mittat. Estque in oculorum medicina multo quam succus

succus liquor hic efficacior. Hæc ille. Sed, ut Mesuetradit ex autoritate Democriti, Fœniculum secundum omnem administrationis modum oculum detergit & uisum clariorem facit. Est enim ex rebus, autore Auicēna, quarum usus confert oculo & conseruat uirtutem eius, quare facere collyrium omni hora ex aqua fœniculi, est mirabile & magni iuuamenti. Item ad caligationem oculorum, ex sententia Pauli Aeginetæ, mirifice prodest, si perpetuo mēse quotidie huiuscemodi aqua oculis instilletur, quæ quidem sic præparanda est: In uas fictile extrinsecus pice illitum, fœniculum uirentem, aquamq; pluuialem iniice, deinde extracto fœniculo, quod reliquum est, seruato. Liqueſcenti.) Puro & defecato. Vergilius lib. 4. Georgicon: Dulcia mella premes, nec tantum dulcia, quantum Etli- quida. *vulturis fella.*) Qualis auis sit uultur, dicetur infe- *Fel uulturis.* rius cap. 45. Nunc quam præstet oculis medicinam ex alio rum autoritate solū dicemus. Vnde Auicēna fen tertia ter tiij de cura debilitatis uisus, Ex fellibus, inquit, conferenti bus cum sunt singularia, est sicut fel uulturis: & ex iuuati uis cum hoc est chelidonia. Sed Sextus Platonius, mar- rubij non chelidoniæ succum commiscet, dum inquit: Vulturis fel cum succo marrubij, omnem caliginem di- scutit, incipientem suffusionem pariter infistit. Plinius ue- *Plinij locus* ro porri succum cum modico mellis, dicens: Eadem uis *animaduersus.* & in uulturino felle est cum porri succo & melle exiguo. Vbi quidem porri loco marrubiū potius ponere debuisset Plinius. Nanq; medicamentum hoc, sicuti etiam ple- raq; alia, ex Græcis tralatum censeo, apud quos quia uici- na sunt nomina, porrum atq; marrubium significantia, ipse alterum pro altero exposuit, uti sæpe etiam aliās facit, nominum uicinitate deceptus. Apud Græcos autem *πράσινον, por- rum.* *πράσινον* est & *πράσιον*, quorum hoc marrubium, illud *πράσιον, mar- rubium.* porrum significat. Quod autem marrubium oculis con- ferat, dictum iam est ex Sexti Platonici autoritate, et idem Diosco. etiā testatur dicēs: Marrubij succus siccatur, melle

OCULORVM DOLORI.

& uino addito caliginem oculorū detergit. Et Auicenna, Succus eius cum melle est conueniens ad acuendum uisum. De porro autem hanc uim non inuenio scriptā, sed bene quod oculis noceat & uisui. Atri.) Nigri, cuius uis minus uehemens est, autore Plinio lib. 29. cap. 4. dum inquit, Annotandum quoq; minus uirium esse nigris penarum. Dictum est autem prius, ocularia medicamenta uirtutis esse debere non nimis acutæ aut uehementis, ne nocumento sint potius quā iuuamento. *Chelidonio gramine.*) Succo foliorum chelidoniæ: quam hirundines monstrauiere. Plinius libro 25. cap. 8. Animalia quoq; inuenere herbas, in primisq; chelidoniā: hac enim hirundines oculis pullorum in nido restituunt uisum, ut quidam uolunt etiam erutis oculis. Genera eius duo: florent aduentu hirundinum, discessu marcescunt: florentibus succus exprimitur, & in æreo uase cū melle Attico leniter cinere feruenti decoquitur, singulari remedio contra caligines oculorum. Vtuntur & per se succo in collyrijs, quæ chelidonia appellantur ab ea. Dioscorides, Prodest oculorum claritati maioris chelidoniæ herbæ succus in æneo uase in carbonibus addito melle decoctus. Exprimitur autem succus ex folijs, radicibus, et caule incipiente æstate, siccatusq; in umbra conformatur in pastillos. *Hec.*) Iam dicta. *Annoſis.*) Inueteratis nedū recentibus.

Chelidonia.

Fel quoq; de gallo mollitum simplice lymphā
Exacuit pueros dempta caligine uisus,
Siue columbarum fimus miscetur aceto,
Seu fel perdicis parili cum pondere mellis,
Vina chelidoniæ simili ratione iugantur,
Efficiuntq; suo præclaros unguine uisus,
Aspera quin etiam mulcent & rupta reducunt.

Fel galli.

Fel de gallo.) Auerrois Colliget sui libro 5. Fella ponuntur in collyrijs quæ faciunt absterſionem, & proprie uolucrum

crum fella, & est necesse eligere fella animalium quæ non sunt infirma, & fella marium, & quod plus quæritur in medicinis est fel galli ueteris. Pli. lib. 29. c. 6. Vis est in galli nacei felle alligato ad argema & ad albugines ex aqua diluto: itē ad suffusiones oculorū maxime cādidi gallinacei.

Mollitum.) Remollitū, dilutum & resolutum. *Simplice lympha.*)

Aqua comuni pura, cui nihil alieni admixtū est, in qua ocularia medicamēta dissoluere possumus si alius non assit humor. Vnde Celsus ait: Quotiescunq; non ad iñcio quod genus humoris adiñciendum sit, aquam intel-

ligi uolo. *Columbarum fimus.*) Præcipue si adsit fistula seu albugo aut cicatrix et altarfati, ut uocat Auicenna, qui ter

tia tertij sic ait, Fit emplastrum de foris ex stercore columbino cum aceto aut uino. Et Plinius, Fimus columbarum ex aceto ad Aegilopas, similiter & ad albugines & cicatri-

ces. *Fel perdicis.*) Plinius historiæ suæ libro 29. cap. 6. Lau-

datur oculis contusis fel perdicum cum mellis equo pon-

dere, per se uero ad claritatem. *Aspera mulcent.*) Ponit di-

ctorum medicamentorum uirtutes, quæ sunt aspredines

lenire & scabrics leuare, ac ruptas partes unire & sanare.

Vbi illud sciēdum est quod Celsus scribit, scilicet, Vbi

medicamenta composita non fuerint, scabros angulos

leuant & mel & uinū. Succurritq; & his & aride lippitu-

dini si quis panem ex uino subactum super oculum im-

ponit. Nam cum ferē fit humor aliquis qui modo ipsum

oculum, modo angulos aut palpebras exasperat: sic & si

quid prodit humoris, extrahitur: & si quid iuxta est, re-

pellitur.

Si genus est morbi miserum quod lumen adurit,

Hic calor infuso mitescet lacte canino.

Anguibus ereptos adipēs erugine misce,

Hī poterunt ruptas oculorum iungere partes.

Si genus est mor.) Hoc est, si morbus est calidus & adurens, qualis est phlegmon & inflammatio oculorum, quæ in-

Aqua.

Fimus columbarum.

Fel perdicis.

OCULORVM DOLORI.

πρόπρωσις.

Lac caninum.

Adeps anguiū.

Aerugo.

Rubigo.

gens aliquando tanto impetu erumpit, autore Celso lib. sexti capite sexto, ut oculos sua sede propellat: πρόπρωσις id, quoniam oculi procidunt, Græci appellant. Solent etiā Carbunculi ex inflammatione nasci, nonnunquam in ipsis oculis, nonnunquam in palpebris, & in hijs ipsis modo ab interiore, modo ab exteriori. Pustullæ quoq; ex inflammationibus interdum oriuntur: & ex pustulis ulcera interdū fiunt. Lacte canino.) Imò & alio quocunq; lacte. Refrigerat enim lac omne & lenit inflammationes. Celso: Quo grauior quæq; inflammatio, eo magis leniri medicamentum debet, adiecto uel albo oui uel muliebri lacte. At si neq; medicus neq; medicamentum præsto est, sæpius utrumlibet horum in oculis penicillo ad id ipsum facto infusum id malum lenit. Auicenna libro 2. Lac cum mulgetur in oculo, confert ophthalmiæ & nō cum mēto materierum calidarum effusarum ad oculum & asperitati. Idem tertia tertij: Lactis genera sunt ex summa eorum quæ materierum acutarum sunt commēsuratiua. Anguib; erep. adipēs.) Plinius libro 29. cap. 6. Anguium adeps ærugini mixtus, ruptas oculorum partes sanat. Et membrana siue earum senectus uernatione exuta, si adfricetur, claritatem oculorum facit. Dioscorides aliud ex uiperino adipe conficit medicamentum hoc pacto: Adeps uiperæ contra hebetes oculos, eorumq; suffusiones efficax est, admixtis illi cedrino liquore, Attico melle, uetereq; oleo, & omnium pari portione. Aerugine.) Aerugo ab rubigine differt, quoniam rubigo proprie ferri est et segetum. Plinius libro 13. cap. 17. Cæleste frugum uinearumq; malū nullo minus noxiū est rubigo. Moxq; post, Rubigo, inquit, maxima segetum pestis. Et lib. 34. cap. 15. A rubigine uindicatur ferrum cerusa & gypso & liquida pice. Aerugo autem æris est & argenti: sed alterum pro altero nōnunquam accipitur: quod uel hac Plinij libro iam dicto sententia colligitur, dum in fit: Aera exterfa rubiginē celerius trahunt, quā neglecta, nisi oleo perungantur.

gantur. Serenus æris æruginem intelligit, quæ ad oculos medicam uim in se habet. Nam uis illi sicca, adstringens & consolidans. Quin & in æris fodinis immorantium eruentiumq; oculi à uapore exhalante iuuantur eximie. Oculos enim contingens uapor occulte rheumata sistit & fluctiones, lachrymasq; manâtes retundit. Quod si uapor id agit, quâto magis æs ipsum & ærugo eius: cuius quoq; magnus est usus, sed pluribus fit ea modis, quos Plin. describit lib. 34. cap. 11. & Dioscor. lib. 5. cap. 47. Lauatur aut ærugo, ut Plin. tradit, sicut cadmia. Vis eius collyrijs oculorû aptissima, & delachrymationibus mordendo proficiens. Sed ablui necessarium penicillis calidis donec rodere desinat. Cruda autem ærugo uulnerarijs emplastris miscetur. Potest autem ærugo omnis, ut tradit Dioscorides, adstringere, calefacere, oculorum cicatrices exterere & extenuare, lachrymas ducere, quæ pascendo serpunt sistere, uulnenum inflammationes arcere, & uulnera cum cera & oleo ad cicatricem perducere.

Si uero horrendum ducent glaucomata plumbum,
 Spiritus alterius prodest, qui grana cumini
 Pallentis mandens uisus exhalat in ipsos.
 Si tumor insolitus tuis & duror inhæret
 Turgentes oculos uili circumline cœno.

Horrendum.) Horridum, deforme & propter curæ difficultatem pertimescendum, maxime si inueterauerit. Nam, ut Celsus dicit, Suffusio quam Græci hypochysin nominant, interdum oculi potestati qua cernit se opponit. Quod si inueterauerit, manu curandum est. Inter initia nonnunquam etiâ certis obseruationibus discutitur. *Glaucomata.*) Glaucoma oculorû uitium est, quo uisus impeditur aut saltem uidendi perspicua claritas, & in pupilla concipitur. Celsus Suffusionem appellat, Græci Hypochysin. Porro recentiores medici hæc ab inuicem discriminant: & glaucoma uocant lêsionem humoris crystallini, ubi in

Glaucoma.
Hypochysis.
Suffusio oculorum.

OCVLO RVM DOLORI.

glaucam demutatur qualitatem: hoc est, uti autor Libri definitionum dicit, Glaucoma est oculi uitium & naturalis humoris in glaucum colorem mutatio: & ut in Isago ge scribitur, crySTALLINI humoris in glaucum & aquosum colorem mutatio. Hypochyma uero siue suffusionem dicunt humoris inter corneam & crySTALLINAM portionem statuti, concretionem & gelationem. Vnde Paulus Aegineta dicit antiquos glaucomata & hypochymata unū & idem mali genus esse existimasse: posteriores autē Glaucomata tantum dixisse crySTALLINI humoris in oculo uitia ex humiditate in glaucum colorem transeuntia, Hypochymata uero humorum suffusionem, qui inter corneam & crySTALLINAM concrecentes uisum impediunt: additq; incurabilia esse glaucomata omnia, suffusiones uero curari sed nō omnes. Fiunt autē uitia hęc ob frigiditatem aut infirmitatem spiritus quo uisus peragitur. Ideoq; senibus, aut post longam ualeitudinem frequentius accidunt. Sed de his satis. *Plumbum.*) *Plumbū* oculorum uitium est. Plinius libro historie naturalis 25. cap. 11. Nascitur uulgo molibdena, id est plūbago, etiā in aruo, folio lapathi, crassa radice hispida. Hęc commanducata, si oculis subinde religatur, plumbum, quod est genus uitij, ex oculis tolit. Poteris autem per plumbum utranque speciem intelligere, tum crySTALLINI læsionem, ubi in glaucū demutatur colorem, tū humoris inter corneam & crySTALLINAM siti congelationem: hanc quidem propter substantiæ plumbi, illam uero propter coloris similitudinem quandā: huiusmodi enim uitij ceu plumbi color est, glaucus à Græcis uocatus. Vnde & γλαύκωσις, glaucosis id uitium. Latini Cæsiū dicūt, à colore cæli quasi Cælium. De quo plura A. Gellius Atti. noctium libro 2. Cæterum scriptus codex habet peplum, id est, pellem & tuniculam. *Spiritus.*) Halitus, & insufflatio. *Grana.*) Semen, quo maxime utimur in usu medico. *Cymini.*) Dioscorides, Ori gratum & suaue est Cyminum: & ut Plinius

Plumbum oculorum uitium.

Plumbago siue molibdena herba.

Glaucus color. Cæsius. Glaucosis.

Lib. 19. cap. 8. Cyminum.

nus dicit, condimentorum ac omnium fastidijs amicissimum. Vis illi calefaciens & desiccans discutiensq; uarijs oculorum uitijs & uarie etiam approximatum utilissimum. *Pallentis.*) Ab effectu. Pallorem enim inducit corpori potum inunctumue, autore Dioscoride. Plinius lib. 20. Veruntamen omnem pallorem bibentibus gignit. Ita certe ferunt Portij Latronis clari inter magistros dicendi adsectores similitudinem coloris studijs contra æmulos imitatos: Et paulo ante Iulium Vindicem adsectorem illum à Nerone libertatis captatione testamentis sic lenocinatum. *Duror.*) Duricies & tumor durus. *Turgentes.*) Tumidos siue cum duricie siue citra ipsam fuerint. *Vili cæno.*) Terra & luto communi quo figuli ad figlina conficienda utuntur, et testis ollarum nouarum siccarum non coctarum, quæ autore Iesu Hali, desiccant, abstergunt & confortant. Et hoc est quod absolute lutum dicitur uirtutis refrigerantis & desiccantis, glutinantisq; autore Dioscoride. Nullamq; erodendi uim habet, nisi mixtam sibi aliam & feruidam habuerit qualitatem, quæ tamen lotura aufertur. Nihil autem refert siue lutum siue terram appellaueris.

Cap. 14.

Cuminum pal-
*lens.**Lutum com-*
mune.

DENTIVM VITIO ET ORIS

FOETORI MEDENDO.

CAPVT XIII.

H A V D facile est acrem dentis tolerare dolorem,
Quo magis est æquum medicā pernoscere curam.



DENTIVM uitio.) Per dentium uitia Sere-
nus aliarum etiam oris partium uitia intelli-
git. Dentium autem uitia sunt corrosio, com-
motio, fæda coloris mutatio, sordes adhe-
rentes, quibus aliquādo foetor accedit & dolor, de quo quæ-
Z

Dentium uitia.

DENTIVM VITIO ET ORIS.

stio est, an propriæ substantiæ ratione doleant dentes nec ne; de qua re uide Auicennam sen prima primi, doctrina 5, summa 1, cap. 5. Et septima tertij cap. 1. & 4. Gignuntur autem dentes ultimo loco, ut tradit Hippocrates in libro de carnibus, quod de capitis ossibus, maxillarumque pinguis glutinosi quod inest, incrementum fit & augeatur, caloreque siccescit, perurit, & absimitur: dentesque redduntur duriores & densiores quam cetera ossa, quod in his nihil frigidi inest. Sunt autem à summo rerum opifice homini contributi tum loquutionis, quo exactior litterarum fiat enunciatio, tum cibi molliendi, quæ digestio num prima aut digestionis initium est, causa: ut Auerrois sentit qui sui Colliget libro 2, sic ait: Propter cibi masticationem positi fuerunt dentes, ut faciant ad hoc conueniens præparamentum: dentes quidem anteriores ut incidant, maxillares ut frangant, molares ut molant. Et scias quod in ore est aliquantula digestio. Dentium autem, ut scribit Plinius libro 11. qui digerunt cibum, lati & acuti: qui conficiunt, duplices: qui discriminant eos, canini appellantur. Nec cibo tantum & alimentis necessarij sunt in homine, quippe uocis sermonisque regimen primores tenent, concentu quodam excipientes ictum linguæ, seriemque structuræ, atque magnitudine mutilantes, molientesue aut hebetantes uerba: & cum defluxere explanationem omnem adimentes. Cæterum editis primores septimo mense gigni dentes, priusque in supera ferè parte haud dubium est: septimo eosdem decidere anno, aliosque suffici. Sunt autem in homine dentes numero triceni bini. Contingit tamen quosdam non habere quatuor extremos, quare tunc non erunt nisi uiginti octo. Dentium autem primores quatuor quia secant τεμνικοί à Græcis nuncupantur: qui quatuor caninis dentibus ex omni parte cinguntur, sic dicti, quoniam in acutum producti caninos præferant dentes. Ultra hos uero gomphij siue molares, post quos postremi sophronisteres, quos dentes sensus uoca

Dentium numerus et nomina,

uocat Auicenna, quoniam post genituræ profusionem ante consistentiam, quæ circa annum contingit tricesimum, nascantur: hos Aristoteles Cranteras uocat & molaribus adnumerat libro 2. de historia animalium dicens, *φύονται δ' οἱ τελευταῖοι τοῖς ἀνθρώποις γόμφιοι ὅντι καλοῦσι κραντῆρας*. Plinius genuinos uocat. Ex omnibus autem priores, ut Celsus scribit libro 8. singulis radicibus, maxillares utiq; binis, quidam etiam ternis, quaternis uel quintis, fereq; longior radix breuiorem dentē edit, rectiq; dentis recta etiam radix: curui, flexa est. Exq; eadem radice in pueris nouus dens subit, qui multo sæpius priorem expellit, interdum tamen supra infrāue eum se ostendit. Hactenus de dentibus, iuxta quos sunt gingiue oris multifida compago, de quibus Lactantius libro de Opi, sic *Gingiue*. scribit: Dentes autem ipsos ne magis horrore quam ornamēto essent gingiuis mollibus, quæ a gignendis dentibus nominantur, ac deinde labiorum tegminibus honestauit. Inde gingiuula. Apulcius, Complanatorem tumidæ gingiuulæ. In quibus etiam iuxta dentes solent interdum tubercula quædam oriri dolentia, quas *parulides*. Græce appellari tradit Celsus: licet perperam pro *parulidibus* *parotides* legatur. Oriuntur etiam plerunque ** Alias, parodontidas*. alia quoq; ulcera in gingiuis, quibus similiter ut alijs oris ulceribus succurritur. Amplius dentes cum decore contingunt labia, quæ etiam ad loquendum sunt necessaria, *Labia*. quoniam locutionem præstant magis articulatam, quam ob causam etiam mollia & carnosā à natura creata sunt, & hostij uice adiuncta sunt ori. Sed de labijs sic scribit Auicenna fen octaua tertij: Duo labia creata sunt ad cooperiendum os & dentes, & ad decorem, & ad retinendum saliuam, & in hominibus ad loquendum. Et creata sunt ex carne & neruis, quæ sunt partes lacertorum qui continent ea. Et accidunt labijs fissuræ, quæ si in labio inferiore frequentes fuerint mulieribus, indicio sunt uterum *Fissuræ labiorum*. esse siccum & qui rorari appetat, & cōsequenter tales esse

DENTIVM VITIO ET ORIS.

*Fissuræ lin-
guæ.*

Os

Aphthæ.

*Ulceræ oris
triplicia.*

petulantes & coitus appetentes : item in febribus acutis post signa concoctionis labiorum fissuræ , bonum sunt signum : indicant enim naturam morbo dominari & materiam eius ad exteriora propelli : & labia cum sint mollia & tenera , facile etiam materiei sunt susceptiua. Porro in lingua huiusmodi accidere fissuras , haud boni , imò mali potius est nota , maximum enim cauma & calorē in uentriculo & spiritualibus membris indicant. *Oris fœtori.* Per oris fœtorem intelligit etiam ulcera eius & pustulas , quæ fœtoris quoq; nonnunquam causa sunt. Os autem , quod Apuleius animi uestibulum , orationis ianuam , & cogitationum comiciū uocat , est id quod intra maxillas & labra describitur , autore Aristotele de historia animalium libro 1. Partes autem eius sunt de quibus hic agitur , gingiuæ , labia , lingua & palatum. Sed oris primum iuuamentum , ut Auerrois tradit , est masticatio cibi. Et , ut Auicēna scribit , os est membrū necessariū , ad hoc ut perueniat cibus ad concauitatem inferiorem , et communicat in hoc ut perueniat aēr ad cōcauitatem superiorē , & confert in expulsionē superfluitatum aggregatarum in ore stomachi cum elongatur et fit difficilis earum expulsio ad inferiora . Et est uas uniuersale membrorum locutionis in homine & uociferationis in reliquis animalibus uociferantibus ex sufflatione. Cæterum uitia quæ ori accidunt , maxime sunt ulcera : quorum ea longe periculosissima sunt , autore Celso libro 6. quas aphthas Græci appellāt , sed in pueris , hos enim sæpe consumunt . In uiris & mulieribus idem periculum non est. Hęc ulcera à gingiuis incipiunt , deinde palatum , totumq; os occupant , tum ad uuam , faucesq; descendūt , quibus obsessis non facile fit , ut puer conualescat : ac miserius etiam est , si lactans adhuc infans est , quo minus imperari remediū aliquod potest. Continentur autem huiusmodi ulcera tribus generibus autore Paulo Aegineta. Vnum enim subalbidū est , aliud subrubens , tertium uero nigrum ut eschara , quod et pessimum

mum est & maxime letiferum. Suntq; omnia, nisi cito re-
 sistatur, facile dilatabilia: & hoc ideo, ut tradit Auicenna,
 quoniam locus est calidus, cui calor nunquam deest, qui
 maxime talium causa est ulcerum, & quia cutis oris etiam
 est humida & lenis. Plurimum autem accidunt propter
 calorem qui in uentriculo aut in capite superfluit per ua-
 pores eorum calidos & humidos corrumpentes superfi-
 ciem cutis oris. Quæ si admodum sunt humida, curatur
 medicamentis uehementer siccantibus, maximeq; si pro-
 pe ossa fuerint, propter ossium naturam siccam: simpli-
 ciora uero, modice siccantia commode sanare possunt.
 Fœtor autem curatur medicamentis quæ proprie bonum *Fœtoris cura-
tio communis.*
 reddunt odorẽ ori ac uniuerso corpori, qualia sunt myr-
 tus, thus, mastiche, uinum odorum & alia: quibus sem-
 per commiscenda sunt aromatica quædam ad id idonea,
 causa quidem existente frigida, ea quæ calfaciunt: calida
 uero existente causa, quæ refrigerant: & non semper uten-
 dum est calidis. Contraria enim cõtrarijs curanda sunt:
 quare decipiuntur qui semper calidis utuntur. Sed hæc
 nus de ore, inter cuius partes præcipuas est lingua, quæ *Lingua.*
 reliquis in suo genere semper absoluta, homini tantum
 ita sæpe cõstricta uenis, ut intercidi eas necesse sit, alioqui
 usui loquendi inepta. Quantum autem ad substantiam
 eius attinet, lingua est caro rara, fungosa, & ut Auicenna
 dicit sexta tertij, mollis & alba. Et in ipsa est ex neruis &
 uenis ultra quàm credatur esse in suo simili. Et in radice *Saliuæ fontes
seu hauritoria.*
 eius sunt duo orificia, quæ saliuæ fontes & hauritoria di-
 cuntur à medicis, quorum munus est linguæ rorem con-
 seruare, quo tum lingua tum os uniuersum humescat. Et
 orificia illa contingunt ad carnem glandosam, quæ est in
 radice linguæ & saliuæ generatrix appellatur, cuius iuuua *Saliuæ genera-
trix caro.*
 rum saliuæ est tanquam pituita aquosa, tum à stomacho *Saliua.*
 corriuata tũ à cerebro per ossis meatus, quod colatorium *Linguæ munus.*
 uocant, defluxa. Sed linguæ munus est, animi conceptus *& officium.*

DENTIVM VITIO ET ORIS.

enunciare, saporumq; uim presentire, atq; cōtritos cōmo-
litosq; dētibus cibos colligere, et collectos ui sua deprime-
re atq; transmittere ad uentrē. Vnde à ligando cibo ling-
uam dictā putat Varro. Et de utilitatib⁹ linguæ sic scribit
Auicēna: Lingua quę membrū est oris, est ex instrumētis
cōuersionis cibi masticati, et incisio uocis, & extractio lite-
rarū, & ad ipsam pertinet discretio gustus. Et Auerrois,
Linguæ, ait, iuuamentū est manifestū, quod illa & nerui
sui non fuerunt facti nisi propter operationem gustus,
quamuis huic adiungatur alia res propter electionē me-
liorem, hoc est, ad proferendum literas loquutionū. Est

*Saporis sensus
ubi percipiat*

itaq; lingua ipsa gustandi uim obtinens, & qua sapor
sentiūtur, uti testatur Aristoteles in de historia anim. lib.
1. cap. 11. inquit, Ori inest pars sentiens saporē lingua,
uim istam sentiendi præcipue obtinens parte sui pri mo-
re. Nā si interiore tāgat, minus sentiet. Qui uero saporis
sensem palato inesse arbitrantur, tales falli putat Lactan-
tius, quoniam linguæ inest, quamuis non toti. Nam par-
tes eius quę sunt ab utroq; latere teneriores, saporē sub-
tilissime percipiunt. Plinius tamen libro 11. Intellectus, in-
quit, saporū est cæteris in prima lingua, homini & in pa-
lato. Cæterum neruus quo tactus utitur, non est alius ab
eo quo utitur gustus. Sed de hoc plura Galenus libro 4.
de locis affectis. Accidunt autem linguæ sicut & reliquis

Palatum.

partibus oris ulcera & pustulæ, quæ etiam ut reliqua cu-
rantur. Quare de hijs non plura. Nec aliud dicetur hic
de palato & oris interioris cauitate superiore, cuius utili-
tas est, ut uocis fiat intonatio, & cibi quando dentibus

*Dolores asper-
rimi.*

teritur, reuolutio agilis. Haud facile.) Imò difficillimum.
Quamuis enim inter asperrimos cruciatus enumerētur,
qui sunt calculorum à stillicidio urinæ, stomachi ac capi-
tis, & suus cuiq; ad præsens quisq; atrocissimus uideatur:
inter eos tamē ob quos uix ac minus deploratur homo,
& qui uix aliquem interimunt, non est acrior neq; atro-
cior quàm is qui dentium est dolor. Acrem.) Acre pro-

Acre.

prie

prie dicitur de sapore acido, qualis esset aliquando tum in uino & alijs tum in aceto maxime. Columella libro 3. Radice tenus uitem præscindito, plagā acri aceto pariter ac lotio permixta terra linito, eodemq; radices irrigato. Trāsfertur tamē & ad alia, ceu hic acrē uocat Serenus do- lorem, qui acutus est & uehemens, qui ipse quoq; maxi- mis, ut Celsus ait, tormentis annumerari potest.

Cum Baccho uiolas decoxeris, ore teneto,
Manfus item prodest succis oleaster acerbis,

Hinc oscedo fugit, linguæ quoq; uulnera cedunt.

Baccho.) Vino quod discutit, & si ulcus est, detergit illud *Vinum*,
& repurgat. Oportet autē huiusmodi liquores, cum qui-
bus os colluitur, diutius in ore continere, præsertim qui
contra dentium dolores adhibentur, ut docet Auicēna.

Viola.) Violæ hæc sunt, quas purpureas uocat Diosco- *Viola nigra*.
rides libro 4. cap. 113. Sicq; describit: Viola folia habet mi-
nora tenuioraq; quā hederæ: nigriora itidem nec dissi-
milia. Mediū inter folia coliculi à radice exeunt, in quibus
flosculi sunt egregij odoris, colore purpureo. Nascitur
umbrosis & asperis locis. Refrigerādi uim habet, ob quā
& calidos dentium dolores sedat, & eorundem inflam-
mationes extinguit. Et hæc est quæ nūc simpliciter uiola
dicitur, & cuius præcipuus usus est contra calores feбри-
les & iecoris: conditurq; zuccharo tum flos ipse tum flo-
ris succus. Est autem & aliud uiolarū genus quod Græci
leucoion dicunt: cuius generis etiam differentia est, & *Leucoia*.
ipsa quidem in flore: qui in aliquibus candidus, in aliqui-
bus luteus, in aliquibus purpureus uidetur. Probatissi-
ma in medicinæ usu quæ luteum habet florem: qui cum
melle oris ulcera, quas aphthas dicunt, sanat, ut autor est
Dioscorides libro 3. cap. 30. Hunc tempore nostro com-
muniter Arabico nomine Keyri uocāt. *Succis acerbis*.) A *Keyri*.
maris & adstringentibus, præsertim qui ex folijs sunt suc-
ci. Vergilius Georg. lib. 2. Infelix superat folijs oleaster

DENTIVM VITIO ET ORIS.

Oleaster. amaris. *Oleaster.*) Oleaster est olea sylvestris. Verg. libro 2. Georgicon: Indicio est tractu surgens oleaster eodem Plurimus, & strati baccis sylvestribus agri. Est autem uis illi & natura adstringens, qua opus est in dentiũ ac oris uitijs, maxime q̃ ubi humorum est defluxus. Vnde Auicenna septima tertij dicit, Quando dens p̃paratus est fluxibus, oportet ut teneatur in ore decoctio rerum stipecti carum diu. Et quia dentium substantia est sicca, idcirco medicinae conuenientes quæ conseruant sanitatem & reducunt eos ad id quod oportet, secundum plurimũ sunt exiccatiuæ commensuratæ in duabus qualitatibus. Et Mesue, In principio doloris, inquit, administrentur medicinae quæ cõfortent dentes & repellant rheumatismos materię. Quod autem oleastri succus talis sit, & contra iam dicta oris ac dentiũ uitia profit, testis est Auicenna lib. 2. dicens: Oleum de oliuis sylvestribus confert gingiuæ sanguineę, colluendo os ex eo: & confirmat dentes motos: & gumi sylvestrium cõfert dolori dentium corrosorum quando implentur eo. Sed de his copiosius scribit Dioscorides, hijs uerbis: Oleastri folia uim habent ad stringendi. Commanducata oris ulceribus, & hijs quæ aphthas dicunt, medentur. Idem potest succus & decoctum eorum. Oleum autem colluendis flaccidis & cum infirmitate humentibus gingiuis utile est. Mobiles confirmat dentes. Fouentur eodem calido etiam utiliter in gingiuas destillationes: oportet q̃ lanam specillo circumponẽtes in oleum demergere, gingiuis q̃ admouere, usq; dum candido colore gingiuæ uideantur. Plinius lib. 23. Oleaster purgat ulcera, alienata explet, excrescentia leniter erodit, siccatur & ad cicatricem perducit: Oleo os colluitur. Ad dentiũ infirmitatem imponũtur folia. *Oscedo.*) Inter oris uitia numeratur & oscedo, quæ oscitandi uitium est. Oscitare uero, est os cõmouere & aperire totum, ceu fit p̃ somno aut tẽdio. Meminit huius A. Gellius Atticarum noctium libro 4. hijs uerbis: Deliberatum est de

nota

Oscedo.
Oscitare.

nota eius qui ad cēsores ab amico aduocatus est, et in iure
 stans, clare nimis ac sonore oscitauit. Atq; inibi prope ut
 plecteretur fuit, tanquam illud indicium uagi animi foret
 & hallucinantis, & fluxæ atq; apertæ securitatis. Sed cum
 ille deierasset inuitissimum sese & repugnantem oscitatio
 ne uictum, teneriq; eo uitio, quod oscedo appellatur, tum
 notæ iam destinatæ exemptus est. Est autem oscitatio siue
 oscedo proprie halycum species. Halice uero, quā multi
 halen, Latini anxitudinem siue etiam pandiculationem
 nomināt, est affectio tum in sanis tum maxime in affectis
 & iam decumbentibus, cum scilicet toto corpore quis ex
 tenditur. Fiunt autem halices, ut Auicenna fen tertia pri
 mi doct. 2. c. 13. scribit, propter superfluitates quæ in mu
 sculis congregantur, ob quod à somno frequenter acci
 dunt: cumq; humores illi abundantiores fuerint, horri
 pilatio inde fiet ac tremor. At si nimio plus abundarint,
 febrem inducent. Oscitatio uero siue oscedo, motus est ha
 licum, quæ accidit in musculis mandibularum atq; tho
 raci. Quæ cū sanis in primis citra causam accidit et non
 in hora cum multa fuerit, malum erit: melior autem est
 quæ peracta digestionem accidit, talis enim propter super
 fluitatum fit expulsionem. Nonnunquā uero & propter
 frigus accidunt halices & oscitationes, aliquando etiam
 propter cutis densitatem, aut resolutionem paucam, aut
 excitationem à somno immaturam. Vinum uero ad me
 dium temperatum halicibus & oscitationibus est conue
 niens, cum non est ibi alia prohibēs causa. Quod uel Hip
 pocratis testimonio comprobatur, qui libro 7. aphoris
 morum sic ait, Halyce, anxitudo, oscitatio, horror, ui
 num æquale æquali potum soluit ægritudinem. Vbi il
 lud scire oportet, ut inquit Galenus, quod halycen nomi
 nauit, quā multi Græci halen appellant, deinde & quæ
 fit faciens hunc casum dispositio. Dicunt igitur *ἀλύνει*, id est *ἀλύνει*,
 est, anxitudinem habere illos sanos, qui semper præsen
 ti bus molestantur, & ab uno negotio atq; actione ad aliud

Oscedo.

Oscitatio.

Halycce.

Hale.

Anxitudo.

Pandiculatio.

Aa

DENTIVM VITIO ET ORIS.

transeunt. Eodem modo & ægros illos anxios esse aiunt qui accubitus non perferentes, figuras euariant, quia semper præsens aggrauat eos. Hoc uero præcipue illis euenire consuevit, qui in ore uentriculi, quod nos abutentes uocabulo sepe solemus stomachum nominare, humoris aliqua propria qualitas continetur, uentriculo molesta, quæ neq; plurima est, neq; in uentriculi fluitat cauitate, sed eam ipsæ imbibere tunicæ. Sed & oscitare sicuti & pandiculari, contenta aliqua in musculis per quos tales fiunt motus quos pandiculationes & oscitationes nominamus, uel humiditate flatuosa, uel spiritu flatuoso fieri est à nobis demonstratum. Horror autem prauis humoribus per cutem currentibus accidit. Liqueat autem quod nunc à nobis habetur sermo de horrore, qui ex corpore prouenit insalubri, et non de illo qui causam extrinsecus habet. Singula igitur hæc quæ dicta sunt, potus uini meracioris sanat. Moderatam autem temperaturam ipse monstrauit inquit, Vinum æquale æquali potum: aqua enim uide licet uult uinum æqua portione temperari, ut hæc quidem pellat, & euacuet ex materia infestante quicquid cesserit uini motui cum impetu lati, reliquū temperet. Calefacit enim uinum, ut nouimus, corpus totum, & cito mouetur ad omnes partes, cum hoc quod omnes humores optimos reddit. Hactenus Galenus. Hic uiderint quid dicant qui oscedinem interpretantur oris graueolentiam.

Cum nitro piper & uinum tepidum inijce denti.
Sæpe chelidoniæ succo, uel lacte capellæ.
Sanescunt dentes, aut tauri felle iuuantur,
Aut acidi latices clauso uoluntur in ore.
Manditur apta rubus gingiuis & bona labris.

Nitrum, piper, Cum nitro piper & uinum.) Idem medicamentum tradit Plinius in historia naturæ lib. 31. cap. 10. dicens: Nitrū prodest dentiū dolori ex uino si cum pipere colluatur. Et hoc
ma

maxime ubi doloris causa fuerit humor frigidus pituito-
 sus crassus & uiscidus, quem singula iam dicta calefaciūt,
 siccant, attenuant, extrahunt, detergunt & discutiūt, sicq̃
 dolorem sedant. *Tepidum.*) Canon enim est in dolori- *Canon.*
 bus istis, ut medicamēta resoluētia et aperientia sint actu
 tepida aut calida, non tamen in excessu. Repercussiva ue-
 ro in causa nimis calida ad duos uel tres dies sint actu fri-
 gida, deinde fiant tepida, ne poros atq; meatus clauden-
 do, materia intus derineatur & occludatur: autor Au-
 cenna. *Chelidonia.*) Maxime radice eius. Nam, uti Gale- *Chelidonia.*
 nus & Dioscorides aiunt, Radix chelidonie commandu-
 cata dentium dolores finit. *Lacte capelle.*) Plinius lib. 29. *Lac caprinum.*
 cap. 10. Efficax habetur & caprino lacte collui dētes. Sex-
 tus Plonicus, Ad motionem dentium, Capre lacte mul-
 gear & dentes colluat, sapius faciat. Nam cum substantiæ
 sit ab omni acumine & mordicatiōe sequestratæ, ut Auer-
 rois scribit, dolores ibi existentes mitigat gargarisatum et
 in ore detentum. Quamuis Auicenna dentibus nocere
 tradat, ipsos corrodendo, concuando & consumendo,
 & proprie cum dens frigida sit cōstitutionis, quare post
 ipsum os colluere iubet cum melle & uino & oxymelite.
Tauri felle.) Idem testatur Plinius inquiring, Efficax habe- *Fel tauri.*
 tur & felle taurino collui dētes *Acidi lactes.*) Acetū. Dio- *Acetum.*
 scorides: Acetum prodest dētium doloribus si calido col-
 luantur: Et Mesue in capite corrosioni & perforationis
 dentium de eodem aceto sic tradit: Collutio oris cum eo
 est sublimis. Porro usus eius convenientior esset si alijs
 commisceretur medicamenti quàm cum solitarium ad-
 ministratur, sua enim essentia dentibus nocet. Vnde de
 usu eius & uirtute sic scribit Auicēna sen 7. tertij: Acetum
 quidem quamuis sua essentia noceat dentibus, tamen
 quandoq; ponitur in medicinis dentium infrigidanti-
 bus & calefacientibus simul. In refrigerantibus quidem,
 quoniam refrigerat sua substantia & non penetrat. In ca-
 lefacientibus uero, quoniam penetrat, & quoniā adiuuat

DENTIVM VITIO ET ORIS.

Rubus.

Labrum.

cum incisione ad resoluendum. Eius uero nocumentum est tunc fractum cum medicinis dentium quæ eis admiscuntur. Quod autem dicit in refrigerantibus non penetrare, hoc non simpliciter intelligi debet, quod nullo modo penetret cum penetrandi uim subministret, sed non tantum penetrat mixtum refrigerantibus eorum frigidi-
tate penetrationem prohibente, quantum penetrat mixtum calefacientibus. Rubus.) De rubi generibus dicitur infra. Siccant rubi & adstringunt: ideoque uitijs oris accommodi. Vnde Auicenna, Rubi folia, inquit, quando masticantur, stringunt gingiuam & sanant alcola: & similiter fructus eius maturus, & succus fructus eius & foliorum ipsius sanat dolores gingiue, & succus foliorum eius sanat os calidum. Idem, medicinæ convenientes alcola quæ sunt acuta, sunt sicut masticationes foliorum rubi. Et Dioscorides, Gingiuas confirmant, & oris sanant ulcera commanducata folia. Quin etiam succus ex folijs caulibusque expressus, mox in sole densatus dictis efficacius medetur. Fructus præterea succus in integra maturitate expressus, ad oris medicamenta accommodatus est. Sed & Plinius libro 24. cap. 14. de rubis sic scribit: Nec rubos ad maleficia tantum genuit natura, ideoque ex eis mora bestiis uel hominibus cibos dedit: uim habent siccandi, adstringendi, gingiuis, tonsillis, genitalibus accommodatissimi. Et, caules eorum tunduntur teneri, exprimiturque succus, mox sole cogitur in crassitudinem mellis, singulari remedio contra mala oris potus aut illitus. Et oris uitijs etiam folia commanducata profunt & ulceribus manantibus. Et, per se in cibo sumpti, cymæ modo, aut decocti in uino austero, labantes dentes firmant. Labris.) Labijs. Labrum proprie fluminis, lacus & similium quæ aquæ superficie perluuntur, margo dicitur & extremitas: & per metaphoram labra quoque dicuntur tum oris tum aliarum rerum extremitates, quæ in homine etiam labia uocantur.

Len

Lentiscus, myrthusq̄ emendant oris odorem.
 Quod uero assumpsit nomen de dente fricando,
 Ceruino ex cornu cinis est, aut ungula porcæ
 Torrida, uel cinis ex ouis, sed non sine uino,
 Muricis aut tostis, uel bulbi extincta fauilla,
 Ambitiosa putas, sunt ista salubria cunctis.

Lentiscus.) Dentium ac oris malis & fœtori quomodo me-
 deatur lentiscus, docet nos Dioscorides dicēs: Foliorum
 decocto utiliter mobiles dentes colluuntur. Et uiridibus
 ex lentisco dentifricis pro arundinea acu fricatione den-
 tes utilius exteruntur. Resina eius quæ mastiche uocatur,
 miscetur hijs quæ exterendis dentibus conficiuntur. Cō-
 manducata oris halitum commendat, & gingiuarum tu-
 mores reprimat. Item Plinius libro 24. cap. 7. Decoctum
 lentisci gingiuas colluit, folia dentibus in dolore atterun-
 tur, mobiles decocto colluuntur. Item ex lentisco dentifri-
 cium fieri cōsuevit, & dentiscalpia, hoc est, cuspides quæ
 dam purgandis dentibus accommodæ. Martialis in apo-
 phoretis: Lentiscum melius, sed si tibi frondea cuspis De-
 fuerit, dentes penna leuare potest. Sed quia dentium cu-
 ra olim ut delicatis probro dabatur, hinc quibus denti-
 scalpium semper est in ore, σκλινοτῶρες, id est lentisci arro-
 sores dicuntur. *Myrthus.*) Myrthus duplex est, agrestis al-
 tera, de qua inferius dicetur cap. 31. Altera satiuæ perpetua
 seruans folia: cuius etiam duo genera sunt, ut tradit Co-
 lumella libro 12. quorum alterum est nigrum, alterum al-
 bum: quorum etiam nigrum, ut tradit Dioscorides, me-
 dicinæ utilius est quàm album, & in eo genere multo ma-
 gis montanum, semen tamen infirmius fert. Plinius lib.
 23. cap. 9. Myrtus satiuæ candida minus utilis est medicinæ
 quàm nigra. Semen odorem oris commendat uel pridie
 commanducatum. Mesue item, Medicinarū, quarū pro-
 prietas est generare in ore & uniuerso corpore odorē bo-
 nū, sunt sicut proprie teneritas myrti et thus et mastiche.

*Lentiscus.**Dentiscalpia.**Myrthus.*

DENTIVM VITIO ET ORIS.

Huiusmodi autē omnia aromatica sunt, qualia esse oportet ea quæ tum oris tum aliarum partium foetorē emendare & bonum odorem reddere debent. Quod si talia nō essent, ipsis tamē aromatica permisceri debēt, in causa quidem calida quæ refrigerant: in frigida uero quæ calefaciunt, non semper calefacientia, ceu quidam aberrantes faciunt causam aliquando adaugentes. Emendant oris odorem.) Hoc est, Oris halitū tetrum ac foetidū, graueolentiamq; corrigunt, & commendatiorem beneq; redolentem efficiunt odorem. Quod uero nom.) Hoc est, dentifricium, quod à dentium fricatione sic dictum est: & pulvisculus quidam est candidandis dentibus comparatus, hoc est, quo dentes fricātur ut candidi fiant. Sunt autem omnia huiusmodi dentifricia uirtutis detergētis. Ceruino ex cornu cinis.) Quomodo in cinerem cremandū sit cerui cornu, docet Dioscorides lib. 2. sic: Secatur in frusta cornu, sectumq; in fistile crudum primo, mox luto circumlito operculo in fornacem conijcitur, uriturq; usq; dum albescat. Et huiusmodi cinis dentifricium est leuigandis dentibus utile, in quem usum confricandi eo sunt. Imò, ut Plinius libro 29. cap. 10. testatur, dentes mobiles confirmat ceruini cornus cinis, doloresq; eorum mitigat, siue infricētur siue colluantur. Quidā efficaciorē ad omnes eosdem usus crudi cornus farinā arbitrātur. Dentifricia utroq; modo fiunt. Item Sextus Plat. Cornu, inquit, cerui cōbustū, dentes qui mouentur firmat, si eo pro dentifricio quis utatur. Celsus lib. 6. Cornu rasum in aceto rite coctū cōtra dolores utile tradit. Ungula porce.) Hoc est, ossa ex ungulis suū. Plin. lib. 8. capite nunc dictis: Ossaq; ex ungulis suum combusta eundem usum præbent. Torrida.) Cōbusta & incinerata. Torrere proprie est urere. Vergilius: Iam rapidus torrens sitientes Syrius Indos. Plinius, Si radicem betæ in pruna tostam superederint, odorem extingui. Dicitur aliquando etiam de frigore siccatis & arefactis. Varro, Frigore torret, Cinis ex ouis.) Plin. libro

Dentifricium
quid est unde
sic dictum.

Cinis cornu
ceruini.

Cinis ungule
porcine.

Torrere.

Cinis putami-
nis ouorum.

libro 29. cap. 3. Membrana putaminis ouorum detracta
 siue crudo siue decocto, labiorum fissuris medetur. Puta-
 minis cinis in uino potus, sanguinis eruptionibus. Com-
 buri sine membrana oportet: sic fit & dentifricium. *Sed*
non sine uino.) Postquā fricati sunt dentes, colluere etiam *Vinum.*
 oportet ipsos cum uino maxime austero: hoc enim sor-
 des per fricationem solutas detergit & abluit & dentes
 etiam confirmat, siq̃ exulceratū quid adest, illud quoq;
 purgat atq; emendat. Nam, ut Celsus ait lib. 6. Simul atq;
 uero pura ulcera esse cœperūt, lenis humor, interdū etiā
 quā optima aqua ore continenda est, prodestq; assum-
 ptum purum uinum. *Muricis tosti.*) Cinis muricis. *Plin.* *Cinis muricis.*
 libro 32. cap. 4. Muricum cinis dentifricium est. Est autem
 murex ē conchiliorum genere ceu purpura, ē quorum
 sanguine tinguntur uestes insectu precioso. *Bulbi extincta*
fauilla.) Hoc est, bulbi cinis, qui etiam ceu aliorum cine-
 res detergentis est naturę. Fauilla aut nihil aliud est quā
 cinis igne extinctus & desertus: sic dicta, quasi fouilla q̃d
 tectum ignem foueat: quum scintilla ardens sit quæ ē si-
 lice exilire solet cum cæditur. Verg. Ac primū silicis scin-
 tillam excudit Achates. Oportet autem res ipsas quas au-
 tor hucusq; recensuit, adurere & in cinerem redigere, si
 dentifricij usum prębere debeant: nec modo in dentifri-
 cij usu, sed & in alijs quoq; permultis necessaria est & per
 quam utilis rerum adustio. Adurūtur autem, ut Auicen-
 na canonis libro 2. scribit, propter unum quinq; acciden-
 tium. Quorum primum est rei acuitas, ut illa frangatur
 & minuatur, ceu fit in adustione atramenti & colchotar.
 Secundum est rei uirtus non acuta, sed debilis, ut uigore
 tur illa & acuitatē acquirat, uti manifestum est in lapide
 qui in calcem comburitur. In lapide enim nulla est acui-
 tas, postquam uero calx effecta est, acuitate participat, &
 illa nō modica. Tertium est substantiæ crassities, ut illa at-
 tenuetur & subtilietur, ceu fit in adustione cancrorum &
 cornus ceruini. Quartum est contritionis ineptitudo,

*Cinis muricis.**Cinis bulbi.**Fauilla.**Scintilla.**Cause adustio-
nis rerum.*

DENTIVM VITIO ET ORIS.

ut ad conterendum præparetur, ceu fit in serico, quod in cordis confortatione exhibetur: quamuis enim incisum sit efficacioris uirtutis adusto, tamen quia incisum non sequitur minorationem partium sufficientē nisi cum labore, ideo potius aduritur. Quintum est substantiæ uis maligna & uenenosa, ut illa destruaturs & amoueaturs, & propterea comburuntur scorpiones, quos adustos contra lapidem exhibemus.

Exesos autem dentes si forte querēris,
Vre fimum muris, patulis & hiatibus adde,
Vel cinerem dentis ceruini extinguiere aceto
Conuenit, atq; cauis immittere partibus apte.
Prodest & puluis lumbrici corpore tosto.

*Causæ corrosio
nis dentium.*

*Cinis fimi mu-
rini.*

*Patulum.
Patens.*

Exesos.) Corrosos & excauatos: quod fit aliquando propter usum rerum adurentium, aut dulcium ceu mellis, sacchari & similibus: aliquando uero propter tabem pituitamue. Vre fimum muris.) Plinius lib. 30. cap. 3. testatur idem: Cinis ē murino fimo inditus dentibus confert. Et hoc pituitam desiccando & dentē forte frangendo, sicq; ad facilem exitum præparando. Quamuis sine causa eximendi non sint, ut Celsus tradit libro 6. dicens, Si exesus dens est, festinare ad eximēdum eum nisi res coegit, non est necesse. Quod si dolor eximi eum cogit, & piperis semen cortice liberatū, & eodē modo bacca hedere cōiecta in id foramen, dentem findit, isq; forte stans excidet. Sed quia periculosa sunt talia & fallacia, melius est illa omittere. Nam, ut Guido de Cauliaco chirurgiæ suæ lib. 6. ait, medicinz citra dolorem dentes eradicantes, multas dant promissiones, operationes autem paucas. Patulis hiatibus.) Cautatibus & foraminibus dentium patentibus & apertis. Differt tamen patulum à patente, quoniam patulum dicitur quod semper patet, ut arbor. Verg. Titire tu patulæ recubans sub tegmine fagi: & aures patulæ, ut supra, Si uero in patulas animal penetrauerit aures. Patens uero

uero dicitur quod ad tēpus patet & apertū est. Adde.) In-
 de & immitte, ita tamen ne uicinos dētes attingat. *Cinerem Cinis dentis*
dentis ceruini.) Et hoc uirtute eadem qua prius dicta, uel ui *ceruini.*
 quadam occultiore. Apte.) Rite, conuenienter, & ut Me
 sue dicit, cum cautela, ne alijs dētibus noceat, distinguen-
 do inter dentem & dētem cum cera uel aliquo alio quod
 sit sicut ipsa. Vnde etiam Auicenna septima tertij ait, Et
 quandoq; ponitur in circuitu eius cera aut massa aut ali-
 quid aliud distinguens inter dentem & inter dentes qui
 sunt in circuitu eius & carnes rubeas. Et hinc etiam Cel-
 sus alumen scissile administraturus, dicit id inuolutum in
 lanula demitti commodius esse: quia sic dente seruato do-
 lorem leuat. Similiter & plani piscis, quæ pastinaca est et à
 Græcis trygon dicitur, aculeum tostum, deinde contri-
 tum, refina excipere & ita denti circundare iubet. *Puluis Cinis lumbrico*
lumbrici corpore tosto.) De hoc Plinius libro 30. cap. 3. sic pro *rum.*
 dit: Vermium terrenorum cinis exesis dentibus cōiectus
 ex facili cadere eos cogit. Integros dolentes illitus iuuat.
 Comburi autem opertet in testa.

Ora perusta cibo sanabis lacte canino.

Sæpe etiam gelida gingiuas collue lympa,

Dentibus ut firmum possis seruare uigorem.

Si uero infandum proserpit ad intima uulnus

Permisceto salem parili cum pondere thuris,

Hinc tractato locum, miram experiere medelam,

Hæc siccata dabit molles & fracta farinas,

Huius & attritu tetrum mulcebitur ulcus.

Ora perusta cibo.) Solet nonnunquam cibus calidissimus
 comesturis apponi, qui si per imprudentiam sic calidissi-
 mus assumatur, os & partes eius adurit, & pustulas, exul-
 cerationesq; efficit non sine dolore, quibus nunc mederi
 docet lacte canino. Et idē etiā testatur Plinius inquiēs: Si *Lac caninum.*
 feruentia os intus exusserit, lacte canino statim sanabitur.

Bb

DENTIVM VITIO ET ORIS.

Aqua frigida.

Gelida lymph.) Si quis dentes firmos & incolumes seruare, et à corruptione atq; dolore tutus esse uoluerit, is quot tidie in matutinis cum frigida os colluat: utile enim hoc erit & dentes incolumes conseruat, quemadmodum & halitum custodit, orisq; odorem commendat, si uino quàm optimo quando dormitum itur, colluantur ora. Vnde Plinius libro 28. cap. 4. inquit: Mero ante somnos colluere ora, propter halitus: frigida aqua matutinis impari numero ad cauendum dentium dolores. At dicet aliquis: Quid agam, si dolor iam adest, num eadem frigida uti possum? Respondeo quod præsente dolore in causa calida & maxime in doloris principio ut confluxus humorum arceatur, uti possumus aqua non modo frigida, sed & frigidissima, quæ repellat & stupefaciat. Ex eorum enim summa quæ stupefaciunt absq; nocumēto, ut inquit Auicenna, est aqua in frigidata cum niue in ultimo, & ponitur in ore acceptio post acceptionem donec stupefiat dens, quare quiescit dolor omnino, quamuis quandoq; fit addens in principio. *Salem.*) Quam uim contra oris uitia habeat sal, docet nos Dioscorides medicinalis sylug libro 5. dicens: Vtiliter inungitur sal contra tonsillas, columellamq; oris cum melle tostus, ulceraq; itidem quas aphthas uocant. Humore diffuentes gingiuas & ulcerū phagedenas cum polenta emplastri modo imponitur. De eodem Plinius libri 21. capite 9. sic tradit: Sal ulceribus oris manantibus in linteolo concerpto, gingiuarum tumori in frictus. Et contra scabriciem linguæ frictus, comminutusq;. Aiunt dentes nō erodi neq; putrescere si quis quot tidie mane ieiunus salem contineat sub lingua donec lique scat. Sed quid de hoc tradat Celsus, haud abs re fuerit etiam subiungere, qui libro 6. cap. 5. sic scribit de cancro oris, ubi penitus malum descēdit: Quidam etiam in acris aceti heminam frictum salem conijciunt donec tabescere definat, deinde id acetum coquunt donec exiccetur, eumq; salem contritum inspergunt. Quoties autem

me

dicamentum iniicitur, & ante & post, os diluendum est uel cremore lenticulæ, uel aqua in qua aut eruū, aut olea, aut uerbenæ decoctæ sint, sic ut cuilibet eorum paulum mellis misceatur. Sed & diu continere utrumlibet, & id bis aut ter die facere, pro ut uehemens malum est, necessarium est. *Thuris.*) Thus, ut inquit Auicenna, consolidat ualde & proprie uulnera recentia, & prohibet fraudulenta dilatarī, & est cōueniens ulceribus factis ex adustione. Nec obstat quod calidum est, id enim modicū est. Nam, ut Galenus tradit, thus modice calet. *Tractato locū.*) Hoc est, locum ulceratum & ulcus ipsum cum dicto medicamento conspergito & cōfricato. *Siccata.*) Oportet enim sicca esse & quæ in puluerem redigi debent, & quæ huiusmodi ulceribus inspergenda sunt medicamenta. Cum enim humida sint ulcera, haud conueniens est illa madefacere, et humidum quid, excepto uino, infundere. Quod & Hippocrates docuit in libro de ulceribus dicēs, Vlcerā madefacere quæcunq; ea fuerint, nisi uino, non oportet. Nam siccum sano uicinius est, humidum uero non sano. Vlcus enim humidum est, sanum aut siccū. *Molles farinas.*) Puluerē mollem et subtilē, qualis est farina. Oportet enim medicamēta ulceribus imponenda, in subtilissimū puluerem ac pollinem frangi, conteri & leuigari, ne asperi quid insit. *Mulcebitur.*) Deliniatur, mitigabitur & sanabitur.

VVAE, FAUCIBVS, COLLO,

ET QVAE MOLLIENDA
sunt, medendis.

CAPVT XV.



VVAE.) Vva & malum et locum in quo id fit, *Vua.*
indicat. Est autē uua, quæ alio nomine columel
la quoque dicitur, pars oris inter tonsillas ultimo palato dependens, & non in faucibus collo *Columella.*

Bb 2

VVAE FAUCIBVS, COLLO.

Fauces.

φάρυγξ.

Isthmus.

cata, ut quidam uolūt: quod uel ex Galeno palam est, qui libro primo de differentijs morborum uuam abscissam palati & non colli uel gutturis passionem esse ostendit. Et idem aperte pronunciat libro de utilitate partium 11. Est autem, ut nona tertij scribit Auicenna, substantia carnosapendens super supremam partem epiglottis sicut uelament: cui ex morbis accidunt inflammatio & abscessus atque relaxatio. *Faucibus.*) Quemadmodum per uuam, ita etiam per fauces & malum & mali locus indicatur. Sunt autem fauces, quas Græci φάρυγξ dicunt, oris pars, & proprie spatium illud, quod est ante guttur & gulam, ut auctor est Galenus libr. de affectorum locorum notitia quarto, ubi ait: Fauces uoco internum oris locum, ubi simul conueniunt & gulæ & gutturis partes extremæ. In quo significato dicit etiam accipi ab Homero dū ait Vinum & frusta carnis humanæ per fauces Cyclopi erumpere. Neq; aliud apud Hippocratem significare tradit. Nā præ sagiorum libro 3. exponens uerba illa Hippocratis, Angina autem grauissima est, celeriterq; enecat, si neq; in faucibus, neq; in ceruice quicquam apparet. Per ceruicem, inquit Galenus, collū intelligit: Fauces uero, aperiendo os, ac linguam comprimendo deorsum, euidentem amplitudinem, in qua gemina hostiola uisuntur, tum gulæ, tum etiam gutturis. Neq; etiam aliud per fauces intelligit Galenus libro de utilitate partium 7. cum ait: Tracheam arteriam per larynga, id est guttur, pharyngi id est faucibus copulari: quanquam postea idem circa eiusdem tractationis libri octauii initia scribat, tracheam arteriā pharyngæ quiuoce illi quæ est ante larynga nominari. Sed hic de proprio & usitato pharyngos significato loquimur. Amplius quid sint fauces, ubi agit de musculis faucium, hijs etiam uerbis declarat, dicens: Spatium quoddam præiacet, commune gulæ ac gutturis, ad quod commune spatium utrunq; orificium terminatur. Vocant autem spatium quidem ipsum ἴσθμους, quoniam angustum est, &

ob-

oblongum. Corpus aut ipsū comprehendens φάρυγξ nominant, id est fauces, quibus utrinq; unus est musculus, qui & deglutitioni & locutioni obseruit. Cæterū pro faucibus Arabicæ translationes guttur habere solent, & sic etiam accipit Auicenna Canonis libro 3. fen 9. cap. 1. dum ait, Per guttur intelligimus spatiū illud in quo sunt meatus anhelitus & cibi. Per quos etiam meatus anhelitus & cibi intelligere oportet orificia ipsa tracheæ arteriæ atq; meri, non autem tota corpora. Certum enim est fauces non continere utrunq; meatum anhelitus & cibi, si per meatum anhelitus totā tracheam arteriam; per meatum uero cibi, totum meri intelligamus, quæ ad collum, non ad fauces attinent. Porro canonis libro 1. æqui uoce utitur hoc nomine guttur. Primum enim cum dicit guttur duo habere paria, quæ ipsum ad inferiora trahunt, per guttur intelligit tracheam arteriam; cum uero postea in fine capitis dicit, Gutturis uero musculi sunt duo musculi gutturosi apud gulam positi, in transglutiendo adiuuantes, per guttur intelligit pharynga, id est fauces, quas gurgulionem uocat Hali abbas. Hæc autem nominis gutturis hic æqui uocatio probari potest ex hijs quæ Galenus in suis de anatomice libris de quatuor musculis tracheæ arteriæ scribit, qui ipsam contrahunt angustantq; & duobus faucium, qui tam uoci quàm etiam deglutitioni obseruiunt. Verū si proprie loqui uoluerimus, guttur non pharyngi aut faucibus accommodabimus, sed laryngi potius, id est, parti extremæ os uersus tracheæ arteriæ, quæ pars extrema ad pharynga & fauces terminatur. In gutture autem, ut Galenus tradit, est lingua quam epiglotti da Græci uocant, & à Plinio minor lingua, à recentioribus uero sublinguium, & ab Auicenna lingua fistulæ appellatur. Et hæc maxime proprium uocis instrumentum est. Etenim cum moderate & apperitur & cōmittitur, uocem efficit: quāquam uocem reddi impossibile est, nisi uehementer spiritus egrediatur, id uero ad intercostales per

Guttur.

Epiglottis.

Lingua minor.

Sublinguium.

Lingua fistulæ.

Vocis instrumentum.

VVAE, FAUCIBVS, COLLO.

Bronchus.

FAUCES.

COLLVM.

Colli partes.

Trachea arteria.

Aspera arteria.

Iugulum.

Gorgulio.

Fistula spiritalis.

Arteria uocalis.

Cana pulmonis.

Canalis animæ.

Guttur.

Fistula cibalis.

Gula.

Stomachus.

Oesophagus.

Meri.

tinete musculos. Porro apud Auicennam prima primi doct. 5. sum. 2. capite 11. epiglottis non est lingua minor à Plinio uocata, sed larynx, hoc est membrum cartilagineum, creatum, ut inquit, ut sit uocis instrumentum, quod quidem ex tribus compositum est cartilaginibus. Et hoc etiam de larynge Galenus libro de sanitate tuenda 6. non autem de lingua minore dicit. Neque membrum hoc bronchus à Græcis, sed bronchi caput nominatur: quoniam, ut lib. 1. de locis affectis inquit Galenus, & ipsam arteriam bronchum nominant. Suntque tum gulæ tum tracheæ arteriæ pori & orificia, non colli, sed oris partes, quoniam in faucibus continentur. Fauces autem licet sint in confinio oris & colli, ad os tamen magis uidentur pertinere, quemadmodum & palatum. Demum fauces Plinius summum gulæ nominat, quemadmodum postremum cui uenter adnectitur, stomachum. Collum.) Colli notio manifesta est. Fuit autem à summo rerum opifice creatum collum, gulæ causa & tracheæ arteriæ, quæ partes eius sunt: hæc anterior, illa posterior: hanc qua spiritum trahunt redduntque animantia, Celsus asperam arteriam, Hali abbas iugulum, M. Varro libro de re rustica 2. gurgulionem uocat, dum ait: Hircus molliori pilo & potissimum albo, ac ceruice & collo breue, gurgulione longiore. Alij fistulam spiritalem, nonnulli arteriam uocalem, aliqui cannam pulmonis, alij canalē animæ, multi guttur appellant. Illam uero posteriorem, quæ inter fauces & os uentriculi media est, & qua cibus potusque deuoratur, aliqui cibalem uocant fistulam, Plinius gulam, Celsus & qui post Aristotelis sæculum scripserunt, stomachum appellant, Aristoteles uero & ueteres Græci œsophagon, Auicenna & Arabes & horum imitatores nostrates, merin. Vbi animaduertendum est apud Plinium in omnibus ferè codicibus male transpositas esse has duas dictiones interior & exterior: sicque legendum esse, ut exterior ad arteriam, interior uero ad gulam referatur: eritque hæc

hęc genuina et syncera Plinij lectio, Sub ea minor lingua
epiglossis appellata. Opera eius gemina duabus interpo-
sita fistulis, exterior earum arteria ad pulmonem atq; cor
pertinens, hanc operit in epulando, ne spiritu ac uoce il-
lac meante, si cibus ac potus in alienum deerrauerit tra-
mitem, torqueat. Altera interior est, appellatur sane gula
qua cibus atq; potus deuoratur: tendit hæc ad stoma-
chum, inde ad uentrem: & reliqua. *Quæ mollienda sunt.*)
Hoc est, ceruicis & colli & horum neruorum duricies,
conuulsiones & rigores. Estq; in triplici differentia hoc
malum, de quo Celsus medicinæ libro 4. sic scribit: A ca-
pite transitus ad ceruicem est, quæ grauibus admodum
morbis obnoxia est: neq; tamen alius importunior acu-
tiorq; morbus est, quàm is qui quodã rigore neruorum,
modo caput scapulis, modo mentum pectori annectit,
modo rectam & immobilem ceruicem intendit: priorem
Græci opisthotonon, insequentem emprosthotonon, ul-
timũ tetanon appellant: quamuis minus subtiliter qui-
dã indiscretis his nominibus utuntur. Ea sepe intra quar-
tum diem tollunt: si hunc euaserunt, sine periculo sunt.
Omnia eadem ratione curantur, idq; conuenit. Hęc ille,

Cervicis rigores

Opisthotonos,
Emprostho-
tonos.

Tetanos.

Aegrescunt teneræ fauces, cum frigoris attri
Vis subiit, uel cum uentis agitabilis aër
Vertitur, atq; ipsas flatus grauis inficit unda,
Vel rapidus clamor fracto cum forte sonore
Planum radit iter, sic est Hortensius olim
Absumptus, causis etenim confectus agendis
Obtruncit, cum uox domino uiuente periret,
Et nondum extincti moreretur lingua disciti,
Ergo omni studio quæres inhibere dolorem,

Aegrescunt.) Inter uerborum formationes est & illa quæ *Aegrescere*.
Inchoatiua dicitur uerborum species, quæ rem inchoa- *Verba inchoa-*
tam, futuram tamen significat, & uini incipiendi dun- *tina.*

VVAE, FAUCIBVS, COLLO.

Frigus.

Aquilo.

taxat in effectu habet. Hæc Sco sylaba terminantur, quorum quædam deducuntur ex appellationibus: sic, ex igne est ignescit, ex flamma flammescit, ex dumis dumescit, ex herba herbascit, ex ægro ægrescit. Et hæc perfecta non habent omnino, suntque coniugationis tertiæ: autor Diomedes. *Teneræ*.) Molles, & quæ facile à leui causa afficiuntur atque leduntur. *Cum frigoris*.) Enumerat primo causas aliquot affectionum quæ faucibus accidunt, inter quas potissimum est frigus, quod occurrens & fauces offendens, ipsarum substantiã condensat, humores in unum cogit ac comprimit, & membrum ipsum refrigerando & deficcando alterat, duriciemque & asperitatem, nonnunquam uero & tumores efficit non citra dolorem. Et hoc sæpius fit ubi cibibus & potus assumitur frigidus, aut ubi aer occurrit frigidus, ceu fit hyeme: quæ, ut Celsus testatur lib. 2. quicquid in faucibus mali contrahitur, irritat. Et quod Hippocrates libro 6. de epidemijs ait, Magnum frigus uenas frangit, tussesque ciet: quemadmodum & nix geluque & glacies couertit, angitque adeo uti tonsillæ, præfocationes, collectionesque duræ creentur. Et in constitutionibus aquilonijs, ut idem tradit Hippocrates, qui aphorismorum libro 3. sic prodit: Si aquilonia præualuerit tempestas, tusses, fauces, alui duræ. Quem aphorismum exponens Galenus ait, In aquilonijs fiunt tusses, propter uidelicet instrumentorum respirationi obseruentium intemperiem, & propter faucium asperitatem, de qua nobis insinuauit adiungens uerbum illud FAUCES, ut subintellexeremus, patiuntur. Nam solet hoc modo loqui aliquando. Licet autem & simul duo coniungentes legere, fauces, alui duræ: ut nonnulli expositores legendum existimarunt. Nam fauces in aquilonijs constitutionibus apparent duræ, quoniã exiccantur ac refrigerantur, et uenter inferior dura excernit, & propter temporis constitutionis temperaturã quæ uergit ad siccitatem toto corpore exiccato. Nam, ut post idem inquit Galenus, cum frigidus

ac

ac ficans uentus fit aquilo, omnes corporis consumit superfluitates. Amplius Celsus libro 2. Ex tempestatibus, inquit, aquilo fauces exasperat. *Atri.*) Nigri, ab effectus membra enim quæ afficit, adurendo ad nigrorem perducit. Celsus libro 1. Frigus summam cutem facit pallidam, aridam, duram, nigram. *vis.*) Violentia & intemperies. *Subijt.*) Intrauit, penetrauit, & penetratione sua adussit. Vergilius Georgicon lib. 1. Aut boreæ penetrabile frigus adurit. *Ventis agitabilis aër.*) Ponit nunc aliam affectionum faucium causam priori contrariam. Hæc autem est constitutio austrina, quæ humida est natura & calida, propter quod faucibus grauis est, & maxime quidem propter humiditatem, conferente tamen ad idem & caliditate. Cum enim humectet, ob id, quando fauces offendit, humiditatum excessus, superfluitatumque multitudo ad ipsas colligitur. Et quia calefacit, ob id etiam humiditates in capite collectas dissoluit & ad partes inferiores tum alias tum fauces colligendo fluere facit, ubi postea collectæ fluctiones atque firmatæ, ipsas inflammant, & intumescere faciunt, doloreque afficiunt. Nec modo fauces ipsæ & partes adiacentes talia patiuntur ab austro, sed & caput ipsum et sensuum instrumenta, imò & uniuersum corpus, & mens quoque ipsa male afficitur ab eodem, ut autor est Hippocrates libro aphorismorum 3. cum ait, Austri auditum hebetantes, caliginosi, caput grauantes, pigri, dissoluentes: quando huiusmodi tempestas præualuerit, talia in morbis patiuntur. Et post, Quotidianæ autem constitutiones, austrinæ dissolunt corpora, & humectant, auditum obtundunt, capita aggrauant, & uertigines faciunt, oculis atque corporibus difficilem motum præstant. Item Vergilius Georgicorum lib. 1. Verum ubi tempestas, & cæli mobilis humor Mutauere uias, & Iupiter humidus austris Densat, erant quæ rara modo, & quæ densa, relaxat, Vertuntur species animorum, & pectora motus Nunc alios, alios dum nubila uentus agebat Concipiunt. Cæc

Auster.

VVAE, FAUCIBVS, COLLO.

AER.
Ventus.

Nubes.

Clamor fortis.

terum quod dicit Serenus, VENTIS AGITABILIS AER, ex hoc manifesto patet non unum & idem esse uentum et aërem, ut falso putauerunt aliqui, sola ratione distinguentes ista, non autem substantia, cum tamen diuersa sint & substantia & ratione. Aër enim corpus est simplex & unū ex quatuor elementis mundi. Ventus uero est exhalatio calida & sicca, à sole & astris eleuata, & lateraliter transuersa nunc hac nuc illac mota & à nube debiliter reperi cussa. Et ex hoc nubem etiam aliud à dictis esse, cōtra eosdem, clarum est. Nubes autem ex uapore fit qui calidus est et humidus, ut potentia aqua et facile à frigido densante & constringente in aquam conuertibilis. Sed de hac re copiosius Aristoteles meteororum libro 3. qui uolet, illic requirat. Vertitur.) Conuertitur & ad aliam ceu austrinam permutatur constitutionem. Ipsas.) Scilicet fauces & partes uicinas. Flatus.) Ventus. Inficit unda.) Hoc est, humiditate afficit et humectat. Rapidus clamor.) Tertia causa quæ fauces lædit, est uelox, concitus, uehemens & impetuus clamor. Fractio.) Rupto, & qui non in eodem statu permanet, sed uariatur, & nunc cum impetu more eorum qui ira & furore concitantur, erumpit: nunc paulisper intermittitur: demum iterum in nulla permanens consistentia, nunc impetuose agitur, nunc quietius fertur, & continuo interpellitur, frangitur & interrumpitur, ad modum sonitus tubæ. Vergilius Georgicon libro 4. Et uox auditur fractos sonitus imitata tubarum. Forte sonore.) Sonitu magno, graui & uehemente. Vergilius: Magno ueluti cum flamma sonore Virgea suggeritur costis undantis aheni. Planum iter.) Fauces, guttur, & asperam arteriam, quæ spiritus uia sunt ac iter per quæ com meat. Et quāuis trachea arteria ex parte exteriori sit aspera, ut Celsus ait, ex interiore tamen, stomachi modo, leuis est. Radit.) Corradit, lacerat & exasperat. Idem refert Lucretius libro de natura rerum quarto dicens: Corpoream quoque enim uocem constare fatendum est, Et sonitum

rum, quoniā possint impellere sensus, Præterea radit uox fauces sæpe, facitq; Asperiora foras gradiens arteria clamor. Vbi etiam neutro genere usus est dictione arteria, sic dicta, ἀπὸ τοῦ ἀέρος καὶ τῆς ἔμ, hoc est, ab aëre & seruando. sic.) Propter nimium clamorem & uociferationē. Hortensius.) Q. Hortensius is est, qui suis tēporibus, uti Vale Q. Hortensius Maximus tradit libro 5. ornamentum Romanæ eloquentiæ fuit: de quo idem libro 8. sic etiam scriptum reliquit, Q. autem Hortensius plurimum in corporis decoro motu repositum credens, penē plus studij in eodem laborando, quā in ipsa eloquentia affectanda impendit. Itaq; nescires utrum cupidius ad audiendum eum, an ad spectandum concurreretur, sic uerbis oratoris aspectus, & rursus aspectui uerba seruiebant. Constat Aesopum, Rosciumq; ludicræ artis peritissimos, illo causas agente, in corona frequenter astitisse, ut foro petitos gestus, in scēnam referrent. A. Gellius uero Atticarum noctium libr. 1. de eodem quoq; sic refert: Hortensius omnibus ferme oratoribus ætatis suæ, nisi M. Tullio, clarior, qui multa cum mundicia & circumspecte compositē indu tus & amictus esset, manusq; eius inter agendum forent argutæ admodum & gestuosæ, maledictis, compellationibusq; probrosis iactatus est, multaq; in eum quasi in histrionem, in ipsis causis atq; iudicijs dicta sunt. Sed cum L. Torquatus subagresti homo ingenio & infestiuo, grauius, acerbiusq; apud consilium iudicum, quum de causa Syllæ quæreretur, non iam histrionem eum esse diceret, sed gesticulariam Dionysiamq; eum notissimę saltatriculæ nomine appellaret. Tum uoce molli atq; demissa Hortensius, Dionysia, inquit, Dionysia malo equidem esse, quā quod tu Torquate ἀμουςος, ἀγροδίατος, ἀπρόσιτος. Hactenus ille. Existimatus est autem aliquādo Hortensius Ciceronis æmulus, eius tamē scripta intra famam fuerunt. Meminit uiri clarissimi Cicero in oratione pro P. Sylla, Et memoriam eius, quę maxima fuit in homine,

VVAE, FAUCIBVS, COLLO.

Causas agere. concelebrant Quintilianus & Seneca, neq; silentio præterijt Cicero in quæstionibus Tusculanis, & maxime in Bruto ad finē, ubi multa de eo reperies. *Absumptus.*) Consumptus, defatigatus et uiribus destitutus. *Causis agendis.*) Causis turandis & tractandis apud iudices. *Martialis:* De clamas belle, causas agis Attale belle. *Confectus.*) Fatigatus, deficiens, & quasi suffocatus, interfectusq;. *Conficere.* re enim proprie interficere est. *Vergilius:* Nunc uulnus acerbum Conficit. *Obtuit.*) Conticuit & obmutuit, propter læsionem quæ ex uehementi uociferatione, faucibus & uocis instrumentis infertur. Ingens enim clamor similem inflammationi circa membranā quæ faucibus & gutturi communis est, atq; gutturis musculos, parit affectum, propter quem cum immobiles redduntur uel claudentes uel aperientes guttur musculi: qui sic afficitur, obmutescet: cum uero uel difficulter mouentur, uel uibrant, uel tremunt, pro affectionis ipsius modo, uocis etiam fiet læsio. *Vox.*) Vox, inquit Aristoteles in hijs qui sunt de anima, est sonus aëris ab anima respirati, percussu ad uocalem arteriam, cum alicuius significationis imaginatione. Estq; solius animalis, tamen non omnis. *Vocis instrumenta.* Est etiam uox uocalium instrumentorum munus. Instrumenta uero uocis sunt guttur, & musculi ipsum mouentes, atq; nerui, qui à cerebro ipsis uim deferunt. Nec eadem res est uox & sermo siue loquela. *Sermo uel loquela.* Loquela enim, auctore Galeno de locis affectis libr. 4. munus est instrumentorum quæ sermoni deputata sunt, inter quæ lingua principatum obtinet, cui non parum conferunt, & nares, & labra, & dentes. *Domino.*) Hortensio. *Viuenti.*) Ad uocis nanq; defectum, non statim etiam uita tollitur. Vocis etenim usus haud necessarius est ad uitam. *Nondum extincti.*) Adhuc uiuentis. Quemadmodum enim ad uocis, ita etiam & multo minus ad loquelæ defectum, non statim uita tollitur: neq; etiam ad loquelæ defectū, uox ipsa aut aliarum expirationum aliqua tollitur, sed bene ad

ex

expirationis alicuius aut uocis uitium, loquela quoq; de-
perditur. *Morretur.*) Propter nimiam uociferationem
lassata langueret & à loquelæ munio deficeret. *Lingua.*) *Lingua.*
Hæc enim loquelæ & sermonis instrumentum est præci-
puum, articulatim uocem distinguens et loquendi usum
præstans. *Diserti.*) Eloquentis & uiri clarissimi Horten-
sij. Ergo.) Propter mali periculum. *Inhibere.*) *Inhibere.*
Compri mere & sedare. Differt autem à Prohibere, quoniam hoc *Prohibere.*
commune est etiam ante rei inchoationem: illud uere de
re iam inchoata dicitur.

Simplicibus lymphis confunditur aëreum mel,
Additur excussus niuea similagine furfur,
Decocta hæc clauso simul exercentur in ore.
Præterea fauces extrinsecus ungere prodest
Vrsino & tauri seuo carisq; remissis.
Omnia quæ geminis æquabis lancibus ante.

Simplicibus lymphis.) Aquæ puræ cui nihil alieni permixtū *Aqua simplex.*
est, qualis est ea quæ in communi hominū usu est, & bibi-
tur, quæ maxime probata haberi debet, uti Columella scri-
bit, sine qua nemo nostrum uel prosperæ uel aduersæ ua-
letudinis uitam proroget. Subiungit autem nunc Sere-
nus faucium malis medicamenta, quorum primum in-
tus applicandum & gargarizandum, est liquor & cremor
furfuris ex aqua & melle simul coctis. Cuius utilitas est
mollire, lenire, detergere, discutere & dolorem mitigare.
Aëreum mel.) Quod ex aëre decedit, & cuius materia ros *Mel aerium.*
est, & humor sublucanis temporibus in arborum folijs
concretus roscidus & sapore melleus. Estq; duum gene-
rum. Vnum in aluearibus apium opera congestum & ela-
boratum, & de quo agunt rusticæ rei scriptores, Varro,
Columella, & Vergilius, qui de eo dicturus quartū Geor-
gicon librum sic inchoat: Protinus ærei mellis cælestia
dona Exequar. Et de hoc naturalis historiæ libro 11. cap. 12
sic scribit Plinius, Venit hoc ex aere & maxime syderum

VVAE, FAUCIBVS, COLLO.

exortu, præcipueq; in ipso Syrio exsplendescente fit, nec omnino prius Vergiliarum exortu sublucanis temporibus. Itaq; cum prima aurora folia aiberū melle roscida inueniuntur, & si qui matutino sub diuo fuere, unctas liquore uestes, capillumq; concretum sentiunt, siue ille est cæli sudor, siue quædam syderum salua, siue purgantis se aëris succus, siue aquæ est, & purus ac liquidus & suæ naturæ, qualis defluit primo. Nunc uero è tanta cadens altitudine, multumq; dū uenit sordescens, & obuiò terræ halitu infectus, præterea à fronde ac pabulis potus & in uterculos congestus apum, ore enim uomunt: ad hæc succo florum corruptus, & alueis maceratus, rotiesq; mutatus, magnam tamen cælestis naturæ uoluptatem adfert. Hactenus Plin. de melle aereo ab apibus congesto & elaborato: quod faucium uitij, ut lib. 2. testatur Dioscorides, & tonsillis medetur & anginis; imò, ut libro 22. tradit Plin. omnibus oris desiderijs utilissimum est, in quem usum gargarissatur & eo colluunt os. Alterum roris uel aëris mel quod super plātas coagulatur est quod in uascula tale excipitur & colligitur quale ex aëre decedit: Idq; etiā in duplici quasi differentia, Vnū duriusculum & saccharum ab antiquis appellatum: Alterum liquidius & mel roris aut aëris à Galeno uocatum, & de quo in tertio de alimentis libro sic scribit idem: Fit hoc in plantarum folijs, neq; tamen succus earum, neq; fructus, neq; pars est, sed eiusdem cum rore generis, nō ita tamen assiduo, nec copiose prouenit. Memini uero aliquando in æstate super arborum, fruticū, herbarumq; folia mellis quàm plurimum repertum fuisse, ut ludentes rustici dicerent, Iuppiter melle pluit. Precesserat aut nox, ut per æstatē, satis frigida: nam tum anni æstiuum tempus erat, pridieq; calida & sicca fuerat aëris constitutio. Quam ob rem peritis naturæ interpretibus halitus è terra atq; aquis prodeuntes, solis calore exacte attenuati ac cocti à frigore securæ noctis in unum coacti & densati uidebantur.

Sed

*Mel roris uel
aëris duplex.*

Sed apud nos raro id accidit, in mōte autē Libano quorū annis persæpe, adeo ut expansis super terram uelleribus, mel à concussis arboribus decidens excipientes, ollas ac fictilia plena referant, uocantq; id roscidum mel, aut aëreum. Proinde liquet materiam ex qua mel generatur, rori congenerem esse. Videtur autem & ex plantis, in quarum folijs mel colligit, boni maliūe quidpiā posse acquirere. Ideoq; laudatissimum in locis thymo alijsq; herbis ac fruticibus sicci temperamenti prædense confitis inuenitur, quia tenuioribus partibus constat mel in huiusmodi plantis collectum. Quoniam autem tenuium partium est, necessario etiam acre sentitur, ideoq; aluum ad excitationem proritat. Hæc ille. Ex cuius uerbis liquido constat mel aëreum, de quo ait, esse id quod Arabes & illos sequuti nostri temporis medici mannam uocant, & à Mesue ita quoq; describitur: Manna est ros supra plantas & lapides cadens, cuius materia est uapor qui eleuatur, cui accidit digestio & maturatio in aëre, quando est æqualis & foecundus lætis aspectibus. Diuersificatur autē secundum diuersitates rerum super quas cadit. Cadens enim super lapides est sicut guttæ paruæ quæ congelantur & fiunt sicut semen. Et cadens super plantas suscipit de uirtute plantarū et est cū permixtione particularum foliorum & florum. Educit choleram cum facilitate, & ipsa quidem lenit guttur & pectus & uentrem, & est sedatiua sitis. Hucusq; Mesue, cuius uerbis Arabum mannā idem esse cum Galeni melle aëreo, manifesto patet. Dico autē Arabum mannam, apud Græcos enim longe aliud significat, utpote, thuris pollinem. Porro duriusculum illud quod saccharum ab antiquis appellatur, mellis speciem esse, uel Dioscoridis autoritate manifestum est, qui libro 2. cap. 73. post mellis tractationē sic ait, Vocatur & quoddam saccharum mellis genus existens in India Feliciq; Arabia concreti. Inuenitur id in harundinibus concretionē sua sali simile, & quod dentibus subiectum salis

Mel aëreū Galeni idem cum manna Arabū.

Manna Arabū aliud à manna Græcorum, ut quæ thuris pollin. Saccharum mellis species.

VVAE, FAUCIBVS, COLLO.

modo friatur. Cui & Galenus non dissona scribit libro de simplici medicina 7. inquit: Sed & sacchar, ut uocant, quod ex India atq; Fœlici Arabia conuehitur, in calamis, ut aiunt, concrefcit. Est uero & ipsum mellis species. Nec idem Plinius ignorauit, qui libro naturalis hiftoriæ 12. ca. 8. de eo sic prodiit: Saccharon & Arabia fert, sed laudatius India. Est autem mel in harundinibus collectum, gummium modo candidum, dentibus fragile. Ampliffimum nucis auellanæ magnitudine ad medicinæ tantum ufum. Et hoc est quod Archigenes mel harundineum & salem Indum uocat. Quo Indici falis nomine & à Paulo Aegineta libro 2. cap. 54. de asperitate linguæ uocatur cum ait: Et fal Indicus colore quidem & concretionē fimilis communi fali, gustu autem melleus. Et Auicenna Canonis fui fen prima quarti tract. 2. capite 23. de eodem sic ait: Et teneant in ore suo salem qui asportatur de India, & est in colore falis, & dulcedine mellis. Et sumat de eo, secundum quod dixit Archigenes, quantitatē fabæ unius. Sed hætenus de mellis speciebus & saccharo quod mellis species est, aliud tamē à nunc uocato zuccaro. Quod quale fit & de omnibus mellis speciebus ac manna ipsa, qui plura uolet, is legat quæ hac de re copiose satis scripserunt reconditæ eruditionis & exquisiti iudicij uiri & medici celeberrimi Ioannes Manardus epistolarum medicinalium libro 2. & post hunc Leonhartus Fuchsius paradoxorum libro 1. Niuea similagine.) Simila candida & alba, quæ ex tritico fit laudatiffima. Est autem simila siue similago, candor & deliciæ farinæ triticeæ, ut Plinius scribit libro 13. Cuius laudes nec Martialis ipse tacuit hoc carmine: Nec dotes poteris similæ numerare, nec usus: Pistori toties cum sit & apta coquo. Furfur.) Triticeæ farinæ purgamentum. Plinius libro 22. capite 25. Tritici furfures tonfillis, faucibusq; gargarisatione profunt. Vrsino & tauri seuo.) Hæc enim refrigeratas partes calfaciunt, aspredines leniunt, duricies molliunt

Mel harundineum.
Sal Indicus.

Saccharū aliud à zuccaro nostro.

Simila
Similago.

Furfur.

Adeps urfi & tauri.

liunt & humores discutiunt. *Ceris.*) Ceræ usus ad mul- *Cera.*
 ta necessarius, nec usus eius quos mixta alijs præstat, enu-
 merare medicina possit. Estq; aliorum medicamentorum
 materia. Discutit autem atq; emollit; unde Celsus libro 5.
 inter discussoria medicamenta ipsam quoq; cõnumerat,
 inter mollientia uero tum ceram tum seuum & adipem.
 Sed quomodo fiat cera, docet Columella libro 9. cap. ult.
 Plinius libro 21. cap. 14. & Palladius libr. 7. cap. 7. *Remissis.*)
 Dissolutis & liquefactis. Vergilius: Nã frigore mella Co-
 git hyems, eademq; calor liquefacta remittit. *Geminis.*) Bi-
 nis. Libra enim binas habet lances, unde & bilances ali-
 quando dicuntur. *Aequabis.*) Aequo pondere mensura-
 bis & accipies. *Lancibus.*) Lances libræ sunt partes, qui- *Lances.*
 bus pondus & res ponderanda imponuntur. Persius Sa-
 tyra 4. Scis etenim iustum gemina suspendere lance Anci-
 pitis libræ, rectum discernis, ubi inter Curua subit, uel
 cum fallit pede regula uaro. Libra autem instrumentum *Libra.*
 est quo res cum lancibus ponderantur, & alio nomine bi- *Bilanx.*
 lancem uocant. Instrumentum uero quo res sine lanci- *Statera.*
 bus ponderantur, statera dicitur. At trutina proprie fora *Trutina.*
 men est in quo examẽ regitur. Persius: Examenq; impro-
 bum in illa castiges trutina. Examen uero dicitur proprie *Examen.*
 lingua qua trutina regitur, Vergilius: Iuppiter ipse duas
 æquato examine lances. Accipitur etiam lanx, quæ & lan- *Lanx.*
 gula à latitudine dicitur, pro uase escario. Iuuenalis: Aspi *Langula.*
 ce quàm magno distendat pectore lancem. Est deniq; uas
 diuinis aptum lanx. Ausonius: Thuribula & pateræ, quæ
 tertia uasa deũ; Lanx. *Ante.*) Scilicet priusquam si-
 mul commisceas.

Disce etiam miram ex humili medicamine curam,
 Ac cyatho mellis iungas agreste papauer,
 Decoctumq; simul mandes, mansumq; uorabis.
 Crinitæ porri radices quinq; coquantur,

D d

VVAE, FAUCIBVS, COLLO.

Hinc aqua non feruens uoluitur fauce sonora,
Nec tamen in stomachũ descendat gutta patētem.

Cyathus. Humili.) Non precioso, sed quasi uili & plebeio, quod uel pauperrimo cuiq; ad manus sit citra expensas magnas. Cyathus.) Hoc est uncis duabus & semis, quæ faciūt drachmas uiginti: licet Plinius naturalis historiæ libro 21. cap. ultimo, cyathum pondere in se cōtinere dicat drachmas decem, quũ ait, Cyathus pender per se drachmas decem. Sed si Aphricano credimus, cyathus non tantum decem sed plures etiam continet drachmas, easq; non una differentia, sed diuersis iuxta rerum diuersitatem. Nā cuiusq; materiæ mensurarum pondere plurimæ sunt differentiæ.

Congius pro chus. Vnde cum Congius siue chus sextariorum sex sit, pondere autem, ut Aphricanus tradit, uini quidem quatuor & decem librarum, olei uero nouem, mellis autem quinque & decem, Sextarius autem cyathos contineat duodecim. Nam quẽadmodum uncia librę, ita cyathus sextarii pars est duodecima. Hinc est quod sextarius uini pondere facit libras duas & uncias quatuor: olei, libram unam & semis: mellis, libras duas & semis. Cyathus uero uini facit uncias duas, drachmas duas & scrupulos duos, hoc est drachmas decem & octo & scrupulos duos. Cyathus olei unciam unam & semis, quæ sunt drachmæ duodecim. Cyathus mellis uncias duas & semis, hoc est drachmas uiginti. Vncia siquidem drachmas continet octo, Drachma. drachma uero scrupulos tres. Agreste papauer.) De papauer a- uerum generibus dictum est in superioribus. Agreste il- greste. lorum, ut Plinius etiam testatur libro 18. in miro usu est melle decoctum ad faucium remedia. Et, ut idem libro 20. inquit, papauer syluestre decoquitur & bibitur contra uigilias, eademq; aqua fouet ora. Et hoc quoniam in fauces destillationes cōpescit. Crinitæ porri radices.) Vocat porri radices crinitas, quasi capillatas, quoniam multas paruas radículas tanquam crines et pilos ex se habent dependen- tes

tes. Quod autem ad naturam eius attinet, Porru, ut Dioscorides libr. 2. tradit, purgat fauces & animæ canalem in cibo sumptum. Verum stomacho nocet. Quare Serenus decoctum eius gargarisari tantū iubet, & ita quidem nequid de ipso in stomachum transmittatur propter nocuum mentum quod illi infert. *Non seruens.*) Sed egelida & tepida. *Stomachum patentem.*) Ventriculum apertum & am *Stomachum*, hoc est, corporis cavitatem quæ cibum recipit & in qua prima concoctio perficitur. In quo significato stomachi uocabulo utuntur etiam nostri temporis medici; nec non Plinius quoq; & interdum Celsus, licet hic etiam pro gula accipiat.

Si uero adflictam languor deiecerit uuam,
Tunc horas aliquot pronus recubare memento,
Aut illam puluis tostī releuabit anethi,
Aut cinis ex cochlea, uel torrida brassica flammis.
Ast angina nitro mixtum sale poscit acetum,
Quod refert clauso uersatum agitare palato.

Si uero adflictam.) Docet nunc affectionibus & relaxationi uuæ medicari. Descendit enim aliquando cum inflammatione & dolore, tuncq; quoniam sine periculo præci di non potest, terrori est: quod Celsus etiā testatur libr. 6. dicens: Vix uehemens inflammatio terrere quoq; debet. Aliquando uero omnem citra inflammationē est, tuncq; si ultra iustum modum deducitur, pituita causa est, hæcq; leuior est prima & curæ faciliore. *Pronus.*) In uentrem *Pronus cubitus*, ac faciem uersus, estq; pronus contrarius supino. Plinius *Supinum*, libr. 28. Supini cubitus oculis conducunt, at proni tussibus, nec modo tussibus sed & uulæ relaxationi, ut hic nos docet Serenus. *Puluis tostī anethi.*) Cinis anethi. Plinius *Cinis anethi*, libr. 20. Cinis anethi uuam in faucibus leuat. Imò suffumigatio, ut nona tertij scribit Auicenna, cū ramis anethi, est ex eis quæ constringunt uuam ualde. *Cinis ex cochlea.*) *Cinis cochlearum*. Idem testatur Plinius libr. 32. Teste ostreorum cinis uuam rum.

Dd 2

VVAE, FAUCIBVS, COLLO.

Cinis brassicæ. sedat & confillas admixto melle. *Torrída brassica flammis.*)
Hoc est, igne combusta & in cinerem redacta brassica, id
est, cinis brassicæ, Plinius libro 20. cap. 9. Radicum cinis
Angina. uuæ in faucibus tumentis tactu medetur. *Ast angina.*) Po-
nit nunc remedium cōtra anginam, quæ quid sit & quot
eius genera, paulò altius repetendum ex Galeno, qui de
locis affectis libro 4. cap. 5. sic scribit: Præterea in præfagio
rum libro uidetur Hippocrates anginæ nomine appella-
re omnes affectus gutturi accidentes, quos spirandi diffi-
cultas comitatur. Inquit enim: Angina periculosissima
est, celeriterq; enecat, si neq; in faucibus, neq; in ceruice
quicquam apparet, si dolor uehemens est, si uix spiritus
trahitur, etenim eodem die iugulat, licet interdum usque
ad alterum aut tertium aut etiam quartum protrahatur.
Quæ uero in reliquis, non minore quidem dolore afficit,
in faucibus uero tumorem, ruboremq; excitat, superiori
nō minus periculosa est, sed longius spatium habebit, præ-
cipue si uehemēs fuerit rubor. Sed tum præcipue malum
prolongatur, cum non solum fauces, sed ceruicem quoq;
rubor occupat. Maxime uero potest ab ea secunda ualetu-
do contingere, si rubor simul & ceruicem & pectus com-
prehendat, neq; ad interna reuertatur erysipelas. Igitur
ex hijs uerbis haud dubia coniectura est, omnes affectus
qui huic loco accidūt, si spirationem quoquo modo red-
dant deteriore, ab ipso cynanchas (id est, anginas) no-
minari. Nondum solitis medicis cynanchen per c. synan-
Cynanche. chen uero per s. nominare: tantum abest, ut uel paracy-
Synanche. *Paracynanche.* chen uel parasyanchen dicerent. Quippe tum pri-
Parasyanche. mum homines res ipsas neglexerunt, cum nimio studio
Nomina quæri nomina quærere inciperent. Itaq; quatuor inuentis no-
res negligi. minibus, quatuor affectus significari dicebant. Ac notas
ipsum tradere aggressi, genus illud quod supra tracta-
uimus, quum sermonem ex libro uulgariorum morbo-
Anginæ genera rum secundo explicarem, omnino dereliquerunt. Atq;
quatuor, 1 hæc sunt quatuor eorum genera. Primum ubi fauces in-
flam

flammantur. Fauces uoco internū oris locum, ubi simul *Fauces.*
 conueniūt & gulę & gutturis partes extremę. Alterū cum ²
 neq; fauces, neq; reliquę oris partes, neq; etiam externa-
 rum partium ulla inflammata uidetur, laborans tamen
 suffocationis periculum in gutture sentit. Tertium ubi ex ³
 trinsecus circa fauces inflammatio apparet. Quartū ubi ⁴
 gutturis partes, tum externę, tum interiores similiter af-
 fectę sunt. At superest adhuc alius ceruicis affectus, quem ⁵
 ipsi silentio pręterierunt, ubi ad anteriores partes uerte-
 brę luxantur, & quidem solis interdum musculis, qui cū
 ipsis communicant, tumore pręter naturam affectis, uel
 nato ibi tuberculo, interdum etiā faucibus pariter uitia-
 tis. Nonnunquam musculis quoq; quibus fauces guttu-
 ri iunguntur. Quinetiam proprijs aliquādo gutturis mu-
 sculis, qui ipsum aperiunt oblectis. Per omnes id genus af-
 fectus, spirandi quidem difficultas oboritur, sed citra suf-
 focationis periculum, laborantes difficulter deglutunt
 atq; dolore afficiuntur, idq; pręcipue, cum potus eis per
 nares resilit. Hactenus Galenus. *Nitro sale.* Quid sit sal *Sal nitrum.*
 nitrum, dictum est in superioribus. Est enim nihil aliud
 quā nitrum quod sali easdem uires habet, quare etiam
 non minus quā sal ipse ad anginas ualet. Utiturq; nitro
 cum alijs tum suffumigando tum gargarissando Hippo-
 crates libro 2. de morbis. De sale sic tradit Plinius libr. 31.
 Sal quicunq; ad anginas ualet, amplius cum oleo & ace-
 to, eodem tempore extra fauces illitus cum pice liquida.
 Item Corn. Celsus libr. 4. Efficacissimusq; est hic quoq;
 ait, salis calidi succus. *Acetum.* Auicenna fen 9. tertij: Et *Acetum.*
 scias quod inceptio gargarissando cum aceto cum incipit
 passio uux aut synanches est ex eis quę repellunt & pro-
 hibent attractionem humiditatis plurimę, & est cum eo
 prohibitio eius quod eueniet.

At si ceruices, durataq; colla rigeant,
 Mira loquar, geminus mulcebitur unguine poples,

D d 3.

VVAE, FAVCIBVS, COLLO.

Hinc longum, pariter nervos medicina sequetur.
Anseris aut pingui torrentia colla fouebis.
Illinitur ualido multum lens cocta in aceto.
Aut caprae fimus ex bulbo, aut ceruina medulla,
Hoc etiam immotos flectes medicamine nervos.

Cervix. At si ceruices.) Docet nunc ceruicis & colli affectionibus mederi. Est autem cervix colli pars altera, grauibz admodum morbis obnoxia, de quibus iam dictum est. **Rigere.** gebunt.) Rigere est frigere, & metaphorice indurari, contrahi & distendi. Nam quæ frigent, ea quoq; horrent & indurescunt. **Mira.**) Rem admirandam, propter medicamenti uim & loci qui dolet & eius qui inungitur distantiam & conuenientiam. **Geminus.**) Vterq; Mulcebitur **Vnguen.** unguine.) Illinietur, & inungetur. Vnguen dicitur omne illud quod succum habet, siue omnem succum, ex quo aliquid ungi potest. Plinius, Epiphoras bubulo seuo cum oleo cocto illinūt; ceruini cornus cinis scabrics eodem unguine sanat. Aliquando tamen pro axungia uel seuo accipitur. Palladius: Sumes tantundem unguinis, quod uocamus axungiam uel seuū. De axungia sic scribit Plin. lib. 28. cap. 9. Tantaq; est uis anxungia, ut genibus etiam adalligata redeat in os sapor, ea quæ expuere uideantur. Mollit autem, excalfacit ac discutit. Nec modo unguen hoc poplitibus inunctum ceruicis dolores sanat, imò siue unguine aliquo sola fricatio etiā poplitum idem agit, si Plinio credimus, eiusdem libri capite 6. dicenti, In ceruicis dolore poplites fricare, aut ceruicem in poplitum dolore, prodest. **Poples.**) Poples dicitur genu ipsius posterior incuruatio; sic dicta, ut uolūt, quod post plicetur. Vnde & Plinius poplites alternis genibus imponi dicit. Dicuntur etiam poplites, nerui crurum posteriores, flexuraq; suffragium. **Hinc longum.**) Hoc est, magnum est interuallum & distantia longa à ceruice ad poplites, & e conuerso; quare nō immerito mirum cuius uideri potest

test, quomodo medicamentū in uno membro quopiam
 inunctū, in alio tamen multum distante effectum suum
 producere possit et uim suam exercere, illudq; per sanare.
Pariter nervos med.) Hoc est, similiter quemadmodū nerui
 à collo ad poplites descendūt, ita eadē uia per nervos me-
 dicina à poplitib⁹ ad collū ascendit, & ē conuerso. *Anseris*
pingui.) Docet nūc qua re collum ipsum inungendum sit: *Anseris ad epa.*
 & hoc cū adipe anserino: qui tenuium est partiū & ob id
 altius descendit, Calefacit aut, mollit & discutit, quemad-
 modum & alij adipēs omnes. Quod si quis anserinū adi-
 pem habere nō poterit, is Celsum sequat, qui uetere oleo: *Lib. 4. cap. 3.*
 si id non est, Syriaco: si ne id quidē est, adipe quā uetu-
 stissima ceruicē & scapulas & spinas perfricare iubet. Fri-
 ctio enim cū omnibus in homine uertebis utilis sit, tum
 ijs præcipue quæ in collo sunt. Ergo die nocteq; interpo-
 sitis tamen quibusdā temporibus hoc remedio utendum
 est. Dum id intermittitur, imponendū malagma aliquod
 ex calefacientibus. Cauendum uero præcipue frigus: si-
 militer utilissimum esse tradit humido sale fouere cerui-
 ces. Porro ubi leuatus est dolor, moueri q; ceruix cœpit,
 scire licet cedere remedijs morbum. *Torrentia.*) Rigentia
 & indurata. *Fouebis.*) Inunges. *Valido.*) Acri & multum
 acido, & ut Plauti uerbo utar, acidissimo. *Lens.*) *Lens, tis.*
 tis, legumen est uile ac plebeium, pauperum ac tenuiū ci-
 bus. *Lens* in aceto decocta duricies discutit, autore Diosc.
lib. 2. Capræ finus ex bulbo.) Idem testatur Plin. lib. 29. cap. *Capræ finus*
 20. dicens: Dolorem inflexibilem, opisthotonō uocant, le *ex bulbo.*
 uat urina capræ auribus infusa: aut finū cū bulbis illitū.
 An autem sine menda opisthotonō hoc loco legi possit,
 iudicent alij: ego tetanō potius legendum censeo: in quo
 æqualiter & ante & retro fit tētio, & is maxime et proprie
 inflexibilis est. *Capræ.*) Capras à carpendo dictas autor *Capræ unde*
 est M. Varro lib. de re rust. 2. ca. 3. cū ait, Studiose enim de *dictæ.*
 agrestibus fruticibus pascunt, atq; in locis cultis uirgul-
 ta carpūt: itaq; à carpendo capræ nominatæ. Ob hoc in le

VVAE, FAVCBVS, COLLO:

ge locationis fundi excipi solet, ne colonus capra natum in fundo pascat. Harum enim dentes inimici sationis: quas etiam astrologi ita receperunt in coelum, ut extra limbum duodecim signorum excluderint. Sunt duo hædi, *Medulla cerui.* & capra non longe à tauro. *Ceruina medulla.*) Plinius, Ad omnia eadē valet medulla ceruina illita: calefacit enim, discurit & mollit. *imotos flectes.*) Hoc est inflexibiles, rigentes & contractos induratosque reddes mobiles et flexibiles.

Quos autem uocitant Tolles, attingere dextra Debebis qua grillus erit pressante peremptus.

Tolles, tonsillæ.
Glandule.
Amygdalæ.
Antiades.
Paristhmia.

μῦλα, mala.

Isthmi.

GRILLVS.

Tolles.) Ponit nunc remedium contra tonsillas quas ipse tolles uocat, Celsus glandulas, Auicenna & recentiores medici amygdalas, Græci autem antiades, & ab isthmo paristhmia. Sunt autem tonsillæ à lateribus hypoglottidis, quæ sub adhærentē lingua est, prominentes carnes, quibus subiacent, rubedine quidem consimiles, uerum auctiores, orbiculatioresque, *μῦλα*, id est mala, uocata. Et non solum partes has indicant, sed & malum quoque ipsas infestans. Vnde Galenus in expositione aphorismi Hippocratis, cuius initium est, Cum uero iam magis adoleuerint, tonsillæ. Tonsillæ, ait, sunt locorum ad isthmum attinentium inflammationes. Hic autem per isthmum oportet intelligere partem illam quæ os et gulam interiacer, quæ per metaphoram quandam ita nominat ab his qui proprie dicuntur Isthmi. Sunt autem angusti quidam terræ transitus inter duo maria sitæ. Hæc autem tonsillæ sunt non nunquam solius tunicae, uentri ac gulæ, & faucibus, totique oris communis inflammationes, nonnunquam uero & subiectorum ipsi musculorum. *Dextra.) Manu. Grillus.)* Grillo, ut Plin. in hist. naturalis lib. 29. circa finem tradit, magnam auctoritatem perhibet Nigidius, maiorem magi, quoniam retro ambulet, terramque terebret, stridat noctibus. Is, ut idem Plin. capite tertio libri trigesimali prodit, faucium asperitatem et destillationes lenit extra infricatus. Aut si quis manibus quibus eum contriuerit, tonsillas attingat, sanabitur.

Tussi

TVSSI ET CHOLERAE

MEDENDIS.

CAPVT XVI.

NOXIA si penitus cholerae sauire uenena
Perspicias, cocta lactuca fronde leuabis,
Proderit & caules assumere saepe madentes.

TVSSI.) Tussis est motus naturae expellere
conantis nocuum à pulmone & membris illi
continuis atq; propinquis, e quorum nume-
ro inter alia sunt guttur ac fauces, quarum as-

peritate & exulceratione nonnunquam tussis accidit. Vnde Celsus ait, Tussis ferè propter faucium exulcerationem molesta est, quae multis modis contrahitur. Itaq; illis restitutis, ipsa finitur. Solet tamen interdum per se quoq; male habere, & uix cum uetus facta est, eliditur: ac modo arida est, modo pituitam citat. Estq; tussis pectori, ut Auicenna dicit, sicut sternutatio cerebro: & completur cum dilatatione pectoris & constrictione eius & motu uelaminis.

A tussi fit tussedo & pertussis, id est continens tussis & inueterata, quae uix unquam curationem admittit, & qua pluri intereunt. Cholerae.) Cholera Galenus acutissimum malum esse scribit, quod cum multa & immodica bilis deiectione & uomitu fit, & in quo surae contrahantur, & membrorum algeant extrema, & uenarum pulsus fiat exigui & incerti. Fitq; ut Paulus Aegineta dicit, ex continua ciborum cruditate in stomacho inherente ob ingurgitationes nimias, aut prauos redundantes humores. Hoc malum Celsus libr. 4. longius describit hys uerbis: Cholera commune stomachi atq; intestinorum uitium uideri potest. Nam simul & deiectione & uomitus est, praeterq; haec inflatio est, intestina torquentur, bilis supra in fractis erumpit, primum aquae similis, deinde ut in ea recens

E e

Tussis.

Decima tertij.

Tussedo.

Pertussis.

Cholera.

TVSSI ET CHOLERAE.

caro lota esse uideatur, interdum alba, nonnunquam nigra uel uaria. Ergo eo nomine morbi hūc cholera Græci nominarunt. Præter ea uero quæ supra comprehensa sunt, sæpe etiam crura manusq; cōtrahuntur, urget sitis, anima deficit: quibus concurrentibus non mirum est, si subito quis moritur, neq; tamen ulli morbo minori momento succurritur. De hac etiam copiosius Auicenna fen-
16. tertij, apud quem tamen corrupto uocabulo Colirica legitur pro cholera. Et æui nostri medici bilem quæ Græce *χολή* chole dicitur, perperam uocant cholera. Noxia uenena.) Humores prauos & perniciosos cholera effici-
Lactuca. cientes. Penitus.) Omnino & uehementer. Cocta lactucæ fronde.) Folij lactucæ coctis. Refrigerat enim lactuca & bilem efferuescētem compescit: aguntq; id rum folia ipsa tum caules eius, quare etiam subiungit, Proderit & caules assumere sæpe madentes, hoc est, thyrsos ac stipites lactucæ humentes & coctos. Et idem etiam testatur Plinius. nat. hist. libro 20. cap. 7. dum inquit, Lactucas in cholera coctas patellis dederunt: ad quod utilissimè quàm maxime caule, sed amaræ. Quidam lacte infundunt: deferuefacti hī caules & stomacho utilissimi traduntur.

Interdum fauces tussī quatiuntur atroci,
Allia tum sumis decocta & melle peruncta,
Semina uel raphani permixto dulcia melle,
Aut si fraxinea semen de fronde reuellis,
Integriora uora, uetitus contingere dente,
Ouum melle teres domitum feruentibus undis,
Marrubiūm ue potēs, hæc faucibus optima sumes,
Frenabisq; grauem facili medicamine tussim.

Quatiuntur.) Concutiuntur, & exasperantur. Atroci.) Graui, molesta & uehemente. Allia.) Allium, ut Hippocrates libro 4. de ratione uictus in acutis tradit, pectus calefacit, Porro quod hic Serenus de allijs ex melle, id Plinius de
de

de iisdem cum adipe uetusto uel lacte decoctis & assumptis contra tussim testatur. Dioscorides uero, simpliciter fauces ad uocem clariores reddere, et ueterem tussim tum crudum tum coctum lenire tradit. Et Celsus, ubi sicca tussis est & uehemētissime urget, prodesse dicit sorbere cum spica allij contriti duos uini cyathos, & aliquādo cibum acrem ut lac cum allio coctum. *Peruncta.*) Illita, intrinsecta & immersa. *Semina raphani.*) Nam fortius quod est in ipso, *Semen raphani.* ut tradit Auicenna, est semen ipsius. Verum quod Serenus specialiter de semine, id alij simpliciter de radice referunt. Dioscorides, Estur elixus utiliter contra ueterē tussim, & quæ crassa in pectore concresecunt. Plinius, Ad tussim etiam mane ieiunis raphanus prodest cum melle. *Fraxinea semen de fronde.*) Fraxini semen quod frondi ac folijs adnascitur. Nam, ut Plinius etiam tradit, semen folijs fraxini inest. *Integriora.*) Hoc est, integra & non fracta: quare subdit etiam, Vetus cōtingere dente. Nisi ut manu scriptus codex habet una sublata litera legere malueris Interiora, quo amoto cortice interior nucleus solum deuorandus esse intelligatur, & nihilo secius idem quoque integer dētibus non fractus aut commolitus. *Ouum melle Oua.* *teres.*) Idem medicamentū docet Plinius libr. 29. cap. 3. dicēs: Dātur oua & tussientibus cocta & trita cū melle. Amplius, eodem autore, prodest tussientibus per se luteum deuoratum liquidum, ita ut dentibus non attingatur, thoracis destillationibus, faucium scabrie. Et Auicenna, Conferunt, inquit, oua sorbilia asperitati pectoris & pulmonis & gutturis & tussi & pleuresi & ethicis et raucedini uocis ex caliditate & stricturæ anhelitus & sputo sanguinis, proprie cum sorbetur uitellus eorū tepidus. Nam melius, quod est in eis, est uitellus qui ad caliditatem temperatam tendit. Sed hæc medicina potissimum ualet ubi febris abest, teste Celso qui ait, Si abest febris, & molle quoque ouum dari potest potui. *Domitum feruentibus undis.*) Hoc est, coctum. *Marrubium.*) Demarrubio sic tradit *Marrubium.*

DIGESTIONI ET STOMACHO.

Dioscorides libro 3. Dantur cum melle tabidis, tussientibus, suspiriosisq; siccata marrubij folia & semen tum in aqua decocta, aut ex uiridibus expressus succus. Et Plinius libro 20. cap. 22. Marrubij folia, inquit, & semen contrita profunt contra tussim ueterem. Et, Arida farina cum melle ad tussim siccam efficacissima est. Celsus item marrubij succum cōtra siccam tussim assumere iubet. Et Apuleius, Herbam marrubium, ait, decoque cum aqua, et dato bibere eis qui grauiter tussiunt, sanabuntur mirifice.

DIGESTIONI ET STOMACHO.

CAPVT XVII.

QVI stomachum regem totius corporis esse
Contendunt, uera niti ratione uidentur.

DIGESTIONI.) Quoniam nec alit, nec in corpus it cibus, ni prius exuperati extraneaq; qualitate omni sit exutus, ideo quàm maxime necessaria est eius digestio & concoctio, quæ *Digestio triplex,* triplex est. Vna & prima quæ in ore habet initium, fit autem in stomacho, & perficitur in intestinis, à qua superfluitas secernitur crassior & seculentior. Altera et secunda incipit in meseraicis: fit autem in hepate, & perficitur in uenis crassioribus, à qua sequestratur superfluitas aquosa in urinam. Tertia uero incipit in uenis minutis, & fit in capillaribus, completur autem in capillarium extremis, cuius superfluitas subtilior etiam per sudores seuoatur. Fit autem in prima digestionem ex cibo chylus: in secunda ex chylo chymus: in tertia ex chymorum globo humiditas prima & ἀνώμαλος, id est innominatus humor. De prima harum agit hoc loco Serenus, & per digestionem intelligit concoctionem, qua cibus à natuo calore in stomacho coquitur. Aliàs enim digestio Galeno est quam

quam Græci ἀνάσσις uocant, hoc est, concocti iam cibi Concoctio.
 distractio ac distributio quæ à natiuo calore in totum cor ἀνάσσις.
 pus eiusq; partes, cum propria mutatione et confectione
 fiat. Cæterum nostra ætate hos diuersos naturæ motus
 miscemus, et digestionem pro cōcoctione, quoniam eam
 sequitur, quottidie & passim appellamus: quamuis, uti
 Galenus docet, diuersam in natura finem habeant con-
 coctio & digestio. *Stomacho.*) Dolori stomachi, qui in-
 ter grauissimos cōnumeratur à uetustioribus: quamuis,
 ut Plinius libro 25. ait, Qui grauissimi ex morbis sint dis-
 cernere, stultitia prope uideri potest, cum suus cuique ad *Dolores grauis-
 simi qui.*
 præsens quisq; atrocissimus uideatur. Et de hoc tamen
 iudicauere aui experimento asperrimos cruciatus esse cal-
 culorum à stillicidio uesicæ, proximū stomachi, tertium
 eorum qui in capite doleant. Intelligit autē Serenus per
 stomachum, non gulam aut os uentriculi, uti Galenus, *Stomachus.*
 Plinius & aliquando Celsus, sed uentriculum ipsum, ci-
 bi receptaculum, duabus maximis constantem partibus,
 quarum altera superior gulæ continua ex multis conte-
 xitur neruis sensificis, altera uero huic continua, ad inte-
 stinorum usque exortum extenditur, quod intestino-
 rum primum est: sic dictum, quia ex pyloro primum *Exortum intesti-
 norū primum.*
 exoritur, aliàs quia ad longitudinem 12. digitorum ex-
 tenditur *Δοδεκάστυλον*, id est duodenum uocatum. *Duodenum.*
 Pylorū autem, quod Auicenna portanarium uocat, ima *Πυλору.*
 uētriculi pars est, cui ἐκφισίς hoc est exortū intestinorum *Ἐκφισίς.*
 primum continuatur. Et in dicta iam significatione sto-
 machum nostra quoque ætate accipimus. *Qui stomachum Portanarium.*
regem totius &c.) Haud perperā nec absurde, sed quā opti *Analogia sto-*
 me et cum ratione sentire illos qui stomachū uniuerſi cor *machi.*
 poris regē adstruūt, uel ex analogia persuaderi nobis po-
 terit. Quæmodum enī rex bene gubernatur, quo uni-
 uersis & singulis æque consulere & prouidere possit sub-
 ditis, regiā in medio regni orbe collocat, & sedulus non
 segnis optimas semper & suis commodissimas leges ex-

DIGESTIONI ET STOMACHO.

cogitat, minusq; utiles emendat, aut in uniuersum tollit,
quo subditi circa munia sua obseruatiores & citra tumultū
tranquille pacificeq; uiuere & in aduersis erigi possint.
Qualis enim rex fuerit, qualesq; leges sanxerit, tales etiā
num subditi tum populares tum nobiliores euadunt, &
omnia ad eius exemplū susq; deq; agunt. Nam mobile,
ut Claudianus inquit, mutatur semper cū principe uul-
gus. Hunc etiam in modum res se habet stomachi ad re-
liquum corpus. Is enim in medio corpore situs, omni-
bus & singulis æque prouidet, suū cuiq; distribuens ali-
mentum: quod quo melius acceperint, eo melius opera-
tiones suas perficiūt, citraq; offensam sana & incolumia
permanent: sin malum, deterius operabuntur & ægre fe-
rēt aduersis casibus & morbis semper obnoxia. Et quem
admodum in regno periclitante rege aut incolumi per-
seuerante, subditi quoq; periclitantur aut salui perma-
nent: ita etiam bene ualente stomacho, reliqua ualent &
ad eius uigorem firmanur: cōtra uero, ipso male affecto,
illa quoq; male afficiuntur, & ad casum eius proprijs uiri-
bus destituuntur, non solum quæ inter ignobilia ceu
uulgus censentur, sed & principantia ipsa, maxime sen-
suum organum cerebrum & sensus ipsi, ni statim ab ini-
tio suppetiæ illi ferantur, unde perquàm bene à poëta di-
ctum est, Principijs obsta, sero medicina paratur.

Huius enim ualidus firmat tenor omnia membra,
Et contra eiusdem franguntur cuncta dolore.

Quin etiam nisi cura iuuat uitare cerebrum
Fertur, & integros illinc auertere sensus.

Lactucæ semen nigræ quod lingnea pila

Triuerit admixto ieiunus sumito melle,

Sed cochlear trino gustu tibi sufficit unum.

*Huius ualidus tenor.) Stomachi constitutio ualida & firma
atq; ualetudo prospera. Contra.) E contrario, ex parte
contraria. Franguntur.) Rumpuntur, male afficiuntur &
læduntur*

læduntur. *Quin etiam.*) Atq; etiam, insuper. *Cerebrum.*) Hoc enim stomacho facile compatitur. Nam, ut Auicenna tradit, membrorum cōmunicantium ipsi primum & dignius eorum est stomachus. *Integros sensus.*) Vim sensoriam, quæ in cerebro consistit, integram, incorruptam & incolumem. *Lactuca semen nigræ.*) Lactucarū plura sunt genera, quæ alij aliter discernunt. Græci enim, ut Plin. tradit, tria fecerunt genera, unum lati caulis, alterum rotundi caulis siue crispum, tertium sessile. Alij à colore & satus tempore illas diuisere, esseq; nigras quarum semen mense Ianuario seratur, albas quarum Martio, rubentes quarum Aprili. Sunt item alijs quoq; distinctæ nominibus lactucæ, alię enī Cecilix, aliæ Cappadoces, aliæ Tarsefiacæ, aliæ Paphiæ siue Cypriæ appellantur. Sed de generibus earum Columella rei rusticæ suæ libro 10. sic scribit: Iamq; salutare properet lactuca sapore, Tristia quæ releuat longi fastidia morbi. Altera crebra uirer, fusco nitet altera crine, Vtraq; Cecilij de nomine dicta Metelli. Tertia, quæ spisso, sed puro uertice pallet, Hæc sua Cappadocæ seruat cognomina gentis. Et mea, quam generant Tarthesi litore Gades. Candida uibrato discrimine, candida thyrsos est. Cypros item Paphio, quam pingui nutrit in aruo Punicea depexa coma, sed lactea crure est. Quot facies, totidem sunt tempora quanq; serendi. Cæciliā primo deponit aquarius anno, Cappadocamq; premit ferali mense Lupercus. Tuq; tuis Mauors Tarthesida pange calendis, Tuq; suis Paphien iterū iam pange calendis, Dum cupit, & cupidæ quærit se iungere matri, Et mater facili molliissima subiacet aruo. Hactenus Columella de generibus eius & satus tempore. Vis & natura omnibus refrigeratrix: quam ob causam æstate à stomacho fastidium auferunt, cibiq; appetentiam faciunt. Diuus certe Augustus, ut Plinius refert, lactuca cōseruatus in ægritudine fertur prudentia Musæ medici, cum priores tam ob relligionem minime commanducarent: nec

*Lactuca gea
nera.*

*Lactuca uis
natura.*

DIGESTIONI ET STOMACHO.

mirum, cum & concoctionem adiuuet, & quod Paulus Aegineta testatur, boni succi sanguinem faciat. Est insuper soporifera, somnumq; concilians: quam ob causam & Galenus sero ea uestebatur, eratq; ipsi solum uigiliarum medicamentum sero commesta lactuca, uti ipsemet scribit libr. de alimentis secundo. Vbi addit etiam quod ipsa quatenus olus est, satis nutrit, neq; nocumento est ut alia olera: & quia stipticitatem non habet neq; salsedine neq; acuitatem, ideo neq; uentrem stringit neq; laxat. Laudat autem hic ad medicinæ usum Serenus semen eius, ut quod minus humidum sit & ad siccitatem declinans, qua de causa etiam stomacho conuenientius. Solet enim aliquando humiditas ipsa nescio quid malignitatis annexum habere. Iubet uero illud ex melle assumere, sed oportet ut id sit co-

Mel crudum.

ctum ac despumatum. Crudum enim omne & non despumatum, inflat aluum & tussim proritat, autore Dioscoride. Et quamuis lactuca per se calido uentri accommoda sit, medicina tamen hæc ex semine & melle frigido conuenit. Semen enim minus frigidum est, & frigida quæ in ipso est quantulacumq; qualitas, melle frangitur, operaturq; potius siccitate sua quam frigiditate. Est & mel

Mel despumatum

ipsum despumatum, ut tradit Galenus therapeutices lib. 7. frigido uentri utilissimum, calido uero inimicissimum. Atq; hæc ambo meminisse in primis oportet, utiq; à plerisque medicis ignota. Ac neq; aliquid frigido corpori melle potius expetere, neq; ad calidum magis respuere. Ergo mel optimum esto, sed quod prius super prunas ex quercu seu uite ad summum cædentes, fuerit decoctum & curiose despumatum. *Ligneæ.*) Ligneam esse conuenit pilam, ne mali quid contrahat medicamentum: quod facile fieret si metallica esset, quales ætate nostra communiter habentur. Tales siquidem malignam quandam naturam relinquunt in rebus pisatis ac tritis, quæ obesse solet, quod ex ligneis non est ita timendum. *Pila.*) Pila dicitur res sphaerica, rotunda & globata. Et per diminutionem pilula

*Pila significat
tiones.
Pilule,*

dicitur

dicitur parua pila. Vnde et catapotia à rotunditate pilulæ dicuntur medicis. Aliquādo tamē pila pro columna accipitur quæ ædificia sustentantur. Horatius: Nulla taberna meos habeat neque pila libellos. Et ad huius similitudinem pinsendi instrumentum in columnæ speciem longum effigiatum, quod alio nomine à pinsendo pistillum dicunt, pila quoq; appellatur, ut hoc loco. Aliquando tamen uas ipsum concauum in quo medicamina pinsunt et mortarium uocant pigmentarij, pila etiam dicitur. Varro: Itaq; quidam thymum contundunt in pila. Demum pilæ, uti Sextus Pompeius scribit, effigies quædam erant tum uiriles tum muliebres ex lana, quæ compitalibus suspendebantur in compitis, quod deorum inferorum, quos Lares uocant, esse putarent: quibus tot pilæ, quot capita liberorum, seruorum, mulierum circa compita habitabant, ponebantur: ut his pilis & simulachris contenti, uiuis parcerēt. Hiscē uero imaginibus, nullius omnino pretij uestes circumponebantur. Proinde Marcialis pannosos & uestes laceras, pertritas atq; conscissas aliquando pilas uocare solet, ceu epigrammatum libr. 2. cum ait: At mea, quæ passa est furiosi cornua tauri Noluerit dici quàm pila prima suam. Et libr. 10. in Laurum: Sed qui primus erat lusor, dum floruit ætas, Nunc postquam desijt ludere, prima pila est. Cochlear.) Cochlear siue cochlearium, utrunq; enim dicitur, mensuræ genus est, & ut Aphricanus tradit, mystri dimidium, estq; mensurarum minima. Et pondere pendet uini drachmas duas & scrupulum unum, olei drachmam unā & semis, mellis drachmas duas & semis. Et hoc iuxta dimensum quo sextarius & cyathus supra capite 15. ex sententia Aphricani in sua pondera dimensi sunt. Porro sunt qui cochlearium mellis sex drachmarum esse dicant, medicinarum uero drachmarum duarum & semis: minimum autem cochlearij pondus esse drachmam dimidiam. Sed Aphricani doctrinam nos cæteris præferimus, ut quæ tum Hippocratis

Serm. lib. 1.
Sat. 4.

Pistillum.

Mortarium.
De rer. rust. li. 2.

Cochlear.
Cochlearium.

DIGESTIONI ET STOMACHO.

tum Latinorum medicorum medelarum ponderibus & mensuris magis conueniat.

Aut tritum semen raphani, mulsumq; iuuabit.

Siue duæ partes absinthii ac tertia rutæ

Decoctis potantur aquis. Siliquæq; madentes.

Raphani semē. Semen raphani.) Fortius enim quod est in ipso, est semen ipsius, autore Auicenna. Et quamuis uomitorium quoq; sit, ut Dioscorides ait, uentositates tamen, ut scribit Auicenna, resoluit, & in ipso est subtiliatio fortis, & resoluit inflationem in uentre, & facit facilem egressionem cibi, et facit appetitum. Cæterum Plinius satiuorum semen tostum quidem & commanducatum ad lagaroponon utile scribit lib. naturalis historiæ 20. *Mulsum.*) Hoc est, melle confectum, conditum atq; permixtum. *Absinthium.*) Absinthium omnibus notum est. Probabilius tamen et quo præstantius nullum, imò omne aliud bonitate antecedens est quod in Ponto & Cappadocia monte Tauro nascitur, ut autor est Dioscorides, Plinius & Apuleius. Est autem absinthio calefaciendi uirtus: et ultra hanc aliæ duæ et quidem contrariæ, uidelicet detergens atq; adstringens, quemadmodum Galenus de sanitate tuenda libro 6. testatur, inquit: Absinthio uis est detergendi adstringendiq; ac talis quæ tunicarum uentris sordes detergeat, non si quid altius in eo imbitum est, foras extrahat & expellat. Et huiusmodi duplicem naturā in absinthio Mesue quoque fatetur, cum duplicem illi substantiam esse scribit, Vnam calidam amaram & nitrosam, opilationum aperitiuam & naturæ solutiuiam: alteram terreā stipticā, membrorum confortatiuiam, & laxarum partium aggregatiuiam, sed stipticitas plus est amaritudine sua. Et hoc uerum est si de Pontico intelligatur. Nam cum duplex in omni absinthio facultas & qualitas sit, uti Galenus therapeutice libro 11. scribit, utiq; in Pontico adstringendi facultas non parua est: in reliquis omnibus amara quidem quali-

qualitas est uehementissima. Astrictio uero, quam saltem gustu agnoscas, aut plane obscura, aut prorsus nulla sentitur. Proinde Ponticum ad iocinoris & uentris phlegmonas eligi præstat. Porro id est tum folio tum uero flore longe quàm cætera absinthia minore. Odor quoq; huic non modo non insuauis, uerum etiam aromatum quid præferens, reliquis omnibus plane est scædus, quare hæc fugere conueniet, uti aut semper Pontico, Hæc ille. Nunc ex hijs quæ Plinius naturalis historiæ lib. 27. cap. 7. de absinthio scribit nonnulla subiungam: Nam, ut inquit, de usu eius conuenit dicere, herbæ facillimæ atq; inter paucas utilissimæ. Stomachum corroborat, & ob hoc sapor eius in uina transfertur. Bibitur & decoctum aqua ac postea nocte & die refrigeratum sub diuo decoctis sex drachmis foliorum cum ramis suis in cælestis aquæ sextarijs tribus. Oportet & salē addi. Vetusissime in usu est. Bibitur & madefacti dilutum. Ita enim appellatur hoc genus. Diluti ratio, ut quisquis fuerit modus aquæ, tegatur per triduum. Decoctum stomacho saluberrimum. Nāq; astringit stomachum, bilemq; detrahit. Aluum mollit & in dolore sanat. Concoctiones adiuuat. Cruditates detrahit cum ruta & pipere & sale. Habet & alias uirtutes quā plurimas, quas longum esset nunc recensere. Id solū nunc addatur, quod Dioscorides quoq; ait, ipsum calefacere & adstringere, concoctiones adiuuare, purgare quæ in stomacho & aluo biliosa hærent, quin etiam urinam ciere, & præsumptum crapulas arcere. Et alia quæ nunc omituntur. *Ruta.*) Ruta omnibus nota. Estq; duum generum, Vna syluestris & montana: altera satiuæ & hortensis, feruentis naturæ utraq; & calefacientes ambæ, aluum sistunt siue in cibo siue in potu dentur, autore Dioscoride libro 3. cap. 48. Et, ut Plinius nat. hist. libro 20. cap. 13. ait, in præcipuis medicaminibus ruta est, cruditates discutit, mox inflationes, dolores stomachi ueteres. Ad crapulæ grauedines decoquuntur folia poturis, Et in cibo uel

DIGESTIONI ET STOMACHO.

Siliqua. cruda uel decocta, conditæue prodest. *sil quæ.*) *Siliqua*
Siliqua dulcis, dicta est communi alijs siliquis nomine, sed ut ab alijs di-
Græca. stinguatur, nunc dulcis, nunc Græca siliqua cum adiun-
Ceration. cto appellatur. Græci Ceration uocant, à cornu facto no-
mine quo in frugibus & leguminibus aliquot longiores
Xylocerata. filiquas dicunt: idem quoque ex lignosa soliditate, cornuque
longitudine & flexura facto nomine Xylocerata appella-
uerunt, quæ dictio apud recentiores Latinos medicos ad-
huc in usu est, sed deprauata: non enim xylocerata, sed xy-
loceracta perperam ab eis appellatur, & uulgo panis san-
cti Ioannis. Arabes Carnubium, aliqui Carobe uocant.
Panis sancti Io- Est autem siliqua fructus arboris, quam paulo deflexa uo-
annis. ce à ceratijs Ceratoniam uocat Paulus Aegineta. Estque il-
Carnubium. li digitorum hominis longitudo & interim falcata polli-
Carobe. cari latitudine, cuius & cortex ipse manditur. Estque simi-
Ceratonia ar- lis Casia fistulæ. Nam utriusque corticis color idem, medulla
bor dulcis & similibus distincta seminibus, quod tum sensus
ipse, tum Serapionis autoritas manifesto comprobatur. Hic enim
capite de casia fistula inquit, Intra cānnas casia, sunt lami-
næ ex carne nigra, & parietes diuidentes inter eas, et inter la-
minā et laminā sunt grana sicut grana xyloceractæ, et eius-
dem magnitudinis, quorum color est inter glaucedinem & ru-
borē. Hæc ille. Adhuc eadem est illis proprietas. Nam utriusque
medulla recens uentrem laxat, exiccata uero & arida, po-
tius contrahit, euaporata quidem humiditate, terrestri au-
tem remanente substantia. Porro siliquæ huius usum dam-
nauit in cibo Galenus: sed hoc maxime de recentibus in-
telligendum est. Nam, ut Dioscorides libro 1. tradit, sto-
macho inutiles in cibo recentes & aluum soluant, sistunt
contra siccata, stomacho tunc utiliores fiunt & ciendæ
urinæ accommodatæ. Eadem comprobatur & Dioscoridi
subscribit Plinius libro 23. cap. 9. sic inquit: Siliquæ re-
centes stomacho inutiles, aluum soluant: eadem siccata
sistunt, stomachoque utiliores fiunt, urinam ciunt. Syria-
cas in dolore stomachi ternis in aqua sextarijs decoquunt
qui-

quidam ad dimidium, eumq; succum bibunt. Et hoc est quod Serenus hic ait Madentes, hoc est, madefactæ & in aqua decoctæ, uti ex Plinio iam patuit.

Semina uel marathri foetæ cum lacte capellæ.

Pulegium quoq; decoctum curabit amice.

Et potu & fotu stomacho conducit anethum.

Semina marathri.) Marathron Græce, Latine sceniculum, nota planta, de cuius semine sic ait Plinius libr. 20. cap. 23. Semen stomachum dissolutum astringit uel in febribus sumptum. Nauseam ex aqua tritum sedat. *Foetæ.*) Hoc est, iam haud multo antea enixæ & partu liberatæ atq; lactantis. Nam, ut Auerrois ait, Lac melius est illud quod est prope partum, id est, post duos menses. Varro libro 2. in fine, A mulgendo atq; ortu optimum est lac, quod neque emunctum longe abest à mulso, neq; à partu continuo est sumptum. *Lacte capellæ.*) Lac caprinum inter alia stomacho conuenientius esse testantur alij quoq; autores. Vnde Plinius nat. hist. libr. 28. cap. 9. inquit, Stomacho accommodatissimum caprinum, quoniam fronde magis quam herba uescuntur. Et Dioscorides libro 2. Alium, inquit, minus tentat caprinum, propterea quod capræ multo adstringente pabulo utuntur, quercu, lētisco, olea & terebintho, quam ob causam stomacho etiam utile est. Et paulo post, Minore, ait, inflandi ui est quod semel decoctum fuerit lac. *Pulegium.*) Nota omnibus herba pulegium. Virtus illi calefaciens & extenuās: hæc stomachi ex aqua intercisiones sistit, autore Plinio lib. 10. cap. 14. Et concoctiones, ut Dioscorides libr. 3. tradit, adiuuat. Nauseas & erosiones stomachi potum cum posca lenit, nigram per inferna trahit bilem. Apuleius item, Pulegium, inquit, tritum uel in aqua maceratum cū aceto potui dabis, nauseam stomachi sedat. Amplius ad inflationem stomachi uel intestinorum, pulegium ex aqua calida tritum, uel ex uino, uel per se dato, rem miraberis illico.

Marathron.
Fœniculum.

Lac capræ
foetæ.

Pulegium.

DIGESTIONI ET STOMACHO.

Anice.) Blande, suauiter, iucunde & citra molestiam aliquam. *Anethum.*) Anethum ut, Plinius tradit, sumptum ex aqua sedat cruditates. Et, ut Dioscorides scribit, inflationes finit. Aluum, neq; ex alto surgentes uomitiones sistit, singultus lenit. Et quia cibi appetentiam facit, uocari etiam tradit à quibusdam Anicetum, cōmuni omnibus quæ cibi appetentiam faciunt appellatione. Sic etenim à Græcis ea uocantur. Verum in scripto codice legitur Acetum; de quo mox dicetur.

Seu cochleas undis calefactas ac prope uietas,
Suppositis torre prunis, uinoq; garoq;
Perfusas cape, sed prodest magis esse marinas.

Cochleæ.) Hunc cochlearum usum medicum Plin. quoq; attestatur libro naturalis historiæ 30. hijs uerbis: Medetur præcipue uero cochlearū cibis stomacho. In aqua eas subseruefieri intacto corpore earum oportet, mox in pruna torreri nihil addito, atq; ita è uino garoq; sumi, præcipue Africanas. Nuper hoc cōpertū plurimis prodesse. Id quoq; obseruant, ut numero impari sumant. Cæterū ultra medicum hunc usum delicatarum ganeam quoq; implebāt olim cochleæ, quod & nūc etiam faciunt. Quo modo aut uarie ad delicias illas instruebantur olim, satis copiose docet nos Apitius Culinariæ artis suæ lib. 7. qui Polyteles inscribitur: quare locum tātum signasse nobis satis sit. *Vino.*) Quod mediæ ætatis esto, & albū & tenue, purū item, et omnē citra alienæ rei cōmixtionē, & natura austerū. Tale enim, autore Dioscoride libr. 5. cōmuniter hæc præstat, calefacit, facillime digeritur, stomacho utile est, cibi appetentiam excitat, corpus alit, somnum conciliat, uires corroborat, & amabili colore cutis bonitatem commendat: facit & ad inflationes diutinas & stomachi resolutionem. Neq; ut Plinius lib. 14. cap. 5. scribit, uiribus corporis utilius aliud, neq; aliud uoluptatibus perniciosus, si modus absit. Sed quæ maior uino laus tribui potest

potest, quàm quod hominis cor letificat: ut sacre etiã attestantur literæ. *Garum.*) Garũ est liquamẽ ex pisce factũ, hoc est, salitorum piscium liquor. De quo Plinius lib. 31. cap. 7. sic scribit: Aliud etiamnum liquoris exquisiti genus est, quod garũ uocauere, intestinis piscium cæterisq; quæ abijcenda essent, sale maceratis, ut sit illa putrescenti um sanies. Hoc olim conficebatur ex pisce, quem Græci garon uocabant. Nunc è scombroy pisce laudatissimum in finibus Carthaginis spartarie & cetarijs, sociorum apellatur. Vitium huius est Alex imperfecta nec colata sex. Cœpit tamen & priuatim ex inutili pisciculo minimoq; confici: Apuam nostri, aphyen Græci uocant, quoniam is pisciculus è pluuia nascitur. Foroiulienses piscem ex quo faciunt lupum apellant. Transiit deinde in luxuriam, creueruntq; genera ad infinitum, sicut garum ad colorem mulsi ueteris, adeoq; dilutam suauitatẽ ut bibi possit. Aliud uero ad castimoniarum superstitionem, etiã sacris Iudæis dicatum, quod fit è piscibus squama carentibus. Sic Alex peruenit ad ostreas, echinos, urticas, gammaros, mullorum iocinora. Innumerisq; generibus ad saporem gulæ cœpit sal tabescere. Hęc obiter indicata sint desiderijs uitæ, & ipsa tamen nonnulli usus in medendo: uti Serenus in præsentī quoq; testatur. Cæterũ quem admodum Plinio, sic etiam Dioscoridi, Garum est, non ut alijs quod feculentum carnosumq; in eo subsedit, sed quod liquidum & aquæ modo fluens supernatat. Et amplius Dioscoridi non in piscibus tantum, sed & in animalium carnibus garum quoq; dicitur, quod ex earum salisura exsudatum: siue, ut Columella ait, exsaniatum fluxerit. Inquit enĩ Dioscorides, Sistit omne ex salis piscibus, itemq; animalium carnibus garũ quæcunque pascendo serpunt, si eo foueantur. *Cape.*) Accipe, assume & comedito. *Marinas.*) Non refutat autor terrestres, sed tamen accommodatiores tradit marinas: quod Plinius etiam fatur libro 30. cap. 3. his uerbis: Contra marinæ stomacho

*Garum.**Alex.**Aphyæ piscis.**Apuæ piscis.**Libro 2.**Cochleatæ.**terrestres, marina.*

DIGESTIONI ET STOMACHO.

utiliores, efficacissimæ tamen in dolore stomachi. Porro de utriusq; tum terrestris tum aquatilis cochleæ in medicina usu sic scribit Diosc. Stomacho accommodata est terrestris cochlea, difficilime eadem corrumpitur. Marinæ etiam stomacho accommodatæ facillime excernuntur: fluuiatiles uirus habent. Quæ uero syluestribus frutetis & sentibus hærentes inueniuntur, quas seculos aliqui nominant, aluum & stomachum turbant, & ad uomitiones mouent. Item in uiuentibus cochleis exempta caro, Africanis præsertim, stomachi dolores hausta lenit.

At male digestis si crapula seuiet escis,
Ex pipere & calida florem de rore marino
Ebibe. Seu salibus piper adde & tenue cuminum,
Quæ coctis tinges epulis, & rapta uorabis.

Mala digestio.

*ἀπεψία.
δυσπεψία.
Cruditates.*

*Corruptionis
ciborum tres
differentiæ.*

Male digestis.) Hucusq; stomachi doloribus ac cæteris prauis eius affectibus mederi docuit Serenus, consequenter uero uirtuti eius digestiue læsæ, nec non & cerebri consentientis passionibus subuenire docet. Consentit enim stomacho cerebrum aliquando, propter cõmunitatem inter ea per neruos plurimos qui à cerebro ad stomachum ueniunt, autore Auicenna, decimatertia tertij, tract. 1. ca. 16. Male autem digeritur cibus cum aut nullo modo aut ægre concoquitur, uocanturq; huiusmodi cibi in stomacho cõcoctiones à Græcis ἀπεψία & δυσπεψία, à Latinis uero uno nomine cruditates, quæ cõmuniter ex frigidityte aut superfluenti ingurgitatione proueniunt: hocq; uitium quotidianum fere & popolare est nostris temporibus, adeo intemperanter ubiq; uiuimus. Est & tertium digestionis uitium, maleq; digeritur cibus, cum scilicet uitiat & corrumpitur in stomacho: cuius corruptionis ciborum primas ac ueluti generalissimas differentias tres ponit Galenus lib. de locis affectis, qui aliàs de interioribus inscribitur, primo: Vnam quidem quæ per proprios uentriculi morbos fiat. Alteram ab humoribus uitiosis in

in ipso accumulatis. Tertiam ab alimentorum qualitate inductam, quæ cum ad huiusmodi dispositionem deducitur uel suapte natura, uel uaporosa, uel acida, uel aliàs corruptioni obnoxia, aut ex præparationis modo, certum est ea in uentriculo corrumpi, atq; hoc modo cruditatem fortasse fieri quis dixerit. *Crapula.*) Crapula quæ & κραπάλη à Græcis dicitur, omnem capitis noxam à uino factam apud eosdem significat, uocabuli ethymo ducto à Carenon, quod significat caput, & pallesthe, concutitur: autor Galenus. Estq; crapula nihil aliud quàm capitis fluctuatio & agitatio, ab eo quod capitis dolorem & uertigines facit, sic dicta, uti Plinius libr. 23. cap. 1. tradit. *Piper.*) Piper triplex, Quamuis trium generum est piper, longum, album, & nigrum, omnibus tamen, Diosco. teste, cõmunis natura & uis est calefacere, concoctiones adiuuare, somno capitis dolores leuare, somnum & appetentiã cibi conciliare. Eligendum autem piper quod ponderosissimum sit, plenum, nigrum, nec adeo rugosum, recens præterea, nec fursurosus. Nigrum quidem, ut quod maiore acrimonia sit quàm candidum, gratius in cibis, & quod tempestiue maturuerit, odoratus, condiendisq; obsonijs utilius. Candidum quod acerbum est ob immaturitatem suam alijs ignauius; uerum in medicinæ usu & præsertim uentre corroborando, autore Galeno, utilius hoc & efficacius. Libro etenim de sanitate tuenda quarto sic ait: Longum piper flatuosi spiritus crassitudinem soluit, & quæ in præcordijs pigra cessant, ad uentrem depellit, & concoquendis quæ sumpseris subuenit, pro communi piperum ratione. Quod si huius copia nõ est, utiq; albo utendum, quippe quod supra duo reliqua genera uentrem roborat. Sin hoc non adest, optimum nigrum petendum est: id uero fuerit, quod pondere præcellit. Amplius eiusdem tractationis libro 6. idem sic scribit: Si pituitosus succus à capite in frigidum natura uentrem decurrat, facile his succurritur, si mane aliquid simplicis medicamenti sumpse-

Gg

DIGESTIONI ET STOMACHO:

Ros marinus,
Libanotis.

Canchrys.

Libanotis co-
ronaria.

rint, quod dia trion pipereon dicitur. Sed & piper solum
ad exactum contritum leuorem aque mixtum bibere his
licet, ad quem usum melius stomacho q̃ aptius album pi-
per est. *Florem de rore marino.*) Quem Latini rorem mari-
num, Græci libanotida dicunt, plures eius differentia.
Nam, ut Dioscorides tradit, duum generum libanotis est,
Vna secunda & fructum ferens, quæ secunda diuisione
duo item genera facit, eam quæ Zea aut Campfanema vo-
catur, cuius fructus canchrys uocatur, similia q̃ foenicu-
lo folia habet, crassiora tamen & latiora, rotæ modo in or-
bem circumagētia se, & per terram strata, odorata q̃, cau-
lem altitudine cubitali, & aliquando maiorem, alarum
concauitatibus multis, & in summo umbellā, in qua co-
piosum semen est, cādidum, uerticillo simile, circinarum,
angulosum, acre, resinofum, et quod comanducatum gu-
stum incendit, cui radix est candida, gracilis, odore thur-
ris. Altera deinde in cunctis huic similis, quæ semen fert
latum, nigrum, odoratum, uerticillo simile, sed gustum
non incendens. Radicem foris nigram, contusam uero al-
bam. Quæ autem ex prima diuisione sterilis & sine fructu
libanotis dicitur, antedictis tota similis nec caulem nec
floreem nec semen ex se profert. Nascitur autem petrosus
& asperis locis. Est & quartum libanotidum genus, Co-
ronalis à Sorano, ut Apuleius tradit, appellata libanotis.
Quæ quatuor genera, Paulus quoque Aegineta in sexto
ponit. Nec quartum genus Dioscorides omisit. Sed quo-
niam frutex magis quàm herba, ramos habet, & à terra
erigitur, aliæ uero caulē, & quæ fructiferæ inter eas sunt,
umbellam etiam habent, & per terram folia spargūt, ideo
separatim proprio capite post dictas de coronaria libano-
tide egit hijs uerbis: Libanotida, Romani rosinarinum di-
cunt, quo coronarij utūtur, tenues uirgē sunt, circa quas
folia item tenuia sunt, densa, oblōga & gracilia, inferiore
sui parte candida, superiore uirentia, cum grauitate odo-
rata. Calefaciendi uires habet, medetur ictericis si quis in
aqua

aqua decoxerit, decoctumq; id biberit. Suntq; huius flores maxime caput & cerebrum confortantes, eorumq; contra capitis affectiones ætate nostra quottidianus & efficax usus est, ad quem & saccharo condiuntur. *Salibus.) Sal.* Salis differentia ex Plinio & Mesue satis dicta iam essent in prioribus, nisi electio earum nonnihil repetere cogeret. Vnde ne prolixius à diuersis ea coaceruentur, cõtenti erimus ea tantum recensere quæ Dioscorides super hac re prodidit, cū ait: In toto salis genere efficacissimus fossilis est, communiterq; in hoc qui candidus, pellucidus, densus, concretionē suā æqualis nec lapidosus est. Priuatim uero genere hammoniacus, id est harenarius scissilis, uenis per longitudinem rectis. In marino probāus maxime dẽsus, candidus & sine asperitate æqualis. Optimus hic in Cypro et Cyprī Salamīne. Fit in Sicilia etiam sal, fit Megaris & Libya. Inter prædictos autem palustris antefendus cunctis est. Validissimusq; in hoc genere Phrygius, quem tateum uocant. Multiplicem cõmuniter prædicti sales uim omnes habent. Adstringunt, exterunt, repurgant, disijciunt, reprimunt, extenuant. Confert item sal, ut Auicenna testatur, doloribus stomachi frigidis. Nec obstat quod Plinius dicit, Sal stomacho tantum inutilis, præterquam ad excitandam auiditatem, cuius causa, ne insulsa uideātur obsonia, in quottidiano usu salem habet mensa: nec sibi tantum parāt, sed & pecori suo eandem ob causam ad lambendum aliquando proponunt homines. Hactenus de sale. *Cyminum.)* Cuminū notum *Cyminum.* est, stomacho ualde utile & capiti. Est autem duum generum, Vnum satium, de quo sic scribit Dioscorides, Originatum, suaueq; cyminum est, & in eo Aethiopicum magis, quod Hippocrates regium appellauit: secundæ bonitatis laudem habet Aegyptium, tum reliquum omne. Habet autem calefaciendi, siccandiq; uires. Et in hoc, ut Plinius libro 20. cap. 14. ait, magnus usus in stomachi præcipue remedijs, discutit pituitas & inflationes: imò &

DIGESTIONI ET STOMACHO.

contra capitis passiones utiliter estur, siue cum cibo siue per se ante aut post cibum assumatur. Alterum uero est syluestre pretenue, & ad omnia efficacius: sistitq̃, ut Plinius inquit, uomitionem & nauseas ex uino, quantum apprehenderint tres digiti. Estq̃ maiore in gustu acrimonia quàm satium, bibiturq̃ cum uino et contra humentem stomachum, ut Dioscorides tradit. *Tenue.*) Paruum, exiguum & gracile. Columella, Gracili melanthia grata cum mino. *Tinges epulis.*) Hoc est, cibo insperges & cum eo uesceris.

Aut cubitum pergens cyathum cape tristis aceti.
Ventriculus mergi tactus sale, granaq̃ thuris
Tosto pane super, piperis quoq̃ puluere multo
Miscentur, capies diuinum munus in istis,
Proderit hoc stomacho, uictas & concoquet escas.

Cubare.

Cumbere.

Recumbo.

Accumbo.

Decumbo.

Cyathus.

Acetum.

Cubitum pergens.) Dormitum uadens & dormiturus. *Cubare* & *cumbere* ad ægrotos proprie pertinent, ut uolūt Grammatici. Horatius, Cubat hic in ualle Quirini. Hinc fiunt composita, *recumbo*, *accumbo*, *decumbo*. *Recumbit* autem quiescens & supinus. *Accumbitur* in cōuiuio. Et *decumbit* ægrotus lecto iacēs. *Cyathum.*) Hoc est, unciam unam semis pondere. *Cape.*) Accipe, ebibe. *Tristis aceti.*) Acerbi & tristifici. Acetum enim cæteros inter humores liquidissimum, tanto quoq̃ acerbius est, ut sit acore etiam tristificum. De quo aceto inter cætera libro 23. cap. 1. sic scribit Plinius, Cibos quidem & sapes non alius magis succus commēdat aut excitat. In quo usu mitigatur tosto pane aut uino, uel accenditur pipere ac lasere, utiq̃ sale compescitur. Et paulo ante, Acetum, inquit, per se haustum, fastidia discutit, singultus cohibet. *Ventriculus mergi.*) Quamuis difficilis coctionis sint omnium animalium uentriculi, non tamē obstat, quin & quorundam aliquando remedio esse possint, præsertim ubi humores

Mergi uenter.

mores superfluunt membris: sicca enim est uentriculorum natura omnium, unde et humenti stomacho perutiles sunt, & præcipue mergi uenterculus sale tactus, id est con- Mergus autem
aquaticus.
Thus.
spersus & salitus. Est autem Mergus ex anatum genere auis aquatica. Verg. Geor. libro 1. Cum medio celeres reuolant ex æquore mergi. *Thus.*) Thus calefacit, siccatur & adstringit, stomacho quæ perutile est. Nam, ut autor est Auicenna, stomachum calefacit & digestionem adiuuat. Sed alijs miscere id oportet medicamentis, & ægrotantibus, non sanis: neque multum, sed parum de ipso exhibendum est, si conferre debeat, autore Dioscoride, qui sic tradit de ipso: Miscetur utiliter faucium remedijs & hijs quæ ad splachna, id est interanea, cõficiuntur. Bibitur idem sanguinem expuentibus utiliter. Veruntamen in sanitate potum, maniam facit. Quin etiam si maiore copia cum uino bibatur, hominem perimit. *Tosto pane.*) Non mo- Panis.
do ad faciliorem medicamentum assumptionem facit panis, sed & contra morbos uim quoque præstat, præsertim si ex tritico fuerit uetustus & siccus, igneque torrefactus, talis enim fluores sistit & siccatur per se & alijs mixtus: torretur autem igne, ut euanescat si quæ illi insit humiditas, sicque maiorem deficcandi uim præstet. *Viçtas.*) Transglutitas. & in stomachum receptas.

Grana peregrini piperis diffindito quinque.

Hibleo melli quæ mane inserta capesses.

Peregrini.) Hoc est eius quod ex Barbaris affertur. Cuius Piper.
probatio est, longi quidem ut gustu piperis qualitates seruet, nec in humore maceratum resoluatur, sitque non perforatum. Nam quod facitium est et adulteratum, si per integrum diem in humore maceretur, illico liquatur ac soluitur. Quod etiam duplex est, Vnum quod apud Alexandriam maxime conficitur: alterum quod herbarum cuiusdam germen est. Nigri uero probatio est, ut sit neque exile neque rugosum neque corticis crassi, sed ponderosum, & id tum.

Gg 3

FELLIS VOM. ET PHTHISI.

Mel Hyblæum. Diffundio.) Frangito & cōrundito. *Hybieo.*) Optimo. Dicitur autē Hyblæū, ab insulæ Sicilię ciuitate Hybla, quod primę post hymetium bonitatis existit. Verum quoniam genera ista nō semper nec ubiq; haberi possunt, ex omni genere probatius accipi debet, hoc est, quod dulcius, adoratius, acre, colore ritilo, non liquidum, sed ponderosum firmumq; est, & quod tractum digitos sequaci lentore sequitur. Oportet autem non crudo, quod inflat aluum & tussim proritat, sed cocto ac despumato melle uti: autor Dioscorides. *Mane.*) In aurora, dum adhuc uacuus à cibo est stomachus. *Insera.*) Immixta. Insetor insetuset insetus facit. Et tradūt quidā Insetus arborū et pomi esse: Insetus hominis uel alicuius rei: autor Diomedes. *Capesses.*) Sæpius atq; frequentius iteratoq; accipies. Est enim iteratium siue frequentatium uerbum, quorum qualitas assiduam in agendo uim habet, unde & appellationem subit, quoniam frequenter agendi iterat affectum: autor Diomedes.

Insetus.
Insetus.
Verba iteratiua seu frequentatiua.

FELLIS VOMITUI ET PHTHISI ARCENDIS.

CAPVT XVIII.

Fel.
Choledochus.
Bilis flaua.



FELLIS uomitui.) Fel pessimi sanguinis purgamentum est, inferiori iecoris parti assidens, cuius chystris siue folliculus à Græcis choledochus dicitur, qui flauum contineat humorem, pallefcentem quandoq; à Galeno uisum, uel coloris cyanei, aut isatidis herbæ. Et quamuis substantia flauæ bili idem sit fel, tamen ut simplex nec alijs humoribus commixtum & in proprio iecoris folliculo constitutum est: bilis uero in toto corpore & qualibet eius parte gignitur

gnitur & spargitur, idēq; alijs humoribus mixta, cum fel
etiā si quando graui hominis periculo aut simplici sal-
tem aurigine à sede sua suffunditur, ipsum quidem per se
spargatur. Aristoteles de partibus animalium lib. 4. cap.
2. Vt bilis quæ qualibet alia corporis parte gignitur, ex-
crementum quoddam liquamentumq; est: sic fel iecori
adiunctum non rei cuiquam delegatum, sed excremen-
tum esse uidetur, quomodo & alui intestinorūq; sedimē.
Ceterū duplex est fellis utilitas, Vna ut excalfaciat, coctio
nemq; foueat secundam, iecoris natium fulciendo calo-
rem. Altera quo bilem ad intestina transmittat, ut sua ex-
citatione, secum celerior fiat excretio. Nec est tertia
quæ stomachi coctionem confortet ponenda utilitas, uti
Mundinus & sequaces sui faciunt. Nihil enim ex felle ad
stomachū transmittitur, neq; uia est quæ aliquid deferat.
Quod autem natura non æque meatum & uiam fecit bi-
lem importantem ad uentriculum pertingentem, sicuti
ad exortum siue duodenum: hoc utiq; ceu Galenus de
utilitate partium lib. 5. tradit, non est negligentia naturæ
adscribendum, sed potius benignitati, quæ paruo com-
modo, quod ex tali meatu uentriculus erat affecuturus,
aliud multo maius incommodum noluit corrogari, con-
tinuam scilicet ciborum euomitionem, quos flauæ bilis
acritudine uentriculus irritatus non posset eo, quo con-
coqui debent, tēpore retinere. Et Auicenna decimaquin-
ta tertij, Non fuit, inquit, creata in pluribus fellibus uia
ad stomachum, ut lauarentur humiditates cum cholera
sicuti lauantur humiditates intestinorum, nisi quia sto-
machus læditur per eas, & patitur nauseam, & corrup-
pitur digestio in ipso, per illud quod miscetur cibo de hu-
more illo. Et quamuis ita sit, nihilominus tamen effun-
ditur aliquando ad uentriculum ipsum: quod cum fit,
haud citra graue hominis periculum accidit. Est autem
talis effusionis locuples testis non modo præsentī capite
SERENVS, sed & Galenus quoq; libro technes secundo

*Fellis utilitas
duplex.*

FELLIS VOM. ET PHTHISI.

dum in fit, Alterum uidi cuius torus habitus pituitā prae se ferebat, quotidie tamen bilē rufam euomebat. Censui igitur inspicienda alui excrementa, in quibus minimum bilis apparebat. Quare coniectura quadam cōprehendī eum meatum qui biliosum egurgiat humorem, non minimam eiusdem partē ad imum uentriculi locum, quem Græci pyloron, id est hostiarium, uocant, effundere: ut in quibusdam apparet animalibus, ex quibus id constat, quod plurimum ad eorum quæ latent sensum, confert cognitionem, ea quæ ex sectionis inspectione habetur per ritia, & operationum atq; utilitarum inuentio. Hæc Galenus. Porro huiusmodi felleæ & biliosæ ad uentriculum suffusionis causa est aliquando uentriculi dolor aut compressio uehemens, aliquando uero descensus cibi tarditas & uirtutis expultricis debilitas, nōnunquam ira seu tristitia, animalis uē passio materiam commouens & ad uentriculum effundēs. Cæterum non semper ex materiæ ad ipsum effusione fit uomitus biliosus, sed & in ipso nōnunquam generatur materia biliosa, cuius mordicationem ferre nō ualens, ipsam uomitu eiicit: cuius causa est uentriculi feruor cum cibum uelocis ad fumositatē conuersionis offendit. Huiusmodi autem fellei ac biliosi uomitus, ni præsens feratur auxilium, ad perniciem ducunt laborantē, autore Hippocrate, qui præsagiorum lib. 2. sic ait, Syncerę pituitę bilis uē uomitus periculosus est. Succurritur uero bifariā huiusmodi uomitibus, Primū per uentris subductionē: deinde per uomitū: quoniam, ut Auicenna testatur Canonis libro 3. fen. 13. tract. 1. cap. 16. mordicatio eius non remouetur nisi uomitu, & tract. 5. ca. 22. Vomitus etiam multoties abscindit uomitū cum est à materia. Sanātur enim ex uomitu cū euomit illā materiam propter effusionem eius cum uomitu. Est autem uomitus rei noxię in uentriculo detentæ per os ad exteriora expulsio. *Phthisi.*) Phthisis est pulmonis exulceratio, cui leuior quædam febricula, tussisq; frequentior accedit

Vomit.
Phthisis.

accedit, cum extenuatione corporis, ac puris sanguinisque excreatione: quibus in ignem proiectis, si foetor inde exhalat, mortiferum est. Vnde Hippocra. aphorismorum libro, ait, Qui phthisi molestantur, si sputum quod extussunt graue olet iniectum carbonibus, letale. Fit autem huiusmodi phthisis maxime quando à capite in pulmonem acris destillat fluctio, ipsum exulcerās. Porro phthisin Celsus tabem Latine nominat, quamuis & latius ad *Tabes.* atrophian & cachexian utatur ea libro, ubi post duas illas species de tertia sic tradit: Tertia est, longeque periculossima species, quam Græci phthisin nominauerūt. Oritur ferè à capite, inde in pulmonem destillat, huic exulceratio accedit, ex hac febricula leuis fit, quæ etiam cū quieuit tamen & repetit: frequens tussis est, pus excreatur, interdum cruentum aliquid: quicquid excreatum est, si in ignem impositum est, mali odoris est. Itaque qui de morbo dubitant, hac nota utuntur. Cæterum Hippocrates lib. 7. aphorismorum ubi inquit, A sanguinis sputo, puris sputum: à puris sputo, phthisis. Phthisin nominat eam, ut Galenus docet, quam proprie Græci & præsertim Athenienses nominant phthoen, id est, quæ pulmonis ulcera *Phthoe.* insanabilia consequitur, totius corporis, cum febre parua, extenuationem: quam purulenta spura, quæ ἐμπύημα *ἐμπύημα.* dicunt, aliquando præcedunt. At communiter phthisis omnem corporis maciem & diminutionem significat, à uerbo φθίνεω quod est diminuere. Vnde & aliarum partium ceu in oculo pupillæ affectio aliquando phthisis dicitur. Et nonnunquam νεφριτική quoque phthisis appellatur: item & quæ prope sacrū os concipitur ἰχιακή phthisis quædam ab Hippocrate dicitur.

Lutea si crescunt & cunctis noxia fella,
Allia parua nouem, piperis tot permole grana,
Quæ cyatho diluta garī mandesque bibesque,

Hh

FELLIS VOM. ET PHTHISI.

Hæc iterum septena capis, post deniq; quina.
Præterea caules si frondet parua sabucus
Decoctos sale permisces ac iungis olium,
Tum capis, ac tali auxilio fella horrida purgas.

Color luteus.
χολη.

Allium.

Lutea fella.) Humor felleus, qui Græce χολη dicitur, coloris lutei, qualis est cum dilutis humore aliquo croci capillamentis lutescit, & ut Gellius inquit, Color luteus, rufus color est dilucidior. Vnde ei quoq; nomē esse factum uidetur. Crescunt.) Ultra modum augētur. Noxia.) Scilicet quando superabundāt. Allia.) Docet nunc Sere-nus fellis uomitui succurrere per medicamenta quædā composita, quæ superfluētem materiam per allium expel-lunt & purgāt: & primo per id quod constat ex alliorum nucleis numero nouem, totidemq; granis piperis, et gari cyatho uno: et hoc prima die, secunda uero diminuto nu-mero, ut scilicet septem tantum accipiendo tum allia tum piperis grana, & tertia die quinq; tantum: semper tamen integro accepto gari cyatho. Sicq; hoc modo tribus die-bus continuandum est medicamentum hoc: quod uel simplicium ratione huiusmodi effectum habere, satis li-quet. Nam de allio sic scribit Dioscorides, Habet omne al-lium acrimoniā, calefacit in cibo, erodit, excernit. Et Hip-pocrates de ratione uictus lib. 2. Allium, inquit, calidum est, uentrem & lotium mouet, quod res est, quæ purgat: coctum infirmius est quā crudum. De pipere uero & garo dictum est in superioribus. Parua.) Vt intelligatur de satiuo siue hortensi, quod in Aegypto concreto capite porri modo nasci, dulce, colore ad purpuram inclinato exiguumq; scribit Dioscorides. Nam reliquis locis gran-de allium multiceps & cādīdum est. Ni malueris per par-ua intelligere spicas seu nucleos, sic enim diuisiones in eo quod grande est, uocant: ne tot integri accipiantur bul-bi, qui forte iustam quantitatem excederent. Tot.) Scili-cet nouem. Permole.) Contere, & contunde, Diluta.) Tem-

Temperata & commixta. *Præterea.*) Docet nūc alterum *Sabucus.*
 contra fellis uomitum componere medicamētum, quod *Ebulus.*
 constat ex teneris sabuci uel ebuli caulibus & folijs de-
 coctis, sale & oleo: quorum omnium uis est idonea ad bi-
 lem deiiciendam. Siquidem de sabuco siue ebulo sic tra-
 dit Dioscorides libro 4. Eadem sabuco & ebulo uis est, sic
 cant, adstringunt, refrigerantq̃, & aquam ex corpore pel-
 lunt. Item, purgant pituitam et bilem elixa olerum modo
 utriusq̃ folia. Quin etiam teneri adhuc caules in fictuli eli-
 xi eadem præstant. Et Plinius libro 24. cap. 8. Foliorū mol-
 lissima, inquit, ex oleo & sale edūtur ad pituitam bilemq̃
 detrahendam: ad omnia efficacior quæ minor. Sal item &
 oleum ambo calfaciunt & aluum molliunt, iisdem Pli-
 nio & Dioscoride autoribus. *Caulis.*) Stipites, ramulos
 et germinationes. Verum caules proprie in singulis plan-
 tis ceu in lactucis, betis & similibus, sunt singulares, &
 ante floris ac seminis ortum surgunt. Is enim in pluribus
 naturæ ordo est, ut antequam flos & semen prodeant, pri-
 us caulis proferatur, imò proferri oportet. *Ramuli.*
 & frutices in fruticoso genere, quale est absinthium, ruta, *Frutices.*
 serpillus et similia, sunt conferti et plures qui ab uno prin-
 cipio oriuntur & eadem ferè altitudine inter se crescunt.
Frondet.) Cum iam frondere incipit & folia nascuntur &
 teneritatem adhuc habet. *Parua.*) Minor, quæ ebulus est
 et ad omnia efficacior, autore Plinio. *Olium.*) Oleum oli-
 narum. *Horrida.*) Aspera & mordicantia, naturæq̃ ini-
 mica. *Purgas.*) Per aluum deiicis & expellis. Est aut pur- *Purgatio.*
 gatio proprie humorum qualitate sua peccantium, ut tra-
 dit Galenus: quamuis etiam pro euacuatione, quæ om-
 niū est humorū quantitate peccantiū, aliquādo accipiat.

Profunt & pelagi latices, quos pondere iusto,

Dulcibus associas lymphis melliq̃ liquenti.

Et niueus prodest ex ubere succus asellæ

Si tepido uinum infundas ac mella piperq̃.

Hh 2

FELLIS VOM. ET PHTHISI.

Thalassomel. Profun: & pel) Hoc tertium est contra fellis uomitum me-
dicamentum, quod Thalassomel uocant, de quo sic scri-
bit libr. s. Dioscorides: Creditur thalassomel hoc egregie
purgare. Conficitur mellis, cælestis aquæ, maris q̃p̃ aquis
portionibus per colum traiectis & in picato uase per ca-
nis æstum insolatis. Sunt qui decoctæ maris aquæ parti-
bus duabus unam mellis miscentes in dolia diffundunt.
Aqua marina. Est q̃p̃ hoc ad purgandū marina aqua leni⁹ & mitius, hæc
enim quamuis bilem & pituitam trahat, acris tamen &
stomacho noxia est. Vnde Plinius etiam ait, Aqua maris
bibitur quoque, quamuis non sine iniuria stomachi, ad
purganda corpora. De thalassomelle uero sic pronun-
ciat: Prodest ad purgationes, maxime sine stomachi ue-
xatione & sapore grato & odore. *Pelagi lat: ces.*) Aqua ma-
Latex. marina. Pelagus enim mare est, Latex uero aqua. *Pondere ius-
sto.*) Aequis portionib⁹. *Dulcibus lym.*) Aquæ dulci, sua-
ui & in potu amabili, maxime autem cælesti, de qua di-
Mel liquidum. ctum est supra. *Liqueti.*) Liquido, defecato, puro sine sor-
dibus. Vergilius: Dulcia mella premes, nec tantum dul-
cia, quantum Et liquida, et durum Bacchi domitura sapo-
rem. *Et niueus ex ubere succus.*) Lac quod succus est & li-
quor candidus ut nix ex ubere extractus. Docet autem
nunc quartum ac ultimum contra fellis uomitum per in-
ferna purgans medicamentum, quod ex lacte asinino,
melle, uino, pipere q̃p̃ mixtis conficitur: quæ omnia uel
per se sumpta molliunt aluum: quod & autorum com-
Lac. probatur testimonijs. Et primo de lacte sic tradit Diosco-
Libro 2. rides: Habet communiter omne lac saporis & succi bo-
nitatem, idem egregie nutrit, aluū tamen mollit. Et Auer-
rois, Lac, inquit, dulce quod est boni saporis in quantum
est medicīna, ualet cōtra discursum humorum acutorum
mordentium, quia lauando membra, & adhærendo eis
prohibet malorum humorum contagium. Et composi-
tum est ex substantijs diuersis, quarum propter aqueam,
ut omittamus aeream & terrestrem, quæ ad subtilitatem
ali-

aliquantulū declinat, abstergit naturam, & nō solum abstergit, uerum etiam laxat uentrem bona laxatione, quia mundificat lauando superfluitates putridas. Mel etiam, præsertim crudum, aluum proritat, ut scribit Dioscorides. Vinum item maxime album, mollit aluum. De pipe re dictum est capite priori. *Aselle.*) *Asinæ*: in lactis enim genere, ut Dioscorides tradit, inter cætera quæ aluum magis soluunt, est asinum quoq;.

Lac asininum.

At uomitum radix narcissi pota mouebit.

At uomitum.) Hucusq; Serenus fellis siue bilis uomitum per alui deiectionem medicari docuit, nunc uero eidem per uomitionem succurrere docet, id autē quoniam uentris os petit humor. Nam nisi id sit, uomitio, uti Galenus therapeutices libro II. tradit, prouocanda non est, Et ideo quoq; ut nature feratur auxilium, iuxta Hippocratis consilium, qui aphorismorum lib. I. sic ait, Quæ ducere oportet, quo maxime natura uergit per loca cōferentia, eo ducere. Quippe natura operans, medicus uero minister solum, qui in artis operibus illam recte operantem imitari debet, idoneum eius adiuuando motum, qualis est qui ad principantia membra non mouetur, quiq; confert & leuiter fertur: unde iterum Hippocrates inquit, In perturbationibus uentris, & uomitibus spontinis, si talia purgentur, qualia purgari oportet, confert, & leuiter ferunt. Sin minus, contra. Nam qui contrario modo se habet, non modo non utilis est, sed & maxime noxius, nec talis quidem iuuandus, sed prohibendus est & auertendus. *Radix.*) Hæc enim pars eius est quæ præcipuum in medicina usum præstat, ut testantur medici. Hinc Auicenna libro 2. Vomitus citat radix eius sicut est comesta aut succus eius epotus. Et Dioscorides libro 4. Radix, inquit, uomitiones citelixa tum in cibo sumpta aut pota. *Narcissi.*) Narcissus si non est lilium, certelilio tamen congener est aut saltem similis: quod uel hinc colligi potest, quod qui-

Vomitum quando prouocandum.

Narcissus.

DE FELLISIMOM. ET PHTHISI.

dam lirion etiam uocant, ceu Theophrastus qui de plan-
tarum historia lib. 4. sic ait: Narcissus autem aut lirion.
Sunt enim qui hoc & qui illo nomine apellent. Liliū autē
à Græcis liriō dici solitum testatur Dioscorides cum ait,
Quidam etiam hunc nō minus quā liliū lirion uocāt.
Et hinc etiam uideri potest ex Græcorum lirio suum fecit
se liliū Latinos, una mutata litera, utpote r. in l. Dictus
autē est Græcis Narcissus, non à fabuloso puero ut poëte
finxerunt, sed quoniam dolores & torpidas capitis gra-
uitates faciat, à narce, qua uoce Græci torporem intelli-
gunt. Et huius deductionis uocabuli testis est etiam Plin.
libro 21. capite 19. Et Plutarchus symposij commentario
2. cap. 1. hijs uerbis: Et narcissum appellauerūt quasi ner-
uos hebetantem & torpidas facientem grauitates. Qua-
propter & Sophocles magnorum deorum, id est subter-
raneorum coronamentum eum uocauit, quod scilicet
defuncti & morte torpidi torpido flore merito corona-
rentur. Amplius uocatur à quibusdam bulbus uomito-
rius, nō quia idem sit bulbo uomitorio, de quo secundo
libro agit Dioscorides, sed quia bulbosæ radice est &
uomitarius ut ille, quem usum præcipuum habet in me-
dicina. Cæterum habet narcissus, ut Dioscorides tradit,
folia porracea, multo tamen tenuiora minoraq; et angu-
stiora, caulem concuum sine folijs altitudine supra do-
drantem, in quo candidus flos est in medio croceus, in
aliquibus autē purpureæ aspectu. Radix illi intus candida,
rotunda, bulbosaq;. Semen ceu in membrana clausum,
nigrum & oblongum. Nascitur probatissimus monta-
nis locis, grato odore. Reliquum genus porraceū & her-
bæ halitum ex se mittit. Verū quæ Plinius & Theophra-
stus de hoc tradunt, & ut Dioscoridi respondeant, breui-
tatis causa nunc omittuntur, quæ tamen copiosius tra-
ctat in annotationibus suis super Dioscoridem Marcel-
lus Vergilius Florentinus,

Bulbus uomito-
rius.

Si uero phthisis annoso sedet improba morbo,
 Intritas uino cochleas hausisse iuuabit.
 Proderit atq; adipis ueteris pila sumpta suilli.
 Carne asinae, seuoq; caprae medicina salubris.

phthisis improba.) Ponit nunc autor ad phthisin remedia.
 Dicitur autem phthisis improba, quasi magna et pessima
 longeque periculosissima & quasi incurabilis, maxime
 cum inueterauerit: tunc enim, ut Celsus ait, non facile e-
 uincitur, quare inter initia protinus occurrere necessa-
 rium est. *Annoso morbo.*) Hoc est, tabe & consumptione
 diuturna, quaeque longo tempore durauit. *Sedet.*) Haeret,
 habitat, fixa & consuetudinaria facta est. *Intritas.*) Inser-
 tas & commixtas. *Vino.*) Propter faciliorem in uniuersum
 corpus penetrationem, quam uinum praestat, & etiam
 quia confortat. *Cochleas.*) Cochleae quamuis difficiles
 sint coctu, stomacho tamen accommodatae sunt, multique
 ac copiosi nutrimenti, propter quod tabidis ac phthisicis
 utilissimae, praesentique sunt remedio, praesertim exsudatus
 igne succus: hacque medicina plurimum aetas nostra uti-
 tur. *Adipis suilli.*) Huius medicinae sic meminit Plinius
 libro 23. cap. 9. Axungia uetus etiam phthisin in pilulis
 sumpta sanat, quae sale inueterata est. Et eiusdem libri ca-
 10. huius uerbis, Phthisicis medetur macrae suis foeminae
 herbis pastae lardum. *Pila.*) Pilula, orbiculus ac globu-
 lus. *Carne asinae.*) Sic Plinius lib. iam memorato, Phthi-
 sicis medentur carnes asinae ex iure sumptae. *Seuo caprae.*)
 Per seuum, esculentum adipis ius intelligit, de quo sic tra-
 dit Dioscorides: Utile praeterea tabidis in sorbitione escu-
 lentum adipis ius est, loquitur autem de adipe caprino. Porro
 Plin. lib. paulo ante dicto, de hoc sic scribit: Caprae seuo
 in pulte halicacia & phthisin & tussim sanari tradunt.

Vinum.

Cochleae.

Adeps suillus.

Caro asinina.

Adeps caprinus.

MAMMIS SANANDIS VEL STRINGENDIS.

CAPVT XIX.

VBERA fœcundo multum lactantia succo
Sæpe sibi noxa nimium manando fuerunt,
Fece igitur ualida duri reprimuntur aceti.

Mammarius
mala.



MAMMIS.) Vberibus male affectis, cuius-
modi sunt quæ dolent, tument, indurantur,
exulcerantur, inflammantur, ultra modum
excreſcunt & propendulæ fiunt, aut nimis exi-
les sunt, ſimiliter quæ lactis copia abundant & illud con-
tinere non ualentes ſuperflue manant, aut eius defectu
conſtringuntur & lactare non poſſunt. Ceterum à mam-
ma fit diminutiuum mamilla, & mammoſa ſiue mamme-
ata mulier dicitur quæ magna habet ubera. Plautus, Cu-
ius amicam mameatam uidimus: à mamilla uero fit ma-
millare, quod amicali genus eſt quo mulieres ubera te-
gunt ſiue mammas. Vbi illud ſciendum, non ſemper
obſeruari proprietatē hanc quā Caper tradit, cum ait:
Mammas eſſe hominis ſcito, at pecudis ubera; nec eam
Serenus hoc capite obſeruat. Sunt autē mamillæ mu-
lieribus datæ lactis cauſa, ut illo donec ad ſolidioris cibi
coctionem idoneus ſit infans enutriatur. Viris uero tum
decoris tum propter laxam earum carnem euaporatio-
nis cuiuſdam gratia conſeſſæ ſunt. Verum mammarum
capitula ſiue apices papillæ uocantur, eo quod papula-
rum, quæ puſtulæ ſunt, ſimiles exiſtant: quamuis etiam
pro mammis ipſis aliquando accipiantur. *Sanandis.)* Cu-
randis, & per hoc ad mammarum paſſiones et morbos ſe-
refert. *Stringendis.)* Conſtringendis, reprimendis, coar-
tandis & colligendis hijs quæ ſparſæ ſunt atq; diſfuſæ: &
per hoc ſe refert tū ad lactis exundantiā & fluorem, tum
&

Mamilla.
Mammoſa.
Mammeata.
Mamillare.

Vbera.

Mammillarum
cauſa.

Papillæ.

et potissimū ad mām̄as excrescētes atq; propendētes, doloris interim nō obliuiscēdo, qui ad omniū quasi prēsentiā, uel ipse præsto est: quāuis nonnunquā citra omnem dolorem aut aliam malam affectionem magnę et propendulæ fiant. *Vbera fœc.*) Docet primo mederi mammis quæ lactis sui sunt impatientes, hoc est, quæ lactis copia abundant & idem propter superantiā à fluore continere non possunt, quibus tumor & inflammatio, dolor item & alia praua accidētia nonnunquā iungūtur. *Fœcundo.*) Vberi & superfluente. *Lactantia.*) Lactē manantia. *Lactans.* Lactans enim dicitur quod lac reddit & præbet: Lactens uero cui præbetur & quod lac sugit. *Succo.*) Lactē, quod naturaliter & suo tempore in hijs quę utero gerunt, generatur ex sanguine qui ad mām̄as fertur, & deinde ab adenibus qui inibi sunt in lac transmutatur. Quēadmodum enim in alijs animalis partibus, autore Galeno, uirtus est alteratiua per quam assimilant alimentū sibi ipsi: sic etiam in mammis sunt adenes qui uim habent id quod ad eos influit alterandi. Cum ergo natura sint exangues & albi, proprium efficiunt humorem, talem qualis est lac, quando plus alimenti defertur ad ipsos: quod fit communiter et proprie in hijs quę utero gerunt, nec quidem in primis in quibus naturaliter non generatur, sed octauo & nono mense conceptionis quando abundanter oppletæ sunt uenæ communes quæ à mammis pertingunt ad uterum, quæ etiam magis implentur quando minimum absumit fœtus propter imbecillitatem suam. Cum itaq; ad fœtus nutritionem ordinatum lac superabundat, mām̄as intumescere facit, & intus contineri non potest, sed omnino effluit & aliter uarie afficit, mammisq; noxium est. Cæterum colligitur aliquando lac in hijs quæ utero non gerunt, nec unquam pepererunt, quando uidelicet ad similem peruenerint uenæ repletionem ex menstruum retentione, uti testatur Hippocrates libro 1. aphorismorum hijs uerbis, Si mulier quæ neq; grauida est, neq;

*Lactans.**Lactens.**Lactis generatio.*

MAMMIS. SANAND. ET STRIN.

An lac in uir-
ris generari
possit.

Nox4.

Nimium.

Fex aceti.

peperit, lac habet, huic menstrua defecerunt. Cōuertitur enim materia, ut inquit Auicenna duodecima tertij. cap. tertio, quæ non inuenit uirtutem expellentem per matricem propter paruitatem ipsius, & peruenit in ubere & fit lac. Quod autem subiungit, Et quandoq; aggregatur lac in corporibus uirorum & proprie in puberibus, ita ut rotundentur mamillæ ipsorum. Hoc non intelligendum est, ut expositor eius dicit Gentilis, de lacte proprie sumpto & in nutritionem fœtus ordinato, sed de substantia quadam dealbata in mamillis, & hoc modo lac in uiris præsertim carnosus generari posse confirmat. Et adducit etiam aliud Auicennæ dictum ex libro 3. de animalibus cap. 3. ut dicit, Et uiri emittūt ex mamillis suis lac, & si continue de suis mamillis exprimeretur lac, abundaret multum in eis. Et de quodam recitat masculo qui habuit lac, de quo factus est caseus. Et idem testatur scribere Aristotelem libro 3. de historijs animalium cap. 20. Quæ si uera sint alijs considerata relinquo. Noxæ.) Nocumento et damno, hoc est noxam & perniciem adferētia. Quod autem lactis copia & fluor nimius incommodo sint & nocumento, id uel Auicennæ testimonio comprobatur, qui Canonis libro 3. fen 12. cap. 3. sic ait, Lac quando superfluit, nocet & apostemat & affert etiam ægrotudines. Nimium.) Nimis & superflue. Nimium enim & excessum & superantiam significat, ab eo quod est nimis, quamuis nonnūquam amplitudinem rei quoq; significet & idem sit quod ualde, ut, O nimiū dilecte deo. Fece aceti.) Quæ admodum uini sic & aceti sedimentum, fex dicitur, cuius in medicina usus est, homini aliās inutilis. Vis eius & natura, ut Dioscorides tradit libro 5. ualidissime adurere, ex terere, ad cicatricem perducere, adstringere & siccare. Utendum autem recente est & cruda: hæc enim est quæ per se tumores reprimat, & quæ contra lactis copiā, eiusq; impatientes mammas ex aceto inungitur, oportet autem ut fex sit aceti quæ acriore ui est & intensiore: quod Plinius

nus etiam comprobat libro 23. cap. 2. his uerbis, Fex aceti
mammas lactis sui impatientes extinguit. Quod si aceti
fex non habetur, accipiatur ea quæ uini est, & ex aceto, ut
Dioscorides docet, inungatur. Cæterum Auicenna Ca-
nonis lib. 2. contra papillarū ex sanguinis constrictione
inflammationem, utilem tradit, dum inquit: Fex nō adu-
sta extinguit inflammationem capitis mamillarum in
quo constrictus est sanguis. Non solum enim lac in ma-
millis aliquando abundat, sed & sanguis ex quo lac gene-
ratur, qui propter multitudinem suam aliquādo corrup-
pitur & ad lactis naturam non bene alteratur, sed mul-
tus existens obtinet uestigium sanguinis: propter quod
etiam Canonis lib. 3. fen 2. cap. 2. idem Auicenna inquit,
Et multitudo fortitudinis eius non elongatur, quin sit
ideo quod sanguis propter uehementiam multitudinis
sux inobedit operationi naturæ, quare non patitur ab ea
& accidit naturæ defectus in conuertendo illum propter
coartationem quam fecit ipsi. Aliquando uero colligitur
in mammis sanguis qui non solum non bene mutatur in
lac, sed omnino intransmutabilis manet: quod cum acci-
dit, malo est. Nam, ut Hippocrates tradit libro 5. aphorif-
morum, quibuscunq; mulieribus ad mammas sanguis
colligitur, furorem significat. Quod tamen accidisse, Ga-
lenus se nunquam uidisse testatur, & si quando eueniat,
ex hijs esse, quæ raro eueniunt.

Post partum tumidas iniuste assurgere mammas

Interdum aspicias, harum mala commemoratur

Murinus fimus ex pluuio sedare liquore.

Sin autem penitus clausas dolor angit acerbus,

Lumbricis terræ turgentes unge corymbos.

Post partum tumidas.) Hoc est, post editum in has uitales au-
ras foetum, ob lactis copiam & redundantiam tumentes
& grauatas atq; obturatas. Prius mammis lac intra se con-

MAMMIS SANAND. VEL STRIN.

tinere non ualentibus, citra tumoris et aliorum acciden-
tium partusq; mentionem mederi docuit, nūc uero hijs
quæ post partum tument, citra fluoris mētionem, quam
uis & hijs quoq; fluor iūctus esse possit, quemadmodum
& prioribus tumor & alia. Solent autem à partu nonnun-
quam ob maiorem lactis impetū, eius copiam ferre non

Mammæ *ωαρ* ualentes mammæ tumere ac inflammari, quales *ωαργωρ*
γῶντες. *ταρ* Græci uocant, ceu quæ in grumos densato ac concre-
χονδριῶντες. to lacte indurantur *χονδριῶντες* ab eisdem appellantur.

Iniuste.) Plus iusto ac æquo & ultra modum conuenien-
tem. *Affurgere.*) In tumorem eleuari & intumescere.

Stercus muris. *Murinus finus.*) Idem medicamentum ponit Kirannus, nisi
quod non pluuiam sed simpliciter aquam accipit, sic in-
quiens, Stercus muris cum aqua dissolutum & inūctum,
dolorem, duriciem & tumorem uberum perfecte dissol-
uit. Siquidem omne finum calefacit, siccatur & discutit.

Pluuioliq.) Aqua pluuiatili, quæ si haberi non potest, acci-
piatur aqua simplex. *Sin autem.*) Hoc est, sed si, uel, si ue-

ro. Et non significat, si non, quasi in sin includatur nega-
tio. Docet autem nunc medicari mammis quæ lactis
copiam non ferentes, idem intra se in grumos coagulār,
unde & meatuum papillarum obstructio accidit, nec red-
dere ualentes lac mammæ turgent, dolent atq; duriciæ af-
ficiuntur, quales paulo ante *χονδριῶντας* à Græcis appel-
lari diximus. *Penitus.*) Omnino et totaliter. *Clausas.*) Ob-
structas mamillas & lac propter coagulationem & mea-
tuum obstructionem reddere non ualentes. *Angit.*) Ex-

Lumbrici. cruciat & dolore afficit. *Lumbrici terræ.*) Vermibus terre-
Vermes ter- nis. Lumbrici à lubricitate dicti, terreni uero ad differen-
reni. tiam eorum qui aluum occupant & proprie lumbrici di-

γῆς ἐντέρα. cuntur. Græci *γῆς ἐντέρα*, hoc est, terræ intestina nuncu-
pant, eo quod in terra generātur et in ea quasi immobiles
uiuunt, quiq; aliorum animalium modo non incedunt, sed
in seipsis & circa seipsos quodam modo mouentur. Quo-
rum teres & pedalis aliquando longitudo: qui si digitis

pre

premuntur, instar fimi terrestris ex animali progredien-
tis, intestinorum imaginem faciunt. Et hæc nominum
apud Græcos & Latinos quantum ad natales, formam,
naturamq; causa. Verum quod ad medicinā attinet, pro
sunt huiusmodi lumbrici terrestres mammarum dolori,
duricie & obstructioni. Sunt enim inter frigus & calorē
adurentem qualitatis temperatæ, solentq; affectis mem-
bris inuncti, dolores lenire ac mitigare, duricies mollire,
& obstructions meatuum adaperire. Oportet autē ipsos
prius purgari ac coqui in oleo, modo qui dictus est supra
cap. 4. aut tostorum cinerem oleo misceri, & deinde oleo
illo membra inungi affecta. *Turgentes.*) Propter materię
exuperantiam tumentes, affligentes & agitantes nec lo-
co quiescere permittentes. Est autem transumptum uoca-
bulum ab animalibus ad coitum concitatis: quemadmo-
dum enim illa loco stare non possunt, quodam modo ti-
tillantia, & impulsæ, concitataq; à passione, sic & materiæ
copia atq; humores superfluentes plerūq; in motu uehe-
mentiore atq; transfluxu ab una parte ad aliam, in mor-
bis hominem infestant mouentes & quiescere non per-
mittentes, propter quod & medicamenta quæ noxia pel-
lant ac morbum curent, adhibere cogunt. *Corymbos.*) *Corymbi.*
Mammarum summitates, quæ & papillæ dicuntur. Pos-
sunt autem & omnia summa, corymba dici. Vnde & he-
deræ racemus in orbem circumactus, corymbus dicitur.

Si castigatas studium est præstare mamillas:

Ex hedere sertis ambas redimire memento.

Protinus & raptas fumis mandare coronas.

si castigatas.) Docet nunc emendare mammas iusto maio-
res et propendulas, quales etiam pannosæ, pannuceasq;
uocant, hoc est, rugosæ & aranearum telis similes: tales
enim corrigere & minores horridulasq; efficere conue-
nit, quo æquæ magnitudini restitutæ, ornatiores, magis.

MAMMIS SANANDI ET STRING.

Castigatum. decoræ, & honestiores existant. Castigatum enim dicitur quod correctum & emendatum est, quasi probum castum & honestum. *Studium.*) Conatus, intentio & uoluntas. *Præstare.*) Reddere, efficere. *Hedera sertis.*) Dioscorides, Natura omnium hederarum in medicina acris est & astringens: & per hoc contrariarum uirtutum esse intelliguntur. Nam acredo quæ gustu sentit, caliditatem: adstrictio uero frigiditatem indicat, ut tradit Gal. Quibus uirtutibus calore scilicet deficcante & adstrictione coadunante, mamas magnas & propedulas flaccidasque colligit & minores horridulasque efficit circūdata hedera, stantes uero ne inclinent aut propendeant, seruat. Oportet aut ipsam quam primum deponitur cōcremare, uti docet Serapion. Sed hoc superstitionē sapit. Quid enim refert siue cōcremetur siue nō postquā deposita est & effectum suū produxit Nisi quis cōcremationē illā seò referre uoluerit (quod tamen ex litera nō colligitur) ut per illam post circūdationē suffumigarentur mamillæ: & hoc rationi magis consentaneum esset, quàm ut solum citra mamillarum suffumigationē quomodolibet cremaret. Porro meo iudicio maioris fuerit efficacitæ si contusa hedera cum succo suo mammis imponeretur, & alligaretur, donec uim suā exercuerit. *Sertis.*) Coronis à serēdo sic dictis, hoc est, à contexendo & ordinando, quæ ab initio ex floribus & frondibus inuicē digestis, ordinatis & cōnexis fieri solebāt. *Redimire.*) Ornare, coronare, circūdare & circūponere. *Raptas.*) Reuulsas, depositas. *Fumis mandare.*) Igni tradere & concremare.

Anseris aut seuum pariter cum lacte repenti,
Aut ouū impositum tulerit quod garrula perdix,
Præterea pluuio decocta papauera rore
Hærebunt multis post dissoluenda diebus.

Adeps anserinus.

Anseris aut seuum.) Ponit nunc medicamen quod mammis prodest, quæ ob lactis exundantiam & coagulationem intumescunt, durantur & magnæ efficiuntur. Adeps enim dura

dura emolliendo, densa rarefaciēdo & attenuando & collecta discutiendo, lactis superantiam minuit, coagulationem dissoluit, quorū causa & tumor discedit & duricies emollitur, unde tandem molles, rariores, inanes & propendulæ fierent mammæ: quod tamen ne accadat, lac efficit, quod ultra dictas iam uirtutes, exundantia absumit, & diffusa, sparsa q̄ coadunat & adstringit. Porro inter adipēs cōuenientior est anserinus, qui maiorem alijs tenuitatem habet & altius descendit. Lac uero medicatius est bubulum, quod etiam coctum esse oportet, ut quod tenue & serosum est in eo absumatur. Coquitur autem aut ignitos calculos in ipso extingūdo, aut lento igne & continuo lactis motu, donec crassius & dulcius euaserit quā antea crudum fuerat, ubi id etiam summopere cauendum est ne uel exuratur seu caseus fiat & coaguletur. *Aut ouum impositum.* Oua temperatæ sunt qualitatis, humano tamen temperamento non nihil frigidiora. Siccant humecta, coadunant & colligunt sparsa, diffusa & laxa, collecta uero & adunata ne se inclinent aut laxentur prohibent & in sua consistentia cōseruant: unde māmīs emendandis imposita sunt idonea, præsertim perdicum oua, quæ singulārē quandam præ cæteris proprietatem & uirtutē huic effectui producendo idoneā habent. Accipiendū aut luteū cum albumine & imponendum, aut putamē ipsum quod arefaciēdo maioris efficaciz est siue crudum siue ustum adplicetur. Verum quia aridum est, ideo molli cuipiam rei, quo melius impositum adherere possit, commiscendū. Sic crudi puluere cū cera utitur Kirannus cum ait, Testæ ouorū perdicis tritæ & cum cera citrina & cadmia ualde commixtæ & inunctæ, mamillas laxas & cadentes erigunt. Plinius uero libro 30. cap. 4. usti cinerem commendat his uerbis: Ouorum perdicis putaminum cinis cadmię mixtus cerę stantes mammas feruat. Putant & ter circumdatam ouo perdicis non inclinari. *Tulerit.* Protulerit, produxerit, ediderit, *Garrula perdix.* Docilem *Perdix garrula.*

Lac.

Lac.

Oua perdicis.

MAMMIS SANAND. VEL STRING.

uidetur intelligere perdicem & quæ humano sermoni enuncians sit apta: quemadmodum Papinius etiam sylvarum libro 2. in Pittaco Melioris, eandem inter doctas connumerat aues, & quibus nobile fandi ius natura dedit, cum ait: Quiq; refert iungēs iterata uocabula perdix. Hanc etiam loquendi docilitatē in perdice comprobant, ni fallor, Plutarchus in symposiacis, & Athenæus in di-
 pnosophistis. Ceterum quæ sit nostra ætate auis, perdix, ambigunt aliqui. Nam Papinium olim enarrans præceptor meus omnigenæ doctrinæ eruditissimus Hieronymus Aleander, dicebat, Quoniam loquacitatē in ea aue quam nunc perdicem dicimus, non est inuenire, per eam intelligere uidetur Papinus auem quam coturnicem appellamus. Et Marcellus Virgilius super Dioscoridem, de perdice, inquit, Nō satis compertū nobis est quo nomine nostra ætate indicetur hæc auis, tam multiplex diuersis

Papauer.

locis earum auiū genus & seminium est. *Papauera.*) Dioscorides, communis refrigerandi uis omnibus est papauerum generibus, ualentq; contra inflānationes & destillationes tum folia tum uascula & semina, idq; ui refrigerante, crassescēte, siccante & adstringente. Vnde cum mamillæ ob calorem superantem lacte exundant & intumescunt ac dolent, confert eis ex papauere & pluuiatili aqua impositum emplastrum. Calorem enim restinguit, lac deficcat, tumorem comprimit & laxa adunat, doloremq; arcet. Quod si quis dicat autoritate Auicēnæ, papaueris semen lac augere & ideo non deficcare, huic respondetur quod hoc agit intus sumptum & per operationem à materia, non autē extra applicatum nec à qualitate manifesta. *Pluuiorore.*) Aqua pluuiatili quæ cæteris

Ros.

tenuioris est substantiæ. Ros proprie, ut inquit Apuleius in libro de mundo, nocturnus humor est quem serenitas tenuiter spargit. Porro cum adiuncto, humorem significat adiuncti. Fit autem à rore rorulentus & roscidus

Rorulentus.

Roscidus.

hoc est rore conspersus. *Hærebunt.*) Imposita manebunt

bunt. *Multis.*) Nō uno, sed plurib⁹, ut duobus aut tribus aut quatuor, donec effectū suū compleuerint. Si enim cito amouerentur, effectum intentum producere non quirent, quare lōgiore mora ad id opus est. *Dissoluenda.*) Deponenda, amouēda. *Post.*) Postea. Præpositiones enim postpositæ, aut metri causa etiam præpositæ, si casum mutant, significationem suam & uim nominis & legem propriam non habent sed Aduerbia fiunt. Autor Donatus, Seruius.

Præpositiones.

Vis & Phœbigenæ cælestia sumere dona
Vbera cum tetrīs laniata doloribus urgent,
Nauis ramentū, & quæ nomine præssion herba est,
Et quæ uulgarī sermone Insana uocatur.
Græcus hyoscyamon propria scit dicere lingua,
Nec non & calami radix, lapathiq^{ue} legumen.
Mixta dabunt miras, experto crede, medelas.

Vis & Phœbigenæ.) Aesculapij Phœbo geniti et in deorum numerum relati. Sic supra, cap. 12. Vis & Phœbigenæ diuinam discere curam. Tradit autem nunc medicamentum ultimum mammis sanandis conueniens & utile, præsertim hijs quæ tument, inflammationem patiuntur & exulcerantur, quibus malis & dolor comes est nō minimus, maxime ubi serpentia & exedentia fuerint ulcera. Componitur autem uarijs ex rebus, quarū prima est nauium derafa pix, quæ pus & saniem, omnemq^{ue} sordiciem in ulceribus siccatur, discutit & euanescere facit. Optima hæc, ut Plinius libr. 24. cap. 7. ait, à tyrociniū nauium: additur autem in malagmata ad discutiendas collectiones. Secunda est marrubium, quod, ut Apuleius tradit, contra duricias efficax est. Inquit enim sic, Ad omnem duriciā, herba marrubium tunsa cum axungia & imposita, mire sanat. Idem et præsertim folia eius tantum ex melle illita sordida purgant ulcera, cohibent et quæ serpendo pascunt, ut autor est Diosco. qui & de Apollinari siue hyoscyamo

Pix naualis.

Marrubium.

Hyoscyamus.

Kk

Calamus.
Lapathon.

Nauis ramentum.
Zopiffa.

Prasium.
Marrubium.
Herba insana.

Symphonica.

Calicularis.
Pilisa.

etiam tradit quod semen eius mammis à partu tumentibus tritum & ex uino emplastri modo impositum cōfert. Et paulo post, Recentia itidem folia emplastri modo imposita, omnium aliorum remediorum efficacissime dolores omnes arcant. Calamus item & Lapathon purgandi atq; discutiendi uires habent. Ex hijs itaq; simul mixtis medicamentum efficitur quod mamillarum tumorem et inflammationem discutit et restinguit, serpentia cohibet, pus & saniem, sordesq; purgat atq; dolores sedat, sanitatemq; restituit, uti se expertum testatur Serenus, quare illi confidendum audentius. *Laniata.*) Lacerata, exasperata & exulcerata. *Vrgent.*) Molestant, & excruciat. *Nauis ramentum.*) Hic corruptus fuit textus & pro nauis male nā bis legebatur. Est autem nauis ramentum, quā Zopissam uocant, hoc est, ut Dioscorides libro .i. ait, derafa nauigijs cū cera resina, & à plerisq; hypochyma appellatur, quod marino sale maduerit discutiendi uires habens. Plinius item Zopissa, inquit, eraditur nauibus cera marino sale macerata. Porro ramentum à radendo dicitur, quasi rasura, & est id quod derafo ligno uel re alia decidit, hoc est, tenuis cuiusq; rei particula derafa. *Nomine.*) Scilicet Græco. Latini enim marrubium dicūt. *Est.*) Id est, uocatur. *Prasium.*) Quā Græci πρᾶσιον uocant, Latini marrubiū dicunt. *Vulgaris sermone.*) Nomine communi, à uulgoq; trito & usitato scilicet Latino. *Insana.*) Ab effectu quo insaniam facit. Pota enim aut in cibo sumpta ebrietati similem amētiā facit, ut Dioscorides tradit. Apuleius & Paladius symphonicam uocant. Macer autem Caniculatam, ubi mutatis literis paucis legendum potius censeo calicularem, quemadmodum etiam legitur apud Apuleium, qui Pilisam quoq; uocari scribit. Insignitur & alijs nominibus, quæ copiose satis refert Apuleius. Et quamuis herba sit uulgaris & omnibus nota, nihilominus tamen paucis describitur. Est autē frutex crassus coliculis, folijs latis, oblōgis, incisis, colore nigris & hirsutis, habetq;

pe

per caules deinceps flores punice cytinorum figura cli-
 peolis in medio obstrufos, semine ceu papaueris plenos.
 Plura eius genera. Vnum flore purpureo, semine nigro.
 Alterū flore luteo, semine subflauo: insaniā ambo gignen-
 tia, infelicis in usu euentus. Tertium flore & semine albo,
 utile, & ad medicinam placidissimum. Nascitur in mariti-
 mis hoc & inter ruinas & rudera. Quod si hoc uti non li-
 cebit, utendum eo quod lutei seminis est. Nigrum quod
 omnium pessimum ex omni usu abdicandum. Colligitur
 ex tenero semine folijsq; & coliculis succus, in quē usum
 tunduntur omnia, expressusq; in sole siccatur succus. Vsus
 eius ad annum tantum, facile enim putrescit. Colligitur
 priuatim etiam succus ex semine iam sicco, adfusa cū tun-
 ditur calida aqua & expressus. Est aut sic expressus succus
 priore illo innocentior: autor Diosco. Cæterum semini
 eius, ut Plinius tradit, natura uini, ideoq; mētem caputq;
 infestans. Vsus seminis & per se & succo expresso: expri-
 mitur separatim, & caulibus folijsq; utuntur, & radice te-
 meraria in totum (ut arbitror) medicinæ. Quippe etiā fo-
 lijs constat mentem corrumpi, si plura quā quatuor bi-
 bantur. Hæc Plin. *Hyoscyamus*.) Id est, fabam porcinam,
 id enim suem, κύνες uero fabam significat. Sic dicta à ma-
 leficio eius, eo quod pastu eius, ut autor est in historia sua
 Helianus, cōuellantur sues præsentis mortis periculo, nisi
 copiosa aqua statim se foris & intus proluerint. *Calami*.)
 Harundinis. Cuius uariæ sunt differentiæ. Quædā enim
 nastos, id est, toto internodio concreta & plena uocatur,
 ex qua sagittæ fiunt. Quædam contra semina appellatur,
 ex qua tibijs lingule conficiunt. Quædā itidem syringias
 quasi fistularis dicta, carnosæ, densis geniculis, scribendis
 libris accommodata. Crassior quædam etiam & concaua
 prope profluentes aquas nascens, quæ donax dicitur: ab
 aliquibus autem cypria. Est & alia quā uallis sepibusq;
 utilem phragmiten Græci, nos uallarem uel sepicularem
 dicamus, gracilis, cādidaq;, omnibus notissima, cuius ra-

*Hyoscyamus.**Calamus.**Harundo.*

MAMMIS SANAND. ET STRIN.

Lapathon.
Rumex.

dix & folia tum aliarum partium tum mammarū inflammationibus medentur. Potestq; eadem quæ et Cypria dicitur, autore Dioscoride. *Lapathi.*) Lapathon, Romani rumicem dicunt. Plura eius genera, inter quæ oxylapathon quasi acuta rumex dicitur, palustribus locis nascens, duris & in cacumine acutis folijs. Est & hortensis huic omnino dissimilis. Est & tertia agrestis, brevis, plantagini similis, mollis & in terra iacens. Quarta postremo quam quidam ab aciditate saporis oxalida appellāt, sunt qui eandem etiam anaxyrida aut agrestem rumicem uocent, cuius folia tertio generi similia sunt. Eius caulis non adeo grandis est: semen acuminatū, colore rubro, sapore acri, quod in caule & adnatis nascitur. Est & quæ hippolapathos, id est, grādis rumex à Græcis dicitur. Nascitur in palustribus. Cunctarū uires eadem, autore Diosco. Discutit aut lapathon omne, & apostemata mirifice aut spargit aut collectionē facit & aperit uulnus atq; persanat impositum quasi malagma, uti testatur Apuleius, qui axungiam illi permiscet. *Legumen.*) Hoc est, semen seu euulsa cū semine et radicibus herba. A legendo appellata sunt legumina, quia ita legūtur, hoc est ē terra uellūtur, ceu faba, lens, cicer, linum: non autem subsecantur ceu triticū, far, ordeum & frumentorū reliqua. Cū enim duo prima frugū sint genera, frumenta & legumina, illa quidē subsecantur, hæc uero uelluntur: autor Plin. lib. 13. cap. 7. & 17.

Legumen.

REIECTIONIBVS CIBI

AVT SANGVINIS AB
stinendis.

CAPVT XX.

Si stomachus nondum concoctas expuit escas
Et magis atq; magis uitium reuomendo ualescit,
Allia cedemus, crebrumq; trahemus odorem.

Re

REIECTIONIBVS.) Reiectio, quæ & re Reiectio.
iectus dicitur, est rei per os expulsio: sic dicta à Reiectus.
uerbo reijcio, quod inter alias significationes Reijcio.
suas aliquando idem significat quod retro ia-
cio ac sursum & extra fero & expello. Vnde & quæ uomi-
tu eijciuntur reijci dicuntur. Plinius, Vini plusculum si à
ieiuno sumatur, deinde reijciatur. Idē, Et uernatio utilis
erit, si postquam sorpta fuerit, statim reiectio sequatur. Po-
test autem uariarum rerum esse huiusmodi reiectio & uo-
mitus, utpote, cibi, sanguinis, pituitæ, & aliorū corrupto-
rum exuperatiumq; humorum. Verum hoc capite Sere-
nus non omnibus horum mederi docet, sed illi tantum
quæ (ut ait) cibi est, non aliorum: nec tali semper, sed tan-
tum quæ superfuit & nocet. Accidit enim ut profitali-
quando uomitus, magnoq; sit iuuamento, ubi rarus fue-
rit & moderatus. Vnde Auicenna Canonis libr. 3. fen. 13.
tract. 5. cap. 8. inquit: Et in administratione quidem uomi-
tus cum æqualitate est iuuamentum maximum. Celsus
item medicinæ lib. 1. Et reiectus cibi, ait, non erit inutilis,
si raro fiat. Et lib. 1. ca. 3. Solet etiam prodesse post uarium
cibum frequentesq; dilutas potiones uomitus. Fit aut uo-
mitus cibi aut ob multitudinem & uarietatem suam, aut
satietatem nimiam, quæ ut Celsus lib. 1. cap. 2. ait, nunquā
utilis est, aut quia uis cōcoctrix est uitiata, aut stomachus
quomodolibet perperā affectus, ut alias interim causas
omittam. Cæterum dicuntur & ea quæ ex pectoralibus
efferuntur reijci, præsertim si sanguinis fuerit expulsio, de
qua in præsentī agitur capite: quod uel hinc (ne quis pro
uomitione tantum accipi credat, quū sanguis etiā uomitu
aliquando eijciatur) patere potest, quod aperte Serenus
pectus nominat. Solet etenim à uarijs partibus per os ex-
pelli sanguis. Aliquando enim (ut inter medicos conue-
nit & autor est Gale. lib. de affect. locorum notitia 4. cap.
6.) è gula uentriculoq; uomitione expellitur, aliquādo ue-
ro ex spiritalibus partibus tussi, ex faucibus & gurgulione.

Kk 3

REIECTIONIB. CIBI AVT SANG.

creatu, ex ore simplici expuitione. Vbi illud etiam diligenter animaduertendum est, quod quamuis ex spiritalibus instrumentis nihil sine tussi expui potest: quia tamē subito gutturi irruentia, tussim mouere possunt, ideo nō semper ex spiritalibus membris eiectionis sanguinis nota est tussis. Solet enim interdū à cerebro, ad gurgulionis partes internas quæ faucibus præpositæ sunt, affatim descendere et tussiendo educi sanguis. Sed huius certior nota est capitis uel dolor uel grauitas siue præsens siue præterita, aut capitis ictus percussusue. At de hoc nihil ad præsens, sed de eo tantum qui ex spiritalibus effertur: quod bisariam accidit, aut enim ex pulmone educitur, cuius indicium est quod cōfertim & plurimus, tum ruber tū feruens reijcitur, & maxime spumofus, quod efficacissimū signum est excretionis ex pulmone factæ: cuius testis etiā est aphorismorum lib. 5. Hippocrates inquit, Quicūq; spumofum sanguinē expuūt, hīs ē pulmone educio fit. Aut ex pectore & thoracis parte quapiam reijcitur: cuius nota est pectoris dolor & sanguis non cōfertim reiectus, nec multus, minusq; tum ruber tum calens, sed nigricans & grumofus. Suntq; uariæ huiusmodi reiectionum sanguinis species: de quibus Galenus therapeutices libro 5. & de locis affectis lib. 4. cap. 9. *Stomachus.*) Stomachum pro uentriculo accipit, in quo cibi recipiuntur & concoquuntur. *Esca nondum concoctas.*) Hoc est, nondū digestum, ut nunc loquimur, sed crudum adhuc cibum. *Vitium.*) Scilicet uomitio. *Reuomendo ualescit.*) Nō rarum sed frequentem uomitū indicat: qui non utilis ut rarus, sed noxius esse solet, teste Auicēna, qui decimatertia tertij, sic ait, Assiduatio eius maxime debilitat uirtutē stomachi, & facit ipsum lacunam superfluitatum. *Allia.*) Quamuis cibi reiectionibus allium comestum mederi possit, stomachum refrigeratum & humectum calfaciendo & deficcando, ac superflua excernendo: tamē quia ui quadam comprimente dotatum est, quam tussis ipsius efficacius exhibet

Allium.

hibet odor: ideo creber olfatus eius, os stomachi, quo magis receptum cibum contineat, corroborat, ac cibi reiectiones compescit. *Cedemus.*) Cæsum enim fortio-
 ac magis adstringentem præbet odorē. Cædo cum diph- *Cædo.*
 thongo scriptum ut hic, excidere est, frangere & contun-
 dere. Sine diphthongo tamen & prima breui cum accen- *Cedō.*
 tu in ultima modo da, modo dic significat. Plautus in cap-
 tiuis: Cedō manum. Idem in cistellaria: Cedō quid tam
 abhorret hilaritudo te obsecro? *Trahemus odorem.*) Odo-
 rabimus, olfaciemus, ac per os etiam nedum per nares so-
 lum, trahemus halitum & inspirabimus.

Sin etiam rutilus referetur pectore sanguis,
 Sorbitium menthæ, raphanus uel cocta iuuabit.
 Sæpe lapis teritur specularis nomine dictus
 Et mixtis hauritur aquis, sistitq; cruorem.

Sin etiam rutilus.) Ruffus. Docet nūc mederi sputo sanguis
 qui expellitur ex partibus maxime pectoris. *Referetur.*)
 Retro & extra feretur, reñcietur & expelletur. *Sorbi-*
tium.) Succus & decoctionis eius liquor. *Mentha.*) Nota *Mentha.*
 omnibus herba est mentha, calefaciendi, adstringendi, de-
 ficcandi q; uires obtinens: ideo q; sanguinem sistit, maxi-
 me ubi frigidus humor ad uenarum extensionē concur-
 rit. Plinius, Datur mentha sanguinē excreantibus in sor-
 bitionem. Et Auicenna, Mentha prohibet fluxum sang-
 uinis & sputum eius. Verum Dioscorides acetum succo
 miscet: & id forte propter penetrationem suam, cum ait,
 Sanguinē sistit potus cum aceto succus eius. *Raphanus.*) *Raphanus.*
 Raphanus, quæ & radix, & radícula dicitur, qd sanguinē
 reñcientibus profit, hoc etiā ex Plinio colligitur, qui Me- *Lib. 20. cap. 4.*
 dium autorem id comprobantem citat inquiens, Medi-
 us & sanguinem excreantibus coctos dari iubet rapha-
 nos. Et hoc uirtute sua deficcante & tussim contra quā eli-
 xa estur, sedante, Solet enim nonnunquam tussis ipsa re

REIECTIONIB. CIBI AVT SANG.

Lapis specu-
laris.

iectionis sanguinis causa esse: qua sedata, sanguis quoq;
facilius sistitur. Habet adhuc comprimentem uim qua
sanguinem sub se ac cibum quoq; præassumptum com-
primit. *Costa.*) Elix. Sic enim temperatior est, autore A-
uicēna, minusq; inflans: uis enim inflatiua per decoctio-
nem tollitur. *Lapis specularis.*) Humorē hunc terræ quidā
autumant crysalli modo glaciari, & in lapidem concre-
scere manifesto apparet, quod cum feræ decidere in pute-
os tales medullæ ex ossibus earum in eandem lapidis na-
turam post unam hyemem figurantur, uti libro 36. ca. 22.
tradiit Plinius. Sanguinem sistit ui sua refrigerante & ad-
stringente.

Suber.

Cinis corticis
suberis.

Platani pilule.

Vritur interdum raptus de subere cortex
Et cinis ē calido prodest epota lyeo.
Aut platani pilulas acri infundemus aceto:
Nullus erit sanguis quem non cibus iste moretur.
Vritur.) Incineratur. *Subere cortex.*) Suber, inquit Plin.
minima arbor, glans pessima, rara, cortex tantum in fru-
ctu præcrassus ac renascēs, atq; etiam in denos pedes un-
diq; explanatus. Vsus eius anchoralibus maxime nau-
um, piscantiumq; tragulis, & cadorum obturamentis.
Præterea in hyberno fœminarum calciatu, quam ob rem
non infacetē Græci cortices arborū appellant. Sunt qui
fœminam ilicem uocent, atq; ubi non nascitur illex pro ea
subere utuntur. In carpentarijs præcipue fabricis ut cir-
ca Elin & Lacedæmonem: nec in Italia tota nascitur, aut
in Gallia omnino. Cæterū uirtutis est adstringentis, qua
sanguinis reiectionibus medetur: quod Plinius etiā lib.
24. ca. 4. attestatur his uerbis, Corticis suberis cinis ex ui-
no calido sanguinem excreantibus magnopere laudatur.
Platani pilule. *Platani pilulas.*) Fructum qui in parua pilæ ac globuli mo-
dum nascitur. Idem medicametū habes apud Plinium
naturalis historiæ lib. 24. cap. 8. his uerbis, Platani pilulæ
tusæ cū aceto acri magisq; Scyllitino, sanguinē omnem
sistunt.

fistunt. Sunt enim uirtutis adstringentis multum participes. *Aceto.*) Et hoc maxime in principio ubi sanguinis congelatio suspecta est. Acetum enim, autore Auicenna, *Acetum.* sanguinem fluentem adstringente ui sistit: spiritalia membra à sanguine deterto purgat, ac cōgelationi resistit. Administrandum est autem cum adstringentibus & conglutinantibus, adstrictione etenim hic maxime opus est, cui si mundificatio accedit, præsentiſſimus sanitatis effectus consequetur. Sed animaduersione habenda est ad tussim: quæ si recens affuerit, ab aceto cauendum est, & eius loco adstringentibus comiscendum potius uinum aut aqua: non ita tamen in ueteri tussi, quam potum acetum lenit. Vnde Dioscorides de aceto sic scribit: Adstringit & refrigerat acetum: sanguinis eruptiones omnes potum compescit, contra sanguinis grumosas in stomacho concretiones, ui opis & auxilij præcipua. Potum ueterem tussim lenit, recentem proritat. *Nullus.*) Quantumcunq; multus uel acutus & impetuosus effrenisq;. *Moretur.*) Tardet, detineat & sistat.

IECORIS ET LATERIS

VITIIS MEDENDIS.

CAPVT XXI.

SI molles iecoris fibras dolor hauriet acer,
Protinus ex mulsa potanda elelisphagos herba est.



IE C O R I S.) Hepatis: quod membrum est **I E C V R.**
principale, cuius operationes à seipso producuntur citra aliorum membrorum in ipsum influentiam, ut autor est Auenzoar theizir libro 1. Hinc Hippocrates uitæ bonitatem hilaritatemq; à perfecta hepatis sanitate prouenire tradit. Estq; naturalium uirtutum fons & principium, à quo ipse in uniuersum

LI

IECORIS ET LATERIS.

sum corpus propagantur & operationes suas exercent. Suntq̃ generatim in qualibet corporis nostri parte quatuor, autore Galeno de locis affectis libro 5. cap. 7. Prima quidem attractrix uocata, quæ peculiares parti succos, alendi ipsam gratia, & appetere et attrahere potest. Altera deinde est quæ alteratrix dicitur, qua succus attractus similis euadit parti quæ alitur. Huic aliæ duæ ministrant: Retentrix, quum pars attractum succum coquit, donec in suam ipsius naturam eam mutauerit: Et expultrix, quando à coctione, quod inutile est, excernit, idq̃ excrementum uocatur. Cæterum est etiamnum hepar præcipuum sanguinis organum & uenarum principium. Siquidem cibum in stomacho iam in succum transmutatum et chylum ab ipso per uenas meseraicas suscipiens, ipsum in sanguinem, sine quo uita consistere nequit, conuertit. Iecoris officiū. Sanguinis etenim generatio hepatis munus est & facultas propria, ut tradit Galenus: & propriā uocat propter alias tres quæ omnibus corporis nostri partibus communes sunt, ceu attractiua, retentrix & expultrix. Nā quarta generatim quidē alteratrix, speciatim uero sanguifica uocatur. Sitū est autē hepar à dextra parte sub præcordijs ab ipso septo ortū, intrinsecus cauū, extrinsec⁹ gibbū, quod prominens leuiter uētriculo insidet, & in quatuor fibras diuiditur, quas Auicenna additamēta uocat. Porro om̃ morbum patitur quem hepaticum Græci, Latini iecorarium uocant, & à Plauto in Curculione hepatrius dicitur, dū in fit, Tum te igitur morbus agit hepatrius. Qui hunc patiuntur hepatici & iocinorosi uocantur: suntq̃ tales, quibus hepatis uires sunt imbecilles, nunc quidem ob solam intemperaturam citra tumorem præter naturam: aliquando uero ubi unā cum intemperatura tumor quoq̃ infestat. Estq̃ modo longus, modo acutus morbus: doletq̃ hepar (non quidem de se, quum nullus per totum corpus eius dispersus sit neruus, sed ratione membranæ adiacentis & qua tegitur, per quam neruus dispergitur)

in

in longo quidem propter obstructionem à crassis & viscosis humoribus in extremis uasorum partibus, quæ ex uenæ ipsius portis exoriuntur: uerum mediocriter et cum quodam ponderis sensu potius quàm uehementis doloris. In acuto autem dolor uehemens est, qui propter flatuosum spiritum, uel inflammationem, quæ scilicet maxima est aut suppūrata, accidit. Cæterum hepatis patientis indicia sunt potissimum in dextra præcordiorum parte grauitas, tumor, præcipue grandis & duricies, quæ si in gibba parte fuerint, per facile solo tactu dignosci possunt. Dolor item non modo is qui in eo ortū habet, uerū et ille qui cōpatiendi ratione prouenit: hepatis enim dolor, si quispiam alius, uicina corpora ad consensum inducit. Nam & ad iugulum usq; porrigitur, & spirandi difficultatem creberrime affert, atq; interdum tussim quoq; neq; raro nothas costas infestat, item sitis, uomitus biliosus, linguæ color in primis quidem ruber deinde uero niger, ac corporis color malus. Hepate enim uitiato, & linguæ & uniuersi corporis color alteratur. *Lateris.*) Omne id *Latus.* quod in anteriore homine spatium est, & utrinq; à superiore parte qua brachium humero iungitur ad imas pertinet costas, cui ex interiore parte costæ subiacent: Latini *latus*, Græci nunc fœminino, nūc neutro genere *πλευρά* *πλευρά.* καὶ *πλευρὸν* dicunt. Quæ pars morbis tentatur nunc *grauioribus*, nunc *leuioribus*. Græci grauius malum *πλευρι-* *πλευρὸν.* *τις*, leuius *πλευρᾶς πόνον*, Latini uero, ueteres quidē utrumque *lateris* & lateralem dolorem, nullo inter illa facto discrimine: recentiores autem *pleuritin*, hac tamen facta differentia ut grauius malum *pleuritin* ueram, & leuius non ueram appellarint. Porro uera & exquisita *pleuritis* *Pleuritis uera* fit, autore Galeno de locis affectis libro 5. cap. 2. ubi ex *exquisita.* inflammatione cingēs ex interiore parte costas membra na, aut musculi illi continui primario affectu laborant: cuius accidentia inseparabilia sunt, febris uehemens & acuta, quia sedes affecta & parum distat à corde, & cum

IECORIS ET LATERIS.

panniculo ipsum inuolvente ac septo transuerso cognationem habet. Cæterum afficiatur ne magis cingēs membrana an musculi ipsam contingentes, à pulsu indicium petere oportet: nanq; musculi minus, cingens uero membrana magis & tendit & indurat arteriam: dolor perinde ac si locus uel intendatur uel pungatur, qui modo ad iugulum superioribus eius partibus affectis, modo ad præcordia, ubi inferiores afficiuntur, peruenire uidetur. Spiratio frequens & exigua difficilisq;. Tussis magna ex parte cum sputis coloratis: nonnunquam uero sine hijs, & has incoctas pleuritides nominant, quæ uel celeriter hominem rapiunt uel longo temporis spatio finiuntur. Sunt præterea alij costarum cum febre dolores, per quos spirationem exiguam reddi necesse est, sed nullū redditur sputum, ut in ea re nihil à pleuritide sine sputo constante differre uideatur. Verum hijs facile ab illis discerni possunt. In hijs enim nulla omnino tussis est: illi uero qui sine sputo pleuritide laborant, sicca tussis molestatur: deinde quod neq; tensionē, neq; duriciem ullam refert pulsus: postremo quod non æque acuta febre laborant, neq; adeo difficulter spirant. Adhæc pleuritim etiam uocant & illam ueram, ubi in septo transuerso fit inflammatio, cuius dolor acutissimus est, cito interimens: & hunc Serenus forte intelligit morbum quem in capitis fine TELVM appellari tradit. Demum pleuritim non ueram uocant lateris dolorem, quem Græci πλειυρῆς πόνον dicunt, qui siue in membrana costas ex interiore parte cingente & musculis contingentibus, siue in exteriori pectus cooperiente & cum cute communicante fiat, sine febre sentitur: fitq;, ut Celsus ait, uel ex frigore uel ex ictu uel ex nimio cursu uel ex morbo, aliâue huiuscemodi causa. *Fibræ.*) Fibræ proprie præcordiorum et omnium rerum dicuntur extrema. Vnde quæ in hepatis extremitate pinnulæ sunt à medicis uocatæ, fibræ dicuntur: Auicenna additamenta uocat. Aliquando uero fibræ dicuntur arborum uenæ, quæ in folijs

Pleuritis incocta.

*Telum morbus.
Pleuritis non uera.
Lateralis dolor.*

Fibræ.

filamentorū instar conspiciuntur. *Hauriet.*) Exhaustiet,
uiribus destituet & exinaniet. *Ex malsa elelisphagos.*) Idem
prodit Macer in libello de uiribus herbarum hīs uerbis:
Salua cui nomen elelisphacos est apud Argos Cum mul *Elelisphacos.*
sa iecoris prodest potata querelis. Est autem elelisphacos *Salua.*
quam nos saluam appellamus. Plinius, Nostri qui nunc
sunt herbarij elelisphacon Græce, Latine saluam uocāt.
Notus apud omnes frutex, affecto hepati utilissimus.

Sumitur & semen quod fraxinus alta profudit.

Vulturis atq; iecur: uel ius perdicis apricæ.

Præterea simili drachma pix dura, piperq;

Franguntur, sic in mollito puluere cuncta

Egelidis miscentur aquis, recreantq; bibentem.

Absinthi quoq; decocti potabitur humor.

Semen quod fraxinus.) Fraxini semen, quod folijs inest, ut *Pli Fraxinus.*
nius tradit lib. 24. cap. 8. Est autem fraxini uirtus refrige-
rans & extenuans. Vnde & iecoris inflammationibus, et
tumoribus remedium est efficax, præsertim semen. Plin.
cum semine folia etiam ex uino utilia tradit inquiens, *Se-*
men folijs fraxini inest, quæ medentur iocinoris & lateris
doloribus ex uino. Alta.) Celsa, & ut Vergilius ait, fra-
xinus ingēs. *Profudit.*) Protulit, produxit & progeniuit.
Vulturis iecur.) Et hoc à singulari quadam proprietate sua *iecur uulturis.*
& occulta, naturæq; tantum percognita. Multarū etenim
rerum abditæ & occultæ sunt proprietates, quarū causa à
medicis reddi nō potest. *Ius perdicis.*) Aqua decoctionis *ius perdicis.*
eius & succus, hepatis uim corroborādo. *Apricæ.*) Sole *Apricus.*
gaudentis. Vergilius, Et apricis statio gratissima mergis.
Dicitur & locus soli expositus apricum. *simili.*) Aequalis
tantum de uno quātum de alio. *Drachma.*) Scilicet una, *Drachma.*
Est autē drachma, id est *δραχμή*, ponderis genus & octaua
pars uncix: uncia uero est duodecima pars libræ. Conti-
netq; drachma in se scrupulos tres, Scrupulus uero gra-
nis triticeis siue ordeaceis constat uiginti: quorum sexa-

IECORIS ET LATERIS.

- Denarius.** ginta drachmam cōstituunt, quæ alio nomine etiam Denarius dicitur. Est etiam nummi genus drachma, & semper scribendum est drachma, non autem dragma, ut perperam uulgo nunc fieri solet. Estq; longe aliud dragma, utpote, manipulus siue fasciculus nūc dict^o, hoc est, quantum sinistra manu cōprehendit metēs, autore Hesychio.
- Dragma.**
- Drama.** Inuenitur & drama, id est δράμα, idēq; etiā in alio significatu. Sed de hijs fusius à nobis dictū est in enarratione herbarij de Vetonica Antonij Musæ: quare nunc nō plura.
- Pix dura.** Pix dura,) Spissa: quæ sit, ut Dioscorides docet, decocta liquida, et uocat^r à plerisq; palimpissa, quasi iterata uel iterum cocta pix. Et hæc durior est, & in puluerē redigi potest. Sunt enim duo picis genera, spissum ac liquidum: de quibus etiam Plinius libro naturalis historiæ 24. capite 7.
- Piper.** Piper.) Hoc hepati utile esse, Celsus etiā testatur, sed cum absinthio et melle id exhibendum docet cum ait: Neq; alienum est absinthium cōtritum ex melle & pipere, eiusq; catapotium quotidie deuorare. Egelidis.) Calidis. Nam, ut Celsus tradit, abstinendum utiq; est ab omnibus frigidis: neq; enim res ulla magis iecur lædit. Recreant.) Refocillant, corroborant, & pristino uigori restituant infirmum. Absinthi.) Præsertim Pontici, quod Galeno therapeutices li. 11. autore, ad iecoris phlegmonas eligi præstat.

Si latus immeritum morbo tentatur acuto,
Accensum tinges lapidem stridentibus undis,
Hinc bibis; aut aceris radicem tundis, & unā
Cum uino capis, hoc præsens medicamē habetur.

Si latus.) Postquam morbis iecoris auxiliari docuit, tradit nūc medicamenta quibus dolori lateris medicemur. Immeritum.) Citra ius & nō promeritum: nec dirum aut ab infesto numine immissum, uti scelerum suorum conscij cum huiusmodi malo afficiuntur, existimant, iuxta illud Iuuenalis Satyra 13, Præterea lateris uigili cum febre dolore Si cœpere pati, missum ad sua corpora morbum
Infesto

Infesto credunt à numine. *Accensum lapidem.*) Maxime si *Lapis ignitus.*
 licem candentem & ignitum. *Tinges.*) Intinges, immit-
 tes & extingues: idq̃ non semel, sed bis, ter, quater, aut sæ-
 pius iterando: quo maior ipsi aquæ uirtus acquiratur.
Stridentibus undis.) Aqua stridente & sonante: dum enim ig-
 nitus lapis in ipsa extinguitur, stridorem & sonitum ex se
 reddit. Nī malit quispiam per stridētes undas intelligere
 eas quæ fluminum sunt lapidosorum: quæ cursu suo per
 lapides decurrentes, stridere etiam solent. *Aceris.*) Acer *Acer.*
 arbor est operū elegantia ac subtilitate cedro secundum.
 Plura eius genera, de quibus Plinius libro 16. capite 16. &
 17. Qui alibi etiam libro 24. capite 3. radicem eius contu-
 sam iocinoris doloribus utilissime imponi tradit. Ex quo
 facile colligi potest, quum iecori profit, nō minus utilem
 fore uel lateris doloribus. Sunt enī uicini morbi & mem-
 bra sæpius compatiētia: amborumq̃ eadem quasi dolo-
 ris regio, ut sæpius uno affecto, alterum tantum affici exi-
 stimetur. *Vnā.*) Simul. *Capis.*) Accipis & bibis, seu loco
 dolenti imponis. *Præsens.*) Præsens siue præsentaneum *Præsens.*
 dicitur remediū, quod mox sine cunctatione & citra mo-
 ram auxiliatur: quemadmodum uenenum præsentane-
 um, quod rapidissimum est, & præsentem subitariamq̃
 sine ulla tardatione mortem adfert.

Quid referam multis composita philonia rebus?
 Quid loquar antidorum uarijs? quis ista requirat?
 At nos pauperibus præcepta feramus amica,
 Nec non & iecoris quæretur fibra lupini.
 Iungenturq̃ simul costum, foliumq̃, piperq̃,
 Quæ diluta mero dantur potanda lyeo.

Quid referam.) Quoniam non diuites solum sed & pau-
 peres morbis aliquando tentantur, qui preciosa & quæ
 uel Deorum manus iuxta adagionem uocāt pharmaca,
 comparare nequeunt: ideo uiliora quædam se traditurū

IECORIS ET LATERIS.

præfatur, quæ sola (ut Plinius libro 14. scribit) naturæ placuerat esse remedia, parata uulgo, inuentu facilia, ac sine impendio. Non autem preciosa ex officinis illis, quas hominum fraudes & capturæ ingeniorum inuenere, in quibus sua cuiq; homini uenalis promittitur uita, & statim cōpositiones mixturæq; inexplicabiles decantantur, quæ hominum ingenijs constant, ut alibi quoq; scilicet libro 22. cap. 24. à Plinio scribitur: Nō enim fecit cerata, malagmata, emplastra, collyria, antidota, parens illa ac diuina rerum artifex. Officinarum, imò uerius auaritiæ commenta sunt. Naturæ quidem opera absoluta atq; perfectæ gignuntur. Paucis ex causa non ex coniectura rebus absumptis, ut succo aliquo sicca temperantur ad meatus aut corpore alio humentia adnexus. *(Philonia composita.)* Hoc est, ex uarijs rebus coaceruatas & curiosas compositiones, cuiusmodi à Philone confici solebant. Fuit autē Philo medicus, cuius meminit Galenus & Celsus. *(Antidotum.)* Antidota quamuis etiam in laterum doloribus recte dentur, sunt tamen preciosa, maximeq; contra uenena quocūq; modo corporibus nostris illata, desideranda: non obstante quod alijs malis grauissimisq; casibus interdum opitulantur & necessaria sunt, ut tradit Celsus. Dicitur autem antidotum & antidotus genere neutro ac scæminino. *(Varijs.)* Diuersis ac multis inuicem congestis & cōmixtis rebus: in quib⁹ coniecturā sæpe fallacē esse apparet: nulli satis custodita in mixturis cōcordia naturæ ac repugnantia, cum in simplicibus naturam esse appareat, imò etiā uere cōstet, ut Plin. ait. *(Quis.)* Quasi dicat, Nul lus. *(Amica.)* Grata & sine impendio acquisibilia. *(Præcepta.)* Documenta, consilia & remedia. *(Nec non.)* Dux negationes, ut Logici tradūt, affirmationis sunt loco. *(Iecoris fibra lupini.)* Hepar lupi. Accipit autem partē pro toto: Quælibet enim iecoris pars utilis est, nedū fibræ solū, quæ extremitates eius tantum existunt. Et non solum lateris sed & iecoris doloribus cōfert omnibus, uti testatur

Auicenna

Auicēna. Cōmuniterq; omnia quæ laterū doloribus pro
sunt, eadem & hepati prodesse poterunt, ac è diuerso. Co
stum.) Costum peregrina res est, utpote ex Arabia, India, Costum.
Syriacq; ad nos allata: cuius radix medicū usum nunc præ
stat. Est autem uirtutis calorificæ atq; discutientis, ualetq;
contra lateris dolores, maxime eos qui ex humore fiunt
frigido ac uiscido aut spiritu flatuoso. Folium.) Quod & Folium.
malobathren dicitur, è quo unguētum olim fiebat quod
foliatum & malobatrinum dicebatur. Multi Indicē nardi
folium esse opinati sunt: sed falso. Nā, ut Dioscorides tra
dit, propriū genus est in Indiæ lacustribus locis nascens,
nihil aliud quàm folium in aquis lacustris lentis modo
fluitans & nullis radicibus hærens. Cuius loco in offici
nis nunc alio arboroso folio utimur, quod forte arboris
Syriacæ, quam malobathron etiam uocat Plinius, folium
est, à uero folio uirtute parum & nihil differens. Prodest
autem folium inflationibus, iocinorosis & laterum dolo
ribus. Piper.) Quod, ut uere Macer inquit, notius ipsa co Piper.
quina, quàm medicina facit, et cuius nemo potest omnes
describere uires. Nāq; piper sermè medicamina cuncta re
quirunt. Antidotisq; solet preciosis pluribus addi. Hinc
puto tam paucas laudes de simplice dictas Quodq; sit in
numeris hoc dignū laude medelis. Diluta mero lyco.) Tem
perata et mixta uino meraciore.

Est & uis morbi quod Telum commemoratur,
Cum subito dolor insanus furit incitus ictu,
Persicus huic potu è nuce traditur interiore,
Quæ mihi cura satis casu monstrante probata est.

Est & uis.) Docet nunc alteri malo mederi, quod telum Telum
appellat, & in septo fit transuerso, et à recentioribus pleu morbus.
ritis quoq; uera nuncupatur, morbus acutus ac cito inte
rimens. Sic dictus ab acutie teli, quod nūc gladium nunc
quicquid longe iaci potest, significat. Hic enim morbus
ægrotum affligit ac si telo aut gladio trañciatur & punga
Mm

SPLENI CVRANDO.

tur: nec minus distantia membra ceu caput & mentem affligit. Vtitur autem locutione qualis est illa apud Sallustium, Est locus in carcere quod appellatur Tullianum. *Insanus.*) Ad insaniam ducens: mentem enim sensumque perturbat, & continuum ferè delirium inducit, adeò ut ueteres putauerint hac parte inflammatione affecta, homines phreneticos euadere, atque ob eandem suspicionem, phrenas (id est mentem) eam appellauerunt, tanquam sapienti parti acciderit quippiam, uti de locis affectis lib. 5. autor est Galenus. *Perficus.*) Hoc est, nucleus ossium perficorum. *Nuce interiore.*) Nucem uocat os mali perficci, quod soliditate sua nuci simile est & intra pomum ipsum continetur, & adhuc intra se nucleum habet qui edendo est & huic morbo medicatur.

SPLENI CVRANDO.

CAPVT XXII.

QVANDO lien tumido circumligat ilia uincto,
Et plenum splenis demonstrant membra rigorem,
Mollibus ex hedera tornantur pocula lignis,
Hinc trahit assuetos æger quoscunque liquores.

Splen.
Lien.



P L E N I .) Lien, hoc est, egritudinibus eius. Est autem splen siue lien membrum in sinistra parte aduersus iecur situm, natura molle & rarum, simile spongiæ, longitudinis & crassitudinis modicæ. Cuius officium est melancholicum sanguinem quo nutritur ex hepate ad sese attrahere. Afficiturque uariis modis. Aliquando enim attrahendi uis & facultas imbecillior redditur, quare sanguinem ex iecore non attrahit: ob quod idem impurus in uniuersum corpus transmittitur & corporis colorem efficit nigriorem. Aliquando uero accidit illi meatuum obstructio. Interdum autem in
flam-

inflammatio, aut alius tumor & duricies, quæ facile tactu de-
 prehenduntur. Et, ut Celsus scribit, Lienis ubi affectus
 est, intumescit, simulq; cum eo pars sinistra, eaq; dura est,
 & prementi renititur, uenter intentus est, aliquis etiam
 cruribus tumor est, ulcera aut omnino non sanescunt,
 aut certe cicatricem uix recipunt: in intenta ambulatione
 cursuq; dolor & quædam difficultas est. Et taliter affe-
 cti, maxime quibus, ut Galenus tradit, post inflammatio-
 nem lien in antiquum non restituitur habitum, sed tu-
 mor permanet & duricies, splenetici & lienosi uocantur. *Splenetici.*
 Cæterū lienis cura proxima est curæ iocinoris: nisi quod *Lienosi.*
 lien ualidioribus & magis penetrabilibus indiget medi-
 cinis, quibus semper, ne uirtus eorū exhalet, uiscida quæ-
 dam propria sunt admiscenda, siue intus assumantur siue
 extra applicentur. Est enim in profundo situm, minusq;
 nobile membrum, humor etiam crassior, magisq; resi-
 stens. Vnde Abinzoar theizir libr. 1. Et scire debes quod
 splen sustinere potest fortiores medicinas ualde ipso he-
 pate. Sed res calidæ ualde (ut inquit Auicenna) non sunt
 multum conuenientes spleni, propterea quod indurant
 & exiccant & prohibent à resolutione. Nec tantum rela-
 xantibus lienem, uti Galenus ait, curare oportet, cum hic
 quoq; ex iocinore, quicquid limosum et melancholicum
 est, expurget: propterea scilicet, quod ex eo humore nu-
 tritur. Idcirco quoties obstructio in eū incidit, aut phleg-
 mone, potissimum quæ scirrofa sit: tū ea quæ obstructio-
 nes eximant, tum quæ dissecent uehementiora exigit.
Tumido uinclo.) Tumore intédente & uinciēte. Lien enim
nonnunquam adeo intumescit ut uiscera quasi zona
cingere uideatur. Hinc illud Plauti in Curculione, Quasi
zona liene cinctus ambulo. ilia.) Ilia dicuntur partes ilia,
illæ quæ respiratione in lateribus concutiuntur, & quæ
super umbilicum, ut Aristoteles scribit, constitutæ sunt.
Inter quæ fumen & abdomen pubesq; intercluditur. Et
quia chondro, sub ore uētris quod in condri meditullio

S P L E N I C V R A N D O .

Hypochondria.
Ceneona.

Lagona.
Lapara.

Præcordia.
Exta.

Hederaceum
poculum.

Poculum.
ποτήριον.
Calix, κύλιξ.

dicatur, autore Galeno, in superficie exteriori subijciuntur: hypochondria etiam quasi subcartilagia appellatur. Et ab inanitate Ceneona, hoc est partes inanes. Est enim in more, uti Galenus in prognosticorum expositione scribit, partes illas uocari inanes, quæcunque inter extremam thoracis costam & femoris ossa habentur. Atqui inanis uidetur omnis talis sedes si eam cum supernis infernisque partibus utrisque ossibus, cõferas. At uero omnis talis pars, quoties non fuerit aliquis paulò ante repletus esculentis poculentisque, flaccida habetur. Vnde & Lagona uocant Græci, & Homerus Lapara à flacciditate. Cæterum ὁμωνύμως interna uiscera, quoniam sub chondris etiã notharum costarum existunt, hypochondria quoque & Ilia uocantur: ueluti ieiunum & lactes & intestina tenuiora: item arteriæ quæ inter uesicam & aluum ad pubem tendunt, ut Plinius ait, Ilia appellatur. Celsus item ubi de interiorum membrorum situ loquitur, Ipsa autem ilia, inquit, inter coxas & pubem imo uentre posita sunt. Dicuntur item uiscera hæc in homine præcordia & exta, ut Plinius scribit. Plenum rigorem.) Duriciem intentam & tumidam. Mollihus.) Teneris, Hedera.) Frequentem ex hederaceo uase potum spleneticis mederi testatur etiam Plinius libro 24. cap. 10. inquit, Huius quoque ligni uase spleneticos bibentes sanari inuenio. Et ab facultate hac qua lieni medetur, dicta est ab aliquibus asplenos. Apuleius item lieni utilem tradit, sed aliter hijs uerbis, Hedere nigræ grana primo, 3. secundo, 5. tertio, 7. quarto, 9. quinto, 11. sexto, 13. septimo, 15. octauo, 17. nono, 19. decimo, 21. in uino bibantur diurnis diebus: si habet febrem in aqua calida, maximo auxilio lienosis auxiliatur. Tornantur.) Cellantur & fabricantur. Pocula.) Vasa è quibus bibitur. Poculum enim quoduis uas dicitur quo bibitur, à potando sic dictum, quemadmodum ποτήριον apud Græcos: cuius species est calix, Græce κύλιξ dictus. Hinc.) Ex poculo hederaceo. Trahit.) Haurit & bibit. Assuetos quos

cunctos

cunq; liq.) Hoc est humorem & potum, quem in consuetudine & usu bibendi continuo familiarem habet, siue aqua siue uinum id fuerit: lignum enim uim suam illi ad ministrat & miscet.

Aut uiridis oleris potabitur unda salubris.
Proderit exsucto fluuiialis hirudo cruore.
Siue myrica recens. Seu ros cum pane marinus.
Aut hederæ succus potu apposituq; iuuabit.

viridis oleris.) Per olus uiride uidetur betam intelligere. *Olus uiride.* quæ uiridi folio est, & duum generum. Nigra altera quæ aluum sistit: & candida altera quæ mollit, & nigre præferatur: quæ differētia in radice est, uti Columella docet, dum infit, Sic & humo pingui ferratæ cuspidis ictu Deprimatur folio uiridis pede candida beta. Vbi per pedem intelligit radicem. Et olus hoc est quod Celsus quoq; ex aceto sumptum contra lienis affectus laudat. Ni malit quis per olus uiride intelligere brassicam, quæ etiam (ut Cato tradit) si bilis atra est, & si lienes turgent, & si cor dolet, aut pulmones, aut præcordia, uno uerbo omnia sana faciet, quæ intro dolitabunt. *Vnda.*) Succus & aqua decoctionis eius. *Hirudo.*) Sanguisuga, cuius ad extrahendum sanguinem usus est. Sed uitium, ut Plinius attestatur libro 32. cap. 12. quod admissæ semel, desiderium faciunt circa eadem tempora anni semper eiusdem medicinæ. Verū postquam satietate & sanguinis pondere plenæ tument, quo facilius decidant, sale uel cinere aspergendæ sunt. Postq; casum earum locus sycia sugatur ad tollendam morsuræ malitiam, uti quarta primi capite 22. docet Auicenna. Et si sanguis fluxerit, administrētur res adstringentes ceu gallæ & similes. Solent etiā aliquādo capita adfixa relinquere: quæ causa, ut Plin. scribit, uulnera insanabilia facit & multos interimit: sicut Messalinum ē consularibus patritijs cum ad genua admisisset. Inuehant uirus re

SPLENI CVRANDO.

medio uerso, maximeq; ruffæ ita formidantur. Ergo su-
gentia ora forficibus præcidunt, ac ueluti Siphonibus de-
fluit sanguis, paulatimq; morientiu capita se contrahunt
nec reliquuntur. Hæc ille. *Fluuialis.*) Quæ in aqua degit
fluuiatili, & cæteris præstat. Sunt etiam aliæ bonæ hiru-
dinis proprietates, uidelicet, ut sit coloris hepatici, rotun-
da, minuta, capitis parui, similis locustis paruis & caudæ
muris, fila habens duo similia colori arsenici, cuius uen-
ter sit rubeus, dorsum uiride. Contra mala est & ueneno-
sa quæ in aquis degit cœnosis & limosis nigris & foetidis
et in quibus ranæ abundât malæ ceu ruffæ grossæ & diuer-
forum colorû: nam quæ cum ranis uiridibus, quas come-
dunt, uersantur, non omnino inidoneæ aut malæ sunt.
Mala est item nigra, uiridis ac liuida, filum habens nigrû,
caputq; magnû: & lanuginosa: autor Auicenna. *Exusto cruo*
re.) Extracto & euacuato sanguine. Et hæc sanguinis ex-
tractio ualidior est, magisq; ex profundo attrahit quàm
ea quæ cucurbitarû medicinaliû est, quas sycias uocât &
uêtostas: quamuis eadē utrarunq; sit ratio, scilicet, meatus
quos poros dicunt, laxare, & corpora sanguine alleuiare.
Myrica.) Id est, *μυρίκη* Græce, Latine tamarix, arbor est
quæ nascitur prope paludes & in stagnantibus aquis: fru-
ctum fert, quemadmodû & florem concretione sua mu-
scosum. Cuius folia in uino coquuntur, potumq; eorum
decoctum lienem minuit. Fiuntq; ex ligno eius calices à
quibusdam, quibus lienosi in bibendo utûtur utilissimo
eis, ut credunt, in hac materia potu, autore Dioscoride,
cui Auerrois & Auicenna subscribût. Plinius item lib. 24.
capite 9. Myrice, inquit, quam & tamaricem uocat Lene-
us similem scopis amerinis, ad lienem præcipua est, si suc-
cus eius expressus in uino bibatur. Adeoq; mirabilē eius
antipathian contra solum hoc uiscerum faciunt, ut affir-
ment si ex ea alueis factis bibant sues, sine liene inueniri.
Et ideo homini splenetico cibum potumq; dant in uasis
ex ea factis. Et quod ad sues attinet, de eo sic tradit Colu-
mella

Sanguinis extra-
cto per hiru-
dines ualentior ea
quæ per cucur-
bitas fit.
Cucurbitæ me-
dicinales,
Syciæ uentose.
Myrica.
Tamarix.

mella rei rustice lib. 7. ca. 10. Solet etiam uitiosi splenis dolor eas infestare, quod accidit, cum siccitas magna prouenit, & ut Bucolicon loquitur poema, strata iacent passim sua quæq; sub arbore poma. Nam pecus infatiabile est. Sues enim dum dulcedinem pabuli confectantur, supra modum æstate splenis incremento laborant. Cui succurritur, si fabricentur canales ex tamaricibus, & rusco, repleanturq; aqua, & deinde sitientibus admoveantur. Quippe ligni succus medicabilis, epotus intestinum tumorem compescit. Hæc ille. *Ros cum pane marinus.*) Medi- *Ros marinus.*
camen hoc impositum lieni medetur, & maxime quidem *Panis triticeus.*
inflammationibus eius ob duriciem. Panis enim, ut Dioscorides inquit, loquitur aut de triticeo, in aqua mulsa coctus, nec minus etiam crudus maxima molliendi refrigerandiq; ui quã habet, omnes inflammationes illitus lenit: præsertimq; admixtis succis herbis uel aliquibus ad id facientibus. Cuiusmodi est ros marinus: qui, ut idem testatur, ueteres tumores discutiente ui præditus est. *Hedera Hedera.*
succus.) Prius ex hederaceo uase bibentes spleneticos sanari prodidit: nunc uero succo eius epoto aut imposito eundem effectum tribuit: quod & Dioscorides quoq; testatur cum ait, Medetur lieni hederæ tenera folia in uino decocta, aut cruda cum pane coacta. Plinius item, Lienis, inquit & pota & illita profunt folia. Et, Corymbi quoq; poti uel illiti lienem sanant.

Nec non intactam ferro cum uideris alnum,
Hinc liber eripitur ferro sine, decoquiturq;
Donec uictarum pars tertia sublit aquarum,
Hinc medico potu pulsus dolor omnis abibit.
Nonnulli memorant consumi posse lienem
Quicq; serum semper ieiuno sumperit ore.

Intactam ferro.) Ferrum non expertam & ab eo illesam, nec *Alnum,*
abscissam et arentem, sed uiuam in terra adhuc hærentem

S P L E N I C V R A N D O .

Alnus. & crescentem, quę succulenta est & ui efficaciore. *Alnum.*) Quod hic cortici tribuit Serenus, id de folijs testatur Plinius lib. 24. cap. 10. inquit: Folia alni ex feruenti aqua certissimo remedio sunt tumori. **Liber.**) Cortex medianus ligno adherēs qui proprie liber dicitur: hinc delibrare uerbū quod est corticē detrahere, *sine ferro.*) Absq; ferri contactu & incisione. Et hoc superstitionē sapere uidetur. *Viſtarū.*) Coſtarū. *Subſit.*) Deſit. *Quiq;.*) Pro quicunq;. **Serum.**) Aquam lactis. Hęc enim, ut Musæ docet, splenis oppilationibus & groſſitie confert. Et hoc ratione transpositionis atq; euacuationis humorū crassorum ac melancholicorum lieni insertorum. Cuius causa Hippocrates in aphorismis dicebat, Lienosis difficultas intestino superueniens, bonum.

Arida ficus item feruente domatur aceto
Et trita illinitur: uel splen apponitur hædi.
Marrubium in uino potu prodesse putatur.
Præterea piper, ac nepetæ cum flore & anethum,
Capparitis atq; apium, bulgossaq; iungitur una,
Horum decoctos latices potare salubre est.

Ficus arida.
Carica,

Arida ficus.) Ficus siccata, quam caricam Latini uocāt: quę spleni extrinsecus imposita medetur, uti Celsus quoq; libro 4. cap. 9. testatur inquit: Fit & unguentum ex arida ficu. Et Plinius lib. 23. cap. 7. Siccæ fici semper utiles lienū uitij. Et hoc maxime ubi duriciem patitur lien. Nam, ut Dioscorides tradit, siccate ficus coctæ mox concisæ ad discutiendas duricies illinūtur. *Feruente domatur aceto.*) Hoc est, in acri aceto decoquitur. Acetum enim & præsertim acre, nec modo cum alijs mixtum, sed & per se haustum lieni utile est: nec acetum solum, sed & omnia acida maxime conueniunt, autore Celsi libro 4. De aceto item sic scribit Auicēna, decima quinta, tertij. tr. 2. c. 6. Scias quod acetum multum ingreditur in curis spleneticorum. Inest enim ei proprietas in resoluendo apostemata et duriciem

eius.

eius. Item Abinzoar libro 1. tr. 13. cap. 5. Et non tradas hæc obliuioni, scilicet quando uis dare medicinas pro splene ut admisceas eis semper ea quæ habeant acetositatem, eo quod istud membrum proprie nutritur isto sapore, & propter hoc attrahit acetositatem & rapit eam uiolenter. Et hac de causa miscenda sunt acetosa medicinis splenis, ut deferant uirtutes earum citissime ad ipsum. Et acetum habet dictas medicinas ipsi spleni ferre et deportare. *splen hedi. hedi.* Idem tradit Plinius libro 18. cap. 10. hijs uerbis: Prodest item hædorum lien impositus. *Marrubium.* Quod *Marrubium.* pleriq; inter primas herbas commendauere, ut scribit Plinius libr. 20. cap. 22. Cuius multus in medicina usus, præfertimq; in splene laxando & obstructiones aperiendo. *Vino.* Idq; etiam per se, nedum cum alijs. Celsus, Potest *Vinum.* dari uinum tenue austerum, omniaq; in cibis & potionibus quæ urinæ mouendæ sunt. *Præterea piper ac.* Docet *Piper.* nunc composita quædam medicamēta & potiones, quorum simplicia per se quoq; sunt cōuenientia spleni & utilia. Inter quæ piper ex aceto tum bibitum tum illitū splenis apostematibus bonum est, autore Auicenna, idq; uirtute discutiente & imminuente. *Nepeta.* Nepeta quæ & *Nepeta.* calamintha seu montana menta dicitur, lienosis conuenit ut sua mictuali, qua humores deducit. Nam, ut Celsus tradit, quæ urinæ mouendæ sunt ceu apium, nepeta & alia, in cibis & potionibus dari possunt: hæc enim inde commodissime uidentur humorē deducere. *Flore.* Hic enim reliquis partibus tenerior est & subtilior. *Anethum.* Et hoc humores crassos per urinam deducēdo, ceu de nepeta iam dictum est. *Capparis.* Capparis quæ cynosbaton, id est sentem canis, aliqui appellant, spinosus frutex est in girum per terram stratus: hamatas habet rubi modo spinas: folia rotunda cotonei mali folijs similia: fructū oliuæ figura, qui dehiscens candidum profert florem: eoq; deflorescente superest ueluti oblonga glans, quæ dehiscens grana punicæ modo intra se ostendit exigua,

N n

S P L E N I C V R A N D O .

rubentiaq; habet radices multas lignofas & grādes, quarum ficcatus cortex, ut Dioscorides tradit, lienofis prodest, & cum hordeacea farina hydrelæo subacta emplaftri modo imponitur, duriciesq; discutit: & fermen eius lienem minuit quadraginta diebus pondere drachmarum duarum cum uino potum. Estq;, ut Celsus testatur, multis modis cappari aptum. Nam & ipsum cum cibo assumere, & muriam eius cum aceto sorbere, cōmodum est. Quin etiam extrinsecus radicem contritam uel corticem eius cum fursuribus aut ipsum cappari cum melle contritum imponere expedit. Plinius itē, Spleneticis, inquit, prodest in uino potus radicis cortex duabus drachmis dempto balneorum usu. Feruntq; trigintaquinque diebus per urinam & aluum totum lienem emitti. Adhæc quale medicamentum iocinori est absinthium, tale est lienis, quanto crassiore utitur alimento. *Apium.*) *Apium* spleneticis conuenire, testis est Auicenna canonis libro 2. Et hoc ideo, quia crassos humores per urinam trahit ceu nepata & anethum. Est autem *apium* herba, quam nunc petroselinon uocant, aliud ab eo quod nunc *apium* appellamus. *Buglossa.*) *Buglossam* Latini bouis seu bubulam linguam, à bouum linguæ similitudine, nuncupant. Et Plinius ab animi lætia quam facit Euphrosinon quoque uocari tradit. In uinum etenim deiecta, uoluptates animi & lætitiā, hilaritatemq; conuiuiis facere dicitur: autor Dioscorides, Galenus, Paulus Aegineta, Plinius, Apuleius. Et hæc quia crassis ac melancholicis, ex quibus tristitia gignitur & splenis uitia oriuntur, humoribus aduersatur, accommodatissima est lienofis. *Latices.*) *Succos* & aquam decoctionis illorum.

Apium.

Buglossa.

Pulegium, abrotonum, nitida cū mastiche coctum,
Ac thymbræ speciē, quā cōmemorant cephaloten,
Præ

Prædixit spleni Deus Idæ posse mederi.
 Dulcia Plautus ait grandi minus apta lieni.
 Splen tumidus nocet, et risum tamē addit ineptum.
 Vt mihi sardois uideatur proximus herbis,
 Irrita quæ miseris permiscant gaudia fati.
 Dicitur exectus faciles auferre cachinnos,
 Perpetuoq; æuo frontem præstare seueram.

Pulegium.) *Pulegium* lienosis accommodum esse, testis est *Pulegium.*

Apuleius inquit: Ad splenis dolorem, herbam pulei decoque ex aceto, & idem acetum calida permixtum potui dato. Nam, ut Dioscorides tradit, potum cum posca nigram per inferna trahit bilem. Et quia inflammationes & duricies discutit, eodem autore, cum sale impositum etiam lienosis confert. *Abrotonum.*) *Abrotonum* duum *Abrotonum.*

generum frutex est, Alterum enim scemina quod arborefcit, albicantibus folijs, incisuris minimis seriphij absinthij modo circa ramulos diuisis, floribus plenum: comantibus in summo fulgore auri ueluti corymbis quibusdam. Nascitur æstate odoratum cum grauitate aliqua & in gustu amarum. Alterum uero mas uocatur, sarmentosum absinthij modo fruticosum. Cæterum abrotonum humores per urinam deducendo lienosis prodesse creditur, quemadmodum & apium & alia paulò ante dicta.

Niida mastiche.) Dioscorides, Nascitur ex lentisco resina *Mastiche.* quæ ab arbore lentiscina, à quibusdam uero mastiche appellatur: quæ plurima & probatissima nascitur in Chio insula. Bonitate in ea antecedit quæ pellucet & thyrrenæ ceræ candore suo similis est, crassa, friabilis, & odorata. Quæ contra uiridis, deterior. Adulteratur mastiche admixtis pinea resina aut thure.

Thymbræ speciem cephaloten.) *Thymbræ* *Thymbræ* *cephalotes,* *phalotes,* Videtur hic autor duo plantarum genera simul miscere, uidelicet, thymbram & thymum, quod quidem Dioscorides Cephaloton, id est capitatum, à quibusdā appellari

S P L E N I C V R A N D O .

tradit, non autem thymbra, quæ etiam cumilâ & fatu-
reia dicitur. Potuitq; hoc facile fieri ex uirium notarûq;
earum similitudine. Nam, ut Dioscorides testatur, nasci-
tur thymbra thymo similis, potestq; thymo eadem, simi-
liter sumpta. Suntq; ambo pro condimento in sanitatis
usu gratæ ac utiles. Nascunturq; ambo locis asperis & in-
cultis. Valent item lienosis tum, intus assumpta tum extra
imposita. Intus quidem, quia humores crassos per infer-
na ducunt & ciendæ urinæ uim habent: Extra uero, quia
nouos corporis tumores ex aceto emplastri modo im-
posita discutiunt, & concretos sanguinis grumos dissiciunt.

Deus Ida.

Deus Ida.) Aesculapius, qui apud Pergamum sub monte
Ida numinis uice ac tanquam sanitatis autor & deus ha-

Dulcia.

bebatur accolebatur. *Dulcia.*) Tradit nunc à quibus ge-
neratim abstinere debeant lienosi, & talia ait esse dulcia:
unde Celsus ait, Dulcia omnia lieni sunt inimica, acida
autem maxime coueniunt. Et Gale. Nouimus, inquit,

dulcibus omnibus, tum iecur, tum lienem maxime intumescere. *Noceat.*) Officit. Quo pacto aut noceat, ipse mox
subiungit, estq; id quod risum efficit intemperantem, &
quem uocare possis sardonium: quo qui afficiuntur, ad
interitum usq; ridere solent: ceu contigit Zeusi pictori &
Crysippo, qui immoderato risu obiere. *Risum ineptum.*) Ri-
sum petulantem, immodicum, insanum & dementem:

Risus sedes.

qui non minus indecorus est uiro graui quàm muliebri
more eiulatus. Risus autem sedes in splene collocatur, ad
cuius magnitudinem, risus intemperantia sequitur, & ad
paruitatem eius atq; ablationem, risus etiam minuitur &

Herba sardoa.

aufertur. *Addit.*) Efficit. *Sardois herbis.*) Hoc est, hijs qui
herbam sardoniam gustati risu intereunt. Dicta est autem
Sardoa siue sardoniam herba, quia plurimum in Sardinia
nascitur. Estq; secunda batrachij siue ranunculi species.
Quæ, ut Dioscorides tradit, in cibo potius sumpta, men-
tis alienationem & cum labiorum contractione eas con-
uulsiones facit ut risus speciem præbeat. A quo euentu


etiam

etiam Sardonius risus miserabili diſterio inter homines
iaſtatur. Hanc multi apium risus uocant: Apuleius uero
Sceleratam. Porro de riſu ſardonio plura Eraſmus Rote-
rodamus in adagiorũ chiliadibus. *Dicitur exectus.*) Poſt *Splen exectus.*
enumerata magni lienis nocumenta & effectus, nũc eiuf-
dẽ exempti & ablati uitia tradit, quæ ſunt riſus ablatio &
uitæ ſeueritas atq; triſtitia. Hinc Plin. Et per uulnus etiã,
inquit, exempto uiuere animalia tradũt. Sunt qui putent
adimi riſum ſimul homini, intemperantiam q̃ ioci con-
ſtare lienis magnitudine. *Faciles cachinnos.*) Riſus leues &
ineptos. *Perpetuo auo.*) Vita uniuerſa. *Frontem ſeueram.*)
Vultum & faciem tetricam, triſtitia q̃ plenam.

PRAECORDIIS SANANDIS.

CAPVT XXIII.

LANGVIDA ſi duro turgẽt præcordia morbo,
Miſcetur mulſæ farris ſextarius unus,
Nec non & lini tunſum ſiliqua q̃ legumen,
Hæc decocta ſimul nondum q̃ tepentia neſces.



RAECORDIIS.) Quamuis nonnun- *Præcordia.*
quam ſuccingens mēbrana quæ diaphragma
dicitur, quia cordi prætēditur, præcordiorum
nomine cenſeatur, ut Plinius teſtatur libro 11.
Hic tamen à Sereno præcordia appellantur exta in homi- *Extæ.*
ne. Et ſic etiam interpretatur Plinius libro 30. cap. 3. cum
inquit, Præcordia uocamus uno nomine exta in homi- *Hypochondria*
ni. Græci quoniã ſub chondro, id eſt cartilagine, ſint, hy-
pochondria quaſi ſubcartilagia uocant. *Duro turgent mor-*
bo.) Hoc eſt, tumore & abceſſu apoſtemate q̃ duro affi-
ciuntur. *Mulſe.*) Scilicet aquæ: quæ & melicraton & *Aqua mulſa.*
hydromeli dicitur. Quamuis hydromeli à melicrato nō *Hydromeli.*
nunquam diſcrepet: non quidem ſubſtantia ipſa, ſed æta *Melicraton.*

PRAECORDIIS SANANDIS.

tis ratione tantū, uti colligitur ex Plinio & Dioscoride.
 Et quia molliendi uim habet, ideo duris præcordiorū ab-
 scissibus perutilis est, illos emolliendo discutiendoq; præ-
 fertim si cum alijs idoneis temperetur & imponatur. *Far-*
ris. Far frumenti genus est, quod ad oreum ueteres appel-
 larunt. Valet et hoc uel per se, nedū alijs mixtū, ad præcor-
 diorū duriciā emolliendā & discutiendā illitū. *Sextarius.*
 Sextarius mensuræ genus est, & sexta pars chus: diuidi-
 turq; in duas lances, cotulāsue, quas heminas uocamus.
 Lanx uero in duo acetabula, oxybaphāue diuiditur. Ace-
 tabulum aut in tres cyathos. Cyathus uero mystra qua-
 tuor facit. Cochlearium uero mystri dimidium est. Sex-
 tarius ergo in chochlearia sex & nonaginta soluitur. Di-
 ctusq; est sextarius quod eū sexies capit cōgius, qui chus
 Latine dicitur: autor Aphricanus medicus. *Linum.* No-
 tum omnibus linum. Cuius semen omnes intus & foris
 inflammationes discutiendi & emolliendi uim habet, au-
 tore Dioscoride. *Siliqua.* Siliqua cōmuniter pro legumi-
 num folliculo & theca qua claudūtur accipitur. Plinius,
 Siliquæ rotūdæ ciceri, cæterisq; leguminum longæ & ad
 figurā seminis latæ, piso cylindræ. Aliquando uero ar-
 boris ceratiæ fructus Siliqua dicitur, de qua habitum est
 supra capite 17. Nōnunquam uero proprium leguminis
 genus est quod Siliciam uocat Plinius, & fœnū Græcum
 quoq; appellatur teste Varrone & Columella. Et in hoc
 significato hic accipit Seren. Cuius siliquæ farina, ut au-
 tor est Dioscorides, molliendi discutiendiq; uires habet,
 & ad collectiones facit, quæ intus forisq; colligūtur, cum
Legumen. decocta aqua mulsā subacta. *Legumen.* Semen, quod si-
 liquis hoc est thecis & folliculis includitur. Sic dictum à
 legendo, quod terra uellitur, non subsecatur. *Nondum te-*
pentia. Hoc est, calore suo nondum destituta nec algida,
 sed adhuc calentia & feruida. *Nectes.* Annectes & im-
 pones.

Aut quæ poma Cydon Creteis misit ab oris

Cocta

Cocta līnes, durum ut possis mollire tumorem.
 Ocyma præterea bulbiue linuntur amari.
 Proderit & lymphis corpus mersare marinis.
 Quin etiam catulum lactentē apponere membrīs
 Conuenit, omne malū transcurrere fertur in illum,
 Cui tamen extincto munus debetur humandi,
 Humanos quia contactus mala tanta sequuntur,
 Et iunctus uitium ducit de coniuge coniunx.
 Quod superest tritæ iunges ramenta carinæ,
 Quodq̃ decē ex rebus* confit simul atq̃ uocatur,
 Masticeis addentur cum puluere mollia farra,
 Talibus auxilijs præcordia tuta resistent.

* decatortho-
ma rite

Poma Cydon.) Describit mala quæ uocamus cotonea, & *Mala Cydonia.*
 Græci Cydonia ex Creta insula aduectæ: quorum plura
 sunt genera, de quibus Dioscorides, Plinius & ceteri. Cy *Cydon.*
 don autem amplissima illustrissimaq̃ Cretæ insule ciui- *Creta.*
 tas est, de qua plura Strabo libro 10. à qua ciuitate & mala
 Cydonia nomē adepta sunt. *Creteis ab oris.*) A regione et
 insula Creta, centum urbibus clara famæ: de cuius situ &
 claritate plura Strabo libro 10. & Plinius libro 4. *Ocyma.*) *Ocimum.*
 Ocimum, quod & basilicon dicitur, uim habet maturan-
 tem & discutientem: quare & contra præcordiorum du-
 riciam mammis illinitur, ut Plinius tradit libro 20. cap. 12.
Bulbi amari.) Maxime qui edendo sunt & saporis inter hos *Bulbi amari.*
 amarioris. Et hunc effectū eorum Plinius etiam testatur
 lib. 20. ca. 9. hīs uerbis: In uino cocti, illiti uentri, duriciā
 præcordiorum emolliunt. Quamuis etiam alijs qui eden-
 do nō sunt, & medicamini tantū nascuntur, ad hunc affe-
 ctum uti quis posset, inter quos nobilissima est etiā Scyl- *Aqua marina.*
 la. *Lymphis corp. meris. mar.*) Maris enim aqua per sese di-
 scutiendis tumoribus efficax est. Vnde, ut Plinius etiam
 libro 31. ca. 8. testatum reliquit, Præcordia maris piscinæ
 corrigunt. *Catulum lactentem.*) Idē tradit Plinius hīs uer- *Catulus lactens.*

PRAECORDIIS SANANDIS.

bis: Praecordia uocamus uno nomine extra in homine, quorum in dolore cuiuscunque partis si catulus lactens ad moueatur, adprimaturque ijs partibus, transire in eum morbus dicitur. Idque exeterato, perfusoque uino deprehendi uitiato uiscere illo quod doluerit hominis et obrui, alijs religio est. Cui extincto &c.) Est enim morbus letalis & contagiosus, qui quem corripit, ni statim succurratur, actutum interimit. Humanos quia.) Reddit nunc causam propter quam humari iussit catulum mortuum. Et est haec, quia morbus quo infectus obiit, est contagiosus, quem unus ab alio facile contrahit et per contagionem inficitur. Si enim Catulus per contactum inficitur, quanto magis homo infici potest, qui cutis & substantiae est tenerioris. Quod superest.) Ponit nunc ultimum medicamentum quod constat ex pice nauali, mastiche, farre, & medicamento ex decem rebus, ut ait, composito. Ramenta carinae.) Intelligit picem naualem quam zopissam uocant, de qua supra etiam habitum est, & quae additur in malagmata ad discutiendas collectiones, autore Plinio libro 24. cap. 7. qui & optimam esse ait quae sit a tyrocinio nauium. Porro ramentum a rado dicitur, tenuis cuiusque rei particula, quasi rasura. Carina uero infima pars est naui, & pro tota naue aliquando accipitur. Quodque decem.) Videtur intelligere collectionem illam theriacae & compositionem medicaminis Antiochi, quam refert Plinius naturalis historiae libr. 20. circa finem huius uerbis: Sed ante discessum ab hortensibus unam compositionem ex ijs clarissimam subtexemus aduersus uenenata animalia, incisam lapide uersibus in limine aedis Aesculapii. Serpilli duum denariorum pondus. Opopanacis & mili tantundem singulorum. Trifolij pondus denarii. Anethi & fœniculi seminis, & anisi & mei, & apij denariorum senum ex singulis generibus: eruij farinae duodecim. Haec tusa cribrataque uino quantum possit excellenti digeruntur in pastillos, uictoriati pondere. Et huius singuli dantur ex uini mixti cyathis ternis.

Hac

Ramenta carinae
Zopissa.
Pice naualis.
Ramentum.

Carina.
Medicamentum
a. rerum.

Hac theriaca magnus rex Antiochus aduersus omnia uenena usus traditur. Haftenus Plinius. Verum loco horum uerborum, Confit simul atq; aliqui codices sic scriptum habent, decatorthoma rite. Vbi per decatorthoma intelligendum est medicamentum ex decem rebus recte confectum, à δ'εκα, quod est decem, & ὁρθός, id est rectus.

LUMBIS ET RENIBVS

S A N A N D I S.

CAPVT XXIIII.

C V M sc̃uit penitus hærens iniuria lumbis,
 Igne lapis candens datur exultantibus undis,
 Hoc poteris potu tristem superare dolorem.
 Aut pice cum dura, mel, nitrum, sulphur, acetum,
 Succida lana rapit contacta calentibus ijsdem,
 Proderit hanc ægris crebro perducere membris.



V M B I S.) Lumbi dicuntur pars illa ab cinctura usq; ad nates, ubi & renes situati sunt: sic dicti, ut quidam uolunt, à lubidine, hoc est, libidine: antiquitus enim & lubido dicebatur et libido, sicut lubet & libet. Porro lumborum uitium & debilitas lumbago appellatur: quamuis etiam renum dolor, qui nephritis dicitur, ad lumbos referatur, & de utroq; mixtim præsentī capite agit Serenus, potissimum tamen de eo qui affectis renibus accidit. Renibus.) Dolori renum affectorum: qui duo sunt in animali, & ut Celsus ait, diuersi, qui lumbis sub imis coxis inherent à parte earum resimi, ab altera rotundi, qui & uenosi sunt, & uentriculos habent, & tunicis supercōteguntur. Quorum munus & officium est ut, concocto in iecore & ab humore aquoso superfluo sequestrato & in corpus penetraturo

Lumbi.

Lumbago.

Nephritis.

Renes.

O o

LUMBIS ET RENIB.

*Candens.
Aqua lapi-
deata.*

*Pix dura.
Palimpissa.*

*Mel.
Nitrum.
Sulphur.
Acetum.*

Lana succida.

sanguine, eius serosum, ne corruptioni locum præbeat, ab iocinore adtrahant. Suntq̃, ut uolunt, dicti renes ἀπο τοῦ ῥῆος, hoc est à defluxu humoris obsceni, id est sedimentorum uring. *Penitus hærens.*) Omnino & multū infixus, unde et longo tempore affligit. Nam, ut Celsus ait, *Renes* ubi affecti sunt, diu male habēt. *Iniuria.*) Malum & morbus. *Candens.*) Ignitus. Quamuis enim candens proprie candidum dicitur, quia tamen ea quæ ignescunt, candidiora fiunt, ideo aliquādo pro ignito accipitur. Sic etiam ferrum candens & carbo candēs dicitur. *Datur.*) Immittitur & extinguitur. *Exultantibus undis.*) Aquæ bullienti. Cum enim ebullit aqua, effertur & exilit quasi saltare uideatur. *Aut pice cum dura.*) Docet nūc conficere malagma quod extra lumbis iniiciendū est, & frigido dolori conuenit. Estq̃ medicamenti huius uis & natura calefacere, discutere & extrahere, quibus hic opus est: unde Celsus ait, At super quoq̃ recte quædam malagmata iniiciantur, maximeq̃ ea quæ humori extrahendo sunt. Per picem uero duram, intelligit Serenus picem siccam. Duplex enim est picis genus, liquidum & siccū siue spissum. Fit autem pix sicca, decocta liquida, & à multis palimpissa uocatur, quasi iterum cocta pix. Cui uis est calefaciens, molliens et discutiēs. Mel autem aperit & humores in summum pro-
ritat. Nitrum uero uires ex alto in summū etiam euocandi habet. Sulphur calfacit & discutit. Acetum autem reliquis ad interiora penetrandi uim addit: & quamuis frigidum sit, habet tamē admixtam sibi aliquam caliditatem, autore Galenō therapeuticæ libro 10. *Succida lana.*) Lana succida quid & qualis & unde sic dicta sit, docet nos Varro rei rusticæ libro 1. hijs uerbis: Tonsuræ tempus inter æquinoctium uernum & solstitium: cum sudare inceperint oues, à quo sudore recens lana tonsa succida est appellata. Quæ, ut Dioscor. tradit, probatissima est, mollis & ex collo semoribusq̃ pecoris detōsa: præbetq̃ duplicem utilitatem, Vnam, quod natura sua & sordium suarum
pin-

pinguedine, quæ celsypus est, egregie mollit & ad omniū partium dolores facit imposita. Alteram, quod res liquidas cito dilabentes suscipit & combibit, ut diutius adhæreant.

Aut caput asparagi cum uino sume uetusto:
Seu mauis appone: modus conducit uterq̃.
Aut adipe mixtum lumbis inducito sulphur,
Sæpe chelidoniam cum succo Palladis addes,
Farrag̃ quæ tremulis prosunt sudantia flammis.
Fertur amygdalæ succus nucis esse bibendus:
Pinsitur hæc tepidisq̃ absorbitur addita lymphis.
Aut tres ex uino cochleas feruescere coges
Cumq̃ suis domibus franges, piperis quoq̃ grana
Ter quinq̃ adijcias, potuq̃ iuuaberis illo.

Caput asparagi.) Radicem asparagi caput uocat, eo quod ex ea tãquam capite & fonte initioq̃ frutici uniuerso uis sua influit. Hæc decocta cum uino & bibita lumborū ac renum dolores sedat: quod & Apuleius testatur inquiring, Ad renum dolorem: Herbe asparagi radix trita cum uino & potata proficit. Nec modo hausta, sed & extra lumbis imposita eiusdē uirtutis habetur: cuius rei testes sunt etiã tum Plinius tum Dioscorides. Id autem agit uirtute qua urinam cit et per eam renes purgat. *Adipe sulphur.*) Ponit idem Plinius libro 35. cap. 15. hīs uerbis: Rhenibus quoq̃ et lumbis in dolore cum adipe mire prodest impositū sulphur. *Succo Palladis.*) Succo oliuæ, hoc est oleo oliuarum, cuius inuentrix Pallas perhibetur, quæ & disciplinarum dea est habita, unde & oliua illi consecrata fuit tum propter olei inuentionem, tum quia lucubrationibus & lucernarum oleo discipline perdiscuntur. Quod & Marcia nus Capella in hymno testatur cum ait, Hinc nam uerni comæ frondent tibi munera oliuæ Ars & cura uigil per te quo discat oliuo. Item de oliua Mineruæ sacra Ouidius

LUMBIS ET RENIB.

Amygdala 4-
maræ.

Lac amygdal-
larum.

Cochleæ.

Cochleæ domi-
portæ.
Piperis.

Furfur.

etiam libro metamorphoseon sexto. Columella in hor-
tulo palladium baccam uocat dicens, Rutaq; palladię bac-
cę uictura saporem. Tremulis.) Propter radios ignis scin-
tillantes & motu trementes. Amygdalæ nucis.) Pręsertim
amaræ. Vnde Plinius libro 23. cap. 3. Amygdalæ amaræ
sanant renum dolores ex aqua potæ. Et hoc maxime ob-
structionem renum aperiendo, autore Auicenna, & uri-
nam mouendo. Opus enim est, autore Celso, quæ maxi-
me inde urinam mouere consueuerūt. Et inter nephreti-
ca medicamenta eandem amygdalam sed alio utpote nu-
cis Græcæ nomine, connumerat. Pinsitur.) Contundi-
tur. Docet autem modum extrahendi succum. Hunc no-
stro quo propter coloris candorē & albedinem, lac amyg-
dalarum uocamus. Tres ex uino cochleas.) Hoc idem medi-
camentum comprobatur Plinius libro 30. cap. 3. dum in fit:
Cochleæ tres contritæ cum testis suis atq; in uino deco-
ctæ cum piperis granis 15. lumborum dolori bibuntur.
Feruescere coges.) Decoques. Domibus.) Testis, quibus pro
domo utuntur. Vnde & domiportam uocauit cochleam
Cicero, more Græcorum qui φερειον ipsam appellant.
Piperis.) Hoc libro 4. cap. 10. Celsus etiam in renum mor-
bis modo cibo modo potioni adijcere iubet.

Furfur item parca fuerit cum feruidus unda,
Post oleo madidus succis immittitur aptis,
Quæ uix passuris urentes addito membris.
Prodest ceruinæ uehemens natura medullæ.
Nec nocuit ciceris cocti potasse liquorem.
Aut mixtam teneris maluam contundito porris,
Contritumq; simul, cum mastiche, cōfer anethum,
Quodq; decem rebus cōponi ex nomine clarū est,
His contingere locū, Deus hæc mihi certa probauit.
Furfur.) Malagma ex fursure, aqua & oleo non modo re-
num, ut hic docet autor, sed omnium etiam dolorum mi-
tigatorium est impositū. Parca.) Modica. Feruidus.) Co-
ctus

ctus. *Cervina medulla.*) Inter medullas probatissima est *Medulla cer-*
cervina, autore Dioscoride: molliunt autem omnes, ra- *uina.*
 refaciunt & calfaciunt. *Vehemens natura.*) Virtus fortis et
 efficax. *Nec nocuit.*) Imò prodest & iuuat: modo renum
 & uesicæ ulcerationem non patiatur: tunc enim læderet
 potius quàm prodesset, autore Dioscoride. *Ciceris liquo-* *Ciceris liquor.*
rem.) Hoc est, ius ciceris: aperit enim renum obstructio-
 nes, et eos per urinam purgat. *Aut mixtam teneris.*) Hoc ul-
 timum est lumborum & renum affectorum medicamen-
 tum ex uarijs rebus compositum: quod autor diuino mu-
 nere probatum testatur. Cuius uires ex simplicium quæ
 compositionem eius ingrediuntur, natura haberi potest.
 Malua etenim mollit & lenit. Porrum urinam cit: quod *Malua.*
 & mastiche facit cum discussione. Anetum mollit, lenit & *Porrum.*
 urinam mouet, quod & alterum ex decem rebus medica *Mastiche.*
 mentum facit, de quo dictum est capite præcedenti. *Con-* *Anetum.*
tinge.) Inunge & impone. *Deus.*) Aesculapius. *Medicamentum*
decem rerum.

VENTRIS DOLORIMI-

TIGANDO.

CAPVT XXV.

SI dolor insanus tota defæuit in aluo,
 Heminis tribus in lymphæ ualidam coque rutam,
 Aut apium, donec pars duplex desit aquarum,
 Potus erit medicus non detrectante palato.



ENTRIS.) Venter multifariam accipitur. *Venter & eius*
 Primo pro eo quod à pectore ad pubem appa- *ceptiones.*
 ret, id est, quod inter abdominis membranam
 interiorem et cutem exteriori interioret: hoc
 est, pro abdomine seu sumine, quod Græce epigastrium
 dicitur: & sic accipitur cū dicimus uentris musculos esse
 octo, de quibus Galenus libro de locis affectis quinto: sic

VENTRIS DOLORI.

etiā accipit Cel. lib. 4. ca. 16. cū ait, Sub hoc uēter indurefcit, dolorq; eius est. Secundo accipitur uenter pro ijs quæ in fra abdominis membranā interiorē continentur, hoc est, pro uentriculo, intestinis & cavitatē infra abdomē in profundo existēte, ut apud Hippocratem prognosticorū lib. 2. cum ait, Si talis excernitur, inferior uenter bene ualeat. Vbi dictionem INFERIOR solius thoracis causa adiecit, qui aliquando superior uenter ab eodē appellatur, quod & Galenus in huius loci expositione testatur inquit, At uero bene ualere uentrē dixit inferiorem, conferens eum cum thorace ut intelligamus uētriculum ipsum, & item ie iunū simul cum intestino omni, per uentrem inferiorem. Tertio per uētre intelligimus partes iam dictas utraq; & interiores & exteriores simul. Et sic accipit etiam Hippocrates aphorismorum libro 6. cum ait, Dolores uentris sublimes, leuiore: qui uero non sublimes, fortiores. Pro cuius clariore notitia Galeni hunc locum exponētis uerba subiiciam. Inquit autem, Sublimes nunc audiendi sunt, nō secundum longitudinem corporis, sed profunditatem. Interstinguuntur autē hij in locis ad uentrem attinētibus membrana interiore abdominis: adeo quod quicunq; supra hoc fiunt, sublimes uocantur: qui uero infra, hoc est, in ipsis intestinis, atq; uentriculo, & in profundo, non sublimes dicuntur. Et in hijs duabus significationibus accipit etiam uentrem hic Serenus. Quarto accipitur uenter pro ut comprehendit uentrem inferiorem & superiorem, & sic accipit Hippocrates in libro de ulceribus cum ait, Purgatio per aluum plerisq; ulcerum prodest: præterea uulneribus quæ in capite sunt accepta, item quæ in uentre & articulis. Sed ne quis de significato hoc dubitet, testatur id Galenus lib. therapeutices quarto hijs uerbis: Ventrem autem hoc loco non solum inferiorem intelligendum esse, sed etiam superiorem, patere cuius arbitror. Diuiso namq; quod inter collum & crura est trunco, in duas capacities maximas, prior sub thorace, secunda

cunda sub membrana quę abdomini subtenditur, perito
 neon Græci uocant, continetur. Quinto accipitur uen-
 ter pro eo qui cibi receptaculum est, ut apud Pliniū cum
 ait præcordijs subesse uentrem in quo conficiuntur cibi,
 & hinc in aluum delabūtur. Sexto pro tota cavitae quę
 est infra thoracem. Sic Hippocrates aphorismorum libr.
 7. accipit cum ait, Quibus hepar aqua plenum in omen-
 tum eruperit, his uenter aqua repletur & moriuntur. Se-
 cundum quod significatum, uentrosi nominantur. Sep-
 timo uenter pro omni cavitae accipitur, ceu apud Hip-
 pocratem aphorismorum libro 6. Si in uentrem sanguis
 præter naturam effunditur, necesse est suppurari. Et ulti-
 mo uenter accipitur pro utero, quemadmodum et aluus.
 Vnde mulieres dicuntur gestare uentrem, id est, uterum.
 Dolor *insanus*.) Magnus, acutus, & quasi ad insaniam du-
 cens præ uehementi afflictione. *Deseruit*.) Furit, & magno *Aluus*
 cruciatu torquet & infestat. *Aluo tota*.) Vniuerso uentre.
 Alui nomine Plinius lib. 11. portionem illam intelligit in
 quam medio adnexam umbilico cibi iam in uentre con-
 fecti delabuntur. Serenus alui & uentris nomine idem in-
 telligit. Dicitur item & qua sordes effluunt & eluuntur
 aluus. *Heminis*.) Hemina duplex est. Vna ponderis, quę *Hemina*
 & libra dicitur, uncijs constans duodecim, præsertim Ita-
 lica. Altera est hemina mensurarum frugum & liquido-
 rum, quę & Cotyla dicitur, Sextarij dimidium. Conti-
 net aut acetabula bina, cyathos uero sex. *Validam rutam*.) *Ruta*
 Rutam efficacem, qualis maxime est siccata, & id quidem
 modice. Vt enim si plusculum siccetur, acris amara quę red-
 ditur, & supra quam par est calida: sic si prorsus non sic-
 cetur, excrementitium quēdam humorem retinet, non-
 dum ex toto concoctum, cuius uitio flatum discutere mi-
 nus potest: autor Galenus de sanitate tuenda libr 4. Plin.
 libro 20. capite 13. Ruta, inquit, cruditates discutit, mox
 inflationes, dolores stomachi ueteres. *Apium*.) Vt quod *Apium*
 inflationes discutiat. Est autem apium herba quę nunc
 uulgo petroselinum uocatur: quod uel ex Plin. colligitur,

VENTRIS DOLORI.

qui ait, apium gratum esse iuribus. *Pars duplex.*) Scilicet respectu eius quod remanet: ita ut tertia pars aquę solum remaneat, & duę per decoctionē absumentur. Erit enim sic uirtute magis efficax. *Medicus.*) Medicinalis & salubris. *Non detestante.*) Non abhorrente, nec fastidiente palato: in quo etiam saporum intellectus quidam est, auctore Plinio.

Præterea niuei sterilis testa uritur oui,
Quæ postquam in tetram fuerit conuersa farinam
Ex calidis potatur aquis & pota medetur.
Nec non iungenda est utero noua uirga myricæ,
Illæsa hæc ferro terraq; intacta geratur.
Aut medio uentris prodest aspergere terram,
Quam signauerunt uestigia pressa rotarum.
Proderit & puluis facili sub cardine raptus.
Quin etiam ex lymphis tritum potare cuminum
Cōueniet, quod iam nobis documenta probarunt.
Mēta quoq; hoc pacto medicos dabit hausta sapes

Testa oui.

sterilis testa oui.) Hoc est, putamen oui inane & uacuum, & maxime à quo pulli exierūt, & sine membrana interiore. *Tetram farinam.*) Id est, pollinem & puluerem molliissimum nigrum. Per uestionem nanq; candidus color in nigrum mutatur. *Iungenda utero.*) Id est, uentri imponenda. *Vterum enim pro uentre accipit. Noua uirga myricæ.*) Recens decerptum uirgultum myricæ, quæ & tamarix dicitur: de qua dictum est supra. Porro medicinæ huius Plinius quoq; meminit libro 24. capite 9. his uerbis: Grauis autem autor in medicina uirgam ex eadem fractam, ut neq; terram neq; ferrum attingeret, sedare uentris dolores asseuerauit impositam, ita ut tunica cinctuq; corpori apprimeretur. *Geratur.*) Ventri circūcincta portetur. *Medio uentris.*) Circa umbilicum. *Terram quam signauerunt, &c.*)

Terra orbitæ.

Hoc est, terram ex rotarum orbita desumptam, quæ exicando

cando & discutiendo est. *Puluis sub cardine.*) Hoc est, sco- *Terra ianuarū*
 bes & puluis uel terra quę circa portas & ianuas à calceis
 cadens colligitur. *Cuminum.*) Inflationes enim discutit *Cuminum.*
 & pituitas, autore Plinio lib. 10. cap. 14. *Mentha.*) Diosco *Mentha.*
 rides, In uniuersum uentri accommodata est mentha.
Medicos sapor.) Liquores & potus salubres.

Cœliacos autem recreabis pane salubri,
 Quem madido farre efficies ac mollibus ouis,
 Quorum testa prius sparso euanescet aceto.
 Refert & teretes bulbos mollire terendo,
 Cumq; his lenei durum potare fluentum.

Cœliacos.) Κοιλία Græcis uenter est, hinc cœliaci qui mor *Κοιλία.*
 bum patiuntur quem Græci cœliacum etiam uocant, uen *Cœliacus.*
 triculo & intestinis simul affectis eueniens, teste Galeno,
 qui de locis affectis libro 6. sic ait, Sunt alia quoq; acciden-
 tia, quę quidem haud absurde & intestinis & uentriculo
 simul affectis euenire creduntur, ut quas lyenterias & cœ-
 liacas nominant, cum uidelicet materię nequaquam sunt
 mordaces. Nam ut mordaces, ob mordendi uim, omnia
 intestina ad excretionem excitant: ita non mordaces, in
 testinorum imbecillitatem sequi consueuerunt, quia reti-
 nere contenta, ne exiguo quidem tempore possunt. Si-
 quidem illico excernunt ea, perinde ac si graue aliquod
 onus deponerent. *Recreabis.*) Refocillabis & conforta-
 bis. *Pane salubri.*) Idem medicamentum & panem confi- *Panis cœliaco-*
 cere & cœliacis prodesse docet etiam Plinius lib. 29. cap. 3. *rum.*
 hīs uerbis: Quorum maceratorum in aceto molliri dixi-
 mus putamen. Talibus cum farina in pane subactis, cœ-
 liaci recreantur. *Madido farre.*) Farina tritici aqua made- *Panis tritici.*
 facta ut subigi possit. Panis uero tritici, teste Dioscoride,
 fluentem aluum sistit: quemadmodum & acetum, quod *Acetum.*
 etiam, eodem autore, adstringit & cibarijs concoctum
 alui fluctationibus utile est. *Refert.*) Commodum, utile et
 salubre est. *Bulbos.*) Qui scilicet edendo sunt: tales enim, *Bulbi.*

HYDROPSI CVRANDAE.

Vinum auste-
rum, acerbum.

Ληνὸν.
ὑπολήνιον.
Leneus Bac-
chus.

autore Dioscoride, stomacho in cibo utiles sunt, & dolo-
res eius sedant, concoctionesq; adiuuant. *Fluentum durum*
Lenei.) Id est laticem & liquorē vini, hoc est uinum ipsum
austerum siue acerbū. Virunq; enim utile stomacho re-
soluto, vires firmans, & in aluum, intestinaq; destillatio-
nes compescēs, ut autor est Dioscorides. Lenon, id est λη-
νὸν, & hypolenion, id est ὑπολήνιον Græcis lacuna dicitur
& torcular atq; uas in quod uuarum liquor & uinum ex-
cipitur. Vnde Bacchus poëtis Leneus dicitur, & transum-
ptiue pro uino ipso accipitur. Verg. Geor. libr. 3. Profuit
inserto latices infundere cornu Leneos.

HYDROPSI CVRANDAE.

CAPVT XXVI.

CORRVTI iecoris uitio, uel splenis acerbis
Crescit hydrops, aut cum siccata febre medullæ,
Atq; auidæ fauces gelidum traxere liquorem:
Tum lymphæ interius uitio gliscente tumescit,
Secernens miseram proprio de uiscere pellem.

Hydropisis.

Ascites.

Tympanites.

Hydropisis
sicca.

Aphor. lib. 4.



YDROPSI.) Hydrops siue hydropisis
Græce, Latine aqua intercutē dicitur. Cuius
tres sunt species. Vna quæ ab utris similitudi-
ne ascites uocatur, in qua plus humoris conti-
netur, spiritus autem minus. Altera tympanites, eo quod
summus uenter percussus sonitum edit qualem tympa-
na: & in hac plus spiritus est, humoris uero minus. Et hæc
ab Hippocrate sicca nominatur hydropisis, teste Galeno.
Hoc enim genus non humidum est sicut ascites, in quo
materia collecta non est flatuosus aër, sed humor aquo-
sus. Videtur autem à maiori frigiditate generari aquosus
hydrops quem asciten uocant, quoniam ueluti in utre
quodam

quodam in membrana abdominis interiore humor continetur: à minore autem tympanias. Neque enim humida substantia in flatuosum aërem sine calore aliquo potest transmutari. Et in hijs duobus generibus cibus in aquam conuertitur, & in locum iam dictum diffunditur: nec in alio differunt quàm in spiritus & aquæ maiore aut minore quantitate. Tertia species est quæ hypofarcidios, *Hypofarcidios*, hypofarca & anasarca dicitur, quæ solidis partibus in aquæ *Hypofarca*, naturam resolutis per totum fit corpus. Et hanc quidam *Anasarca*, leucophlegmatian etiam, hoc est, albam pituitam uocant: *Leucophleg-* quasi uidelicet, uti Galenus scribit, fit etiã pituita liuida, *matia*. uel tanquam sui quidem ratione sit semper alba, sed pro- *Aphor. lib. 7.* pter mixtionem quorundam aliorum humorum uerum mutet colorem. Quamuis etiam simpliciter absq; distinctione albi potest esse facta adiectio. Cæterum Hippocrates libro de uictu acutorum 4. duo tantum aquæ intercutem genera facit, Vnum nunc dictum hypofarcidion, quod etiam incurabile tradit, Alterum quod ex flatibus constat, quod multa, eaq; bona fortuna indiget. Et sub hoc duo priora genera, asciten & tympanian, quia eiusdem naturæ sint, comprehendit: non enim differunt, nisi (ut iam dictum est) spiritus & aquæ maioris minorisue ratione. Porro omnium, uti Celsus lib. 3. cap. 21. ait, communis est humoris nimia abundãtia. Estq; cuiusuis aquæ *Hydropis communis* intercutem communis genitura, autore Galeno, ubi sanguificationis officium intercidat. Demum omnis hydro- *munis genitura* pifis initium traditur esse malus corporis habitus, quem *Prog. lib. 2.* Græci καχεξία uocant. Causæ uero sunt uariæ, quarum *Kachexia*. & si non omnes, potiores tamen & magis communes, fræ *Hydropifis* quentiusq; contingentes autor ponit in textu. *Corruptiie cause.* coris uitio.) Inter hydropiseos causas præcipua est iocino 1. *Iecur,* ris uitium, siue per sese & suapte ui, siue per aliarum partium consensum afficiatur iecur: nisi enim hoc alijs consenserit, aliorum nullũ hydropisim efficere poterit. Nam cuiusuis hydropiseos communis genitura est, ubi sangui

HYDROPSI CURANDAE.

2. Splen.

Sine iecoris uitio hydropisis nunquam fiet.

3. Febris, quo modo hydropisis causa.

Medulla.

ficationis officium intercidit & sanguinis generatio frustratur: quod iecoris uitio accidit, natio eius calore ut-
cūq; extincto. *splenis.*) Altera hydropisis causa est lien, sed consentiente iocinore: nisi enim ad hoc transmittatur malū, hydropisis subsequi potest minime. Vnde per longos morbos indurato seu obstructo, aut ex tumore uel aliter refrigerato splene, ad consensum agit iecur, per quod tale medium uniuerso corpori aquam intercutē & hydropisim concinnat. *Acerbus.*) Molestus & dirus. Horatius in Odis: Crescit indulgens sibi dirus hydrops, Nec sitim pellit, nisi causa morbi Fugerit uenis, & aquosus albo Corpore languor. *Crescit.*) Generatur. *Siccata febre medulle.*) Febrem hydropisis causam esse bifariam intelligere possumus. Primo cum febrilis calor corporis humiditates consumit: quod maxime in longis & diuturnis accidit febribus, potissimum quod in quartana, cum iecur, membra & uniuersum corpus extraneo calore excalescit & desiccatur, natioque calor extinguitur & resoluitur. Vnde iecur natio calore destitutum et refrigeratum, extraneo uero accessum et siccatum arefcens, uis eius concoctrix afficitur, suoque munere destituitur, quare cibus in sanguinem transmutari nequit, sed aquosus efficitur humor, sanguisque pituitosus, qui et aquam intercutem hydropisimque concinnat. Secundo hydropiseos causa est febris, cum iecur in febribus calida & sicca intemperatura tam grauiter afficitur, ut consumpto corporis humido & arefcētibz membris, sitim inducat non minimam, quam infirmus sufferre non ualens, & refrigerium refocillationemque querens ad frigidæ aquæ potum recurrit, qua intempestiue pota & hepate affatim refrigerato, statim aqua intercutem inducitur. Et sic febris mediante frigidæ aquæ potu, hydropisis causa dici poterit. *Medulle.*) Medulla pingue id est quod in ossium medio reconditur: hic autem pro omni corporis succulentia sumitur indifferenter. *Auide.*) Siticulosa propter humorum desiccationē & frigidi humidi-
deside-

desiderium & appetitum. *Sitis enim frigidi & humidi ap-
 petitus dicitur. Fauces.) Fauces enim ex membris sunt
 quæ per colligantiam siti afficiuntur. Gelidum liquorem.)*
 Aquam frigidam & eius potum. Ex intempestiua etenim
 aquæ frigide potatione iecur affatim refrigeratum, statim
 aquam intercutem concinnat, autore Galeno de locis af-
 fectis libro 5. cap. 6. & alibi. Et hæc est quarta hydropisis
 causa à Sereno proposita. Sunt & aliæ, quas tamen ceu
 minus occurrentes, ipse obmittit, & ad curationem pro-
 greditur. *Tum.) Post causas iam relatas. Lympha.) Hu-
 mor aquosus. Interius.) In uentre & membris subcuta-
 neis. Gliscere.) Crescente & pinguescente, incremen-
 tum quæ accipiente. Gliscere enim crescere est, & aliquando
 idem quod pinguescere. Columella libr. 8. cap. 7. Gallina
 quæ prima luna saginari cœpta est, uigesima pergliscit.
 Tumescit.) Tumescit & in tumorem attollitur. Secernens.)
 Diuidens, diuellens & separans. Miseram pellem.) Cutem
 infelicem & inuolidam, infirmam quæ. Viscere.) Ventre et
 carne cui adnectitur cutis ipsa.*

*Sitis.**Fauces quomo-
do siti affician-
tur.**4. Aqua frigi-
da hydropis
causa.**Gliscere.*

Conueniet teneræ radix decocta sabuci

In geminis calidi cyathis potanda lyæi.

Fraxineum semen cum Bacchi rore bibendum est.

Nec non appposito curantur dropace membra.

*Conueniet.) Vtilis erit & cōmoda. Enumeratis causis qui-
 busdam, ponit nunc auctor morbi curam per medicamen-
 ta, tū quæ intus assumuntur & hydragoga dicuntur, hoc
 est, quæ aquositates purgant & aquam intercutem pro-
 liciant atque educunt, tū per cataplasmata & alia quæ extra
 adhibentur & aquositates siccant & discutunt. Radix sa-
 buci.) Idem hoc medicamentum ponit Plinius lib. 24. hīs
 uerbis: Radicis sabuci in uino decocti duo cyathi poti, hy-
 dropicos exinaniunt. Dioscor. potus quantitate omīssa,
 eundem sabuci effectū testatur cum ait: Radix in uino de-
 cocta, hydropisi auxiliatur. Aquas enī ex corpore pellit.*

*Hydragoga
medicamenta.
Radix sabuci.*

HYDROPSI CVRANDAE.

Semen fraxini. Fraxineum semen.) Plinius, Semen folijs eius inest, quæ a-
quam, quæ subit cutem, extrahunt. *Bacchirore.*) Id est,
Dropax. uino. *Apposito dropace.*) Exteriori imposito & illito unguē-
to illo. Est aut̃ Δρόπαξ, hoc est dropax, unguenti genus &
medicamentū ruptorium desiccatoriumq̃, quale sinapif-
mus. Oportet enim, autore Celso, ubi inflatio & ex ea do-
lor creber est, fomētis siccis calidisq̃ uti, & crebri⁹ in uen-
trē imponere sinapi, donec cutē erodat, & seruare ulcera
diutius. Vtiliter etiā scylla cocta delinit cutis, si ualens est
qui id accipit. Hęc ille. *Membra.*) Tumentia ethydropica,

Aut calido filicis radicem mollis Iaccho,
Vnguinē quo frangis uires languoris aquosi.
Nec non in tepidis conuoluere corpus harenis.
Appositu lenes nepetæ, gustuq̃ iuuabunt.
Sæpeq̃ scyllino pelluntur noxia Baccho.

Iacchus. Calido Iaccho.) Per calidum intelligit, quod coqui debeat
ut mollescat, similiter quod calidum actu imponi debet.

Radix filicis. Per Iacchum uero Bacchum & uinum. Dicitur est autem
Iacchus à uerbo ἰαχῶ quod est clamo et uocifero, quoniā
Baccho sacrificantes clamare ac uociferare soleant. Et si-
cut per Bacchum ita etiam per Iacchum uinum intelli-
gitur. *Filicis radicem.*) Dioscorides libro 4. Filix, inquit, fo-
lia sunt sine caule, sine flore, sine semine, ex uno pediculo
cubitali magnitudine: incisuris diuisa, & alarum auium
modo explicita, in quibus odoris grauitas aliqua est. Ra-
dicem habet filix in summa terra nigram oblongam: ex
qua plures ueluti adnatæ progrediuntur aliæ quadante-
nus in gustu adstringentes. Nascitur montanis & saxosis
locis, imò ut Plinius tradit, ubiq̃, sed maxime frigido so-

Lib. 27. cap. 9. lo. Effodi debent Vergilijs occidentibus. Vfus radicis in-
trimatū tātum, neq̃ ante neq̃ postea. Desiccatoriū uero
est ceu dropax si extra imponit: si uero intus assumitur,
aluum soluit, primo bilem trahens, mox aquam. Cæte-
rum quia sine semine est, ut probati testantur autores o-

m nes

mnes, falsum esse conuincitur, quod superstitiosius à qui
 busdā iaciatur cōmentum, scilicet, una solstitiali, seu ut ali
 qui, natali diui Ioānis Baptistæ nocte, florere filicem, ea
 demq̃ hora cum defloruit maturum in terram semen ca
 dere, ideoq̃ nisi aliquis tunc adfuerit, nec uideri florem,
 nec colligi semē posse. *Mollis.*) Decoquendo & dein con
 tūdendo in uino mollem reddis & cataplasma inde con
 ficis & tumentibus membris imponis. *Vnguinē.*) Vn
 guento, cataplasmate. Vnguen proprie omnē succum si
 gnificat ex quo aliquid ungi potest. *Frangis.*) Destruis et
 tollis. *Vires lang. aquosi.*) Vim noxiam & morbum ipsum
 aquosum hydropifis. *Harenis.*) Scilicet littorum maris.
 Plinius libro 31. cap. 6. Nec non harena littorum maris *Harena litto
rum maris.*
 præcipue tenuis & solibus candens in medicina est siccan
 dis corporibus coopertis hydropicorum. Et Dioscori
 des lib. 5. capite 100. Exiccat corporis aquas littoralis ha
 rena sole feruens obrutis usq; ad capita in ea hydropico
 rum corporibus. *Nepeta.*) Nepeta est herba, quæ & cha
 laminthe dicitur. Hæc & pota & emplastri modo imposi
 ta hydropicis subuenit, idē eadē ratione qua & reliqua
 proxime iam dicta. *Scyllino Baccho.*) Vino scyllite siue scyl
 litico. Cuius concinnandi modos uarios quia perlongū *Vinum scyllitidē*
 & molestum esset recensere, ideo loca ubi hos, qui uolet,
 requirere poterit, signasse tantum, contentus ero. Docet
 autem id Columella rei rusticæ libro 12. capite 33. Palla
 dius libro 8. mense Iulio, Titulo. 6. Dioscorides medici
 nalis sylug libro 5. capite 18. Qui etiam id cutem subeuntis
 bus aquis & hydropifis utile esse, & uetustate bonitatem
 acquirere tradit. Et lib. 2. ca. de scylla, Additur, inquit, scyl
 la portionibus medicamentis q̃ quæ rarefaciēdo sint. Da
 turq̃ his in quibus urinā ciere uolumus. Facit ad cutem
 subeuntis aquas. Cæterū Apuleius scyllæ medicinā con
 tra hydropifin sic instruit. Bulbus scyllitides torretur, de
 inde circumpureatur, & medium eius in aqua decoqui
 tur, cū bene decoctū fuerit eximit, et ex eo tres obolidantur

HYDROPSI CVRANDAE.

potui cum melle & aceto hydropico, & euacuatur per urinam. Et si folium aliquatulum sub lingua quis habuerit, sitim compescit hydropicorum, eodem autore.

Elleboro bene purgatur lymphaticus error,
Aut huius uice quod fert semen lenta genista,
Miscetur mulsis & cautis ducitur undis.
Est qui præualidum nitro, sale, miscet acetum,
Atq; olei succo refricant albertia membra.

Elleborus.
Veratrum.
Lib. 25. cap. 5.
Libro. 4.
Aphor. lib. 4.

Elleboro.) Ellebori, quod ueratrum Latini uocant, duo genera faciunt Plinius & Dioscorides. Vnum candidum, alterum nigrum. Quorū coloris discrimen in radice ipsa intelligitur. Vterq; sanas carnes habentibus periculosus, autore Hippocrate. Porro albus per superna uomitionibus purgat, morborumq; causas, humores diuersos & multiplices extrahens: sed ut Mesue scribit, corporibus nostri temporis est sicut uenenum proprie præfocans. Nigri uero usq; ad tempora nostra uirtus tolerabilis est, licet adhuc difficilis. Purgat autem per inferna, medeturq; hydropicis. Hoc multi melampodion & polyrhizon et melanorhizon uocant. Nascitur autem probatissimum in Anticyra. Lymphaticus error.) Hoc est, uitium & morbus aquosus, id est, hydropisis & aqua inter cutem. Lymphæ enim aqua dicitur, hinc lymphaticus, id est, aquosus, & uinum lymphaticus, autore Perotto, quod plus satis habet aquæ. Quod contra Beroaldum est, qui non uult dicendum esse uinū lymphaticum pro aqua diluto. Et lymphaticos solum dici autumat laruos & insaniētes, de quibus dictū est in superioribus, quibus etiam num succurrit elleborus: ob quod & in prouerbium abiit una cū insula in qua nascitur, de quibus Erasmus Roterodamus in adagiorum chiliadibus. Huius uice.) Loco ellebori. Lenta genista.) Id est spartum tenax & infragile. Virg. Georg. lib. 2. Molle filer, lentæq; genistæ. Quid autem sit Genista & quæ uirtus eius quantum hic nobis satis est docet Dioscorides

Lymphatici.
Lymphæ.
Vinum lymphaticum.
Lymphaticus.
Lib. Tusculan. 3.

Genista.
Spartum.

rides medicinalis syluæ libro 4. inquit, Sparton, sunt qui lobon id est filiquam, qui lygon id est uimē, Romani spartum uel genistam, dicant. Frutex est, breues, duras & sine folijs uirgas habens, easdemq̃ natiuo lentore infra- giles, quibus uites ligāt. Siliquas phaselorum modo fert, in quibus semen ceu lentis est. Florem luteū qualem uiolę habent, quas leucoia appellant. Bibuntur flores, semenq̃ eius in mulsa aqua pondere obolorum quinque: pur- gantq̃ per superna egregie ueratri modo sine periculo. Solum semen itidem per inferna purgat. Hęc ille. Est au- tem aliud à sparto quod in Hispania nascitur & à Plinio lib. 19. cap. 2. describitur. *Mulsis undis.*) Aquæ mulsæ. *Cau- tis.*) Hoc est, cum cautela summaq̃ cura & diligentia præ- paratis, præsertim si elleborus exhibendus est, cuius po- tio, ut Hippocrates docet, est drachma uel eius dimidium cum aceto mulso: tertiam autem huius partem cum helle- boro misceto, & minus præfocat, strangulatue. Quibus autem & quo modo, tempore & pondere dandus sit aut non dādus elleborus, docet idem Hippocrates cum alibi sparfim, tum in libro de elleborismo ad Democritum col- lectim. *Ducitur.*) Hauritur & bibitur. *Est qui prauat. &c.*) Tale medicamētum tradit etiam Corn. Celsus, nisi quod aquam & non acetum accipit, quo tamen uel per se calen- te eo uaporari docet hydropicos Dioscorides, qui etiam horum tumores sale ac oleo inungi testatur. Verum cui speciei maxime conueniat & quomodo administrādum sit hoc medicamentum, docet etiam Celsus cum ait, At si id uitium est cui leucophlegmatias nomen est, eas partes quæ tument subijcere soli oportet, sed non nimium, ne febricula incidat. Si is uehementior est, caput uelandum est, utendumq̃ frictione, madefactis tamē manibus aqua cui sal & nitrum & olei paulum sit adiectū, sic ut aut pue- riles aut muliebres manus adhibeantur, quo mollior ea- rum tactus sit: idq̃ si uires patiuntur ante meridiem to- ta hora, post meridiem semihora fieri oportet. *Albentia*

Qq

VENTRI MOLLIENDO.
membra.) Per hoc intelligit speciem illā quæ leucophleg-
matias, hoc est alba pituita, dicitur & hypofarca.

VENTRI MOLLIENDO.

CAPVT XXVII.

S A E P E cibi specie, uitio uel corporis ipso,
Potibus aut duris restricta morabitur aluus:
Vincetur talis mora gramine Mercuriali,
Cuius aquam coctam minimo cum melle bibemus,
Prunaq; conueniunt quæ mittit clara Damascus.

*Causæ uentris
adstricti.*



*1. Cibus ad-
stringens.*

*2. Iecur calēs
arensq;.*

*Intestinorum
imbecillitas.*

*3. Potus ad-
stringens.*

VENTRI molliendo.) Leniendæ uentris duri-
ciæ, aluo duræ atq; adstrictæ, quæ fecales red-
dere nequit superfluitates, imò fecibus ipsis in-
duratis & remoratis: cuius adstrictionis uariæ
solent esse causæ, quarum nō nullas autor à capitis initio
ponit. Cibi specie.) Qualitate cibi, præsertim duri & con-
stipantis, quales sunt castaneæ, sorba, mala cydonia, pira
acerba, & id genus alia. Cum enim talis estur cibus, com-
muniter uenter induratur, potissimum si ante alium ci-
bum assumitur: nam post comestus comprimendo soluit
potius uentrem adstrictum. Et hæc est una adstricti uen-
tris causa. Vitio corporis.) Malitia membrorum, præsertim
iecoris & intestinorum. Iecoris quidem, cum nimio calo-
re exiccatur ab intestinis & aluo humidum illud in ipsis
& fecibus contentum sugit & extrahit, unde feces exic-
catæ et induratæ exitum habere nequeunt. Intestinorum
uero ratione alui excrementa retinentur, cum affectis ipsis
naturales actiones & uis expultrix læduntur. Et hæc est
altera duræ alui causa. Potibus duris.) Tertia causa propter
quam uenter & aluus adstringitur, est potus exiccans &
adstringens, Morabitur.) Cunctabitur, detinebitur & ni-
hi

hil reddet nec egeret. Vincetur.) Superabitur & emollietur. Talis mora.) Fecum & alui cunctatio & adstrictio. *Gramine Mercuriali.*) Herba Mercuriali, quam alijs nomini *Mercurialis.* bus linozostin & parthenion uocant Græci, & Hermupoan, id est Mercurij herbam. Latini Mercurialem appellant, ab inuentore Mercurio, ut autor est Plinius libr. 25. cap. 5. & Dioscorides libro 4. Folia habet omnino similia, ramulos geminatis geniculis & alarū cauis multis. Eius duo genera, Masculus, quam masculatam id est testicula tam uocat Apuleius, minor est atq; rotunda & ueluti testiculis binis paruis circa exordium ornata. Semen fert, auctore Dioscoride, iuxta folium exiguum, rotundū, binum testiculorum specie pendens. Fœmina uero quæ maior est, racemosum & multum. Totus frutex dodrantalis, & aliquando maior est. Soluit aluum utraq; olerum modo in cibo sumpta. In aqua itidem elixa si ea bibatur aqua, bilem & aquosa trahit. Porro quo pacto ad aluum soluendam coquenda sit herba Mercurialis, apertius docet Plinius, qui sal etiam addit, inquit: Aluo quidem soluendæ decoquitur quantum manus capiat in duobus sextarijs aquæ ad dimidias, bibitur sale & melle admixto. Apuleius tum folijs tum semini uim hanc extrahendi & purgandi tribuit, sed ex passo dandum præcipit. Nostro æuo hac herba communiter utimur in enematibus quæ molliendi uentris causa adhibemus. *Pruna.*) Pruna aluum *Pruna Damascena.* molliunt, sed copiosius recentia, minus ficcata. Quod & *scena.* Galenus testatur de simplici medicina libro 7. Vbi et Dioscoridem ficcata aluum cohibere tradentem, demiratur, idq; non immerito, cum manifestum sit uel hæc mollire aluum, licet minus quàm alia, idq; quotidiano usu uel expertissimum habemus. *Que clara Damascus.*) Hoc est, *Damascus.* Damascena, & ut Plin. lib. 13. cap. 5. ait, in Damasco monte nata. De quibus idem etiam libr. 15. cap. 13. sic scribit: In peregrinis arboribus dicta sunt Damascena, à Syriæ Damasco cognominata, iam pridem in Italia nascentia, gran

VENTRI MOLLIENDO.

dioſe quanquam ligno & exiliore carne. Damascus autem Syrię urbs eſt inſignis, omnium ſerę nobiliſſima quę in ea ſunt regione, Perſiæ uicina, ut autor eſt Strabo geographiæ libro 16.

Multos præterea medici componere ſuccos
 Affuerunt, precioſa tamen cum ueneris emptum,
 Falleris, fruſtraq; immerſa nomis mata fundes:
 Quin age & in tenui certam cognoſce ſalutem.
 Aut igitur teſtum lana ſupponis alumen.
 Aut edis in patinis teneræ decocta ſabuci.
 Vel cum lacte capræ falſum muſſumq; capeſſis,
 Crede tamen potum meliorem lactis equini,
 Dicitur hic ualidos aſinæ præuincere ſuccos.

Contra impoſtores quosdã. Multos ſuccos.) Hoc eſt, uariarum rerum mixturas & com-
 Lib. 29. cap. 1. positiones uarias. Inuehitur autem nunc contra atto-
 Lib. 24. cap. 1. nitas quorundam, ut Plini j uerbis utar, perſuaſiones,
 qui prodeſſe niſi precioſa non putant. Cum ſola natu-
 ræ placuerit eſſe remedia, ut idem inquit Plinius, para-
 ta uulgo, inuentu facilia ac ſine impendio, ex quibus
 uiuimus. Verum poſtquam fraudes hominum & in-
 geniorum capturæ officinas inuenere iſtas, in quibus ſua
 cuique homini uenalis promittitur uita, ſtatim com-
 positiones & mixturæ inexplicabiles decantantur. A-
 rabia atque India in medio æſtimantur. Vlceri q; paruo
 medicina à rubro mari importatur, cum remedia uera
 quotidie pauperrimus quiſq; cœnet. *Fruſtraq; &c.*) Hoc
 eſt, pecuniarum diſpendium facies, nullo inde conſecuto
 emolumento aut commodo. *Quin age.*) Imò potius agi-
 to & rem tuam commodumq; & utilitatem curato. *Tenui.*)
 In re parua & nullius quaſi impedi j. *Cognoſce.*) In-
 tellige & inquire. *Igitur.*) Propter cauſam iam dictã, ne
 pecuniariæ rei diſpendium facias. *Teſtum lana.*) Linteo-
 lo inuolutum, quod in balani uel parux pilulæ modum
 ſit

fit effigiatum & concinnatum: oportet autem, ut inuolui possit, ipsum prius contere & in puluerem redigere, & quo facilius intromitti possit, oportet ipsum prius parumper in oleo intingi. Nostra ætate utimur eo integro in balani formam disposito & in oleo intincto. *Supponis.*) In anum submittis. Hinc nostri æui medici suppositoria *Suppositaria.* appellant, quos eruditiores balanos & glandes uocant. *Balani, glâdes.* *Alumen.*) Aluminis plura sunt genera, sed in medicina *Alumen.* usum habent, autore Dioscoride, scissile, rotundum & liquidum. Omnia calfaciunt, adstringunt atq; repurgât. Sed dicet quispiam: Si adstringunt, quo pacto igitur uentrem subducunt & molliunt? Aio id fieri non ui sua subducere, quam non habet, sed membrorum hoc est in testinorum uim expultricem læsam & officio suo fungi non ualentem corroborante & ad expulsionem irritante: & hoc quotidiano usu nobis satis compertum est. Quis enim ex uulgo ferè non est qui non eo in balani formam effigiato in astricta aluo utatur? quamuis non omnes eo iuuentur, præsertim ubi ob nimiam fecum duriciem citra intestinorum læsionē adstrictio contigerit: feces enim mollire non poterit, quod uel hinc manifestum est quod ubi læsa intestina ipso corroborata feces reddunt, eadem non mollitæ sed duræ eiiciuntur, id quod experimento quotidie fieri uidemus. *Patinis.*) Patina uasis genus est *Patina.* quo dapes elixæ & iurulentę in mensam feruntur, Teutonice *Ein schiessel.* Nunc communiter pro uase accipimus in quo coquimus, et Teutonice uocatur *Ein pfann.* *Teneræ sa= Sabucus.* *buci.*) Hoc est, sabuci minoris. Idem testatur Plinius lib. 24. cap. 8. inquit, Caules teneri minoris sabuci in patinis cocti aluum soluunt. *Lacte capræ.*) Ex lactis commo- *Lac caprinum.* dis, autore Galeno, est uentris moderata deiectionis. Quod *Equinum.* aut uentrem soluat, præsertim caprinum, asininum & equi- *Asininum.* num, licet minus caprinum, reliqua uero magis, testis est etiam Diosco. & Hippocrates de uictus ratione lib. 2. **SAL SVM MVL SVM QVE.**) Hoc est, lactis potum salis adie-

VENTRI MOLLIENDO.

Etione falsum, mellis uero multum effectū. Additur aut sal
ut citius subducatur, mel uero ne in uētriculo cogatur. Et
quāto recentius multū bibitur, eo utilius, magisq̃ profi-
cium erit. Vnde Galenus therapeutices libro 5. ait, Hoc
de lactis usu pro maximo præcepto habendum est, ut hi
quibus eo est opus, omnino id adstante animali statim mul-
ctum bibant, etiā melle iniecto, si cui cogi in uentriculo
solet: quod si ipsum descendere ad aluū citius cupis, etiā
sale. *Meliorem equini.*) Equinum simul & asininum lac ca-
prino magis esse uentris subductiuum, hoc ideo est, quo-
niam capræ multo adstringente pabulo utuntur, quare
etiam minus tenue est. Equinum uero tenuius, & asini-
num tenuissimum & minime coagulatur: uti tradit Gale-
nus therapeutices libro 7. Et lib. de sanitate tuenda. 5. as-
ininum caprino comparans, Asinæ, inquit, lac tenue sero-
sumq̃ est, capræ mediocris substantiæ est. Itaq; hoc nu-
triet magis, ubi uidelicet nutritione opus est. Illud omni-
no tutius est. Nam & si quādo solum cum pane sumitur,
tum citius subducitur, tum minime est flatulentum, sed
nec in uentre cogitur, potissimum si prius salis aliquid, &
mellis immiseris. *Hæc ille. Hic.) Potus lactis equini. Va-
lidos.)* In molliendo uentre potentes & efficaces. Cum e-
nim ceteris omnibus sit tenuius lac asininum, ideo etiam
merito magis alui suductiuum. *Asinæ succos.)* Lac asini-
num. *Præuincere.)* Maioris esse uirtutis & efficacis in mol-
lienda & subducenda aluo.

Syluestris fici lachrymam prodesse loquuntur.
Quodq̃ satis melius uerbis dicemus Horati,
Mytilus & uiles pellent obstantia conchæ,
Sed cochleas prius est urtica aut fursure pasci,
Purior hinc gustus noxa sine mouerit aluum.
Sæpe thalassomeli adiecto cumulabimus imbri,
Hæc purgant parili fuerint si pondere mixta.

Ficus satia. Syluestris fici.) Duplex ficus est, Satiua & Syluestris, quæ ca-
prificus

prificus etiam dicitur, utraq; aluū mollit. Plinius, Aluū
 soluit caprificus. Dioscorides, Syluestris & satiuæ fici lac *Syluestris.*
 animalū coaguli modo lac coagulat: idem coagulatum
 aceti modo soluit, aluum subducit. *Lachrymam.*) Succum
 quem à coloris lacteo candore lac nominare solent. Ho- *Lac fici.*
 rati.) Q. Horatius Flaccus poëta nobilis diui Augusti im *Horatius.*
 peratoris tēpore floruit, multaq; præclara scripsit opera,
 præsertim Artem poëtica, libros Odarum, Epistolarum
 ac deniq; Sermonum, in quorū secundo, satyra quarta,
 Epicureorum præcepta recēfens, hoc quoq; ponit, Si du
 ra morabitur aluus, Mytilus & uiles pellent obstātia con
 chæ. Quem uersum huc transferens Serenus, ne furto su
 stulisse coargui possit, autorem à quo profectus est, indi
 cat. *Mytilus.*) Mytili sunt, autore Plin. quas Græci mya- *Mytilus.*
 cas dicūt, & hunc sequut⁹ Diosco. interpretes Florentinus, *Myaces.*
 Myacas mytilos traduxit, quanquā de myacis quod al
 uum molliāt apud Diosco. nulla fit mētio, licet Plin. id as
 serat, inquit, Purgant & myaces: quorum natura tota
 in hoc loco dicitur. Aceruantur muricū modo, uiuuntq;
 in algosis, gratissimi Autumno, & ubi multa dulcis aqua
 miscetur mari, ob id in Aegypto laudatissimi: procedēte
 hyeme, amaritudinem trahunt, coloremq; rubrum. Ho
 rum ius traditur aluū & uestigas exinanire. Et paulo post,
 Degenerāt, inquit, in duas species, in mitulos qui salem
 uirusq; recipiunt, myiscasq;: quæ rotūditate differunt, *Myiscæ.*
 minores al quanto atq; hirtæ tenuioribus testis, carne du
 riores. Porro aluum molliendi uim Dioscorides Tellinis *Tellinæ.*
 attribuit cum ait, Bonam faciunt aluum recentes præser
 timq; coctiarum ius esculentum. Et idem testatur Paulus
 Aegineta, tum sub tellinarū titulo, tum ubi de omni escu
 lento agit iure. Et has esse quos mitulos uocent Romani,
 autor est Athenæus. Ceterum mitulis ad aluum deiicien
 dam inter alia utitur etiam M. Cato libri de re rustica ca- *Conchæ.*
 pite 158. Quibus etiam herbam Mercurialem & cochleas *Cochleæ.*
 iungit. *Conchæ uiles.*) Hoc est, conchæ minus preciosæ. *Conchula oēs.*
 Sunt enim preciosiores quædā quæ siccant potius quàm

VENTRI MOLLIENDO.

moueant aluum: de quibus sic scripto prodidit Hippocrates lib. de uictus ratione secundo: Conchilia uero uti pīnæ, purpupræ, patellæ, buccini, ostrea ficcāt, sed ius mouet: musculi, pectunculi, mituli tellenæ uē magis mouent quā hi. Et Corn. Cels. medicinæ lib. 2. Aluū, inquit, mouent cochleæ, garū, falsamēta, ostrea, pelorides, echini, musculi & oēs fere conchule, maximeq̃ ius earū. Sed ne Dioscoridis autoritas circa hæc silentio prætereatur, quid is de talibus scripserit, audiamus. Nā capite de Echino marino, Stomacho, inquit, accommodatus est & bonam facit aluum. Et capite de chamis, quas hiatulas uocant, sic infit: Soluit aluum chamarum, conchularumq̃ aliarum in exigua aqua coctarum ius esculentum: bibitur autem cum uino. Et capite de conchula Indica, quam onychen Græci, Plinius cōmuni omnium testaceorū appellatione Ostracum, & posteriores Blattam Bizantiam dicunt, sic ait: Aluū potæ turbant. Item capite de cochleis, Cochleæ marinæ, inquit, stomacho accommodatæ facillime excernūtur, fluuiatiles uirus habent. Quæ uero syluestribus frutetis & sentibus hærentes inueniuntur, quas sefilos aliqui nominant, aluum & stomachum turbant, & ad uomitiones mouent. Ex quibus omnibus patet Sere-num per conchas & cochleas intelligere omne ferē conchularū genus, præsertim minus preciosarū. Pellent.) Expellent, subducēt & deiicient. Obstantia,) Remorantia & secū exitū impredientia. Sed cochleas prius &c.) Quo facilius ac citius aluum deiicient conchæ, docet eas ad id nūc præparare & rebus ad idem efficacibus nutrire, quales sunt urtica, qua nō quidē pastas sed illi cōcoctas conchas aluū mollire tradit libr. 4. Dioscorides inquiens, Aluum molliunt urticæ folia marinis conchulis concocta. Et Plin. libro 22. capite 13. uel solum urticæ semen tostum cibo difficilem uentrem mollire asserit. Item furfur, uim & naturam habens detergendi. Purior gustus.) Gustatio, esus & cibis salubrior propter uiscositatis absterfionem. Hinc.)

Echinus marinus.
Chamæ, hiatulæ
Onyx, conchula Indica.
Ostracum, Blattam Bizantia.
Urtica.
Furfur.

Ex


Ex tali præparatione. Noxa.) Nocumēto. Thalassomeli.) Thalassomeli.
 Quid sit thalassomeli, & quæ eius confectio ac uirtus, docet Dioscorides libro 5. hñs uerbis: Creditur thalassomeli hoc egregie purgare. Conficitur autem mellis, cælestis aquæ, marisq; æquis portionibus per colum traiectis, & in picato uase per canis æstum insolatis. Sunt qui decoctæ maris aquæ partibus duabus unam mellis miscentes in dolia diffundunt. Estq; hoc ad purgandum maris aqua lenius & mitius. Hec ille. Cui non dissona prodit Plinius naturalis historiæ libro 31. cap. 6. inquiens: Inueteratur quod uocatur thalassomeli æquis portionibus maris, mellis, imbris. Ex alto & ad hunc usum aduehunt, fictiliq; uase & picato condunt. Prodest ad purgationes maxime sine stomachi uexatione, & sapore grato & odore. Imbri.) Aqua cælesti & pluuiatili. Cumulabimus.) Augebimus, diluemus & temperabimus, quo scilicet lenius & mitius sit in purgatio uentre. Parili pondere.) Aequis portionibus.

SOLUTIONI VENTRIS ET

DYSENTERIAE COMPE-
 scendæ.

CAPVT XXVIII.

TAM uarij casus mortalia sæcla fatigant,
 Vt sint diuersis obnoxia corpora morbis:
 Sæpe etenim nimio cursu fluit impetus alui.



SOLUTIONI uētris.) Alui et intestinorum fluori, qui duorum est generum. Vnum cum defluxio liquida & longa infestat, quæ fit cum nutrimentum, cibus uel solus putrefactus subterfluit, autore Hippocrate libro de uictu salubri, & hæc diarrhœa dicitur: putrefactum autem uocat, teste Galeno

Rr

Diarrhœa.
 Ventris fluor.

Lyenteria,
Intestinorum
leuitas.

Lib. Aph. 3. 6.

aphorismorum lib. 6. quod nos coctum, seu, ut nunc loquimur, digestum dicimus. Et tales copiosi sunt alui sine inflammatione exulcerationeque fluores. Alterum uero profluuiorum uentris genus est quod Græci lyenteriam, hoc est intestinorum leuitatem appellât, intestinis & uentriculo simul affectis eueniens: quæ, ut Galenus tradit, est cibi & potus sine aliqua transmutatione uelox excretio, hoc est, earum quæ comeduntur & bibuntur uelox exitus, quæ talia deijciuntur qualia fuere deuorata. Idque ob coctionis carentiam, cum neque secundum consistentiam, neque secundum colorem uel odorem, uel ullam omnino qualitatem in uentriculo facta fuerit eorum mutatio. Porro huiusmodi excretionum uelocium causæ sunt, aut ex ulceratio in superficie uentriculi aut intestinorum, uel uirtutis retentricis imbecillitas: quorum primum ex mordacibus & substantiam tenuem habentibus fit humoribus: secundum uero ex magna corporum uentriculi atque intestinorum intemperatura, seu propter humorem aliquem in uentriculo atque intestinis contentum prouenit, ex quibus humoribus unus est pituita: unde hæ partes cibis tanquam graui onere quodam grauata, ipsos confestim excernunt atque deijciunt, etiam doloris citra sensum. In ea uero quæ ob humorum fit mordacitatem & exulcerationem, quamuis uis ipsa contentiua non multum patiatur, tamē permeantibus cibis, partes exulceratæ dolorem sentiunt, atque ideo illos propellunt atque à seipsis citissime emittunt, quo in omnibus partibus facto, uelocitas exitus subsequetur, & nullum fiet coctionis initium: uerum tali intestinorum leuitati cuiusdam morsus inerit sensus. Et talis etiam, cessante humorum malignitate statim sanatur, cibis ac potibus quæ uim habent densandi. Quod si longiori tempore perseueret, in alteram passionem quæ dysenteria nominatur, transmutatur: quamuis etiam ex dysenteria nonnunquam intestinorum leuitas oriatur, teste Celso, cum ait: Ex torminibus (sic dysenteriam uocat)

cat) interdum intestinorum leuitas oritur, quæ contine-
re nihil possunt, & quidquid assumptū est, imperfectum
protinus reddunt. Id interdum ægros trahit, interdum
præcipitat. *Dysenteria.*) Intestinorum difficultati, quæ
duum est generum. Vna quæ proprie ita dicitur: altera
uero quam cum adiuncto cruentam siue sanguineam &
hepaticam uocant: quæ, autore Galeno aphorismorum
libro 3, sanguinis est euacuatio per intestinum absq; exul-
ceratione, sic ob excrementorum speciem dicta. Nam in-
terdum syncerus plurimusq; sanguis, interdum ueluti li-
mus ipsius & fecis non parua quantitas excernitur. Ea ue-
ro per quam syncerus plurimusq; sanguis excernitur,
uniuersum corpus plerunq; euacuat, haud secus quàm
hæmorrhoides aut muliebre profluuium. Quæ uero pro-
prie dicta est dysenteria, nominata est ita ab *ὑντερπον* quod
est intestinum, & à particula *δυσ*, quæ alijs humani corpo-
ris mala designantibus dictionibus addita, semper ferè
grauitatem, difficultatem, laborem, dolorē & tormētum
indicat. Et hanc à tormento Celsus libro 4. intestinorum
tormina uocat. In huiusmodi etenim fluore aluus & inte-
stina maximo afficiuntur & torquentur dolore, imò &
uentriculus ipse cōpatiēdo torquetur & ad concoquen-
dum offenditur, quæ quidem tormenta non ita fiunt in
alijs fluxibus. Fit autem ab humoribus acribus, qui pri-
mum summa occupantes, intestina abradunt: postea ue-
ro temporis progressu profundiora etiam petentes, ex-
edunt, adeo quod exulcerentur, & tunc primum dysen-
teria uocatur. Nam, uti Galenus libro 6. de locis affectis
tradit, *Dysenteria* proprie ex appellatione ipsa intestino-
rum ulcus significat. Neq; enim affatim fit huiusmodi af-
fectus ceu qui hepatis uitio accidit & proprias habet no-
tas. Etenim protinus ab ipsius initio, bilis mordax secer-
nitur, quam deinde interaneorum abrasiones sequuntur,
postea paulum cruoris simul excerni uidetur, quando ui-
delicet affectus ipse iam dysenteria debet appellari. Quum

*Dysenteria
duplex.*

1. *Sanguinea
uel hepatica.*

2. *Proprie
dicta.*

*Tormina.
δυσ.*

Rr 2

SOLV. VENTRIS ET DYS.

Dysenteria hepatica.

Lib. 4. cap. 9.

itaq; huiusmodi abrasiones solæ excernuntur, considerandum est, num pingue quippiam simul cum ipsis deijciatur, ita enim in crassis intestinis ulcus consistere credendum est. Vbi uero cruorem quoq; excerni uideris, in tueri oportet, utrum is reliquis excrementis ita sit admixtus, ut uniuersus misceatur uniuersis, an pars eius aliqua reliquis supernatet: etenim si admixtus est, in superioribus, si uero supernatat, in humilioribus intestinis ulcus esse portendit. Ac idem quoq; in abrasis excrementis uidere est. Verum non ita manifeste ut in cruore. Similis etiam de rationis ratio est: nam & ipsa, quod intestinum fuerit oblatum, declarant, tum ab essentia propria, tum ex modo, quo uel commisceri reliquis excrementis, uel uni eorum parti supernatare uidentur. Cæterum non mediocriter conducit ad curationem, nosse in qua intestinorum parte consistat ulcus. Nam si in superioribus intestinis est, ab epotis medicamentis præsidium petendum est: si uero in humilioribus, clysterem subiicere magis conuenit. At huiusmodi dysenteria, ab his quæ ab hepate profluunt, ita discernuntur. Nam ab initio tenuis sanies sanguinis ab hepate deijcitur: deinde aucto malo, crassus humor, fecibus uini haud absimilis. Præterea quod in hepaticis excretionibus nihil abrasum expellitur, atq; interdum duorum, aut trium dierum interuallo, supprimitur euacuatio: deinde rursus redit malum, atq; excernuntur excrementa prioribus multo peiora, id uero per intestinorum ulcera haudquaquam apparet, quippe in ijs neq; affatim, neq; ex longis temporum interuallis, laborantes deijcere consueuerunt. Hactenus Galenus. (Casus.) Passiones et morbi. (Fatigant.) Molestant & turbant atque cruciant. (Obnoxia.) Subiecta. (Nimio cursu.) Fluxu immodico & superfluo. Nam qui moderatus est, non statim constringi debet. Quia, Celso autore, uno die fluere aluum, sæpe pro ualitudine est: atq; etiam pluribus, dum febris absit, & intra septimum diem id conquiescat: purgatur enim corpus, &

Frenat commixto cum feruet brassica uino.

Succus Amineæ uitis cum pane medetur.

**Brassica bis
costa.**

Cap. 29.

Cerasiatrum
generum.

Austera.
Acida.

Marena.
Amarella.

Rr 3

SOLV. VENTRIS BT DYS.

Falernum.

imis Falernum, cui intergenerosa uina Italiae secunda nobilitas erat, imò quod in Italia, uti Dioscorides tradit, primam bonitatis æstimationem habet. Et hoc aluum sistit præsertim si cum pane sumatur: quod Celsus etiam testatur, inquiens, Via est ubi uelis suppressere, panis circa solum ex uino Amineo mero sumere, imò ut idem docet, Tritici hemina in uino Amineo austero decoquitur, id quod triticum ieiuno ac sitiienti datur, super quod id, uinum id sorbetur, quod iure ualentissimis medicamentis annumerari potest. *Pane.*) Scilicet triticeo, siue qui ex tritico fit siligineo, similaceo. Celsus lib. 2. cap. 29. Adstringunt, panis ex siligine uel ex simila, magis si sine fermento est, magis etiam si uustus est, intenditur quod uis eius etiam si bis coquitur.

Panis triceus.

Siligineus.

Vel bene permixtum calida potatur acetum,
Vile quidem, facili facto tamen utile opinor.
Si lædent modicum tum purgatoria dextra,
Adiecto piperis medicatur puluere calda.
Sin autem longo decurrent intima fluxu,
Atque immane malum multo iam tempore gliscit,
Torridus ex uino cortex potabitur oui.

Acetum cum
calida.

Permixture calida acetum.) Hunc aceti & aquæ potum aluos sistere, uel ex simplicium natura manifestum est. De aceto siquidem testatur id Hippocrates de ratione uictus libro 2. cum ait, Acetum frigefacit & quia humidum corporis consumit, sistit potius quam moueat. Et idem testatur etiam Plinius & Dioscorides. De aqua uero Corn. Celsus lib. 2. capite 29. dicens, Aqua, uel tepida, uel præfrigida dura, id est, ea quæ tarde putrescit, ideoque pluuiæ potissimum aluum adstringit. *vile.*) Plebeium & non preciosum. *Facili facto.*) Facile ad faciendum, compositionis leuis & non operosæ. *Si lædent.*) Solet nonnunquam ex pharmaci purgatorii substantia stomacho & intestinis nonnihil adhærere, cuius ratione uenter ultra modum soluitur, si non resistatur: nec sistitur donec id ablutum & extra corpus expulsum

expulsum fuerit: cui fluori sistendo & rei adherenti expel-
lendo, nunc medicamenta accommodata tradit autor. Mo-
dicum.) Parum. Nam si multum leserint, adeo ut tormina
maximosque dolores & febres ac ulcera excitarint, viresque
consumpserint, periculosum est, & timendum ne incur-
bilis morbus, hominem tollat. Sunt qui non modicum sed
medicatum, hoc est medicina purgatum, legant, nec etiam
contemnenda est lectio: unicuique in hoc suum sit iudicium,
nobis indicasse hoc, satis erit. *Tum.*) *Tum* inter alia si-
gnificata sua nonnunquam etiam, ut hic, significat Ali-
quando. *Purgatoria.*) Medicamenta ventris subductiua,
qualia sunt Scamonium, agaricus, cucumer sylvestris, ela-
terium, esula, elleborus, & id genus alia. Dicuntur uero
purgatoria à purgando, hoc est corpus mundando, Pur-
gare enim mundare est, & Purgatio, mundatio ac prauo-
rum humorum euacuatio, & proprie humorum qualitate
sua peccantium educio, autore Galeno. *Dextra.*) *Dextrum*
aliquando ualidum significat & efficax, ut hic, purgato-
ria dextra, id est medicinae purgantes, ualide, fortes & effi-
caces. *Piperis.*) Piperi enim, ut autor est Dioscorides, uis
est extrahendi & uentrem roborandi: unde medicinae ma-
lignae substantiam stomacho & intestinis adhaerentem & læ-
sionem inferentem, secum extra corpus extrahit & expel-
lit, idque potissimum si ex calida sumatur. Hæc enim est de
qua Mesue in canonibus uniuersalibus autoritate Galeni
sic scribit: Et dixit Galenus, uerificatur aquam calidam
lauatiuam atque mundificatiuam uirtutem habere, atque solu-
tiuam & omnem adhaerentiam remouere: qua remota, re-
mouetur etiam effectus quem inducebat. Remota enim
causa, remouetur & effectus. Et ita medicari oportet, et in
omnibus, hoc unum præceptum obseruare, autore Gale-
no technes libro 3. ut unamquamque prius quam efficit cau-
sam rescindamus, deinde ita ad illam quam ab eadem causa
facta est, ægritudinem accedamus. *Sin autem longo.*) Po-
nit nunc medicinas dysenteriae, non quidem factae & con-

*Tum.**Purgatoria.**Purgare.**Purgatio.**Dextrum.**Piper.**Aqua calida.**Dysenteria dis-*
plex.

SOLV. VENTRIS ET DYS.

Fiens.
Facta.

firmata, quæ curam non recipit, sed ei quæ adhuc in fieri est & curam admittit. Vbi illud etiam adnotatu non indignum erit, quod Galenus aphorismorum libr. 4. scribit in commento aphorismi Hippocratis, qui talis est: A difficultate intestinorum habito, si ueluti carunculæ exeant, letale est. Quem aphorismum exponens Galenus sic ait: In difficultatibus intestinorum, cum adhuc constituuntur, quædā corpora pingua excernuntur, post hæc autem, nisi finiri anticipauerint quædā ramenta ipsorum intestinorum abiecta horum superficie interiore, quæ membranosa existit, & densa, illi quæ cutem exterius contegit membranulæ proportionalis. Post hanc aut & aliquid ex ipsa abraditur substantia intestinorū, in quo tempore non adhuc fieri difficultatem intestinorum, sed iam factam, atq; constructam dicimus esse. Quando igitur partes adeo magnæ intestinorū excernuntur in difficultate intestinorum, ut possimus eas carnes nominare, letalem ait esse morbum, cum neq; caro concreescere, neq; cicatrix obduci in tali possit exulceratione. Hactenus ille. *Decurrent.*) Defluent & expellentur. *Intima.*) Hoc est interiora, ceu corpora pingua et intestinorum ramenta: non quidem quæ ex substantia ipsorum, sed ex superficie solum interiore membranosa abijciuntur. *Gliscit.*) Crescit & augetur. Talis enim naturæ est huiusmodi fluxus, ut nisi ab initio resistatur, indies crescēdo in deterius uergat, ac demum in tantum firmetur, ut nullis amplius sit medicabilis herbis aut medicinis. *Torridus cortex oui.*) Hoc est, cinis corticum oui. Plinius medicamen hoc generalius facit, & omni sanguinis eruptioni mederi tradit lib. 29. ca. 3. inquiens: Medetur putaminis cinis in uino potus sanguinis eruptionibus.

*Cinis corticum
oui*

Ramentum niuei credunt prodesse Elephantis.
Arbore piramea cortex direpta coquetur
Axe sub æthereo, sic nigro mixta lyeo,
Immensum poterit potu retinere fluorem.

Ramen-

Ramentum.) Puluerem quem Plin. scobē appellat: quam-
 uis scobes sit priuatim quæ lima aut serra detrita cadunt. *Scobes.*
 Ramentum uero magis se extēdit & generalioris est signi- *Ramentum.*
 ficationis. Nam quidquid radendo, secando, incidēdo uē
 ex materia aliqua decedit, ramentum dicitur. Niucij ele- *Ebur.*
 phantis.) Eboris quod albi coloris existit. Ebur autem os
 est dentium Elephantis, cui ut Dioscorides testatur, ad-
 stringendi natura & uis est. *Arbore piramea.*) Hoc est, mo *Arbor piramea.*
 ro. Sub qua Piramus adulescens Memphiticus Thisbes *Morus.*
 amore ardens seipsum interemit, ut fabulosa, ad quam au-
 tor alludit, narrat historia, & ab Ouidio Metamorpho-
 seōn libro 4. descripta est. Porro quod ad morum attinet,
 arbor est nota: poma ferens quibus succus in carne uino
 sus: trini colores, candidus primo, mox rubens, maturis
 niger: quamuis & albo colore nonnunquā maturescere
 quidam tradant, ut Ouidius: & præsertim si albę populo
 inferatur morus: quemadmodum & Cerasa albicantia
 uidimus aliquando matura. Mora item in nouissimis flo-
 rent, sed inter prima maturescunt. De uiribus eorum &
 medicinis plura Dioscorides atq; Galenus. *Cortex.*) Nō *Cortex mori.*
 quidem radicis, quam soluere aluum dicunt, sed arboris
 & trunci ipsius: & hanc etiam non recentem & uiridem,
 sed sole siccata: sic enim humido absumpto & arefacta
 uim acquirit adstringentem magis. *Coquetur.*) Torrebi-
 tur & exiccabitur. *Axe sub aethereo.*) Hoc est, sub cœlo, dio *Axis.*
 & in sole. Axis enim pro cœlo accipitur: quanquam pro-
 prie sit linea quæ mundum dimetitur, sic dictus quod
 quod circa ipsum agatur & moueatur cælum. Cuius li- *Poli, cardines,*
 neæ, puncta & termini, poli, cardines & uertices dicun- *uertices.*
 tur, quoniam circa ipsos cælum uertatur. Quorum duo
 sunt, borealis siue arcticus quem nos aspicimus, & austra-
 lis siue antarcticus nostro hemisphærio prorsus abscon-
 ditus, licet Lusitanis nautis Indiam nauigantibus in usu
 esse dicatur. Aristoteles in lib. de mūdo ad Alexandrum
 Signa uocat circa quæ totus mundus mouetur. De hijs

Ss

SOLV. VENTRIS ET DYS.

Vergilius sic scribit: Hic uertex nobis semper sublimis, at illū Sub pedibus styx atra uidet manesq̃ profundī. Sunt tamen qui polum & axem idem esse existimēt sed de hoc **Aethereum.** aliorum esto iudicium. Cæterum æthereum nunc pro puro, nunc pro igneo, interdum pro alto et sublimi, non nunquam pro sydereo, cælesti & lucido accipitur. Diciturq̃ ab æthere, qui aliquando pro aëre sumitur. Vergilius, Resonatq̃ fragorib⁹ æther. Et Cicero de natura deorum libro 1. Locus quidem, ait, hijs etiam naturis quę sine animis sunt, suus est cuiq̃ proprius, ut terra infimum teneat, hanc inundet aqua, supremum æther, ignibus altissima ora reddatur. Aliquando uero pro igne accipitur, sicq̃ dicitur quasi ardens uel urens. Item dicitur aliquando æther quasi semper currens: & sic quod perpetuo moueatur cælum dicitur æther. Ouidius, Altoq̃ sub æthere fixis incurfant stellis. Idem, Sic habites terras & te desinet æther.

Numinis aut iussu cedrum cum mastiche mīscēs,
Mollitamq̃ picem & rasum de nauibus unguen,
Languida quo fidens medicamine mēbra fouebis.

(Numinis iussu.) Præcepto & traditione diuina Aesculapij, qui medicus fuit insignis & post obitum in deorum numerum relatus. **Cedrum.**) Cedrus, autore Dioscoride, grandis proceraq̃ arbor est, ex qua cedrinus liquor colligitur: probaturq̃ qui crassus pellucet, & intenso firmoq̃ odore est, quiq̃ diffusus concretis stillicidijs seipsum continet, nec diffluit. Natura & uis illi est uiuentia corpora corrumpere, defuncta incorrupta seruare: quam ob causam cadauerum uitam pleriq̃ eum dixerūt. Siccat autem & adstringit. **Mastiche.**) Mastiche lentisci arboris resina est, quę & lentiscina dicitur resina, adstringendi ui participās. Nam, ut Dioscorides testatur, tota arbor et omnes eius partes, fructus, folia, ramorumq̃ et radicum cortex, & quicquid ex eo est, æquali sunt potestate, aluumq̃, ut
Plinius

Plinius libro 24. cap. 7. tradit, sistunt. *Mollitam picem.*) *Pix liquida.*
 cem liquidam, quæ ex pinguißima tedæ & piceæ materia
 colligitur. Probaturn splendore, leuore & puritate: facit
 contra letalia medicamenta: qualia sunt medicinæ quæ
 soluendo sunt & ultra quàm oportet soluunt & intestina
 excoriant & erodunt, quas erosiones lenit & glutinat,
 uiriumq; infirmitatem corroborat, & serpentia ulce-
 ra coercet. *Rasum de nauibus unguen.*) Hoc est, *Zopissam,* *Pix naualis.*
 quæ derafa nauigijs cum cera resina est: eadem cum iam
 dictis ui præstans. *Fidens.*) Cum fiducia, & sine dubio
 subsequente effectu salubri.

Proderit & pueris quos dentis origo fatigat
 Castaneas coxisse nuces & sorba uetusta
 Atq; apium caulesq; rubus quos fundit acuta
 Potio quæ fluidam consumpta morabitur aluum.

Proderit & pueris &c.) Ponit nunc medicamentum quod
 dam leue quod pueris dentientibus exhiberi possit dum
 fluida aluo tenentur. Solent enim communiter infantes
 eo tempore quo dentes oriuntur, uëtris fluxu uexari, qui
 bus facile cibis ac potionibus adstringentibus succurri
 poterit, præsertim portione quam Serenus præscribit, quæ
 & grata est & nō insuauis. Quod obseruandū nobis pro
 ponit Celsus lib. 4. cap. de leuitate intestinorū, inquit:
 Quod æque ad omnes similes affectus pertinet, in hoc *Canon.*
 maxime seruandum est: ut cū pleraq; utilia insuaui sint,
 qualis est plārago & rubi & quicquid malicorio mixtum
 est, ea potissimum in hijs dentur quæ maxie æger uolet.
 Deinde si omnia ista fastidiet, ad excitandam cibi cupidi-
 tatem, interponatur aliquid minus utile, sed magis gra-
 tum. *Castaneas nuces.*) Castaneas Latini nuces cognomi- *Castaneæ,*
 nant. Plinius libr. 15. cap. 23. Nuces uocamus & castaneas, *Nuces ca-*
 quanquam accommodatiores glandium generi. Arma- *staneæ,*
 tum hijs echinato calice uallum, quod inchoatum glan-
 dibus: mirumq; uilissima esse quæ tāta occultauerit cura

SOLV. VENTRIS ET DYS.

Balini Sar-
diani. Glandes
Sardianæ.

Nuces Heracle-
oticæ.
Sorba.

Apium.

Rubus.
Rubus Idæus.

naturæ. Trini quibusdam partus ex uno calice, cortexque lentus. Proxima uero corpori membrana, & in his & in nucibus saporem, ni detrahatur, infestat. Torrere has in cibis gratius modulantum laturas præstanti ieiunio foeminarum quandam imaginem panis. Sardibus hæc pro uenere primū: ideo apud Græcos Sardianos balanos appellant, hoc est, glandes Sardianas. Et Dioscorides inter glandes de hijs agit libro 1. capite de quercu, ubi de castaneis sic scribit, Sardianæ uero glandes, quas aliqui lopima castanæ uel mota aut Iouis glandes appellant, & ipsæ adstringentes eadem possunt, præsertimque quæ inter corium et carnem earum membrana subiecta est. Et Plinius libro 23. cap. 8. Castanæ, inquit, uehementer sistunt stomachi & uentris fluctiones. Has etiam Heracleoticas nuces appellant. Coxisse.) Crudæ enim acerbæ sunt & in cibo minus suauis coctis. Sorba uetusta.) Sorba sicca, magisque, autore Celso, quæ torminalia uocantur. Cum enim in quadruplici sint differentia, ut Plin. tradit, quartum genus quod torminale appellant, remedio tantum probabile. At de horum ui & natura sic scribit Dioscorides: Sorba cum luteo colore adhuc sunt necdum maturuerunt, secta & in sole siccata, aluum in cibo cohibent. Mola eadem teruntur, sumiturque pro polenta in eundem usum eorum farina. Potest idem & decoctum eorum. Nec uires eorum in sistenda aluo tacuit Martialis inquit, Sorba sumus molles nimium durantia uentres Apium.) De apio & generibus eius plura Theophrastus libro de plantarum historia 8. Plinius libro 19. cap. 7. et Columella libro 12. Quod ad medicinam attinet, apium compescit aluum, autore Dioscoride. Rubus.) Rubus quem Græci baton uocant, trium est generum. Vnus à loco in quo nascitur, Idæus uocatus, quoniam multus, ut Dioscorides tradit, in Ida monte nascitur, spinas habens breues & aliquando nullas. Alter quem Latini modo rubum, ut Plin. modo sentem, ut Columella, nuncupant: et qui à Theophrasto

phraſto chamębatos, id eſt humilis et terreſtris rubus uo *Chamebatos.*
 catur. Hic, autore Dioſcoride libro 4. ſiccatur & adſtringit,
 bibiturq; ad ſiſtendam aluum ramorum eius decoctum.
 Quin etiam ſuccus ex folijs caulibusq; expreſſus, mox in
 ſole denſatus, iſdē efficacius medetur. Fructus præterea in
 media maturitate in cibo ſumptus, et flos eius in uino po
 tus ſiſtit aluum. Huius rubi, quē uulgo omnes nouerūt, *Mora Vaticana.*
 mora, quę Vaticana, à loco ubi anguſtiora naſcunt, appel
 lant, extrema æſtate matureſcentia, beſtijs uel hominibus
 cibos dedit natura. Eſt & tertius rubus, quem Græci cy- *Cynosbatos.*
 nobaton, Latini rubum caninum ſeu canis ſentē appel- *Rubus caninus.*
 lant. Frutex eſt rubo longe maior: arboreſcit enim autore *Sentis canis.*
 Dioſco. libro 1. Foliaq; habet lōge quā myrtus latiora.
 Spinās in uirgis duriffimas, florem candidum, fructum
 oblongum, oliuę nucleo ſimilem cum matureſcit ruben
 tem, intra quem lanis ſimilia ſunt: qui ſiccatus & in uīno
 coctus & pot⁹, ſic tamē ut ſine interioribus lanis illis, quę
 faucibus et arteriæ nocēt, ſumatur, aluū ſiſtit. Eſtq; rubus
 hic, ut Theophr. tradit, inter fruticē & arborē medius,
 punicę ſimilis, folio uiticis, fructū ferēs rubentem, puni
 cę cytino ſimilem. Cæterū ſiccantē & adſtringentē rubo
 rum uim teſtatur etiā Plin. atq; Celſus. *Acuta.*) Spinofa
 propter ſpīnas quas habet. *Cōſumpta.*) Exinanita, exhau
 ſta & ebibita. *Morabitur aluū.*) Ventrē ſiſtet & adſtringet.

LUMBRICIS ET TINEIS

A SPVRGANDIS.

CAPVT XXIX.

QVĪD non aduerſum miſeris mortalibus addit
 Natura: interno quum uiſcere tinea ſerpens,
 Et lumbricus edax uiuant inimica creanti,
 Quod genus aſſiduo laniat præcordia morſu,
 Sæpe etiam ſcandens oppletis faucibus hæret,
 Obſeſſasq; uias uitæ concludit anhelæ.

Ss 3

LYMBRICIS ET TINEIS.

Vermes.

Ascarides.

Lumbrici
rotundi.

Lumbrici lati
& longi.

Ciræ
Tæniæ.
Tineæ.



VMBRICIS & tinea.) Animalibus & uermibus uentris. Quorum hic Serenus quemadmodum et Celsus duo tantum genera facit, cum tamen tria faciat Galenus. Vnum eorum qui tenues et minores in parte maxime inferiore intestini crassi & longanone generantur, & plurimi apparēt in iumentis male cibū coquentibus, et tales uocātur ascarides. Alterum uero eorum qui teretes ac rotundi & palmares aut etiā maiores in superioribus & gracilibus magis intestinis cōsistunt, & aliquando ad uentriculum ascendunt & per fauces ac os exeunt: talesq̃ pueros maxime exercēt & infestant, multoq̃ plures in eis generantur quā ascarides. Tertium genus est eorū qui rarius generantur, sed peiores sunt, lati et longissimi, qui sēpe per tota extenduntur intestina, & totius intestini longitudinem æquant: diēti Ciræ, eo quod assimilentur *κείριαις*, hoc est fasciis, infitis & zonis, qua ratione etiam *ταυρίαις* tæniæ uocantur, ut facile suspicari quis poterit, munitatis literis, quod factū facile fuit, pro tæniis dici cœptum esse tineæ. Porro hoc genus Paulus Aegineta haud aliud esse ait quā mutationē adnatæ in interiore intestino membranæ in materiā animalis modo mobilē, quæ sæpenumero tota reddatur longitudine incredibili, aliquando autē pars eius aliqua. Tales tricenū pedū & plurium longitudine aliquando uisas tradit Plinius libro 11. Et nos itidem admirandæ longitudinis tales uidimus non semel, ceu relatum est à nobis in commentariis Apuleianis copiosius. Verū quo pacto creentur animalia uentris & uermes, docet Hippocrates libro 4. de morbis: Estq̃ omnium causa, materia cruda, crassa & pituitosa, qualis in pueris colligitur, & in prouectioribus qui immoderate uiuunt. Suntq̃ omnes & ascarides & elminthes siue eæ teretes sint siue etiā latæ ex genere eorum quæ tota substantia præter naturā sunt. Quocirca & prorsus eas expelli ē corpore conueniet. Expelles autem, ut inquit Galenus therapeutices libro ultimo,

mo, si prius enecaueris. Necantur autem amaris medica-
 mentis. Viuentes nanq; obfistunt intestinis adhærentes:
 At mortuæ expelluntur unà cum stercore. Expelluntur
 cum hoc etiam uiuæ: sed stupefactæ, & ut ita quis dixerit
 semimortuæ factæ. At teretes quidem absinthium peri-
 mere potest, latæ uehementiora medicamenta desiderât.
 Pari modo quæ Ascaris dicitur. Hęc ille. *Quid nō?*) Quasi
 dicat, Nihil. *Aduersum.*) Contrariū, inimicū & noxium.
Miseris mort.) Hominibus calamitosi & infelicibus. Por-
 rō de miseria humana plura Plinius naturalis hist. libr. 7.
Addit.) Adducit, infert. *Interno uiscere.*) In intestinis. So-
 let enim & sub cute nonnunquam nasci uermiculorum
 genus quoddam *φθίσις* dicti, de quibus habitum est su-
 pra cap. 5. de phthiriasi. *Tinea serpens.*) Vermis repens et *Serpere.*
 perambulans. *Serpere* & *reperere* proprie sunt animalium *Reperere.*
 humi gradientium & pedibus carentium, qualia sunt ser-
 pentes, lumbrici & reliqua genera uermium. *Lumbricus*
edax.) Vermis à lubricate sic dictus, uorax, corrodens,
 mordicans & consumens. *Creanti.*) Homini è cuius hu *Vermium pro-*
 moribus superefluentibus procreantur. Generant enim *creatio.*
 ex materia pituitosa, quæ dum non est apta conuerti in
 substantiam aliti, nec etiam tantæ putredinis ut ex toto
 putrefiat, natura quæ semper ad optima nititur, mediāte
 calore illam disponit ut uitæ spiritum accipiat, & sic pro-
 creati uermes uiuunt, mouentur, nutriuntur & crescunt.
Laniat.) Mordet & rodit. *Scandens.*) Ad superiora ascen-
 dens. Solēt enim uermes uel ad uētriculum & fauces usq;
 aliquando ascendere, & inde scēdius ore nonnunquam
 reddi. *Vias uitæ.*) Guttur & gulā. Hęc enim uitæ nostræ, *Via uitæ.*
 hoc est rerum corpus nostrum intrantiū per quas alimur
 & uiuimus, uia sunt. Gula etenim cibi ac potus quibus
 nutrimur & alimur uia est. Guttur uero aëris, quo ad pe-
 ctoralium membrorum cordis ac pulmonis refrigerium
 & spiritus nutrimentum maxime & necessario opus ha-
 bemus. Sine aëris enī inspiratione & expiratione, homo

LIMBRICIS ET TINEIS.

Vermes in pectoralibus gignunt. uiuere non potest. Quod autem in pectoralibus ceu pulmone & in canna uocata pulmonis aliquando generantur uermes, testantur Abinzoar theizir libro 1. tract. 2. & Azaraius cap. de tussi. Qui uermes, ut aiunt, parui sunt & assimilantur muscis.

Ergo cinis cornu ceruini proderit haustus.
Vel nepetæ tritum ex uino uel lacte capellæ.
Nec non & succus medici potatur aceti.
Prodest præterea cum Baccho persica frondis.

Cinis cornu ceruini.

Democritus memorat menthæ conducere potum. (Cinis cornu ceruini.) Idem medicamentum ponit Plinius dicens, Tinearum genera pellit ceruini cornus cinis potus. Cornus huius comburendi & cremandi in cinerem modus & ratio, ut Dioscorides tradit, hæc est: Secatur in frusta cornu, sectumque in fictile crudum primo, mox luto circumlito operculo in fornacem conijcitur: uriturque usque dum albescat. (Nepetæ.) Calaminthes, maxime fluuialis & quæ aquosis nascitur locis. Dioscorides loco uini & lactis, sal & mel illi admiscet, & uim hanc uermium interfectiuam illi tum elixæ tum crudæ tritæ & potæ tribuit. (Vino.) Maxime rubro seu nigro & dulci: tale enim ob maiorem siccitatem magis uermium naturæ aduersatur: propter dulcedinem uero uermes id libentius accipiunt. Dulcibus enim gaudet, et ad pharmaca quæ amara sunt illectantur, non secus ac pisces per uermiculos & lumbricos terræ ad hamum. (Lactæ capræ.) Quamuis omne lac sit dulcedinis particeps, caprinum tamē minus est humectans sed magis siccans reliquis, propter cibum quo uescuntur, & ideo quoque accommodatius. (Succus medici aceti.) Per succum aceti medici intellige succum mali medici qui semiacidus est. Medicum autem malum est, quod Dioscorides Persicum etiam & Plinius Assyrium patriæ nomine uocari dicit. Latini citromalum & citrium uocant. Cuius uaria habentur genera, magnitudine potius quam genere differentia, &

Nepetæ.

Vinum.

Vermes dulcibus gaudent.

Lac caprinum.

Succus medici aceti.

quorum

quorum eadem quasi uis est, omnia odoratissima, & uenenis medentia, præcipue quod priuatim Citrum uocatur: de quo & Vergilius intellexit cū ait, *Fœlicis mali quo non præstantius ullum Pocula si quando sæuæ infecere noueræ* Miscueruntq; herbas & non inoxia uerba. Huius odor, ceu libro 12. scribit Plinius, transit in uestes unā conditus, arcetq; animalium noxia. Arbor ipsa omnibus horis pomifera est, alijs cadētibus, alijs maturefcentibus, alijs uero subnascentibus. Contra uenenum, ut idē lib. 23. tradit, in uino bibuntur, uel ipsa, uel semen. Faciunt oris suauitatem decocto eorū colluto, aut succo expresso. Horum semen edendum præcipiunt in malacia prægnantibus: ipsa uero contra infirmitatē stomachi. Diosco. item libr. 1. Arborem, inquit, habent toto anno fœcundam & superfœtantem. Pomum oblongum est, rugosum, colore ad aurum inclinato, cum grauitate odoratum. Semen habet pyrorum seminibus simile, quod in uino potum uenenis aduersetur & aluum deiiciat. Decocto, succoq; eorum commendandi halitus gratia colluuntur. Comeduntur & in pregnantium fastidijs: quod malū Græci *κίσαρον* dicunt. Creduntur eadem in armarijs & scrinijs composita erosionum noxas à uestibus arcere. Suntq; huius pomi partes non unius nec eiusdem uirtutis. Cortices enim calidi sunt: qui intus est succus, semiacidus: semē item calidum. Quæ omnia ferè de medicis etiam & citreis, quæ uulgo *Narantia* uocantur, quorumq; duplex sapor est, acris & dulcis, dici possunt. Sunt & citrigenum species, quos limones uocant, De quibus omnibus eleganter satis & copiose scribit poeta celeberrimus Iouianus Pontanus in libris de hortis Hesperidum, in quorum secundo de horum pomorum utilitate sic etiam tradit: Omnibus his usus suus est: seu forte uoluptas Quærat, seu certa salus, studiumq; medendi Præcipue pueris, semen lege, conijce lectum In cyatho, & latices ad summum infunde liquētis, Sub Ioue quos tacite cōtingant frigora noctis,

Tt

LUMBRICIS ET TINEIS.

Mane autem puero instilla, bibet acre uenenum Lumbricis: stomacho, mirum, medicabitur ægro. Quin & arundineis mala ipsa liquoribus, ante Arte quidem medicata coquunt, ac lenibus inde Intingunt succis, & uase madentia seruant Auxilium latura, et opem languentibus ægris, Regalesq; epulas uario affectura sapore. Qui quod & in calidis fornacibus igne tepenti Sæpe liquāt lectos flores, & in horrea condunt Vitrea, odoratos latices, suffimina nota. Sæpe & fistilibus in lancibus imbre recenti Dimensis spacijs, macerato cortice, melle Contingunt, Siculoū premunt concocta liquore, Atque hos, atque alios conuertunt citria in usus. Hactenus de malis medicis & succo eorum, quem Serenus intelligit per succum medici aceti. Nisi quis per eum intelligere maluerit liquorem aceti & acetum ipsum medicū, hoc est, laserpitiatum, quod è lasere & laserpitij seu silphij succo fiebat, multi quondam in oxyporis & oxygaris quibus miscebatur, usus. Meminit medici succi Strabo geographię libro ii. inquit, Hęc regio, loquitur autem de Media, silphium fert, à quo medicus succus appellatur. *Perfica* (frondis.) Hoc est, arboris *Perficæ* folia, quæ uel Galeno teste, trita & umbilico imposita, lumbricos necant. Arbor nota & quæ poma fert lanata, hoc est, lanugine obducta: innocua & expetita ægris, stomachoq; accommoda, quorum palma duracinis. Nec aliud fugacius pomum: longissima nanq; decerpro bidui mora est. *Perfica* uero appellata sunt à regione *Perfide*, unde ad nos aduecta. Non quidē uenenata in *Persia*, translata deinde in *Aegyptum* mutata natura innocua, ut quidam ferunt, & meminit *Columella* hijs uersibus, Stipantur calathi & pomis quę barbara *Persis* Miserat (ut fama est) patrijs armata uenenis. At nunc exposti paruo discrimine læti Ambrosios præbent succos, oblita nocendi. Quin etiam eiusdem gentis de nomine dicta Exiguo properant mitescere *Perfica* nialo. Non inquam *Perficæ* arboris in *Aegyptum* translata

Acetum laserpitiatum.

Folia *Perficæ*.

lata fructus is est, qui in Persia letalis, deinde in Aegyptū
 transplantatus factus est esculētus, sed Perseæ potius quæ *Persica differt*
 à Persica arbore diuersa est. Quod uel ea testantur quæ *à Perseæ.*
 scribit Dioscorides libro 1. cap. 155. de Perseæ, ubi ait: Retu-
 lerunt quidam letalē in Perside hanc arborem esse: trans-
 latam deinde in Aegyptum mutata natura salubrem &
 edendo factam fuisse. Et Galēnus libro 2. de alimentis ait,
 Vidimus & hanc plantam in Alexandria, magnis & ipsa
 arboribus annumeranda. Tradunt huius apud Persas
 fructum tantę perniciosi esse, ut edētes interimat. In Aegy-
 ptum uero translatus, in esculentum mitescere, & pyro-
 rum malorumq; modo, cū quibus & magnitudine con-
 uenit, esitari. Quin & Plinius ipse naturalis historiæ libr.
 15. cap. 13. Idem testatur dicēs: Persicæ arbores sero & cum
 difficultate transiere, ut quæ in Rhodo nihil ferant: quod
 primum ab Aegypto earū fuerat hospitium. Falsum est
 uenenata cū cruciatu in Persis gigni, & poenarum causa
 à regibus translata in Aegyptū & terra mitigata. Id enim
 de Perseæ diligentiores tradunt, quæ in totum alia est, my-
 xis rubescentibus similis, nec extra orientem nasci uo-
 luit. Eā quoq; eruditiores negauerunt ex Perside propter
 supplicia translata, sed à Perseo Memphi satā. Et ob id
 Alexandrum illa coronari uictores ibi instituisse in hono-
 rem atavi sui. Semper aut folia habet et poma, subnascen-
 tibus alijs. Hactenus Plinius. *Frondis.*) Frons, estq; nomi-
 nandi siue recto casu dictum frondis, sic supra capite u.
 Delphica frondis. *Democritus.*) Democritus Abderita-
 nus philosophus sapientissimus & medicæ rei peritissi-
 mus fuit: scripsit inter alia libellum etiam de insania. De
 hoc plura in epistolis Hippocratis. *Menthæ.*) Menthæ *Menthæ.*
 uim contra uermes testatur etiam Celsus, præsertim ubi
 teretes sunt & pueros exercēt. Dioscorides succū eius cū
 aceto id facere tradit inquit, Menthæ succus potus cum
 aceto, rotundos lumbricos necat. Plinius aliorum refe-
 rens sententiam, Aspersa, inquit, in potionem mentha,

LUMBRICIS ET TINEIS.

uentris animalia expellere dicitur. Est autem ex medicinis leuioribus ad hoc.

Sumitur abrotonum nec non & uile melanthum. Allia per sese sanant, & ius coriandri.

Quin et marrubium decoctum haustumq; iuuabit. Pulegium uero potens & agreste iugatur anethum; Synthesis hac prodest unda mollita calenti.

Abrotonum.

Melanthum.

Nigella.

Gith.

Allia.

Coriandrum.

Abrotonum.) Abrotonum quod uermes amaritudine sua interficiat, testantur etiam Galenus, Paulus Aegineta, Serapio, Auerrois & alij. *Melanthum.*) Quod Græcis melanthum, id Latinis est nigella. Vtrisque à seminis colore sic dicta herba. Plinius Gith uocat & optimum esse ait quod quàm excitatissimi odoris & quàm nigerrimū existat. Huius semen nō modo potum, sed & extra umbilico & uentri illitum, uermes & reliqua interaneorum animalia interimere & pellere testes sunt etiam Dioscorides, Galenus, Serapio & Auicenna. *Allia.*) Allia per se sola sine alterius rei permixtione in cibo sumpta contra uermes prodesse, testantur etiam Celsus & Auicenna, nec refert siue cruda siue cocta edantur. Vtraque enim autore Hippocrate libro de morbis mulierum 2. profunt. Noua tamen & recentia, teste Rufo, sunt meliora. Porro Plinius & Ma cer illis in aceto mulso coctis & exhibitis uim illam attribuunt. *Ius coriandri.*) Succus coriandri. Quod uulgo notum est. Huius semen lumbricos & interaneorum animalia pellere cum mali punici succo & oleo potum Plinius asserit. Dioscorides uero cum passo sumptum: & paulum quidem. Copiosiorē enim continuumq; eius usum cauere oportet. Quoniam maiore copia sumptum, mentem non leui periculo tentat: haustum etenim ebrietati similem cum turpi loquacitate furorem facit. Porro Apuleius foliorum usum per inferiora administrandum docet, dum inquit: Ad lumbricos, Herba coriandrum coquatur ad tertias in oleo, & in anum mittatur. Cæterū cuius quæ-

qualitatis sit particeps coriandrum, frigidum ne sit an calidum, autores inter se discrepant. Hippocrates enim lib. 2. de ratione uictus & libro de morbis qui extra, & Galenus libro 7. de simplicibus, Serapio tr. 2. de medicinis calidis, et Auerrois colliget libro 5. ipsum calidum ponunt. Dioscorides uero libro 3. & Auicenna undecima tertij, tr. 1. cap. 7. Rasis Almanforis libr. 3. cap. 19. & Hali abbas frigidum asserunt. Sed uerius Isaac in dietis particularibus capite proprio, diuersæ uirtutis esse tradit, testante id saporis sui uarietate. Cui & Gentilis Auicennæ expositor non postremus subscribit, omnesq; certis signis motos ait. Primi enim qui calidum asserunt, argumentum ad id sumunt ab amaritudine & aromaticitate quas in eo sentiunt, quæ & partiū tenuitatem illi faciunt. Alij uero qui refrigerandi uires ei tribuunt, id à frigiditate in ipso percepta colligunt, quæ & partium crassitiem causatur. Verum quæ pars præualeat, difficile esset ponderare. Nostri tamen æui medici frigiditatem præcipue illi tribuunt præsertim intus assumpto. Exterius enim admotum nunc qui dem calefacit nunc uero refrigerat, id tamen in diuersis morborum generibus, uti clare demonstrat Gentilis Canonis Auicennæ libro 3. sen. 11. tractatu 1. cap. 7. de medicinis cordialibus. *Marrubium.*) Marrubij uim contra uermes prodit etiam Apuleius, sed iungit illi absinthij & lupinorum pondera paria: iubetq; in aqua mulsa coquere cum uino & bibere aut super umbilicum imponere. *Pulegium.*) Idem testatur Auicenna: potestq; id coctū, potum, & illitum. *Agreste anethum.*) Etsi apud ueteres medicos unicum tantum anethi speciem repperio, simpliciter *anethum* dictum: uerum tamen est quod Plinius & Dioscorides herbam quandam tradunt quam hic meon, ille Meon. meu uocat, quæ caule & folijs anetho sit similis: quamuis utrobique tum apud Plinium tum apud Dioscoridem, non anetho sed aniso perperam & falso legat Dioscoridis interpretis ille Florentinus. Et hanc herbam meon intelligit

COLO SEDANDO.

Decimasexta
tertij tract. 5.

Synthesis.

nunc Serenus per agreste anethum. Et sic etiam meo interpretantur medici recentiores, dicentes id esse agreste anethum. Hocque ui sua feruente uermium interfectiuum est, ut hic tradit autor: nec id mirum, si enim aliud domesticum tale est, autore Auicenna, multo magis agreste tale erit: cum syluestria domesticis communiter sint efficaciora. *Synthesis.*) Synthesis compositio dicitur, à σύν quod est con, & θέσις positio.

COLO SEDANDO.

CAPVT XXX.

Q V V M colus inuisum morbi genus intima carpit,
Mande galeritam uolucrem quam nomine dicunt.



De intestinorum
ordine.

Pylorus portanarius.

OLO.) Dolori colico, qui fit in intestino crassiori colo: quamuis plurimi uehementissimos quosque dolores in quacunque parte intestinum euenerint, ad eum referant. Sunt autem in duplici differentia intestina ordine quodam sese consequentia. Nam horum quedam superiora que gracilia uocantur, alia inferiora que crassa dicuntur. Ante omnia uero in inferiori ipsius uentriculi parte foramen est & meatus qui πύλωρος & portanarius dicitur. Sic quidem nominatus, uti Galenus ait, quod ueluti ianitor iustus nihil permittat exire, quod non fuerit prius in chylum conuersum atque concoctum. Talem autem chyli bene concocti substantiam certum est per pylorum ad inferiora intestina deduci, non ut excernatur, sed potius ut intra corpus retineatur, ut hepatis in sanguinem transmutanda, ex quo omnia membra debent nutriri. Vnde libro de utilitate partium quinto, aperte pronunciat, Intestina non esse superfluitatum excretionis, sed alimentorum potius instrumenta. Quamuis

uis Celsus pyloron primū faciens intestinū sic nominatū
 dicat, qđ portæ modo in inferiores partes, quæ excreturi
 sumus, emittat. Pylorum meatū sequitur intestinū pri- ^{ἐκφισις,}
 mū, quod ^{ἐκφισις} hoc est propago siue exortū appellatur: ^{exortū.}
 sic dictum quia ex pyloro primū exoriatur: aut ^{δωδεκαδάκτυλον} δωδεκαδά-
 κτυλον, id est, duodenum, à duodecim digitorum men- ^{κτυλον.}
 sura. Quod quia non sit implicitum, uoluerunt quidam ^{Duodenum.}
 intestinum non esse appellandum, & primum faciunt ie- ^{ieiunum.}
 iunum. Vnde Macrobius ait: Ieiunum omnium intesti-
 norum principium habere exaratū est. Nisi quis sub eo &
 ieiunū & duodenū comprehendi censeat. Sic etiam Gale-
 nus de locis affectis lib. 6. primum facit ieiunum, dicens:
 Omnia intestina à uentriculo ordine quodam descēdunt
 atq; omnium supremum ieiunum est, deinde quod tenue ^{Tenue.}
 uocatur. Suscipiunt autem ambo inuolutiones, ieiunum
 tamen, autore Celso, minus implicitum est: ac ita dictum,
 quia nunquam quod accipit, continet, sed protinus in in-
 feriores partes trāsmittit: tenuius uero in sinus uehemen-
 ter implicitum est. Differunt etiam autore Galeno, nam
 tenue non inuenitur uacuum, & quia non habet idem
 tenue tantum uenarum multitudinem. Imperitiores hoc
 ilion uocant, & morbum illius iliacum, quum tamen ile = ^{ileos, ileosi.}
 os, id est uoluulus, ab eruditioribus appelletur, et qui hoc
 affecti sunt ileosi. Nam iliaci iliosiue dicuntur qui ligo = ^{iliaci, iliosi.}
 pono, id est ilium dolore, uexantur. Plinius hæc graci- ^{Lagoponos.}
 lia intestina per quæ flexuosissimis orbibus cibi delabun-
 tur, in homine & oue lactes uocari tradit, in cæteris ilæ ^{Lactes.}
 plurali numero. Quaniuis lactes etiam à nonnullis pro ^{ile.}
 pinguibus intestinis accipiantur, unde Persius lactes un-
 ctos uocat: aliquando uero pro membranis quibus inter
 se intestina coherescunt. Sunt etiam qui lactes uocant lo-
 ca sub umbilico pubetenus delicata, adeo ut plagam ferre
 nequeant. Ultra hæc quoq; significata, adhuc pro mesen-
 tertio accipit Theodorus, uir utriusq; linguæ doctus, ea

COLO SEDANDO.

Disipium.
Mesenteron.
Hira.

Mesarcon.

Intestinum
cæcum.
Colon.

Dolor colicus.
Medicamentum
colicon.

Ile.
Chordapfos.
Chordios.
Intestinum
rectum.
Aluus.
Longanon.
Omentum.

forte ratione ductus, quod Macrobius quoq; mesentero pro intestino accipit: ubi intestina principalia facit tria, unum disipium quod uentrē à reliquis secernit, alterum medium quod Græci μεσέντερον dicunt, tertium quod ueteres hiram uocarunt: aut forte quia contentum pro cōtinente accepit. Est enim mesenteron non intestinum, sed potius in medio intestinorum collocatum, unde & illi apud Græcos nomen, sicuti & alterum apud eosdem nomen est à propria substantia sortitum, quo mesarcon appellatur: quoniā omnes, quæ ad ipsum ex iecore uenas feruntur, unā cum adiacentibus arterijs circumquaque ambit atq; cōplectitur: huic lactes inuoluuntur, ut à duro spinæ contactu munitiores magisq; septos reddat. Sed hæc missa faciēs ad intestinorum ordinem reuertar. Post gracilia itaq; & tenue intestinum est id quod cæcum uocatur, quod usq; ad infernas partes extenditur. Deinde colum quod ad superiores reuertitur partes, donec sæpe numero & lienem & iecur attingat, in quo dolorum maxima causa est, qui & colici dicuntur, & inde colicon dictum medicamentum quod colico dolori medetur, quale est id quod à Scribonio Largo compositione medicinali 119, & à Cornelio Celso lib. medicinæ 4. & 5, ad Cassium medicum refertur, licet apud eos nonnulla sit compositio- num discrepantia. Hoc intestinum colon Plinius Ile singulari numero uocat. In hoc dolor fit qui Colicus dicitur et Chordapfos ac Choridos: quamuis Diocles Carystius commutatis nomenclaturis, tenuioris intestini dolorē chordapson, crassioris uero Ileon nominauerit. Post colon est intestinum rectum, quod & aluum & longan- nem uocant. Contegit uero uniuersa hæc omentum ex interiore parte leue & strictum, ex superiore mollius: cui adeps quoq; innascitur, qui sensu sicut cerebrum quoq; & medulla caret. Omento uero quod uenis etiam quibusdam uel maioribus illigatum est, autore Celso: iungitur abdominis membrana interior, quæ quoniam interiori- bus

bus omnibus extensa adiacet & intestina cum omēto con
 tinet, peritoneon à Græcis dicit & à Barbaris mirach. Cæ
 terum quod ad colicum dolorem attinet, fit is à frigido
 crassoq̃ aut uiscofo humore seu spiritu flatuoso egressum
 non habente. Estq̃ uehemens & longus: uehemens qui-
 dem ob intemperantiam & corporum quibus contine-
 tur tentionem: longus uero et perseverans, quia difficul-
 ter uacuatur, ob corporum ambientium crassitudinē ac
 spissitudinem quibus ipsum continent et arcent, quod te-
 nuiora intestina ob tunicarum rarā tenuemq̃ essentiam
 facere non possunt. Colus.) Dolor colicus. Inuisum.) In
 uisum dicitur quod inuidia & odio habetur, cuiq̃ inui-
 detur. Intima carpit.) Interiora uentris & intestina corri-
 pit, molestat & torquet. Mande.) Mandere proprie est
 dentibus cōterere et comedere. Galeritam.) Galerita avis
 est quæ nunc alaunda dicitur, Græce corydalus, à galeæ si-
 militudine, eo quod in summo uertice habeat apicem &
 plumulas elatas in modum galeæ. Plinius libro ii. cap. 37.
 ait: In capite paucis animalium nisi uolucris apices: di-
 uersi quidem generis, Phoenici plumarum serie medio eo
 exunte alio, Pauonibus crinitis arbusculis, Stymphalidæ
 cirro, Phasianæ corniculis. Præterea pavo, atque ab illo
 galerita appellata quondā, postea Gallico uocabulo etiā
 legionem nomen dederat alluda. Huius cōtra colon uarius
 usus est. Nā Diosco. tostā in cibo sumi iubet. Paulus Aegi-
 neta, Auerrois et Serapio simpliciter coctā & comestam
 diu. Plin. lib. 30. ca. 3. assā, siue in nouo uase cū plumis exu-
 stam contritamq̃ in cinerē, bibiq̃ ex aqua coctū cochlea-
 ribus ternis per quadriduū, item cor eius adalligatum fœ-
 mini, amplius recentem tepentemq̃ adhuc deuorari.

Aut pauidi leporis madefacta coagula pota,
 Siue apio nepetam tereti cum mastiche iunges,
 Necnon & species ambas redolentis anethi
 Quorum decoctos patiens haurito liquores.

Vu

COLO SEDANDO.

Pauidi.) Inter animalia enim maxime pauidus est lepus.
Coagulum leporis. *Leporis coagula.*) Inter coagula intestinorū doloribus maxime medetur leporinum ex uino trium obolorum pondere potum, autore Dioscoride. Coagulum autem ea uiscerum pars est, qua ad densandum lac utimur. Estq; substantia & mucillago quædam superflua lacti coagulato quodammodo similis in uentribus & certis animalium uescicis genita & appensa. Sic quidem dictum à cogendo, hoc est, à colligendo aut stringendo. Vnde etiam aliquando pro omni eo quod densat & coniungit, accipitur. *Madesacta.*) Humecta & resoluta, idq; præcipue in uino.
Apium. *Apio.*) Scilicet satiuo et hortulano, quod non modo coli sed & aliorum quoq; doloribus medetur qui ex flatuoso spiritu egressum non habente generantur. Vnde Dioscorides ad nullum determinatum morbi genus id applicat, sed omnibus indifferenter inflationibus utile pronūtiat, simpliciter dicens, Soluit inflationes. Quamuis saxatilis apij quod petroselinon dicitur uires cōtra colon proprie ualidas tradat inquiring, Petroselinon stomachi & coli inflationibus torminibusq; medetur. *Nepeta.*) Quemadmodum apium simpliciter inflationibus ubicunq; existant prodesse dicit Dioscorides: sic etiam nepetam simpliciter strophis & torminibus, hoc est doloribus uehementissimis, siue in colo siue alia quacūq; parte existant, utilem scribit. *Tereti.*) Rotundo. *Mastiche.*) Et hoc uentrem ac intestina confortando. *Species ambas.*) Genus utrunq; domesticū & agreste. *Redolentis anethi.*) Vtrunq; enim odoratum est. De agresti quod meon appellatur, agit Dioscorides libr. primo inter aromata et odoramenta, aitq; radicibus esse odoratis, quæ in aqua decoctæ & sine coctura trite utiles sint inflationibus & torminibus. sed dolores capitis facere potum ultra quā deceat meon. Domestici uero redolentiam testatur Columella dicens, Et bene odorati flores sparguntur anethi: cuius ficcati colmæ & seminis decoctum, ut Dioscorides prodit, tormina

na & inflationes finit. Estq̃ nunc communis in omnibus uentris & intestinorum doloribus mitigandis anethini olei usus.

VESICAE ET CALCULO

PURGANDO ET VRINAE
prouocandæ.

CAPVT XXXI.

SI cui uesicæ tardus cunctabitur humor,
Hæc mora rumpetur uino peruicta uetusto.



VESICAE.) Vesica, quam *κύσις* Græci dicunt, infra aluum à priore parte est, tota neruosa. Cuius officium unicū est, ut uidelicet comprehendat, estq̃ humidi excrementi conceptaculum. Vnde Aristoteles libr. de historia animalium primo cap. 2. Humidi, inquit, excrementi cōceptaculum uesicam: sicci, aluum nominamus. Nec à renibus trahit urinam uesica, sed renes per ureteras, quæ uenæ sunt à renibus ad uesicam protensæ, excernendo in uesicam mittuntur. *Venæ ureteræ.* Accidentia quæ uesicæ superueniunt, partim cæteris communia sunt, ceu omnes ipsius præter naturam tumores, dolores & quæ hos facere possunt affectiones, partim ipsi soli propria, ut Ischuria, Stranguria, ac per alium quoq̃ modum immoderata urinæ excretio, & quæ Dysuria dicitur. Verum huiusmodi affectus uesica tanquam meatu utuntur, ipsa haudquaquā affecta. E quibus Ischuria est *Ischuria.* integra urinæ detentio, propter meatus ipsius & fistulæ *Vretra, fistula* quam Vrethram uocant, constrictionem: quæ uarijs fit *urine.* modis, uidelicet, aut propter corporis ipsius tumorem præter naturam, aut cum aliquid ei præter naturam innascitur, aut cum à re quapiam obstruitur. De quibus latius Galenus libro de locis affectis primo. Aliam demū sup-

Vu 2

pressæ urinæ & ischuriæ causam ponit item Celsus, qui
 urinam aliquando non reddi ait quia senectute iter eius
 collapsum sit. Stranguria, quam Cato lotij substillum vo-
 cat, est quâdo stillatim, parum & frequenter quis mingit:
 fitq; aut ob uirtutis retentiuæ imbecillitatem in uesica,
 aut ob urinæ acritudinem. Imbecillitas autem ob immo-
 dicam intemperaturam præsertim frigidam, siue tumo-
 rem aliquem præter naturam in ea. Acritudo uero urinæ
 aut ob renum passionem, aut aliarum partium uitium ali-
 quod, cuius ratione humorum suorum uitia ad uesicam
 transmittunt & cum urina permiscunt: nonnunquam
 etiam ab intemperaturis quibusdam, maxime à calidita-
 te, deinde à caliditate & humiditate, & demum ab humi-
 ditate. Dysuria est mingendi difficultas, de qua Galenus
 sic scribit: Dysuria potest & quæ cum dolore fit mictio di-
 ci: potest autem & quæ cū difficultate aliqua, adeo quod
 uix uesica operetur. Eam uero quæ cum dolore est, facit
 inflammatio & abscessus & ulceratio & inæqualis intem-
 peratura & spiritus flatuosus. Si uero motus difficilis ali-
 quis, uel potentiæ imbecillitas, uel tumor cōtra naturam,
 ex omnibus hñsce dispositionibus. Hęc ille. Calculo.) La-
 pidi, qui hominum quibusdam diro cruciatu in uesica ge-
 neratur: maxime autem, ut in aphorismis libro 3. Hippo-
 crates prodit, pueris, qui inter illos qui iam dentes edide-
 runt, & qui pubertati sunt proximi, mediam, quæ usque
 duodecimum & tertiumdecimum annum progreditur,
 habent ætatem. Et horum, uti Galenus scribit, lapis pro-
 pria est passio: hñ enim ob edacitatem nō paucos crudos
 humores coaceruant, ex quibus pars crassior unā cū uri-
 nis ad uesicam perueniens, fit lapidum generationis ma-
 teria. Accedit altera causa, uehementia caliditatis, Acer-
 uant enim et senes humorem crudum non paucum, non
 propter edacitatem, ut pueri, sed propter potentiæ con-
 coquentis imbecillitatem, non tamen calorē fortem ha-
 bent qui ex materia crassa uaporem resoluens lapidem
 generet.

Aph. li. 3. & 5.
 Stranguria.
 Lotij substillū.

Dysuria.
 Aphor. lib. 7.

Calculus ue-
 sicae.
 Aphor. 26.

Hipp. lib. 4.
 de morbis.

generet. *Vrina.*) Lotic suppressio & præter naturam re- *Vrina.*
tento. Est autem urina sanguinis & aliorum humorum
colamentum et aquositas. Sic dicta, ut quidā putāt, quod
in exeundo urat. Vel ut aliī uolunt à uerbo Græco *ὀυρῶν* *ὀυρῶν*.
quod est mingo, unde etiam *ὀυρῶν* Græci urinam dicunt. *ὀυρῶν*.
Vesicæ humor.) Lotium & urina. *Tardus.*) Segnis, exire
non potens, sed præter naturam detentus & remoratus.
Cunctabitur.) Remorabitur & detinebit. *Hæc mora.*) *Vri-*
næ detentio. *Rumpetur.*) Frangetur & ad exitum prouo
cabitur cieturq; urina. *Vino uetusto.*) Vinum præsertim *Vinum uetus*
uetustum & tenue, diureticum esse & urinam mouere te- *diureticum.*
statur etiam Dioscorides libro 5. dicens, Vrinam pellunt
quæ uetustissima tenuiaq; & alba uina sunt. Et hoc maxi-
me ubi aut grumus aut pus aut crassus lentusq; humor
retentionis causa fuerit.

Prodest ex paruis acinos potare sabucis,

Aut hederæ succum, ut lachrymosi trita sinapis,

Nec non resinas Oricia therebinto

In speciem heruiliæ paruos glomerabis in orbes,

Quos ternos tepida mixtos hausisse medela est.

Acinos ex sabucis.) Idem testatur Plinius libro 24. cap. 8. in- *Acini sabuci.*
quiens, Acini sabuci urinam mouent. *Hederæ succum.*) *He*
deræ in medicina acris est natura, autore Dioscoride. Vn *Hederæ succus.*
de & urinam mouet, teste Plinio. *Lachrymosi sinapi.*) *Acini* *Sinapis.*
monia & feruore suo lachrymas cientis & prouocantis.
Columella, Seq; laceffenti fletum factura sinapis. Quod
autem urinam ciat & moueat sinapi, testantur etiam Cel
sus & Plinius. *Trita.*) Contrita scilicet semina. *Resinas* *Resina there-*
therebinto.) Quamuis omnis resina moueat urinam, ut *bintina.*
autor est Dioscorides, potior tamen inter omnes est the- *Terebintus.*
rebintina, quæ omnes alias antecedit. *Oricia.*) Hoc est, *Oricia.*
circa Oricon ciuitatem nascenti. Est enim Oricos ciuitas *Oricos.*
Epiri, secus quā plurima nascitur therebintus, nigrum
lignum habens, soliditatem in buxi speciē. Verg. Eneid.

VESICAE, CALC. VRINAE.

Heruilia.

libr. 10. Inclusum buxo aut Oricia terebintho. Et Propertius libro 3. Sed thia thalamo aut oricia terebintho. *in speciem heruiliae.*) Hoc est formam parvam & rotundam, cuiusmodi est heruilia, quæ leguminis genus est, & Græce dolichus uocatur, ut sentit Io. Manardus in Epistolis medicinalibus. *Orbes.*) Orbiculos, globulos & pilulas paruas. *Glomerabis.*) Formabis & in glomeris formam conficies. *Ternos.*) Numero tres, & hæc quantitas una uice sumenda est sufficiens. *Tepida.*) Aqua moderate calida. Sic enim nõ adhærent. Cum enim tenax & uiscosa res sit per se deglutiri nõ posset. *Hausisse.*) Deuorasse, deglutisse.

Quondam etiam nimium præceps urina fluendo
Irrigat exuuias, obscænoq; inficit imbri,
Ergo cinis cornu ceruini proderit haustus,
Vel nepetæ ex uino tritum uel lacte capellæ,
Tum leporis cerebrum ex uino potare decebit.

*Exuuiæ
Induuiæ.*

Quondam etiam.) Aliquando. Postquam retentâ urinam ciere docuit: nunc nimium fluentem & incontinentiam eius sistere & cohibere docet. *Nimium præceps.*) Nimis uelox & plus iusto præterq; naturam fluens. *Irrigat.*) Humectat. *Exuuias.*) Vestes ab exuendo sic dictas, quemadmodum ab induendo induuiæ & indumenta sunt dicta. Dicuntur autem exuuiæ non solum de hominum uestimentis, sed & de aliorum animalium spolijs: unde & serpentum pelles exuuiæ dicuntur. *Obscæno imbri.*) Humore olente & lotio foetente. *Inficit.*) Contaminat & foedat.

Cornus ceruini cinis.

Cinis cornu ceruini.) Cerui cornu uim habet omnes humores exiccandi: quare & omnem fluxum tum uentris tum uteri tum uesicæ cohibet & sistit, doloremq; sedat, præsertim in cinerem redactum, drachmæq; unius pondere in potu datum. *Nepetæ tritum.*) Nepetæ puluis uel cinis contritus seu succus per cōtritionem extractus. Solet autem Nepeta urinæ incontinentiâ cohibere, maxime ubi uirtutis retentiug ob frigidam intemperaturam imbecillitas

aut

aut spiritus flatuosus causa est. Frigus enim feruore suo reprimendo, uirtutem corroborat & flatuosos spiritus dissoluit, humoresq; deficcet. Alias enī & ab alijs causis accidentē urinæ fluxum potius auget. Nam, ut omnes testantur, urinam cit nepeta: nisi & hoc modo humores expurgando fluxus fluxum tollat. *Vino.*) Maxime acerbō & siptico. *Lacte.*) Præsertim ubi exulceratio adest. *Lac caprinum.* Nam, ut Dioscorides lib. 2. tradit, Interaneorum exulcerationibus cōmuniter lac medetur, præcipueq; gutturis, pulmonum, intestinorum, renū & uesicæ. *Capelle.*) Capræ propter cibum adstringentem quo plurimum uescuntur. *Tum.*) Deinde ultra dicta iā medicamenta. *Le Cerebrum poris cerebrum.*) Idem testatur Plinius lib. 28. cap. 10. dicens: leporis. Cerebrum leporis in uino urinæ incontinentiā cohibet.

Sed dolor internam uesicæ si capit aluum,

Subueniet radix frondosæ epota cupressi,

Pulegiū me potens domitum feruentibus undis.

Sed dolor int.) Solet nonnunquam urinæ incontinentiam dolor subsequi, præsertim ubi exulceratio aut acris quispiā humor ipsi occasione præbuerit: quemadmodū et in dysuria uocata accidit. Huic itaq; affectui nunc idonea adhiberi docet medicamenta. *Internam ues. aluum.*) Hoc est, cauitatem internam uesicæ & uesicam ipsam. *Capit.*) Afficit & molestat. *Radix cupressi.*) Adstringit cupressus, sic *Cupressus.* cat & refrigerat. Vnde & folia eius contra destillationes in uesicam & dysuriam cum passo & exigua myrrha utiliter bibuntur, ut autor est lib. 1. Dioscorides. Plin. uero libro 24. ca. 5. Radix, inquit, cum folijs trita pota q; uesicæ & stranguriæ medetur. Quæ mala quoniam dolor sequi solet, tollitur idem, n̄sdem malis sublati: quod, ut hic Serenus testatur, cupressi radix efficit pota. *Frondosæ.*) Foliosæ & multorum foliorum: quæ eandem quoq; cum radice uim habent adstringentem. *Pulegium.*) Vesicæ do *Pulegium.* lores, præsertim qui ex urinx angustijs & calculo originē

VESICAE, CALC. VRINAE.

habent, pulegij potu mitigari, uel Plinij testimonio certum est: libro etenim 20. cap. 14. inquit, Vrinam pellit ex uino, & si Amineum sit, & calculos & interiores omnes dolores. Domitum fer, undis.) Hoc est, in aqua decoctum.

Si uero in lapides densus conuertitur humor,
Qui retinet cursus, gemitumq; dolore frequentat,
Saxifragam seu sphongiten succurrere credunt,
Præterea semen myrthi syluestris laccho
Atq; oleo mixtum bibitur nec desit acetum,
Vinaq; sumantur fricto condita cumino,
Siue palumborum capitur fimus acre ferorum
Dulcacidis sparsum succis tritumq; solutum,
Necnon obscœnus capræ potabitur humor,
Obruit hic morbum, labefactaq; saxa remittit,

si uero in lapides.) Calculi remedia traditurus autor, docet prius ex qua re idē generetur, & quæ inde causentur accidentia. Dictum est autem prius à capitis initio, quod calculi materia est crudi in corpore coaceruati humoris pars crassior, cum urina ad uescicam perueniens, quam partem densum humorem uocat, generatus uero calculus urinæ cursum & fluxum retinet, & inde affectos diro cruciatu & dolore sæpius & frequenter molestat & afficit, gemitumq; & suspiria inducit. Gemitum.) Suspiria. Gemere proprie pectoris est, cum præ angustia in sonum prorumpit. Saxifragam.) Saxifragam ab aliquibus Empetron uocari, autor est Dioscorides medicinalis syluæ libr. 4. cap. 17. quamuis eodem libro capite 170. aliam herbam faciat empetron, aliterq; illam describat & alias tribuat uires. Verum quia Plinius lib. 27. cap. 9. unam eandemq; saxifragæ ac empetri nomine facit herbam, uiresq; illi tribuit, quas Dioscorides sub hisdem nominibus, diuersis herbis, & nostro etiam æuo saxifragæ nomine herba sit uiribus eisdem quibus Dioscoridis saxifraga, & filiquas ferat lentis

Gemere.
Saxifraga.
Empetron.
Phacoides.

tis similitudinem referentes, ceu de Empetro scribit idem Dioscorides, unde & phacoides, ut ait, appelletur: hinc facile persuasum habeo, male olim ab ignaris diuisa fuisse uti nunc etiam sunt apud Dioscoridem, quæ simul iungi cõuenisset, et ut ex uno capite duo separata, et una herba diuersæ factæ sint, quæ unū & idē esse debuissent. Quare etiam non male egisset, meo iudicio, si Dioscoridis interpres ille Florentinus Plinium sequutus diuersa illa capita in unum coalescere permisisset, quod & ego factu opus esse censeo. Sed de hoc satis. Quod uires eius concernit, Saxifraga, inquit Plinius, recens, quamuis nos radice non recenti etiam communiter utamur, urinas cit decocta in aqua, uel trita calculos frangit. Qui fidem promisso huic quærunt, affirmant lapillos qui sufferuefiant unà rumpi. Dioscorides uero, Bibitur, inquit, in uino decocta utiliter stillicidio uesicæ & singultientibus: calculos uesicæ frangit, urinam cit. Cæterum dicta est saxifraga, aut quia in petris nascens eas dum nascitur rumpat, ut aliqui uolunt: seu ut alij, quia lapillos in uesica frangat atq; comminuat. Nascitur autē plurima in Rhetia prima, locis asperis & petris. Sunt & aliæ sub saxifragæ nomine nūc in usu herbe, sed de quibus nihil ad præsens. *Spongiten.*) *Spongites* lapis est qui in spongijs reperitur, unde & nomen *lapis*. indeptus est. Hinc Plinius libro 37. cap. 10. Spongites, inquit, spongiæ nomen repræsentat. Et lib. 36. cap. 12. Spongiæ lapides inueniuntur in spongijs, & sunt natiui. Quidam eos cysteolithos uocāt, quoniam uesicæ medentur: calculos rumpunt in uino poti. Et Dioscorides libro 5. Inueniuntur, inquit, & in spongijs lapides: hii cum uino poti calculos uesicæ frangunt. Et hii etiam ex medicamentis illis sunt quæ reliquis in frangendo lapidem longe fortiora sunt, autore Auicenna. *Semen myrthi syl.*) *Myrthus* *Myrthus syluestris.* syluestris Latine Ruscus dicitur, myrtho simile foliū habet, minus tamen: lanceæ figura, in summo acuminata *Ruscus, oxy-* cuspidē: fructum fert in medio folio heretem, rotundum, *myrsine.*

Xx

VESICAE, CALC. VRINAE,

cum maturuit rubētem, ossca intus duricie. Ramulos ut
tilium modo lentes, numerosos, ab ipsa radice statim, in-
fragiles, cubitali longitudine, folijs plenos. Radicem gra-
mini similem, sapore acerbo, amarescenteq̃, uti libr. 4.

Libr. 23. cap.
ultimo.

Dioscorides autor est, qui etiam cū Plinio oxymyrfinen,
id est, acuminatam myrtum, & chamæmyrsinen, id est
humilem & terrestrem myrtum, appellari tradit. Cuius
semen Plinius etiam cum uino aut oleo aut aceto potum
calculos frangere testatur: nec refert quod liquores non
coniunctim, uti Serenus, accipiendos præcipit. Nec mo-
do semen, sed & radix, quam in honore esse dicit Plinius,

Vinum.

& folia itidē in uino decocta & pota uesicæ calculos frangunt & pellunt, si Dioscoridi credimus. (ac. h.) Vino, præsertim antiquo & tenui, quod fracto calculo uiam ad exitum præbet & urinam ciendo etiam expellit. (Oleo.)

Oleum.

Hoc enim utile est excoarationi quæ ex calculo accidit, leniendæ & dolori mitigando. (Acetum.)

Acetum.

Vt quod alijs penetrandi uim administret & inflammationes arceat, calculosq̃ frangat: quā uim illi esse uel ex historijs satis manifestum esse poterit, præsertim ea qua Hannibal alpes fre-

Cuminum.

gisse & ita transcendisse fertur. (Cumino.) Maxime syluestri, & eo quidem quod satiuo simile est, quod ex singulis floribus corniculatas siliquas subhmes profert, in quibus nigellæ simile semen est: quod potum uesicæ stillicidio, calculis, & sanguinis concretos grumos cum urina reddentibus succurrit, autor Dioscorides libr. 3. (Frisio.)

Parum aslo, ut si quæ inest superflua humiditas consumatur. (Fimus palumborum.)

Fimus pas-

lumborum.

Columbarum agrestium alui excrementum & stercus, quod reliquis longe acrius est, magisq̃ calefacit & urit. Et quam hic Serenus Palumborum, illam Auicenna decima octaua tertij, columbarum fimo uim extrahendi lapides tribuit, quod tamen idem est. Plinius libro 30. cap. 3. Fimum quoq̃ palumbium, inquit, in faba sumi contra calculos & alias difficultates uesicæ: similiter plumarum cinerem palumbium ferorum

ex

ex aceto mulso iubent. *Ferorum.*) Agrestium & syluati-
 corum, qui domi non nutriuntur, sed procul à uillis uitam
 agunt semper. *Dulcacidis succis.*) Aceto mulso, quod & *Acetum mule*
 oxymel dicitur, de quo diximus supra capite undecimo, *sum.*
Obscænus capre humor.) Vrina capræ foetida. Quam hic *Oxymel.*
 renus uesicæ calculos frangendi & expellendi uim, uri- *Vrina caprina,*
 næ caprarum, eam Dioscorides aprinæ, Auicenna por- *aprina,*
 cinæ tribuit. Plinius libro 28. cap. 10. apri etiam urinam et *porcina.*
 ipsam uesicam pro cibo sumptam, uesicæ calculorumq; *Fumus capre.*
 cruciatibus auxiliari testatur. Et id efficacius quidem, si
 prius fumo maceratur utrunq; Imò, ut idem prodidit, si *Vesica capre,*
 mum caprarum in mulso calculos pellit, efficaciusq; syl-
 uestrium. *Obruit.*) Sepelit, abscondit & tollit. *Hic.*) Hu-
 mor obscænus & urina capræ. *Morbum.*) Calculorum
 dolorem & cruciatum. *Labefacta saxa.*) Lapillos & calcu-
 los comminutos & attritos. *Remittit.*) Relaxat, et educit.

CONCEPTIONI ET PARTVI.

CAPVT XXXII.

IRRITA coniugij sterilis si munera languent
 Et sobolis spes est multos iam uana per annos,
 Fœmineo fiat uicio res nec ne silebo,
 Hoc poterit quartus magni monstrare Lucreti;
 Sed natura tamen medicamine uicta potenti
 Sæpe dedit fœtus studio curante paratos.



CONCEPTIONI.) Hoc est, conceptionis
 impedimento amoliendo, & uterum infœcun-
 dum ad facile concipiendū præparando. Nam
 quæ per se facilis est nec impedita conceptio,
 nullo medicaminis eget auxilio. Præpedita uero, adeo ut
 difficulter aut nunquam concipiat mulier, nec tamen in
 uniuersum denegata sit, medicamentis recuperari & pro

CONCEPTIONI ET PART VI.

moueri poterit. Præpeditur autem non modo mulieris; sed & uiri aliquādo ob affectum & intemperaturā. Nam bonam habētes temperaturā, semper generabunt etiam cum malam habentibus coeūtes: malam uero habētes solum cum contrariam habentibus coeūtes, gignent. Est autem conceptio, spermatis, hoc est seminis genitalis, utriusq; & uiri & mulieris in utero susceptio & apprehensio. Sperma uero siue genitale semen dicitur id ex quo tale quid produci natum est, quale est illud à quo ipsum genitum est. Quod autem utriq; & mari & scemellæ genitalis semen insit, & ab utroq; decusum ad foetus generationē concurrat, testis est Hippocrates non uno loco, Nam libro de natura seminis genitalis sic insit, Et in uiro et i scemina semen & marinum & scemineum inest. Libro uero de natura pueri & foetus sic ait, Siquidem semē ab utrisq; manauerit in mulieris uterum, primum quidē simul miscetur. At libro de morbis quarto, Semē genitale, inquit, de membris omnibus uiri & mulieris ad hominis generationem ueniens, & in mulieris locellos decedens cogitur, temporeq; adueniente ex eo humana natura procreatur: quoniam quatuor has humiditates, humoris uē species uir & mulier in corpore habet, quæ sūt hæc, sanguis, bilis, pituita, aqua: quæ non minimam nec debilissimam partem semini porrigunt. Hæc ille. Ab utroq; itaq; semen decidi & in inchoandi hominis domicilio utero suscipi, uel Hippocratis, qui unus pro pluribus sit, testimonio satis manifestum est. Vterus uero quem & utriculum et locos & uuluam & matricem uocant aliqui, est inchoandi hominis domicilium: seu, uti Galenus describit, ἀγγειον κυντήριον, hoc est, uas foetum conseruans. Nam postquam genitale semen apprehendit, adeo contrahitur ut nulla omnino uacua pars relinquatur, & in tantum os clauditur ut ne acus quidem acies ingredi possit, teste Galeno, cuius de locis affectis libr. 6. hæc sunt uerba: Quid autem in rerum natura potest esse admirabilius? nouē perpetuis mensi-

Conceptio.
Sperma.
Semē genitale.

A uiro & à muliere decidi sperma.

Vterus, Vtricus, Loci, Vulua, Matrix.

mēlibus clauditur os uteri, adeo exacte, ut ne specilli quidem acumen admittat: perfectio autem fœtu, usq; adeo distenditur, ut totum animal per ipsum egredi possit. Hanc uteri clausuram testatur etiā Hippocrates libr. aphorismorum quinto hijs uerbis, Quæ utero gerunt, hijs uteri os cōprimitur. Sed quia uaria uteri uocabula relata sunt, non nihil de ijsdē adhuc dicendū. De aliquibus Plin. lib. 11. sic profert, Fœminis eadem omnia præterquam uescicæ iunctus utriculus, unde dictus uterus, quod alio nomine locos appellant, hoc in reliquis animalibus uuluam. *Cel Vulua.* sus tamen uuluam in homine etiam uocat. Nostro tempore uulgus imperitum muliebrem naturam & pudēda perperam uuluam nuncupat. Per matricem Columella *Matrix.* fœminam intelligit quæ fœtus gratia tenetur ac parit fœtumq; generat, cum ait, Sint ergo matricēs probi coloris, robusti corporis &c. item, oēs dies anno pullos educat si bona est matrix. Communis tamen medicorum schola matricem nunc uocat uterum. Græci item uterum non uno nomine nominant. Dicitur enim ab illis aliquando *μήτρα*, hoc est matrix, non obstante quod Aristoteles lib. *Μήτρα.* de historia animalium tertio capite primo, hoc nomine uteri os & ceruicem uocari tradat. Inquit enim, Pars uulvæ interior, loci & uterus appellatur. Vnde fratres uterinos cognominamus. Ostium autem & ceruix, matrix dicitur. Appellatur itē *Δελφύς* id est uterus, unde *ἄδελφοὺς* *Δελφύς.* uocant fratres uterinos: item *ὑστέρα* id est loci: quāuis non *ἄδελφοί.* nunquam etiam pro pellicula accipiat exterior, (nam *ὑστέρα.* & interior est tum tenuior tum mollior,) quæ embryon *Secunda.* ambit & secunda dicitur & *χώριον*, eo quod sit *χώρημα*, id *χώριον.* est infantis alueus, seu quia *χωρῶν*, id est cibū, ei suppeditat. Et hætenus de utero, post quē os eius est quod uteri *Vteri os.* os uocatur, uidelicet illud quod intus est ostiolum ubi lo *Vteri collum.* ci definunt & uterus, collum uero incipit, quod Galeno *Vteri ceruix.* teste, magis proprie os uteri diceretur. Nam altera colli extremitas, quæ mulieris pudendis coniungitur, non

CONCEPTIONI ET PARTVI.

Canalis.
Trach: lū.
Colli uteri os.
Porus primus.
Cletoris,
Nympha,
Eugion, hymē.

Muliebris na-
tura, os ge-
nitale.
Partus.

Coniugii unde
dictum.

uteri, sed ipsius colli os haud sine ratione diceretur. Post os uteri est ceruix carnosā, cartilaginea, modiceq; obdura, quæ ab uteri ore inchoat ac recto tramite ad muliebrem usq; naturam fertur, per quam & menses egrediuntur, & foramini fistulæ uesicæ contermina est. Hanc etiā collum uocant uel trachleum, Celsus canalem. Huius os porus primus uocatur, & ex partibus interioribus penitioribusq; intra cletorem, primū occurrit. Cletoris uero quam & Nympham & Eugion & Hymen nomināt, est in parte extima ac omniū prima, hoc est, in muliebris pudendi medio neruosa exilitas & tunicula, integritatis ac uirginitatis argumētum: quā mēbranulā primus dirimit coitus, qua rupta et cruor emanat ob colligationes uenulasq; tenues, quib⁹ ex adiacētib. partibus exortis cōtextitur. Tandem pars illa muliebris pudenda occurrit, cui carnis tuberculum hiulcum bifidumq; prominet. hanc etiam muliebrem uocāt naturam ac genitale muliebre & os genitale. Sed de hijs nunc satis superq;. Partui.) Partus est completi & perfecti iam in utero foetus in has uita-les auras exitus. Qui naturaliter fit nono mense aut decimi initio. Et hoc iustum nascendi tempus est. Qui antea nascuntur, raro superstites permanēt. Quomodo autem in utero afformetur & nutriatur infans & demum in lucem exeat, copiose docet Hippocrates libro de pueri fœtusue natura: quæ breuitatis causa hic nūc omitto. Irrita.) Vana, cassa, frustranea & ad effectum non peruenientia. Coniugij.) Matrimonij, extra quod omnis coitus illicitus est et prohibitus. Dictum est aut cōiugium, à iugo, quasi duorū ad unū iugū coniunctio, ut pares operis uices sustineant, quemadmodū & coitus ex æquo negotium habent, itidem ut in iugo. Sterilis.) Infœcundi & fructū nō ferentis, hoc est, ex quo soboles non suscipitur. Manera.) Coniugij munus & officium est, ex coitus negotio prolis susceptio & generatio. Languent.) Marcent & fructū non ferunt. Fœminico.) Cuius uitio, uiri ne an mulieris conce-
ptio

ptio præpediatur, silentio se præteriturum ait Serenus: Conceptio
 remittit tamen nihilominus nos ad quartum librum Lu *impedimenta et*
 cretq; ubi id habetur. Impeditur aut ex parte uiri quidem *sterilitatis*
 ob seminis intemperaturā frigidā uel humidā, ob quam *causa.*
 semen non bene concoquitur & ad conceptionem reddi
 tur ineptū. Quod si intemperatura frigida sit mediocris,
 indiget utero calido sufficienter: si uero immodica, o-
 mnino sterilis est. Sic etiam si intemperatura humida sit
 modica, utero indiget calidiore & ficiore: si immodica,
 sterilis est. Eodem modo & propter excellentē calorem, se-
 men fit tosto simile. Similiter ob siccitatem, ubi primū ex-
 cidit, neq; extendi potest, cū extensio necessaria sit ad con-
 ceptionem. Nam, ut in libro de semine scribitur, Mulier
 non concipit, nisi per uteri cavitatem parte plurima se-
 men extendatur. In mulieribus autem male temperatū
 uteri si parum à bonitate recedant, difficulter concipiunt:
 si uero nimium, mulieres steriles fiunt. Non concipiunt
 autem quæcunq; frigidos uteros habent, propter substan-
 tię ipsorum spissitudinem et densitatem ualde frigidos u-
 teros ex necessitate comitantē. Similiter quæcunq; præ hu-
 midos habēt uteros, ut in quibus genitura extinguatur.
 Item quæcunq; siccos, magis & adurentes: nam ex defe-
 ctu alimenti semen in hīs corrumpitur. Porro quæcunq;
 ex utrisq; mediocrem habent temperaturā, hæc fecundę
 sunt: autor Hippocrates, Gal. Sunt & alia conceptionis
 impedimenta, quæ breuitatis causa omitto. Res.) Con-
 ceptionis impedimentum. Hoc.) Scilicet cuius uitio con-
 tingat. Natura.) Vis concipiendi impedita tanquam na-
 turalis reputata, hoc est, infœcunditas & uteri dispositio
 citra omnē aduersam ualitudinem ad cōcipiendū inido-
 nea. Vis.) Superata & conceptioni præparata. Studio
 curante.) Diligenti cum medicinæ auxilio adhibita cura.

Aut igitur leporis consumit fœmina uuluam;
 Aut ouis in stabulis fractas cum ruminat herbas

CONCEPTIONI ET PARTVI.

Pendentem spumam molli deducit ab ore
Atq; illam meminit mixto potare Falerno.
Mercurialis item capitur communiter herba
Sic cubitum noctu coniunx festinat uterq;.

Leporis uulua. *Leporis uuluam.*) Prætestato quod medicamentis cōceptio-
nis impedimentum tolli poterit, & uterus ad concipien-
dum idoneus fieri: ponit nunc conceptionem promo-
uentia remedia. In primis q; magnus inter talia est leporis
usus mulieribus, nec modo uulua ipsius fœcunditatem
ipsis adfert, sed & cōceptus leporis & testiculi & coagu-
lum, ut refert Plinius, cuius lib. 29. capite 10. hæc sunt uer-
ba: Si uulux leporum in cibis sumantur, mares concipi
putant: hoc est testiculis eorum & coagulo profici. Con-
ceptum leporis utero exemptum hijs quæ parere desie-
rint, restibilem fœcunditatem adferre. Ex quibus uerbis
etiam non solum hijs remedijs fœcundas reddi mulieres
colligitur, sed & masculos etiam concipere solere. *Con-*
sumit.) Edendo absomit & cōmedit. *Fœmina.*) Mulier in
Ovis spuma. fœcunda & concipere desiderans. *Ovis spumam.*) Huius
medicamenti uim & naturam conceptionem promouen-
tem apud alios autores legisse me non memini, quare pe-
nes hunc ipsum fides maneat. Talem autē effectū occulta-
Stabulum. ui quadam producit, si modo id agit. *Stabulis.*) Stabulum
proprie hominū diuersorium siue hospitium significat,
uti Perottus tradit. Petronius, Cum errarem per totā ci-
uitatem, nec inuenirem quo loco stabulum reliquisset.
Hinc etiam stabula, loca in quibus armēta & greges con-
sistunt in agris et sub diuo ueluti stationes illorum. Verg.
Montano flumine torrens cū stabulis armenta tulit. Ac-
cipitur etiam stabulum pro statione & habitatione qua-
cunq; & loco ubi quis stare consuevit. Varro, Equinū pe-
cus pascēdum in pratis potissimum herba, in stabulis ac
Ruminare. præsepibus arido sceno. *Fractas.*) Frangendo & decer-
pendo comeftas. *Ruminat.*) Ruminare est cibum per os af-
sumptū

sumptū & in uentriculo iam contentū, in primis quidem ad os subleuando reducere, deinde multo tempore mandendo terere, postremo rursus ipsum deuorare, idē non in eundem, sed in alium uentriculum. Galenus de locis affectis lib. 6. cap. 6. Meminit potare.) Id est, potat & bibit. Falerno.) Vino optimo, quale est Falernū, de quo dictum est supra cap. 29. Mercurialis.) Qualis herba sit Mercurialis & quæ species eius, dictum est supra capite 7. Natura illi conceptum adiuuare: et, ut Dioscorides tradit, creduntur scemina Mercurialis herbæ folia trita, tum pota, aut post purgationes sceminarū genitalibus apposita, ut scemina concipiantur facere: masculæ uero contra, mares. Oportet autem ipsam altero à purgatione die dare mulieribus per triduum, & quarto die à balneo coire eas, ceu Plinius uarios etiam exhibendi modos referens docet, et ut de leporis uulua etiam dictum est. Hæc herba quoniam Mercurij inuentum est, à Latinis Mercurialis, à Græcis Ἡρμοῦ πόα, id est Mercurij herba, dicta est. Capitur.) Accipitur & assumitur. Cubitum.) Ad concubitum, rem ueneream & coitum peragendum. Noctu.) Pudor enim nos docet interdiu rem ueneream non esse exercendam: sed tempore solum nocturno, & in tenebris, nō sub luce. Coniux.) Citra enim coniugium, haud licitum est homini coitu uti, diuina etenim lege id nobis prohibitum est: uerum qui abstinere non poterit, is nubat in domino & intra legitimi thori limites & præscriptum se contineat. Melius enim est nubere quàm uri & scortari, de illo quo Paulo teste. Vterq;.) Mas & scemina.

Atq; ubi iam certum spondet prægnatio foetum
 Ut facili uigeat seruata puerpera partu
 Dictamnum bibitur, cochleæ manduntur edules,
 Ut menses olim minus octo moratus in aluo
 Irrumpat thalamos & nexus soluat inertes,
 Pulegio admixto uenit embryo nectus aceto,

Yy

CONCEPTIONI ET PARTU.

Cuius opem ueram casus mihi sæpe probarunt.
Quin etiam stercus supponunt uulturis atris
Sentiat ut minimum partus quā proximus urget.
Oua etiam rutæ ac fragili miscentur anetho,
Quæ diluta simul uino atq; exhausta medentur.

Atq; ubi iam.) Docet nunc quæ partum accelerant medicamenta, quibus aliquando opus est uti propter pariendū difficultatem, quæ nonnunquam mulieribus haud parum periculi & mortem ipsam adferre solet: ad quod cauendum & prægnantem saluandam, medicinis opem ferre necessum est. *Spondet.*) Promittit, & certo foetū in utero esse conceptum indicat. *Pregnatio.*) Imprægnatio, & foetus in utero conceptio. *Vigeat.*) Viribus constet et saluetur. *Seruata.*) Per medicaminum uim incolumis custodita. *Puerpera.*) Puerpera dicitur quæ iam peperit & ædito foetu facta est mater. *Dictamnus.*) Non potu tantum, uti Serenus tradit, sed & illitu & suffitu sine puerperæ uexatione & periculo partum ex utero pellit dictamnus: nec modo uiuos partus accelerat, sed & emortuos uel transuersos, & secundas quoq; eiicit ex uino ubi febris absit, si uero febricitet, ex aqua potum, auctor Celsus, Plinius, Apuleius, Dioscorides. *Cochleæ.*) Cochleas item in cibo sumptas partum accelerare testatur etiam Plinius libro 30. cap. 4. *Edules.*) Edulis, ab edo quod manducari potest, dicitur. *Vt menses minus octo.*) Relatis quæ uiuum partum accelerant remedijs, ponit nūc ea quæ mortuum expellunt. Solet enim interdū infans ante octauum mensem in utero emori, quem mortuum prægnans debilis expellere nequies, in parturiendo laborat, periculoq; imò & morti ipsi subiicitur: quod tamen ne accidat sed salua seruetur, maxime enitendum erit, et auxilium illi ferendum medicamentis ad partum eiiciendum idoneis, qualia Serenus nobis nunc proponit. *Aluo.*) Aluū hic pro utero accipit. *Irrumpat thalamos.*) In cubiculū, et hunc

mun


mundum ex utero emergat & expellatur. *Nexus inertes.*) Hoc est, quibus utero alligatur foetus ligamenta debilia, quæ Græci cotyledones, Latini acetabula uocant, quibus *Cotyledones.* embryo & partus per umbilici radices utero ualentissi- *Acetabula.* me continuatur. Quamuis etiam cotyledones aliquando pro uasorum oris accipiantur, quæ ad uterum ueniunt, ex quibus secundæ pendent: non, sicuti quidam putant, pro adnatis ipsis carnibus adnatis, uti tradit Galenus. Praxagoras item in libro. de naturalibus, Cotyledones, inquit, sunt ora uenarum & arteriarum quæ ferunt ad uterum. *Soluat.*) Abrumpat. *Pulegio.*) De pulegio quæ *Pulegium.* tum ad hunc locum attinet, Dioscorides simpliciter sic pronunciat, Pulegium potum menses, secundas, & foetus trahit. Plinius uero libro 20. cap. 14. Ex melle & aceto, ait, citat menstrua & secundas, uuluas cōuersas corrigit, defunctos partus eijcit. Apuleius demum, Si infans, inquit, in utero mulieris mortuus fuerit, pulegij codas tres recentes quæ adolent suauiter, tritas in uino uetere optimo, sextarii quartario da bibat, liberabitur. *Venit.*) Egre dicitur & eijcitur. *Embryo.*) Hefychius in lexico, ἔμβρυον, *Embryo.* inquit, νεογενὲς βρέφος. τὸ ἐν γαστρὶ γυναικὸς ὅρ διαπλασµα ἢ ὀλίγον, hoc est, Embryo est nuper genitus infans. Est & in uentre seu utero mulieris adhuc existens figmentum & conceptus uel minutus & imperfectus. *Necius.*) Eneclius, mortuus. *Cuius opem.*) Pulegij auxilium in educendo foetum mortuū. *Casus.*) Experimēta. *Quin etiam.*) In super. *Stercus uulturis.*) Quod hic circa foetus eiectionē de *Vulturis ster-* uulturini fini suffitu testatur Sere. & cū eo Diosco. id de *cus, penna,* penna uulturina pedibus subiecta asserūt Plin. & Sextus Plar. *Supponunt.*) Subijciūt, & suffiūt. *Sentiat ut minimum.*) Hoc est, ut sine labore et dolore partū ædat. *Partus quā pro-* ximus urget.) Hoc est, quæ iā parturit et partu laborat. *Oua* etiā ruta *etc.*) Idē medicamentum ponit etiam Plin. lib. 29. cap. 3. nisi quod cyminū addit, inquiens: Tota oua adiuuant partum cum ruta & anetho & cymino ex uino.

PROFLVIO CVIVSCVN

QVE SANGVINIS ET MATRICI.

CAPVT XXXIII.

SI modicus pleno manat de corpore sanguis,
Subuenit. At nimius cum uita funditur ipsa,
Quapropter multo naris completa cruore
Cum fluit, attritus cimex conducit odore.
Lana oleo madefit sed nondum lauta rosarum,
Hæc datur in nares, uel claudet densius aures.



Canon.

Cimex.

Lana succida.

PROFLVIO cuiuscunq. Sanguis à uarijs partibus fluere solet, utpote à naribus, utero, uesica, & alijs, quorum omnium fluxui hoc capite mederi docet Serenus. *Matrici.* Vtero, hoc est, accidētibus uterum concernentibus, qualia sunt sanguinis mēstrui fluxus nimius, aut eius præter naturā retentio, siue post partum siue aliās id fiat: item foetus mortuus & secundæ retentio. *Si modicus pleno.* Ex medicorum decretis est, Plethorico & sanguine pleno existente corpore, nullum sanguinis fluxum moderatum sisti debere. Omnis enim talis & commodus est et à multis grauibz affectibus & morbis hominem tum præseruat tum liberat, præsertim qui creticus fuerit. Nimius uero undecunq; etiam fluxerit, non modo nō commodus aut non utilis est, sed maxime nocet ac uitam sæpius cum morte ipsa permutat. Et talis utiq; neutiquam negligendus est, sed summo studio restringēdus: id quod & Serenus nūc docet. *Cimex.* Cimex uermiculus est foetens, & ex ligno, chartis & paleis nascens. Cuius attriti fædo odore sanguinem è naribus fluentem sisti, autor nunc est Serenus. *Lana oleo mad.* Plinius huic medicamento parum alij addit, dum sic scribit, libro 29. cap. 2. Lana succida sanguinem

sanguinem in naribus sistit cum oleo rosaceo & allio indita modico auribus obturatis spissius. Oleum enim rosarum sanguinis feruorem refrigerando acuitatem ipsius obtundit, glutinat etiam & adstringit. Lana uero ne nimium refrigeret, facit. Oportet enim huiusmodi medicamenta non esse nimis refrigerantia, ne frigus nocumento sit. Oportet etiam quum naribus imposita sunt, ut nasus bene stringatur donec uim suam bene impesserint. *Non dum lauta.* Id est, succida & a sordium suarum pinguedine, quæ cæsyphus est, nondum abluta aut purgata.

Lana succida.

Contritis prodest cochleis conducere frontem,
Aut galli cerebro, uel sanguine tinge columbæ,
Quod nisi supprimitur, sanguis potâdus & ipse est.

Cochleis. Idem tradit Plinius hijs uerbis: E naribus fluentem sanguinem sistunt cochleæ contritæ frōti illitæ, idē, ut Dioscorides ait, ex aceto. *Conducere.* Inducere, imponere, & illinire. *Galli cerebro.* Non modo cerebello, sed & sanguine gallinacei profluua à cerebro sisti prodit Plinius libr. 30. cap. 3. Cum autem à cerebro dicit, oportet illud intelligere non à substantia cerebri, quæ exanguis est, sed de membranis cerebrum continentibus, ut aperte docet Dioscorides libr. 2. dicens: Cerebrum gallinaceorum compescit ex cerebri membranis erumpentē sanguinem. Membranæ enim sunt, quæ uenas habent sanguinē continentes. Porro hij administrandi modum non docent. Serenus illini iubet, Serapio, Auicenna & Mesue, comestionem laudant, idē de gallinarum cerebro affirmant: sed nihil refert, eiusdem enim naturæ sunt. Est autē huiusmodi cerebrum ex medicinis quæ à proprietate quadam singulari talē sanguinis fluxū cōpescunt, uti tradit Mesue. Sed oportet ut frequēs sit eius comestio. Vnde Auicenna quinta tertij, tract. 1. cap. 9. inquit, Congregatio experientium existimat, quod cerebella gallinarum sunt ex melioribus cibus, imò ex melioribus medicinis ei qui habet

Cochleæ.

Cerebrū galli.

PROFLV. SANG. ET MAT.

Sanguis colūbæ fluxum sanguinis narium ex casu aut percussione, uerum oportet ut ex eis plurimum sumat aut fiat ei cibus continuus. *Sanguine columbæ.*) Duos sanguinis columbini ad ministrandi modos proponit, unum per illinitionē, quo non proficiente, alterum subiungit per potum. Plinius, E naribus, inquit, fluētem sanguinem sistit columbinus sanguis seruatus, concretusq; & eum quidem, autore Auicenna, qui ex cerebri membranis fluit: quod Dioscorides quoq; testatur inquiens, Sanguis columbæ priuatim sanguinis ex cerebri membranis eruptiones compescit. *Tinge.*) Fronti illine. *supprimitur.*) Sistitur.

Præterea pharijs caput hic metire papyris,
Detrahe quod super est alio genitalia nocte:
Fœmineas prodest illinc uincire mamillas.

Sanguinem sistendi narium duomodi. Præterea pharijs.) Docet nunc duobus modis diuersis sanguinis profluuio ē narium mederi, & id quidē ex eadem planta sed diuersis eius partibus sumpto remedio. Primus uero modus est, uias & ductus unde sanguis fluit coartare, & hoc cum altera plantæ parte quæ interior est, & uirtutis est conglutinantis ac stipticæ, ipsam fronti & temporibus imponendo: non quidē simpliciter solam qualis est, sed aut infusam aut in cinerem cōuersam. Nam, uti Serapio autoritate Galeni capite Burdi scribit, hæc planta non administratur in medicina sola sicut est, sed postquā infunditur & comburitur: Et hæc quando infunditur cū aceto et aqua aut in uino solo incarnat uulnera recētia, maxime quando apponitur circa uulus ipsum, nisi quia secundum hunc modum est sicut materia unius medicinarum quæ sanant, & quando comburitur, conuertitur ad medicinam desiccatiuam. Verum tamen efficacior in hoc est factæ ex ea crematæ chartæ cinis, autore Dioscoride. Secundus modus est, sanguinem auertere & ad alia membra conuertere, tum ad uicina deriuando, tum ad cōtraria reuellendo, quod & natura ipsa facere solet. *Mulier*

lieri enim, inquit Hippocrates, sanguinem uomenti, men-
 ses superuenientes remedio sunt. Ad uicina deriuationē *Parocheteusis.*
 Græci parocheteusin: ad contraria reuulsionem antispas- *Antispas.*
 fin uocant. Et hanc hic nos docet Serenus. Et hæc in ijs
 quæ supra sunt omnibus, deorsum semper agitur: sursum
 in ijs quæ sunt infra, uti docet Galenus therapeuticæ lib.
 5. Curabimus itaq; sanguinis fluxum à naribus, sangui-
 nem deorsum reuellendo: & id quidem non per uenæ se-
 ctionem aut cucurbitarum appositionē, quod etiam ali-
 quando fieri solet, sed per ligaturas & compressiones do-
 lorosas factas: ut in testiculis, si mas fuerit: aut, si mulier
 sit, in mamillis, uti Mesue quoq; docet, nedum hic Sere-
 nus, qui ad hoc sumere iubet papyri librum & corticem
 ex quo funiculi fiunt. Sed quia papyro ista nos caremus,
 nihil intererit, si alterius generis funiculus accipiatur. Nā
 dolor qui ex ligatura prouenit, potior causa est quæ san-
 guinem reuellit, quo reulso, fluor etiam sistitur. *Pha-*
rijs. Aegyptijs. Pharos Aegypti olim insula fuit contra *Pharos.*
 Nili hostia, à continenti noctis dieiq; uelifico nauigij cur-
 su distans, ut Homerus prodidit: nunc continenti adia-
 cet & Alexandriæ ponte iungitur, à Cæsare dictatore de-
 ducta colonia. Cuius promontorium est petra quædam
 mari circumluta, quæ turrim habet ingentem & multis
 tabulatis excelsam & albo lapide mirifice structā eodem
 nomine quo insula. E qua nocturnis ignibus & accensis *Libro. 17.*
 facib⁹ nocturna dirigitur nauigatio: autor Strabo, Mela, *Libro. 2.*
 Plin. Solinus, Aegessippus & alij. Hic.) Scilicet in fronte. *Libro. 9. ca. 32.*
 Prius enim frontem etiam illinire iussit. *Metire.)* Hoc *Cap. 41.*
 est, ad frontis circumscriptionē & magnitudinem com- *Lib. 4. ca. 27.*
 mensurando & adæquando eidem imposito. Quæ enim
 loco alicui toto imponuntur, illa eundem æquare, me-
 tiri, & mensurare dicuntur. *Papyrus.)* Papyrus ē qua *Papyrus.*
 charta fit, & à Græcis *βύβλος* etiam dicitur, palustris plan *Byblus.*
 ta est, & ut Strabo scribit, nuda uirga, lanuginem quan-
 dam in summo habens, quæ nascitur in Aegypti lacubus

PROFLV. SANG. ET MAT.

ac paludibus: & quidem in inferioribus ipsius delta partibus permulta: in alijs uero locis, quia non colitur, non multa. Et alia quoq; deterior, alia uero melior, hieratica appellata. Nonnulli prouentum augeri cupientes, Iudæam industriam huc transtulere, quam illi in palma & maxime in Cariotica, atq; balsamo adinuenerunt. Non enim permittunt eam multis in locis nasci: quo fit ut pecuniæ precium imponentes, prouentum quidem augeant: communem uero usum atq; commoditatem uident. Hæc ille. Plinius uero, Papyrus, inquit, nascitur in palustribus Aegypti, aut quiescentibus Nili aquis: ubi euagatæ stagnant, duo cubita non excedente altitudine gurgitum. Brachiali radice obliquæ crassitudine, triangulis lateribus decem non amplius cubitorum longitudine in gracilitatem fastigiatū thyrsi modo cacumen includens. Semine nullo aut usu eius alio quàm floris ad deos coronandos. Radicibus incolæ pro ligno utuntur: nec ignis tantum gratia, sed ad alia quoq; utensilia uasorū. Ex ipso quidem papyro nauigia texunt: & e libro uela tegetes q̃p, necnon & uestem, atq; stragula ac funes. Præparantur ex eo chartæ diuise acu in prætenues sed quā latissimas phyl-luras. *Quod super est.*) Id est, partem superiorem. **ALIO.**) Hoc est, libro & cortice interiore, ex quo funes & alia texuntur & fiunt. *Genitalia.*) Hoc est, testiculos, si quidem mas fuerit cui sanguis à naribus fluit: nam in fœmina id fieri nequit. *Necte.*) Forti & dolorifica ligatura cōstringe ac comprime. *Fœminæ mamillas.*) Quemadmodum in uiris ob genitalium ligaturam & cōpressionem fortem sanguis à naribus fluens auellitur & fluor sistitur: ita etiam in mulieribus per mamillarum constrictionem eadem ratione fit idem. *Illinc.*) A parte tum naribus tum genitalibus apposita.

Menstruus immenso si profluat impete sanguis
Succida lana malos remoratur subdita cursus:
Mortua quin etiam producit corpora partu.

Sed

Sed quacunq; fluit uis immoderata cruoris,
Subereus cortex calidis potatur in undis
Ante minutatim studio uincente terendus.

Menstruus immenso.) Menstruorum fluxus, moderatus qui- *Cause fluxus*
dem, bono est, & incolume seruat corpus, nam eo ab ex- *menstruorum.*
crementis perpurgatur: quæ ut idem ægrotet, causa sunt.
Vnde talis fluxus moderatus sisti non debet. Immodicus
autem, similiter & præpeditus, morbos conficiunt: quod
& Hippocrates aphorismorum lib. 5. testatur inquit,
Si menstrua plura fiant, accidunt morbi: et si non fiant, ex
utero morbi contingunt. Causa autem ob quam plura
fiunt quàm opus sit, est orificiorum uasorum ad uterum
uenientium ultra modum apertio, aut si sanguis calidior
tenuior uel fiat, aut multitudine abundet: aut ubi totum
corpus propter malum habitum aliquæ aggrauatur san-
guine, etsi modum naturæ conuenientem sua multitudi-
ne non excedat. Verum quacunq; causa fuerit, si immo-
dicus sit fluor, ne morbi accidant, sistendus est. Quod &
Serenus præsentis loco nos docet. Cæterum dicitur san- *Sanguis men-*
guis menstruus siue purgatio mēstrua, quia singulis mēsi *struus cur*
bus fluere solet. *Impete.)* Pro impetu, per antithesin, quæ *dictus.*
literæ commutatio est. *Succida lana.)* Eisdem lanæ succi- *Lana succida.*
dæ effectus testatur etiam Plinius libro 29. cap. 2. dicens,
Succida lana imposita subditaq; mortuos partus euocat,
sistit etiam profluvia earum. *Malos cursus.)* Fluxum men-
struorum immodicum qui malo esse solet, ac morborum
causa. *Mortua corpora.)* Fœtum in utero mortuum. *Pro-*
ducit.) Educit, euocat & extrahit. *Partu.)* Per partum &
uia partus. *Sed quacunq;.)* Scilicet parte corporis. *Subereus* *Suberis cortex.*
cortex.) Plinius libro 24. cap. 4. Suberis cortex tritus ex
aqua calida & potus, sanguinem fluētem ex utralibet par-
te sistit. *Minutatim.)* In minimas & subtiles partes & pul-
uerem minutum. *Studio uincente.)* Id est cura & diligētia
superante & opera laboreq; diligenti.

Zz

Sed si forte cruor clausa cunctabitur aluo,
Pulegij calido purgatur fœmina potu,
Aut molles nepetæ, aut rutæ quæcuncq; bibentur.

*Causæ retentio-
nis menstru-
rum.* Sed si forte cruor.) Docet nunc menstruorum retentioni
mederi, idq; merito. Siquidem menstruis deficientibus
morbos fieri, iam uel ex Hippocratis autoritate patuit.
Cum itaq; retinentur, ne morbi accidant, præcauendum
est: idq; ipsa prouocando forasq; prolificiundo: quod fiet,
res causæ aduersantes administrando. Cum autem causa
sit, aut uenarum per quas ad uterum feruntur compressio
uel obstructio, adeo ut quod influit, non admittant: aut
quia sanguis est iusto frigidior aut crassior, ideo medici-
nas exhiberi oportebit quæ obstructiones adaperiant, &
quæ refrigeratum sanguinem exalfaciant, crassumq; ex-
tenuent & fluorem cieant: quales autor in textu nobis
proponit. *Clausæ aluo.*) Vtero & matrice obstructa. *Cun-
ctabitur.*) Remorabitur, & retinebitur. *Pulegij.*) Pulegiū
Pulegium. menses trahere potum simpliciter, etiam testatur Diosco-
rides. Plinius uero ex melle & aceto potum id facere pro-
dit. *Macer, Mēstrua,* inquit, deducit cum uino sumpta te-
penti. *Purgatur.*) A menstruis emundatur & alleuiatur.
Nepetæ. *Nepetæ.*) Nepetæ folia, ut Dioscorides ait, feruido sapore
& acri gustu sunt: eadem concisa & apposita menses du-
cunt. Plinius in aqua ad tertias decocta mulierum men-
struis prodesse simpliciter pronūciat. *Macer uero, Appo-
sita,* inquit, potuq; suo cito menstrua purgat. *Rutæ.*) Et
Ruta. syluestris & hortensis. Vtræq; enim uuluas aperiendo
menstruum sanguinem prolificiunt & educunt, uel Dio-
scoride testante. *Quæcuncq;.*) Hoc est, siue hortensis siue
syluestris, aut utraq; simul.

At si puniceos fundit uestica liquores,
Marrubium ē sparsis tritum perfunditur undis,
Hij poterunt haustus rutilum purgare cruorem:
Reliquias partus eadem tibi detrahet herba,

At

At si puniceos.) Tradit nunc autor remedium aduersus uri- *Vrinæ cruentæ*
nam sanguineam, docens illam, non ut alios sanguinis *causâ.*
fluxus sistere, sed purgare potius et foras propellere, ne in
uesica aliquando pars crassior subsidens in grumos aut
calculos tandem coalescat & induretur, sicq; maius ma-
lum efficiat. Agit autem non de omni cruenta urina, sed
de ea tantum quæ aut uirtutis sequestratiuæ uitio accidit,
cum scilicet in sequestrando sanguinem ab aquositate in
nutritione renum patitur defectum, aut ubi aliunde san-
guis in uesicam delabitur et cum urina foras egreditur: et
id quidem citra uesicæ aut renum uitium. *Puniceos.)* Co- *Color pu-*
lor puniceus, est qui et phœniceus & spadix & rutilus di- *niceus.*
citur. Estq; ruffi coloris species, de quibus copiose A. Gel *Rutilus.*
lius Atticarum noctium libro 2. cap. 26. Vocat itaq; Sere-
nus puniceos liquores, ipsum sanguinem qui rutilo co-
lore est. *Marrubium.)* Marrubio uis est purgans atq; de- *Marrubium.*
tergens, urinamq; prouocans. Vnde triti & aqua aspersi
extractus succus epotus uesicam à turbidis & immundis
in ea humoribus purgat et emundat. Cauendum tamen
exulceratæ uesicæ & renum uitij, uti Plinius præcipit,
hij enim nocuum est, teste Dioscoride. *Hij haustus.)* Sci-
licet succi marrubij. *Reliquias partus.)* Hoc est, menses & *Reliquiæ*
secundas quæ edito partu detinentur. *Eadem herba.)* Sci *partus.*
licet marrubium. Datur autem ad bibendū uel siccorum
foliorum & seminis ex aqua decoctum, uel uiridium fo-
liorum expressus succus. Quod autem mulieribus quæ
non purgantur menses ducat & purget, secundasq; pel-
lat, testantur etiam ultra Serenum Dioscorides, Plin. Ma-
cer, Auicēna & alij. *Detrahet.* Deducet, eijciet & expellet.

Quod si fœminei properabit sanguinis imber,
Est qui frustra molæ percussu decutit uno
Quorum aliquid lanis tectum ad præcordia nectit,
Hæc simul incantans, sisti debere cruorem,
Vt lapis ille uix solitos iam destitit orbes.

Zz 2

PROFLV. SANG. ET MAT.

Sanguis fœmi-
neus.

Quod si fœminei.) Fœmineum sanguinem uocat mulieris
menstrua, quorum nimio fluori nunc denuo & quidem
aliorum traditione docet mederi. Properabit.) Accelera-
bit & profluat. Imber.) Impetus & fluxus instar imbris
multum profluēs. Est qui.) Per hoc intelligere dat nobis,
non se, sed alios medicamenti huius superstitiosi autores
esse & adsertores. Sed quia uulgo id receptū erat tanquā
uerum & efficax remedium & cuius effectus sœpius pro-
batus fuerit, non displicuit illi idem alijs quoq; subnecte-
re: nō quod suo id adprobaret iudicio, sed aliorum solum
referret opinionem. Quid uero de hoc & alijs similibus
superstitiosis à gentilibus profectis remedijs, quorum ef-
fectus aliquādo fieri cernimus, sentiendū sit nobis Chri-
stiano nomine insignitis, aliorum esto iudicium. Mola.)

Mola.

Lapis molaris.

Lapidis molaris, scilicet ex quo molas quibus molimus
faciunt & qui molæ usum iam præstitit, Græce μύλαξ &
mylites dicitur. Verum quia ex duplici lapide constitui-
tur mola, uno inferiore qui ὄνος uocat & immobilis sem-
per iacet: altero uero superiore qui μύλος καὶ μύλη appel-
latur, & circūuoluitur & dum molitur in continuo cur-
su est, de hoc superiore ad medicum hunc effectum frustra
decutienda sunt & adfigenda adaligandaq; quod uel ex
sequentibus uerbis intelligitur, quæ sunt, Vt lapis ille uig-
solitos iam destitit orbes. Et ex hijs facile ueræ lectioni re-
stitui poterit Hesychij in lexico locus, ubi superior molæ
lapis ὄνος uocari legitur, inferior uero μύλη, cum oppositū
cōstet. Scribitur aut in dictione μύλη post alia sic, οὕτω λέ-
γεται καὶ ὁ κάτω τῆς μύλης λίθος, τὸ δ' ἄνω ὄνος, hoc est, Sic
dicitur & lapis molæ inferior, superior autem onos. Vbi
si transponuntur hæc duæ dictiones κάτω & ἄνω, uera re-
sultat lectio sic, οὕτω λέγεται καὶ ὁ ἄνω τῆς μύλης λίθος, τὸ δ' ἐ-
κάτω ὄνος id est, Sic dicitur & lapis molæ superior, inferior

Mola unde dicta
& quot signi-
ficet.

autem onos. Dicta est autem mola, quod ea quasi molæ
quadam frumentum & cæteræ res minutatim teruntur:
seu à Græca uoce μύλος, ut aliqui uolunt, Aliquādo tamē
mola

mola dicitur far tostum & sale conspersum, quo in sacrificijs olim utebātur. Plinius, Mola tantum salsa litant, qui non habent thura. Est item & in muliebri utero mala affectio dicta mola, ubi scilicet caro informis & inanima præter naturam in utero generatur, à Græcis *μυλόσαρξ* dicitur. Hesychius, *μυλόσαρξ*, ἢ καὶ κυφοροῦσα ἀντ' ἐμῶν φέρουσι. Vno.) Vnico, non pluribus. Et in hoc iam superstitio se manifestat. Hæc.) Sequentia incantamēta & carmina. Simul.) Scilicet cum appensione & dum appenditur in lana inuolutum. *Incantans.*) Incantare, est uerbis solis uel etiam rebus quibusdā adiunctis, supra naturam aliquid moliri, ut serpentes contrectare, hostia sine clauibus aperire, amorem sibi conciliare, morbos curare, & alia id genus deliramentorū contra naturā facere. Quod stultitiæ genus mirum est profecto ita hominum mentes occupasse, ut uiri etiam insignes & uulgi ipsum, etiam in religione Christiana, nedum gentiles, id uerum esse & talia efficere posse sibi persuaferint. An autem homini in medendo aliqua uis sit uerborum: & an id agere bonum sit aut malum, aliorum iudicio discutiendum relinquo, paucis tantum Plinij libro 28. capite 2. uerbis relatis, quæ sunt hæc: Ex homine remediorum primū maximæ quæstionis & semper incertæ est: Valeant ne aliquid uerba & incantamenta carminum. Quod si uerum est, homini acceptum fieri oportere conueniet. Sed uiritim sapientissimi cuiusq; respuit fides. In uniuersum uero omnib⁹ horis hominis credit uita, nec sentit. Et post multa deliramentorū exempla sic finit: Sed in prodendo obstat ingens uerecūdia in tanta animorū uarietate. Quapropter de hijs ut libitū cuiq; fuerit opinetur. Hæc Plinius. Ab incanto dicitur incantatio & incantamentum, pro quibus etiam carmina aliquando usurpantur. Vergilius, Ducite ab urbe domum mea carmina, ducite Daphnin. Et Plin. Carmina quedam extant contra grandines, contraq; morborum genera. Cæterum uerbo incantare contrarium est.

*Incantare.**Incantatio.**Incantamentū.**Carmina.*

Z. z 3

Excantare.
Recantare.

INTERNEC. QVAE. OC.

excantare, quod est, rem incantatam alio carmine libera-
re, quod & recantare aliquando dicitur. Plinius, Quin-
etiam & legum ipsarum in tabulis uerba sunt, Qui fru-
ges excantasset. Et alibi, Qui malum carmen incantasset.
Idem, Non pauci & serpentes ipsos recantari putant,
Cruorem.) Sanguinem menstruum. viz.) Qua rotaba-
tur & uolebatur. Orbes.) Gyros, circumactus & reuo-
lutionum cursus. Destitit.) Dereliquit, cessauit.

INTERNECANDIS QVAE OCVLOS IMPEDIUNT.

CAPVT XXXIIII.

MOBILIS hirsutas horret lasciuiā setas
Et gaudet raptō nudari flore pilorum:
Sed bona nonnunquam uellendi causa uidetur,
Corpora cum releuat ratio manifesta salutis,
Nanq; oculos infesta pilorum tela laceffunt,
Quodq; illis dederat uallum natura tuendis,
Inde inimica seges proprios defauit in orbes.

Duplex causa
pilorum palpe-
brarum oculos
irritantium.



INTERNECANDIS.) Interimendis, in-
tercipiendis & euellendis, nec nō euulsis ne re-
nascātur cohibēdis. *Que oculos impediunt.*) Hoc
est, palpebrarum pilis oculos uel prolixa acutie
sua uel incuruatiōe infestātibus & laceffentibus, quos ob
salutis commodū euellere, et ne renascantur efficere, prae-
senti docemur capite. Solent autem duabus de causis ocu-
los irritare qui in palpebris sunt pili. Aliquando enim pi-
li naturales ad oculos conuertuntur, et hoc ubi palpebrae
superioris summa cutis relaxata procidit, non simul re-
mittente se cartilagine. Aliquando uero sub ordine natu-
rali pilorum alius ordo praeter naturam succrescit, qui pro-

protinus intus ad oculum tendens punit: cuiusmodi af-
fectio dystrichiasis appellatur, de qua nūc agit Sere. prio- *Dystrichiasis.*
rem curare docet Celsus lib. 7. *Mobilis.*) Quia continuo
mouetur. *Hirsutas setas.*) Pilos hirsutos, præduros & acu *Setas.*
tos instar setarū, Setæ enim pili sunt crassiores, rigidi atq; *Pili.*
erecti, quales suum, Pilus uero generale nomen est. At ca *Capilla.*
pillus proprie capitis crinis est, quamuis etiam ad alios
corporis pilos transferatur. *Horret.*) Abhorret, propte-
rea quod oculos pungunt & laceſſunt. *Lasciuia.*) Petu-
lantia, & luxuries ob ſecunditatem eorū. *Gaudet.*) Ob
ſalutis commodum quod inde ſequitur. *Nudari.*) Priua-
ri & euelli. *Rapto flore pilorum.*) Piliſ radicitus euulſis. Vo *Flos pilorum.*
cat autem pilorum ſorem, eorum radicem & originem,
quæ albi quid oſtentat & ſloris rationem obtinet, à quo
pilus tanquam fructus progreditur & excreſcit. *Corpora Pilorum palpe-*
releuat.) Oculos ab infeſtatione & punſione liberat. *In-* *brarum munus.*
ſeſta tela.) Inimicæ pilorum acuties oculos infeſtantes &
pungentes. *illis uallum.*) Id eſt, munimentum. Pilorum
munus potiſſimum à natura datum eſt, ut oculos ab ex-
trinſecus occuſantibus rebus præualide tueantur & de-
ſendant, à quo cum degenerant & nocumento ſunt, pro-
tinus euelli et ne renaſcantur præpediri debeāt. *Inde.*) Ex
eo loco ſcilicet palpebrarum. *Inimica ſeges.*) Pilorum in-
ſtar ſegetis ſuccretio multa & aduerſa noxiāq; *Proprios or-*
bes.) Hoc eſt, oculos rotundos & orbiculatos, ad quo-
rum tuiſionē à natura ordinati erāt. In alio codice ſcripto
legitur, ualidos, id eſt ſanos.

Ergo locum crinīs uulſi continge cruore
Quem dat atris tremulis ſimulat quæ pellibus alas.
Præterea quaſcunq; uoles auertere ſetas
Atq; in perpetuum rediuiua obcludere tela,
Corporibus uulſis ſaniem perfundito ranæ,
Sed quæ parua ſitu eſt & rauco garrula queſtu.
Nec non quæ ſtagnis ceſſantibus hæſit hîrudo

INTERNEC. QVAE. OC.

Sumitur, & uiuens Samia torretur in olla,
Hæc acidis ungit permixta liquoribus artus,
Auulsamq; uetat rursus procrefcere syluam.

Pfilotra.

Ergo.) Propter nocumentū auferendum & salutem pro-
mouendam. Ponit autem nunc pfilotra, hoc est depilato-
ria medicamenta, & quæ pilos renasci non sinant. *Crinis*
uulsi.) In omni enim pfilotra uellendi prius sunt pili, uti
libro 32. cap. 6. præcipit Plin. *Continge.*) Illine, inunge.

Vespertilio.

Cruore auis trem.) Hoc est, sanguine uespertilionis, quæ
nocturna auis est, sine pulmis tamen: sic dicta, quod ue-
spertino uolatu se proferat. Ouidius Metamorphoseon
libro 4. Tecta q; non syluas celebrant: lucemq; perosa,

*Sanguis uesper-
tilionis.*

Nocte uolant: seroq; tenent à uespere nomē. Harum san-
guis inunctus pilos euulsos renasci non finit. Vnde Ab-
inzoar libro 1. Theizir ait, Et semper post extirpationē
unge locū cum sanguine uespertilionis. Et mox post: Ex-
tirpare pilos & radicitus ipsos euellere, & desuper san-
guinem uespertilionis, sicut diximus, ponere: cura lau-
dabilis ualde existit. Quamuis Auicenna Canonis lib. 2.
dicat hoc non esse uerum. *Tremulis pellibus.*) Mobilibus
& trementibus membranis. Nam plumis caret, quapro-
pter potius biforme uolucres animal dicendū esset quàm
auis, cum auiū sit habere plumas & pennas. *Simulat alas.*)
Hoc est, alas imitatur & repræsentat, alarum enim formā
habent, sed plumis caret quæ ad alarum constitutionem
pertinent. *Setas.*) Pilos palpebrarum. *Rediuiua tela.*) Pi-
los renascituros. *Occludere.*) Obstruere & ne renascan-
tur præpedire. *Corporibus uulsi.*) Id est loco unde euulsi sūt
pili. *Saniem.*) Per saniem autor hic non pus intelligit,

Sanies.

ἰχθῶρ.

sed succum & humorē cruentum siue sanguineum, imò
sanguinē ipsum siue purus siue alijs humoribus mixtus
is fuerit, quiq; à Græcis ἰχθῶρ dicitur, sic ipsis appellanti-
bus in cæde & uulnere primam sanguinis à sua natura &
integritate declinationem. Plinius saniem etiā uocat. Cel-
sus uero sanguinem, *Persundito.*) Fundendo inungito
&

& illinito. *Ranæ quæ parua.*) Quam hic Serenus certis no-
tis paruitate & coaxatione deligendam nobis proponit *Ranarum san-*
ranam, eam coloris uiriditate designat & cōmendat Dio *guis.*
scorides medicinalis syluæ libro 2. cap. de ranis inquit,
Prohibet renasci euulsos palpebrarum pilios uiridiū ra-
narum instillatus sanguis. Et capite de sanguine, Credun-
tur, ait, depilari oculorum palpebræ uiridium ranarum
sanguine inunctæ. Et ad hoc maxime idoneæ sunt aqua-
tiles & coaxatrices, ut quæ minus noxiæ sint: quamuis
Plinius effectum hunc terrestrium quibusdam & mutis
etiam, idq; tum per se tum alijs rebus adiunctis contri-
buat. Libro enim naturalis historiæ 32. cap. 4. sic scriptum
reliquit: Ranæ quas diphthitas & calamitas uocant, san-
guis earum cum lachryma uicis, si euulso pilo palpebris
illinatur, euulsos pilos cohibet. Et paulo post: Est parua
rana in harundinetis et herbis maxie uiuēs, muta ac sine
uoce, uiridis, si forte hauriatur, uentres bouum distendēs.
Et paucis interiectis, Ranas 15. ait, coniectas in fictili no-
uo iuncis configunt quidam, succum earum qui ita efflu-
xerit admiscunt lachrymæ quæ ex alba uite emanat, atq;
ita palpebras emendant inutilibus pilis exemptis acu in-
stillantes hunc succum in uestigia euulforum. Meges psi-
lotrum palpebrarum faciebat in aceto enecans putrescen-
tes, & hoc utebatur in multis uarijsq; per aquationes
auctumni nascentibus. Et postea ad caput hoc se referens
capite 6. Ranæ parua, inquit, quam in oculorum curatio-
ne descripsimus, sanies efficacissime psilotrū est, si recens
illinatur. Et ipsa arefacta ac tusa, mox decocta tribus he-
minis ad tertias: uel in oleo decocta greis uasis. Eadē men-
sura alij ex 15. ranis conficiunt psilotrum, sicut in oculis
diximus. Hæc Plin. Ex dictis manifesto patet non unum
esse ranarum genus. Aliæ enim aquatiles sunt: quarum
quædam marinæ, quædam uero fluuiatiles sunt, & non-
nullæ palustres aquas incolētes. Alię uero terrestres sunt:
quarum quædam in uepribus tantum uiuunt, ob idq; ru-

*Ranarum ge-
nera.*

INTERNEC. QVAE OC.

betæ dictæ à rubis, Græci phrinos uocant, grandissimæ
omnium, geminis ueluti cornibus, plenæ ueneficio-
rum. Quædam inter harundines ac frutices uiuunt, ob
quod calamitæ à calamis uocantur, minimæ omnium ac
uiridissimæ: mutæ item & sine uoce, à quibusdam diph-
thitæ appellatæ. Et ultra iam dictas sunt aliæ paræ arbo-
res scandētes. *Situ.*) Positu, mole & corpore. *Rauco gar-
rula questu.*) Coaxatrix & uoce querulante rauca. Ouidius
Metamorphoseon libro 6. ubi Lyciorum rusticorum in
ranas transformationem fabulatur: Turpes litibus exer-
cent linguas, pulsoq; pudore, Quamuis sint sub aqua,
sub aqua maledicere tentant. Vox quoq; iam rauca est, in-
flataq; colla tumescunt: Ipsaq; dilatant patulos conuicia
rictus. *Necnon.*) Item, insuper. *Stagnis cessantibus.*) A-
quis palustribus stantibus & quiescentibus, in quibus hi-
rudines communiter uiuunt. Stagnum est aqua stans, sic
dicta à stando. *Hæsit.*) In hæsit & latuit. *Hirudo.*) Hiru-
do uermis est, qui & sanguisuga uocatur. Cuius in fictili
uase et nouo quidē tostæ cinis ex aceto illitus pilotrum
est & euulsos pilos renasci non finit, autore etiam Plinio
libro 32. cap. 4. & 6. *Samia olla.*) Vase fictili è Samia terra
fictio: quamuis nihil referet si è quocunq; luto confictum
fuerit in quo torrebatur: unde Plinius simpliciter no-
num fictile uas accipit. Dicitur autem Samia olla, quod
è Samia terra, à Samo insula sic dicta, sit constructa: de
qua Dioscorides libro 5. & Plinius libro 35. cap. 16. *Tor-
retur.*) Combuitur & incineratur. *Acidis liq.*) Hoc est,
aceto. *Vngit artus.*) Membris & palpebris unde euulsi
sunt pili illinitur. *Syluam.*) Pilorum copiam præter na-
turam succrescentem, quam prius segetem dixit.

Stagnum.
Hirudo.
Sanguisuga.

OMNIBVS OBSCOENIS

MEDENDIS.

CAPVT XXXV.

Di-

Dicendū & quæ sit membrīs medicina pudendis.
 Languidus antiquo purgatur penis laccho,
 Ac super illinitur fœcundæ felle capellæ.
 Mane nouo myrti frondes quoq; mandere prodest
 Cui dolet atq; illas in uulnus despuat ipsum.
 Fece etiam uinī genitalia lauta leuantur.
 Et tumidos testes Nereia lymp̃ha coercet,
 Vel bulbi ex mulso, uel cera immixta cupresso,
 Aut faba cum tepidis Bacchi decocta fluentis.



B S C O E N I S .) Partes corporis obscenas *Partes corpo-*
 uocat, quas alio nomine genitalia appellamus *ris obscenæ.*
 siue pudenda & naturalia, uerendaq;: ceu sunt *Genitalia, pu-*
 in muliere natura muliebris siue cunnus: in ui *denda, natura-*
 ris uero penis & testes: at in utrisq; inguina & pubes pars *lia, uerenda.*
 ea qua pili inhorrescunt. *Languidus.*) Infirmus & ulcere *Natura mulie-*
 infectus. *Antiquo laccho.*) Vino uetusto, quod ulceribus *bris, cunnus.*
 & malignis quidem, si eo foueantur et eluantur, mederi, *Penis, testes.*
 testis est etiam Dioscorides & Celsus: à pure enim & in- *Inguina, pubes.*
 fluentibus humoribus illa purgat & emundat, præsertim *Vinū antiquū.*
 si humida sunt & leuis humor est, qui ulceri influit. Gale-
 nus item therapeuticæ libro 3. Vinum omnis ulceris qua
 ulcus est, optimum esse medicamentum testatur. *Penis.) Penis, coles,*
 Penis uirile membrum est, quod alio nomine coles dici- *mentula, muto,*
 tur & mentula, muto, fascinum, uerpa, natura, et aliquan *fascinū, uerpa,*
 do simpliciter membrum. Cuius pars summa quæ pelle *natura, mem-*
 tegitur, ob similitudinem glans dicitur, Græci balanon *brum.*
 uocant: tegumētum uero & pellis qua glans tegitur, præ *Glans, balanā.*
 putium appellatur. *Felle capelle.)* Hoc enim inter alia me *Præputium.*
 diæ est efficacix: qua solum ab alijs differt, misceturq; ut *Fel caprinum.*
 alia uulnerarijs emplastris: ulceribus purgandis et curan-
 dis accommodum. *Mane nouo.)* Tempore matutino, no-
 uo exoriente sole, uentriculo ieiuno atq; à cibo uacuo: sa-
 liua enim hominis ieiuni masticatis folijs nonnullam de

OMNIBVS OBSCOENIS.

Myrtus.

tergendi ac sanandi uim addit. *Myrti frondes.*) Folia myr-
ti præsertim satiuæ nigræ, quæ medicinæ utilior est, & cu-
ius folia, humētia purgant ulcera, tumoresq; reprimūt,
autore Plinio & Dioscoride. Dico autē humētia, ut quæ
non sint sordida: nam ubi sordes ulceribus adessent, tunc
illas adstringens medicamentum potius arctius affigeret
quàm ut facile posset absolui, autore Galeno therapeu-
ticæ lib. 3. *Mandere.*) Mandere proprie est dentibus com-
molire & masticare. *Fece uini.*) Et hoc maxime ubi tumo-
res sunt, hos enim cruda sex tum per se tum cum myrto
reprimat ac discutit, destillationesq; imposita compescit,
autore Dioscoride. Et Plinius libro 23. cap. 2. Medetur, in-
quit, illita & testibus & genitalibus. *Lauta.*) Lota & ab-
luta. *Tumidos testes.*) Hoc est, testiuū tumores & abscessus.

Mandere.
Fece uini.

**Testes, testicu-
li, colei, dydimi**

Sunt autem testes pudendorum pars à cole dependens,
unde & colei uocantur, & forma diminutiua testiculi. Ga-
lenus didimos uocat: quamuis aliqui seminaria uasa eo
nomine intelligant: quidam uero panniculum qui du-
plici sinu testiculos continet, seperans eos ab inuicem, ne
uno læso alteri quoq; communicetur nocumentum. At
testiculos interiacens portio & in sedem daetylion desi-
nens perineon appellatur. Sed de testiculis & ipsius loci
natura, quæ Celsus medicinæ libro 7. tradit, haud abs re
fuerit subiungere. Inquit autem: Testiculi simile quiddam
medullis habent. Nam sanguinem non emittunt, & om-
ni sensu carent. Dolent autem in ictibus & inflammatio-
nibus tunicæ, quibus hij continentur: dependent uero
ab inguinibus per singulos neruos, quos cremasteras
Græci nominant: cum quorum utroq; binæ descendunt
& uenæ & arteriæ. Hæ autem tunica conteguntur te-
nui, neruosa, sine sanguine, alba: quæ erytroides à Græ-
cis nominatur, super eam ualentior tunica est quæ inte-
riori uehementer ima parte inheret: darton Græci uocāt.
Multæ deinde membranulæ uenas et arterias, eosq; ner-
uos comprehendunt, atque inter duas quoque tunicas

Daetylion.
Perineon.

Testiculi.

**Nerui crema-
steres.**

Epurpoëdis.

ab inguinibus per singulos neruos, quos cremasteras
Græci nominant: cum quorum utroq; binæ descendunt
& uenæ & arteriæ. Hæ autem tunica conteguntur te-
nui, neruosa, sine sanguine, alba: quæ erytroides à Græ-
cis nominatur, super eam ualentior tunica est quæ inte-
riori uehementer ima parte inheret: darton Græci uocāt.
Multæ deinde membranulæ uenas et arterias, eosq; ner-
uos comprehendunt, atque inter duas quoque tunicas

supe

superioribus partibus leues paruulæq; sunt. Hactenus propria utriq; testiculo & uelamenta & auxilia sunt. Hæc Celsus. *Nereia lymphæ.*) Hoc est, aqua marina, sic dicta *Nereia lymphæ.* aut à maris deo Nereo, aut à filiabus eius & maris nymphis Nereidibus. Quæ aqua marina, quantum ad uires *Aqua marina.* eius attinet, discussoriam uim habet, ceu Dioscorides testatur inquiēs, Vtilis est emplastris & malagmatis quæ discutiendo sunt. Sed quod Sereni sententiam magis confirmat Plinius medicorum autoritate libr. 31. cap. 6. inquit: Aquam maris per sese efficaciorē discutiendis tumoribus putant medici. Et paulo post hæc ait: Testium tumori fouendo non aliud præferunt. *Coercet.*) Comprimit, scilicet discutiendo. *Bulbi ex mulso.*) Bulbi siccant & discutiunt, quæadmodum et aqua marina iam dicta. Mulsum uero ultra hæc lenit & dolorem mitigat. Sed quod ad medicamenti huius confirmationem attinet, sic refert Plinius in historia naturæ libro 20. cap. 9. Bulbi uulneribus mire profunt per se, aut, ut Damion, ex mulso, si quinto die soluantur: ipsæ & testium pituitas curat. *Cera mixta cupresso.*) Plinius libr. 24. cap. 5. Cupressi folia testium tumori cum cerato illinuntur. Et paulo post: Tumores discutit. Celsus libro 6. Cupresso tritici farinam ex mulsa coctam iungit. Cupressus, autore Dioscoride, refrigerat, siccatur & adstringit, quapropter humorum influxiones & inflammationes ardoresq; compescit. Adhæc inest ei, Serapione ex Galeni autoritate referente, acuitas quoq; ad profundum penetrare faciens, sine tamen calefactione, propter quam etiam siccatur & discutit. Cera uero calefaciendi uim habens mediocriter mollit & cupressi frigus contemperat: estq; ad excipienda retinendaq; medicamenta ceratorum materia. *Faba.*) Quam autor ex uino, eam Celsus libro sexto, ex mulso coctam cum cumino trito ex melle cocto imponi iubet fabam. Cuius uirtus secundum medicinam, uti Serapio autoritate Galeni scribit, infrigidat temperate, & deficcatur deficcatio

OMNIBVS OBSCOENIS.

ne sine nōcumēto, & uirtus secunda abstergit. Vnde Auerrois ait, Faba parum declinat ad calorem, & propterea uim habet dissoluendi apostemata propter suam abstersionem, præsertim si ex uino decocta imponatur: & quidem hijs etiam quæ in testiculis & pudendis oriuntur, nedum alijs. Vnde Dioscorides libro 2. ait, Faba sanat in uino cocta testium inflamationes. Et Plinius libr. 22. cap. 25. In uino decocta ad testium tumores & genitalium imponitur. Quod & Auicenna comprobat dicens, Fit ex ea emplastrum cum uino super apostemata testiculi. Et eius sorbitio confert apostemati testiculorū proprie decoctæ cum uino. *Bacchi fluentis.*) Hoc est, humore uini & uino ipso. *Fluentū* parū flumen dicitur proprie: & quia humidum est ut aqueum, hinc pro humore accipitur: & illius quidem cui iungitur rei.

Fluentum.

Ramicis immensum fertur cohibere tumorem
Far madidum lymphis ferali à fronde cupressi,
Vnde etiam potu frons hæc memoratur amica.

Ramex.
Hernia.
Κήλη.

Ramicis.) *Ramex* scroti & oschei affectio est, quemadmodum & hernia, quam Græci κήλη uocant. Sunt aut uarię scroti affectiones, quas Græci singulas proprijs nominibus appellant. Latini ueteres alias quidem hernias, alias uero ramices: recentiores autem omnes herniæ nomine designant, singulis tamen discretionis causa discerniculum addentes, ceu Græci suo κήλη: hanc intestinalem, illam zirbalem, aliam carnosam, & alijs nominibus appellantes herniam. Porro quę de scroto et affectionibus eius scribit libr. 7. capite 19. Celsus, subiungam. Inquit autem, Cōmunis utriq; testiculorum omnibusq; interioribus sinus est, qui iam conspicitur à nobis, *Oscheon* Græci, scrotum nostri uocant: isq; ab ima parte medijs tunicis leuiter innexus est, à superiore tantum circūdatus est. Sub hoc igitur plura uitia esse consueuerunt: quæ modo ruptis tunicis quæ ab inguinibus incipiunt: modo hijs in-

Oscheon.
Scrotum.

regrio

tegris fiunt. Siquidem si pondere rupta fuerit tunica, quæ *Hernia*.
 diducere ab inferioribus partibus intestina debuit, tum *Enteroccele*.
 eo deuoluitur aut omentum, aut intestinum, Græci enterocelē *Epiploccele*.
 & epiplocelen uocāt, apud nos indecorum, sed comune
 hijs herniæ nomē est. Integris uero mēbranis interdum *Hernia*.
 eam partē humor dstringit: atq; eius quoq; species duæ
 sunt. Nā uel inter tunicas is increfcit, uel in membranis
 quæ ibi circa uenas & arterias sunt, ubi hæc grauata occa
 luerūt. Græci cōmuni nomine quicquid est hydrocelen *Hydrocele*.
 appellāt: nostri, ut scilicet nullis discriminibus satis cogni
 tis, hæc quoq; sub eodē nomine quo priora habēt. Præter
 hæc æque integris tunicis ramexinnascitur, Cirsocele *Ramex*.
 Græci appellāt, uenæ intumescunt: hæc quoq; intortē & *Cirsocele*.
 conglomerata ad superiorem partem, uel ipsum scrotū
 implent, uel mediam tunicam, uel imam: interdum etiam
 sub ima tunica circa ipsum testiculum neruumq; eius in
 crefcunt. Raro sed aliquādo caro quoq; inter tunicas in
 crefcit, sarcocelen Græci uocant. Interdū etiam ex inflam
 matione tumet ipse testiculus, ac febres quoq; adfert, &
 dolor ad inguina atq; ilia peruenit, partesq; hæc intume
 scunt: neruus ex quo testiculus dependet, plenior fit, fi
 mulq; indurefcit. Super hæc, inguē quoq; nonnunquā
 uarices implēt, bubonocelen appellant. Hactenus ex Cel
 so. Quibus id tantū addere placet, quod à ramice dicun
 tur ramicosi, quemadmodum ab hernia herniosi: qui *Bubonoccele*.
 Græce κηλητω uocantur. Hernia uero dicitur à duricie *Ramicosi*.
 pellis quæ fit post intestinorū descensum, Hernium enim κηλητω.
 durum dicitur & asperum. Vergilius, Hernia saxa. Far à *Herniura*.
 fronde cupressi.) Farina & puluis foliorum cupressi, Plini
 us etiam cupressi tum folia trita & imposita & bibita tum
 pilulas eius, ramici prodesse tradit. *Madidū lymphis*.) Hoc *Cupressus fera*
 est, aqua solutum & temperatum. *Ferali*.) Dira, atra, lis & Diti
 funesta, & ut Horatius eam uocat, inuisa. Diti enim sa
 cra est, ut Plin. tradit, cupressus: & ideo ne quisquam per
 ignorātiā ingrederetur atq; pollueretur, funebri signo

OMNIBVS OBSCOENIS.

ad domos ponebatur. Hinc Ouidius Metamorphoseon libro 10. ubi Cyparissum Thelephi filium in hanc arbo- rem conuersum fabulatur, Lugebisq; alios, aderisq; do- lentibus, inquit.

Sin autem existit durum tibi glandibus inguen,
Proderit induci cochleas cum melle minutas.
Obscœnos si pone locos noua uelnera carpent,
Horrentum mansa curantur fronde ruborum.

Choerades. Durum glandibus inguen.) Intelligit duricies & induratos cir-
Bubones. ca inguina tumores, quales sunt quos Græci choeradas
Strumæ. uocant & bubona, Latini strumas & glandulas, quæ &
Glandulæ. glandia dicuntur, & à Græcis etiam adenes uocantur. Sunt
Glandia. autem, autore Galeno, cōuolutæ in seipsam carnis, duræ
Adenes. concretionēs. Quæ eodem modo quo reliqui corporis
Inguen. duricies discutiuntur atq; sanantur. *Inguen.*) Inguen pu-
dendorum pars est circa femora supra ferotum & infra
Cochleæ ex peritoneon sita. *Induci.*) Imponi & illini. *Cochleas cum mel-*
melle. *le.*) Idem tradit Plinius dicens, Inguinum tumorem co-
chleæ minutæ cum melle illitæ, leniunt. Et hoc ui sua de-
siccante atq; discutiente. *Pone.*) Id est, prope, iuxta & cir-
Rubi. ca loca ipsa obscœna. *Noua uulnera.*) Recens orta ulcera &
non sordida. *Carpent.*) Arripient & illic oriantur. *Hor-*
rentum ruborum.) Asperorum & acutorum. Spinas enim
habent & aculeos. Plura illorum genera, de quibus dictū
est supra. Omnes siccandi uim habent & adstringendi,
suntq; genitalium ulceribus accommodatissimi, præser-
tim ubi sordida non fuerint ulcera: sed, ut inquit, noua,
per quod & sordes excludit: quas ubi adessent, adstrin-
gens medicamentū potius arctius affigeret quàm ut fa-
cile posset absolui, autore Galeno. *Mansa fronde.*) Folij
masticatis & sic impositis, ceu dictum est de folijs myrti.

At si iam ueteri succedit fistula morbo,
Mustelæ cinere immisso sanabitur ulcus,
Sanguine uel ricini quem bos gestauerit ante.

Herba

Herba chelidoniæ fertur cum melle mederi.

Herbaq; cum seuo folijs de mille uocata.

At si iam uet. succ. fist. morbo.) Hoc est, ubi ulcera iam inuete- *Fistula.*

rata sunt & in fistulam abierunt. Solet enim tum ex ab-
scissibus tum ex ulceribus nonnunquã oriri fistula, quæ
nil aliud est quàm ulcus altum, angustū et callosum. Sunt
autem fistularum plura genera, de quibus copiose Cel-
sus medicinæ libro 5. *Mustelæ cinere.*) Quod Serenus de

Mustelæ cinis.

totius mustelæ cinere hic prodit, uidelicet, quod fistulas
purgando & excrementa duriciasq; erodendo sanet: id
de fimi tantum animalis illius cinere scribit Plinius nat.
hist. libro 30. cap. 3. quasi ad finem. *Sang. ricini.*) Ricinus *Ricinus & san-*
animal est & insectum scedissimum, Græci κρότωνα uocāt: *guis eius.*
quod animalibus tum alijs tū bubus & canibus sine mo-
tu inhæret cum semel infederit, illa acrius infestans & ex-
crucians. Cui uni, ut Plinius nat. historię lib. 30. cap. 3. re-
fert: nullus est exitus saginæ, nec finis alia quàm morte,
diutius in fame uiuenti. Septenis ita diebus durasse tra-
dunt. At in satietate paucioribus dehiscere. Est autem nul-
lis discretis membris, in globum continue crescens, do-
nec suctu plenum post aliquot dies sua sponte decidat. Et
hoc est animal & insectum illud de quo Plinius libro 11.
cap. 34. sic quoq; scribit: Est animal eiusdem temporis in
fixo semper sanguini capite uiuens, atq; ita intumescens:
unum animalium cui cibi non sit exitus, cum nimia de-
hiscit satietate alimento ipso moriens. Nunquam in iu-
mentis gignitur, in bubus frequens, in canibus aliquan-
do, in quibus omnia. In ouibus & in capris hoc solum.

Chelidonia.) Sordes enim exterit, præsertim si cum melle *Chelidonia.*
imponitur. Mel etenim, autore Dioscoride, exterit & hu- *Mel.*
mores in summum proritat: quare & sordidis ulceribus
et sinibus utiliter infunditur, solutasq; cõrinitates con-
glutinat & sanat. Chelidonia quoq; ut Plinius libro 26.
cap. 4. tradit, siccantur ulcera, adeo, ut etiam pro spodio

bb

ISCHIAE ET ART. MORBO.

Millefolium. utantur: eadem iam desperatis cum axungia imponitur. *Herba folijs de mille uoc.*) Hoc est, millefolium herba, quæ & Veneris superciliū appellatur, Græci myriophyllon uocant, à foliorum multitudine sic dicta. Singularis, ut Dioscorides libro 4. testatur, coliculus est, tener, singulari radice: circa quem cum leuore numerosa folia sunt, fœniculo similia, à quibus nomē inuenit. Habet caulis ruborem aliquem. Per totum dēsus est & ueluti arte expolitus. Nā scitur in palustribus, magnifici, uti Plinius libro 24. cap. 16. ait, ad uulnera usus. Nam, ut Apuleius tradit, millefolium cum axungia pisata & imposita uulnera purgat et sanat. *Adeps. suillus.* *Seuo.*) Adipe, præsertim suillo salso & inueterato, exq̃ uino loto. Talis enim, uti ex Dioscoride libro 2. & Plinio libro 28. colligitur, utilior est, contraq̃ tumores, inflammationes, & fistulas prodest: purgat etenim ac discutit & sanat.

ISCHIAE ET ARTICVLARI MORBO.

CAPVT XXXVI.

SAEPIVS occultus uicta coxendice morbus:
Perfurit, & gressus diro languore moratur,
Populus alba dabit medicos de cortice potus,
Nec non & teneræ gracili cum fronde genistæ.
Arreptos caules acidoq̃ liquore madentes
Sumere conueniet, rubiam quoq̃ ducere potus,
Aut ex Bithyno cochleas haurire lyco.

Ischias.



ISCHIAE.) Ischias coxendicum morbus & dolor est longus atq̃ diuturnus, qui non facile soluitur, & per interualla temporis repetit, à coxendice ad femora, poplites, suras & imos talos

ali

aliquando pertingens, uti Galenus scribit, & idem Paulus Aegineta confirmat, eundem à natibus et inguinibus usq; ad genua & in pluribus usq; ad extremos pedes pertinere dicens. Neq; ab articulari dolore differt nisi quod humor ipse in sola eius ossis uersura & articulo gignitur. Vocaturq; morbus & ischiacus & ischiadicus, coxendicusq;. Vulgus corrupto uocabulo sciaticam uocat. (Articulari morbo.) Morbus articularis est quem Græci ἀρθρίτις uocant, ἀρθρα enim articuli sunt. Est autem, uti Galenus describit, inflammatio quæ circa articulos coit permanens: maleq; affectis nervis uehementissimos afferens dolores. Huius species sunt, ischias, podagra, chiragra & similes, qui locis tantum distinguuntur, causis uero iidem sunt morbi, ut qui ex crasso pituitosoq; humore cui aliquanta bilis permixta sit, gignuntur, nervosq; afficiunt quibus necantur motumq; habent articuli: semperq; aut omnes aut plurimos infestat articulos arthritidis. Vnde Serenus etiam ait, Si uero articulos tabes inimica per omnes hæserit. (Occultus.) Absconditus & in imò hærens propter carniū illic altitudinem. (Coxendice.) Coxendix coxarum uertebrium dicitur, Græci ischion uocant: quam uis iisdem nervus etiam quo colligatio fit atq; commissura ischion dicatur: et, ut Pollux tradit, partes carnosæ post lumbos utrinq; eminentes ischia appellantur. Coxendicem Nonius coxam exponit, cum hæc tota ad genu pertendat. Accipitur etiam aliquando pro dolore ipso coxendix. Os uero concavum cui uertebrium inuoluitur Græce cotyle, Latine acetabulū uocatur. Plinius, Ossa ex acetabulis, qua coxendices uertuntur. (Gressus moratur.) Ambulationem præpedit et ingredi non sinit propter languorem & dolorem cruciatumq; uehementem. (Populus alba.) Duplex est populus: alba et nigra: De alba idem Serenus testatur Plinius libr. 24. cap. 3. dicens: Populi albæ cortex potus ischiadicis prodest: idq;, ut Dioscorides tradit, uncie unius pondere, Medicos.) Id est, salubres & auxilium

Morbus ischiacus, ischiadicus, coxendicus.

Morbus articularis. ἀρθρίτις.

Coxendix. Ischion.

Coxa.

Cotyle.

Acetabulum.

Populi albæ cortex.

ISCHIAE ET ART. MORBO.

Genista.

præstātes, dolorēq̃ mitigātes. *Genista.*) Quid sit genista, dictum est supra. Hęc pituitā tū per superna tū per inferna egregie purgat, unde & ischiadicis confert cyathi unius pondere à ieiuno potus succus. Plin. lib. 24. cap. 9. Ramis, inquit, similiter fronde in aceto maceratis pluribus diebus & rufis succum dant ischiadicis utilem cyathi unius potu. Quidam marina aqua macerare malunt & infundere clystere. Perunguntur eodem succo ischiadici addito oleo. Dioscorides libro 4. ex aqua marina maceratis uirgis succum exhibet ieiunis. *Caules.*) Virgas & ramulos cum folijs. *Acidoliquore.*) Aceto, hoc enim inflammatio

Acetum.

nes compescit & aliarum medicinarum uim ad ima penetrare facit, qua re maxime opus est in hoc morbo, in profundo enim situs est. *Rubiam.*) Rubia quę Gręce erithrodanus et ereuthedanus uocatur, herba est cuius radix tingendo est, unde & nomen tum apud Latinos tum apud Gręcos à rubore quo lanę tinguntur pellesq̃ perficiuntur, inuenit. Vrinam cit, ob quam causam, ut Dioscorides libro 3. prodit, ictericis cum mulsā aqua utiliter bibitur, ischiadicis q̃. Sed bibentes lauari oportet quotidie in balneo. Hinc libro 24. cap. 11. Plinius ait, Rubia ischiadicos sanat ita ut bibentes lauentur quotidie. *Ducere potu.*) Id est haurire & bibere. *Bithino lyeo.*) Vino sic dicto à regione Thraciæ, quæ Asię pars est, de de qua Strabo libro 12. Scriptus codex habet in Amineo, de quo diximus supra capite 28. *Cochleas.*) Hijs aliqui piper addunt, ut Plin. lib. 30. cap. 3. scribit dicens, Ischiadicis cochleas crudas tritas cum uino Amineo & pipere potu prodesse dicunt.

Vinum Bithinum.

Cochleæ.

Si uero articulos tabes inimica per omnes
Hæserit, ex ficu betas ac melle ligabis,
Vel pelagi latices simul & Baccheia dona
Sumere curabis, Nimio sed parco uino.
Ennius ipse pater dum pocula siccat iniqua,
Hoc uitio tales fertur meruisse dolores.

Tabes

Tabes.) Lues, consumptio & morbus ipse articularis corpus consumens & lancinans. *Omnes.*) Omnium enim aut saltem plurium articulorum simul morbus est arthritis & morbus articularis. *Hæserit.*) In hæserit, permanens enim passio est et diuturna. *Fico.*) Ficus uim habet emollientem discutientemq; & adtrahentem, præsertim syluestris & sativa nondum matura. *Betæ.*) Beta, inquit Plinius, hortensiorum leuissima. Quæ quoniam insipida est, fatua uocatur à Martiali hoc uersu, Vt sapiant fatuæ fabrorum prandia betæ. Duo eius genera, candidum & nigrum. Vis illis etiam discussoria, & præsertim albæ. *Melle.*) Hoc alijs uim addit & efficaciam. Natura enim illi est exterere, aperire & humorem in summum proritare: aliorum uero eisdem discutere, quibus discussis & dolor abigitur. *Pelagilaticæ & Baccheia dona.*) Intelligit autor uinum marina aqua concinnatum, quod falsum uocat Celsus & aluum mouere tradit. Nec modo aluum deiicit, sed & uomitum prouocat: quorum utroq; articularium morborum causas purgamus & euacuamus. Nam marina aqua, ut Plinius tradit & Dioscorides, pituitam & bilem purgat bibita, idq; alterutra parte tum per superna uomitione tum per interna deiectione. Verum quo facilius ac citius id perficiat, uinum illi admiscetur. Sic enim uelocius uim suam exercet & destinatum effectum consequitur. Porro falsi uini confectiones discere qui uolet, is legat Plinium naturalis historiæ libro 14. cap. 8. Columellam rei rusticæ libro 12. cap. 25. & Dioscoridem libro 5. *Ni Vini immo-derate hausti nocumenta.*) Abundantius enim haustum, uti Dioscorides testatur, neruos infestat, Noxiaq; omnis ebrietas præsertimq; continuata. Cedunt enim nerui quotidiana ueluti obfusione laborantes. Ingeneratq; copiosus quotidie uini potus acutorum morborum principia. Estq; articularium dolorum causa præcipua. At modico uino, ut Plin. ait, nerui *Vini moderati commoda.* iuuantur, stomachus recreatur, appetentia ciborum inuitatur, tristitiæ cura hebetatur, somnus conciliatur. Imò, ut sacræ

Ennius artich-
lari morbo in-
terijt.

FVRVNCVLO MEDENDO.

testantur literę, uinum letificat cor hominis, si moderate sumitur. Ennius.) Quod qui nimio uini potu utatur, articulari morbo obnoxij sunt, cōprobat id nūc exemplo Ennij poētę, qui ob nimium uini usum & ingurgitationem uinosus tali morbo interiisse dicitur. At uini potorē fuisse testatur Horatius inquit, Ennius ipse pater nunquā nisi potus ad arma Profuit dicenda. Vinum enim ingeniosos facit poētas, ut Græcum Nicerati testatur carmen, Οἷος τοι χαρίεντι μέγας πέλαι ἵππος ἀοιδῶ, ὕδωρ δὲ πίνωμ, καλὸν οὐ τέκοις ἔπος. Et Propertius de Baccho ait, Sine te nostrum non ualet ingenium.

FVRVNCVLO MEDENDO.

CAPVT XXXVII.

CVM sanguis nimium fuerit combustus, & ater
Aestuat, & papulas alte sustollit acutas,
Resinam misces & saxis hordea fracta,
Consperfa hæc tepidis apponere conuenit undis.
Vis & hyoscyami semen seuumq; iugatum
Nectere: non minus hæc poterit medicina iuuare.
Prætereaq; simum ex gallo quod legeris albo
Imbribus ex acidis tundens appone dolenti.
Auribus aut pecudum molles expromito sordes
Vnguine quo fotis dabitur medicina papillis.

Furunculus.



FVRVNCVLO.) Quid sit Furunculus, docet tum autor in textu, tum Celsus medicus libro 5. hijs uerbis: Furunculus est tuberculum acutum, cum inflammatione & dolore, maximeq; ubi iam in pus uertitur: qui ubi ad apertus est et exit super, apparet pars carnis in pus uersa, pars corrupta, subalbida, subrubra, quę uentriculum quidam furnunculi nominant. In eo nullum periculum est, etiam si nulla curatio

curatio adhibeatur. Maturefcit enim per fe atq; erumpit. Sed dolor efficit, ut potior medicina fit quæ maturius liberet. Nafcitur autem paffim, ut libro 26. capite 13. tradit Plinius, & in quacunq; parte, ac maximo incommodor mortiferum aliquando malū confectis corporibus. Cum *sanguis nimium.*) Descriptio eft furunculi. Eft enim cum tumore abfcelfus ex fanguine & humoribus craffis & aduftis generatus. *Ater afluat.*) Propter aduftionem nigricans feruet & feruore agitur. Nam cum inflammatione tuberculum eft, ut Celfus prodit. *Papulas alte fuffollit.* Tuberculum in altum & fublime acutumq; eleuat & erigit. *Refina.*) Vtitur eadem Celfus, fed ubi alia defunt. Nam fi cætera defunt, ut inquit, imponi debet primum non pingue emplaſtrum, ut id reprimat; deinde fi non reпреſit, quodlibet puri mouendo accommodatum. Si ne id quidem eft, uel refina, uel uermentū. Exprefſo pure nulla ultra curatio neceſſaria eft. Refina itaq; eorum medicamentorum eft quæ & collectiones diſſipant atq; diſcutiunt, maturant item atq; repurgant; quare & emplaſtris miſcetur & malagmatis & acopis, ut libro 1. tradit Dioſcorides. *saxis.*) Mola quæ ex ſaxis & lapidibus conſtituitur. *Hordeacea fracta.*) Farinam ordeaceam, quæ autore Plinio libro 22. capite 25. cruda decocta collectiones impetusq; diſcutit, lenit & cōcoquit. Er, ut Dioſcorides tradit, exprefſus cum aqua ſuccus eius, moxq; cum pice & oleo coctus ſuppurationes adiuuat. Tumores enim & collectiones omnes maturat, diſcutit, molliit, & calores præter naturā refrigerat. *Hyofcyami ſemen.*) Hyofcyamus *Hyofcyami ſemen.* herba eft, quam Latini apollinarem uocāt. Plura eius genera, de quibus dictum eft ſupra. Uſus ſeminis & per ſe & ſucco exprefſo. Vtilis autem eft contra inflammationes & tumores omnes qui à calidis humoribus fiunt. Illos enim lenit & diſſipat, doloresq; ſedat & mitigat. *Suum.*) Adipem ſuillum, qui etiam, ut Dioſcorides teſtatur, contra tumores & inflammationes prodeſt, *lugatum.*)

Farina ordeacea.

Hyofcyami ſemen.

Adeps ſuillus.

CARBONI TOLLENDO.

*Fimum galli-
naceum.*

*Sordes aurium
pecudum.*


Iunctum & simul mixtum. *Nectere.*) Annectere & impo-
nere furunculo. *Fimum gallo albo.*) Plinius lib. 30. ca. 3. colo-
ris etiam meminit, non tamen galli, sed fimi: nec albi, sed
rufi, sic: Furunculis mederi dicitur ex gallinaceo fimo quod
est rufum maxime recens illitum ex aceto: discutit autem
& erumpit. *Imbribus acidis.*) Id est, liquore acido & aceto
ipso. *Auribus pecudum sordes.*) Idem medicamentum poni-
tur à Plinio hijs uerbis, Furunculis mederi dicitur sordes
ex pecudum auriculis. *Fotis papillis.*) Furunculorum tu-
berculis & tumoribus illitis & inunctis.

CARBONI TOLLENDO.

CAPVT XXXVIII.

H O R rēdus magis est perimit qui corpora Carbo,
Vrit hic inclusus, uitalia rumpit acerbus:
Hunc ueteres quondam uarijs pepulere medelis.

*Carbo,
Carbunculus,
Anthrax.*



CARBONI.) Carbo, quem Celsus & Plini-
us Carbunculum, Græci anthraca uocant, est
ulcus hijs quæ uita sunt simile, cui aliquando
febris & horror & bubones superaccedūt. Ge-
neratur autem ex humore crasso & sanguine in atræ bi-
lis naturam cōuerso cum inferbuerit & in aliquod mem-
brum incubuerit. Incipitq; plerunq; à pustula ambustis
igne simili: aliquando uero & sine ea. Sed ab initio sca-
bunt membrum omnino, mox aliquando una aliquan-
do plures oriuntur pustulæ exiles & ueluti milij semina
crebræ: quib; perruptis, crustosum ulcus gignitur & pro-
uenit, modo cinereum, modo nigrum præ se ferente co-
lorem: à quo & nomē tum apud Latinos tum apud Græ-
cos indeptum est. Omnibus præterea his circumposita
caro in summam peruenit inflammationem, non ramen
colore aspicitur erysipelatis: imò qui adhuc phlegmones
colore

colore sit nigrior, ueluti si plusculo rubro, minus misceas nigri: autor Galenus therapeutica libro 14. cui & Paulus Aegineta libro 4. & Rasis continentis libro 13. subscribunt. Nasciturq; sæpe, ut Plinius libr. 26. scribit, in occul-
tissimis corporum partibus, sine alio quàm somni indi-
cio, quo grauatos in triduo aufert: rarius feriens stoma-
chum faucesq;, cum inuaserit ocysime exanimans. Est
enime eorum quæ interior corrupta aliqua corporum par-
te nascuntur, Celso testante libro 5. non aliud carbuncu-
lo peius. Et si circa stomachi faucesq; incidit, subito spi-
ritum sæpe elidit. *Horrendus.*) Timendus propter præ-
sens periculum. *Magis.*) Scilicet quàm furunculus. *Pe-*
rimit.) Interficet & exanimat. *Carbo.*) Carbunculus mor-
bus. Nam eodem carbunculi nomine dicta est gemma. Et
carbunculus uitium, arborum & segetum morbus, cum
in hijs quodam quasi uredinis carbone fructus exurun-
tur. A carbunculo fit uerbum carbunculare, quod car-
bunculum pati & carboni more fieri significat. Plinius
libro 23. Succus eorum carbunculantibus circa oculos ul-
ceribus excrecentibus & pustulis efficax. Idem libro 12.
Verum et hijs sua iniuria est, atq; cæli intemperie carbun-
culantur, fiuntq; semina cassa & inania. Res ipsa carbun-
culatio dicitur. *Vrit inclusus.*) Collectus & coactus in mē-
bro feruet & exardescit. *Vitalia rumpit.*) Spiritum elidit et
exanimat uitamq; priuat.

Carbunculus
morbus, gem-
ma, uitium na-
scentium.
Carbunculare.

Carbunculatio.

Tertia namq; Titi simul & centesima Liui
Charta docet ferro talem candente dolorem
Excitum, aut potio raporum semine pulsum,
Infecti dicens uix septem posse diebus
Vitam produci, tanta est uiolentia morbi.
Dulcacidum laticem cum lini semine iunges
Atq; finum Paphia pariter compone columba,
Hinc line diruptas partes & clausa uenena.

CARBONI TOLLENDO.

Titus Liuius. *Titus Liuij.*) Titus Liuius Patavinus, uir ingenio & doctrina clarus, uixit sub Augusto & Tiberio Inpp. Romanæ historiæ scriptor insignis, cuius libri partim adhuc extant, partim aut omnino perierunt, aut alicubi in tenebris adhuc delitescent. **Charta.** *Charta.*) Liber. Ouidius, Nullus in hac charta uersus amare potest. Libri enim ex chartis fiunt, chartæ uero ex papyro alijsq; rebus. Sunt autem folia & phylliræ in quibus scribimus, etiam cuiuscunq; materiæ fuerint, siue papyraceæ, siue membranaceæ, siue ex pergameno aliaue materia quacunq; quamuis primo è papyro fieri solerent. **Adustio ignita.** *Ferro candente.*) Inter prima carbonis remedia adustionem laudat etiam Celsus libro 5, cap. 29, ad urendiq; modum et finem docet dum insit: Nihil melius est quàm proutinus adurere. Neq; id graue est. Nam non sentit, quoniam ea caro mortua est. Finisq; adurendi est, dum ex omni parte sensus doloris est. Tum deinde uulnus, sicut cætera adusta, curandum est. **Dolorem.**) Morbum carbunculum dolorem facientem. **Exactum.**) Extirpatum et sublatum. **Potoraporum semine.**) Quoniam humor ex quo carbo generatur, adeo malignus est ut inflammatione sua ueneni uim æquet & ualidissime ardore suo cor incendens non minus quàm præsens uenenum mortem ocysissimam, ceu ad lōgissimum intra septimum diem adferat; hinc non minus quoq; carboni quàm alijs letalibus uenenis uenenatorumq; morsibus resistere & mederi potest raporum semen epotum. Nam quod ad uenena attinet, Raporum semen, ut libro 2, tradit Dioscorides, in antidota additur, & his quæ contra uenenata ad leuandos somno dolores conficiuntur. Succurrit & letalibus uenenis potum; nec modo potum, sed & illitum, Plinio teste libro 20, cap. 3, in uino contra serpentes & toxica salutare esse proditur. A multis uero antidoti uim habere in uino & oleo. **Insecti.**) Carbonem patientis. **Dulcacidum.** *Acetū mulsum. lat.*) Hoc est, acetum mulsum, quod & oxymel dicitur. **Lini semen.** *Lini semine.*) Linum omnibus notum est, huius semen omnes

omnes quæ intus & quæ foris sunt inflammationes discu-
tit, autore Dioscoride. *Fimum columbæ.*) Hoc tum per se *Fimum colum-*
tum alijs iam dictis rebus commixtum carboni medetur. *binum.*
Plinius, Carbunculus fimo columbino deletur per se illi-
to, uel cum lini semine ex aceto mulso. Dioscorides uero
pro aceto mulso alijs mel & oleum comiscere iubet in-
quies, Columbarum fimum carbunculos cum melle,
lini semine, & oleo subactum erumpit. *Paphiæ.*) Vene- *Columba*
riæ. Columba enim Veneri dicata dicitur, quæ & Paphia *Paphia.*
dicitur à ciuitate Cypri Papho, in qua numinis uice cole-
batur. *Pariter.*) Simul cum alijs iam dictis. *Hinc.*) Ex
tali medicamento dicto. *Dirupit.*) Corruptas & exulce-
ratas. *Clausæ uenens.*) Humores malignos & uenenosos
intus coactos & conclusos.

Præterea tritici referant adoperta lupini.
Nonnullus calcem uiuam dissoluit aceto
Fumantemq; illam papulis imponit acerbis.
Est qui gallinæ perducit stercore corpus.
Allia uel piperi parce commixta linuntur,
Pythagoræ cognata leui condita cumino
Proderit, & madido fermentum polline turgens.

Tritici lupini.) Id est, lupini in farinam commoliti & præfer- *Farina lupina-*
tim satiui: quos impositos Plinius etiam libro 22. cap. 25. *cea.*
carbunculos rumpere testatur. Sed, ut Dioscorides lib. 2.
docet, conuenit illos prius in aceto coquere. *Referant.*)
Adaperiunt, rumpunt & dissipant. *Adoperta.*) Cooper-
ta, clausa & intus collecta. *Calcem uiuam.*) Calx uiua dici- *Calx uiua.*
tur quæ aqua non est restincta: cuius in medicina magnus
usus est, præsertim recentis quæ præ cæteris eligitur. Ha-
bet uim feruidam & urentem, discutit, & ignium mo-
do crustas inducit, incipientesq; serpere ulcerum impe-
tus cohercet: alijs mixta, ceu oleo aut adipi, mollit, dissipat
& ad cicatricem perducit, præsertimq; aceto & rosaceo.

CARBONI TOLLEND O.


temperata: autores Plin. & Dioscorides. *Fumantem.*) Fumum adhuc reddentem & calentem: dum enim humore aspergitur, fumum exhalat & calet. *Papulis acerbis.*) Pustulis & ulceribus excruciantibus & dolorem facientibus. *Gallinae stercore.*) Quemadmodum columbarum ita & gallinarum fimum, licet minore efficacia, carboni mederi testatur Dioscorides. *Corpus.*) Membrum carbonculatum & carbonem ipsum. *Allia piperi com.*) Hoc medicamentum eadem ratione qua & reliqua iam dicta carboni medetur. *Pythagorae cognata.*) Fabam intelligit. Horatius Sermonum libro 2. Satyra 6. O quando faba Pythagorae cognata, simulque Vincta satis pingui ponentur holuscula Lardo? Vocata autem Pythagorae cognata fabam quod ea non secus quam cognatus a cognata abstinerebat, ut uolunt aliqui. Cur autem a fabis abstinendum praeceperit Pythagoras, uariae et diuersae sunt opiniones, de quibus A. Gellius Atticarum noctium libro 4. cap. 11. Plinius nat. hist. libro 18. cap. 12. Et Germaniae nostrae decus illud insigne Erasmus Roterodamus in adagiorum chiliadibus ab initio non pauca. Porro de fabarum medicina sic Dioscorides: Farina fabacea per se et cum polenta uulnerum inflammationes mitigat illita. *Leui cumino.*) Tenui & gracili. Columella: Gracili melanthia grata cumino. Discutit autem non minus quam reliqua iam dicta tum per se tum cum faba inflammationes. *Fermentum.*) Fermentum est farina quae subigitur priusquam addatur sal ad pultis modum decocta, & relicta donec acescat. Vulgo autem nec sufferuere faciunt, sed tantum pridie asseruata materia utuntur. Palamque natura est acore fermentari. Et tale quidem ex triticea farina confectum calefaciendi extrahendi que ui quam habet, callos extenuat, & addito sale alia tubercula furunculosque maturat & aperit. Panisque ipse crudus maxima molliendi refrigerandi que ui sua omnes inflammationes illitus lenit, autore Dioscoride. *Pollinis.*) Farina, Pollinis in tritico dicitur, quod flos in filigine.

ne. Est autem tenuissimus puluis & farina tenuior, qualis circa molas plerunq; & loca in quibus panis pinsitur parietibus hærens inuenitur. Qui ex tritico in malsa aqua aut hydrelæo decoctus inflammationes etiam discutit, autore Dioscoride. *Turgens.*) Intumescens & in altum se sustollens.

PANO, VOMICAE, ET STRV- MAE DEPELLENDIS.

CAPVT XXXIX.

S V N T alij quos dura uomit natura tumores
Non minus horrendi, sed non ita perniciosi,
Vomica qualis erit, uel eidem proxima quædam;
Simplice resina miscebimus hordea tusa,
Et mulsos amnes & purgamenta columbæ
Hijs bene decoctis languentia membra fouentur.



PANUS.) Panus, quem Celsus Græce phyge- *Panus.*
thlon uocari tradit, est abscessus tumidus, ex *φύγεθλον.*
humore corrupto in parte aliqua collecto ge-
neratus: quem Celsus medicinæ libro 5. sic de-
scribit, Phygethlon est tumor nō altus, sed latus, in quo
quiddam pustulæ simile est: dolor distentioq; uehemens
est & maior quàm pro magnitudine tumoris: interdum
etiam febricula: idq; tarde maturescit, neq; magnopere in-
pus conuertitur. Fit maxime aut in uertice, aut in alis, aut
inguinibus. Panum ad similitudinem figuræ nostri uo-
cant. *Vomica.*) Vomica tumor est ex humoribus corru- *Vomica.*
ptis proueniens, qui Græce phyma dicitur, & à Celso ita *φύμα.*
describitur: Phyma nominatur tuberculum furunculo
simile, sed rotundius & planius, sæpe etiam maius. Nam
furunculus oui dimidij magnitudinem raro explet, nun-

PANO, VOMICAE, STRUMAE.

Struma.

χοιρα.

Scrophula.

quam excedit. Phyma etiam laus patere consuevit. Sed inflammatio dolorq; sub eo minores sunt. Vbi euulsus est pus, eodem modo apparet uentericulus, quod in furunculo non inuenitur. Verum omnis corrupta caro in pus uertitur. Strumæ.) Strumæ dicuntur, quas Græci χείρα das uocant, uulgius scrophulas: fiuntq; uti Galenus tradit, glandulis in scirrhosum affectum mutatis. At Celsus strumam sic describit, Struma est tumor, in quo subter cōcreta quedā ex pure & sanguine quasi glandulæ oriuntur. Quæ uel præcipue fatigare medicos solent, quoniam & febres mouent, nec unquam facile maturescunt, & siue ferro siue medicamentis curantur. Plerumq; iterum iuxta cicatrices ipsas resurgunt, multoq; post medicamento est opus. Quibus id quoq; accedit, quod longo spatio detinent. Nascuntur maxime in ceruice, sed etiam in alis & inguinibus & in lateribus: in mammis quoq; foeminarum se repperisse chirurgicus Meges autor est. Vomit.) Euomit, enicit & in altum sustollit, tumoremq; facit. Non minus.) Scilicet quā prædicti tumores carbo & furunculus. Eidem proxima.) Vomicæ cognata tubercula qualia sunt pani, strumæ & similia, quæ in eisdem quasi medicamentis curantur. Simpliciteresina.) Hoc est, pura: quæ autore Dioscoride, molliet & dissicit collectiones repurgatq;. Ordeatufa.) Farniam ordeaceam, quam et crudam & coctam collectiones imperusq; discutere, lenire & concoquere affirmat Plinius. Mulsos amnes.) Aquam mulsam in qua hordeacea farina decoquenda est. Purgamenta columbinum.) Stercus & fimum columbinum, quod uires habet omnes duricies soluere. Vim enim discussoriā habet uel per sese uel cum farina hordacea illitum, teste Plinio libro 9. capite 3.

Resina.

Ordeum.

Aqua muls.

Fimum columbinum.

Mollis odorato faba perlita cum coriandro
Proderit appositu hæc mollitq; aperitq; tumorem.
Aut de phasganeo radix decocta palustri,

Siue

Siue salix mixto tundetur cum coriandro.

Proderit & mansum quod traxeris arbore uiscum.
 Mollis.) Tenera. Et per hoc intelligit fabam pisatā & fari-
 nam eius. Odorato.) Per hoc intelligit semen ipsum aceto
 pręparatum quod odoriferū est: cum caulis & folia ipsa
 male olentia sint. *Faba cum coriandro.*) Qua uirium pote-
 state dictis tumoribus medeatur hoc medicamentū, do-
 cet autor in textu, cum ait, Mollitq; aperitq; tumorem.
 Nec modo ambo hæc mixta id possunt, ut Dioscorides
 etiam lib. 3. testatur inquit, Coriandrum cum lomento
 fabę strumas dissicit & panos: sed & horū quodlibet uel
 per se idem efficere idoneū est. Nam faba, quę etiam ad fu-
 runculos maturādos discutiendosue imponitur: lomen-
 to quoq; ex aceto decocto tumores maturat atq; aperit,
 teste Plinio libro 22. capite 25. Qui & de coriandro sic pro-
 dit libro 20. capite 20. Coriandrum omnes tumores col-
 lectionesq; sanat cum melle aut uua passa. Panos uero ex
 aceto tritum. *Phasganeo.*) Phasganion herba est quę &
 Xiphio & macheronio dicitur à Gręcis: Latini gladiolū
 uocāt, à similitudine foliorū ab utrisq; sic dicta. Habet enī
 gladio, quē Gręci φάσγανον & ξίφιον & μάχαιραν uocāt, si-
 mile folium: idēq; etiam iridi, ut tradit Diosc. uerunta-
 men breuius angustiusq; & cultelli modo in mucronem
 definēs, uenosumq; caulē ex se mittit cubitalē: in quo pur-
 purei flores sunt deinceps dispositi & à se inuicem distan-
 tes. Semen habet rotundum: radices duas, & alteram al-
 teri insidentem exiguum bulborum figura: earum in-
 ferio gracilis est: superior uero crassior. Nascitur maxi-
 me in aruis. Et hinc fortassis Apuleius eam à Latinis gla-
 diolum segetalem uocari dicit, inquit. Xiphion, siue ut
 alijs phasganion, Latini gladiolum segetalem, folijs gla-
 dio similibus, thyrsu cubitali, floribus purpureis, radici-
 bus duabus paruulis rotūdis, altera in altera nata, quarū
 superior maior est, & acrioris uirtutis: cui ad panos discuti-
 endos loliaceam farinam & aquam dulcem iungit Dio-

Faba.

Coriandrum.

Phasganeo.

Xiphion.

Macheronion.

Gladiolus.

Gladiolus sege-

talis.

PANO, VOMICAE, STRUMAE.

scorides, dicitq; discutiendi causa eam emplastris in huc
usum conficiendis addi. Radix.) Scilicet superior, quæ
efficacior est. Palustri.) Quoniam, ut Plin. tradit, gladio-
lus in humidis nascitur locis: cui Dioscorides non repu-
gnat, in aruis eam nasci asserens. Potest enim utrunq;
esse: nam possunt & arua humida esse: neq; quia in aruis
nasci dixit, ideo etiam in aquosis nasci posse negavit. Sed
quod diuersos illos facere poterit, id est, quod Plinius ait,
cum primum exit gladij præbet speciem, caule duum cu-
bitorum: cum Dioscorides & Apuleius cubitalem tan-
tum dicant. Quod autem Plinius radicem illi esse dicit ad-
nucis auellanae figuram fimbriatam, idem est & non di-
uersum illi quod alij dicunt, exiguum bulborum fi-
gura & radicibus paruulis rotundis. Cæterum, ut Plin.
ait, radicem effodi oportet ante messes & in umbra sic-
cari. Siue salix.) Scilicet amerina, quæ uitex dicitur, & Gre-
ce ἄγνος & λύγος uocatur, uulgus agnum castum appellat.
Quod aut uomicas panosq; difficile concoquentes mol-
liat, autor est etiam Plinius, at non cum coriandro, sed
cum farina ordeacea: uerum id nihil refert, utrunq; enim
prodesse solet. Mansum.) Per hoc alterum conficiendi mo-
dum indicat. Quidam enim fructum aqua tundunt, tum
lauant, post hæc in aqua decoquunt: ut tradit Dioscori-
des. Quidam uero acinos illos comanducant & ita con-
ficiunt. Et hic modus est quæ autor innuit. Probatur aut
in quo leuor est, qd porraceo colore intus uiret, foris fla-
uescit, & in quo nihil asperum surculosum uel occurrit. Fit
autem æstate. Idem etiam tradit Plinius libro 24. capite 4.
inquiens: Quidam in aqua cotusum decoquunt, donec
nihil innatet. Quidam comanducantes acinos expuunt
cortices. Optimum est, quod sine cortice est, quodq; le-
uissimum: extra fuluum, intus porraceum, quo nihil est
glutinosius. Amplius idem libro 16. capite ultimo: Vi-
scum fit ex acinis qui colliguntur messium tempore im-
maturi. Nam si accessere imbres, amplitudine quidem
augentur,

Salix amerina.

Vitex.

Agnon.

Lygon.

Visci conficien-
di modus du-
plex

augentur, uisco uero marcescunt. Siccantur deinde & aridi tunduntur: ac conditi in aqua putrescunt duodenis uere diebus. Vnumq; hoc rerum putrescendo gratiam inuenit. Inde in profluente rursus malleo tufis amissis corticibus interiore carne lentescunt, hoc est uiscum pennis auium tactu ligadis, iuglandis oleo subactum cum libeat insidias moliri. *Arbore.*) Ponit hoc ad differentiam alterius quod alibi nascitur. Nam, ut Dioscorides tradit, inuenitur & quorundam fruticum radicibus adnatum. Nascitur autem in arboribus quercu, robore, ilice, pruno syluestri, terebintho, malis, pyris, corylo & alijs arboribus. *Viscum.*) Viscū arbuscula est in arboribus nascens, ferens acinos ex quibus glutinum conficitur, quod similiter uiscum dicitur. Porro arbusculæ altitudo non excedit cubitalem semper fruticosi ac uiridis. Mas fertilis. Fœmina sterilis, aliquando non fert. Estq; buxi folio, fructu acinorum figura. Omnino autem satum nullo modo nascitur: nec nisi per aluum auium redditum, maxime palumbis et turdis. Hęc est natura ut nisi maturatum in uentre auium non proueniat. Cæterum quod ex acino fit uiscum & glutinum, discutit, mollit, extrahit & humores siccatur, quare & strumas, panos, omnisq; id generis tumores mitigat & sanat, autoribus Plinio & Dioscoride. Docet & Celsus inter alia contra panos uisco uti.

Gramen hyoscyami ceræ seuoq; uetusto
 Concilia, mixtumq; loco perduce dolenti.
 Exercere etiam corpus medicina potens est.
 Ouum diffundis in fictile, deinde putamen
 Marrubij succo repleas, post melle liquenti
 Omnia consociata tepenti prospera potu
 Sumuntur, referantq; malum, purgantq; leuantq;.
Gramen hyoscyami.) Herbam hyoscyami quæ reprimit et re
 frigerat, quare & materię aditum prohibet. *Seuo.*) Adipi *Adeps suillus.*
 suillo, qui cum cera digerit et resoluit dissipatq;. *Cœcilia.*)

dd

PANO, VOMICAE, STRVMAE.

Exercitatio corporis. Coniunge & cōmisce. *Exercere corpus.*) Per corporis ex-
ercitationem intelligit gestationem, ambulationem, frica-
tionem, aut aliam quampiam eiusmodi corporis motio-
nem: cuiusmodi etiam Celsus in sacrum ignem patienti-
bus utiles asserit. Et in cura apostematum durorum Aui-
cenna sic præcipit: Et oportet ut membrum famem pati
cogatur in reuolutione resolutionis, & trahatur nutri-
mentum ad eius oppositum cum motione illius oppositi
& exercitio eius & ipsius famelicatione et cibetur in reuo-
lutione lenificationis, et fiat ei causa appetendi nutrimen-
tum cum fricatione & quæ sunt ei similia. *Ouum diffundis.*)
Tertia quarti, tr. 1. cap. 12. Hoc est, oui partes internas luteum & albumen extra cor-
ticem eorum effundis & corticem ab eisdem euacuas. Cæ-
terum medicamentum hoc ut plæraq; alia ex Plinio de-
sumptum uidetur, qui naturalis historiæ libro 10. cap. 22.
sic insit: Castor marrubij duo genera tradit, Nigrum, &
quod magis probat Candidum. In ouum inane succum
adijcit is, ipsumq; ouum infundit melle æquis portioni-
bus tepesactum: uomicas rumpere, purgare, perfanare
promittens. Marrubium siquidem ac mel aperiunt et pur-
gant, doloremq; mitigant, præsertim iuncto ouo: quod
etiam marrubij malignitati, qua renibus & uesicæ nocet,
resistit. Sorbetur enim uel per se parum tepens contra ue-
sicæ erosiones & renum exulcerationes. **Putamen.**) Pu-
tamina dicuntur rerum purgamenta & quicquid à qua-
cunq; re proijcitur. Vnde ouorum ac nucū cortices etiam
putamina uocantur. Plinius lib. 15. cap. 22. de nucibus: Ho-
nor his naturæ peculiaris, gemino protectis operimēto,
puluinati primum calicis, mox lignei putaminis. Et sola
differentia generum in putamine duro fragiliūe. Idem li-
bro 29. cap. 3. de ouis: Firmitas putaminum tanta est, ut re-
cta nec ui nec pondere ullo frangatur: nec nisi paululum
inflexa rotunditate. Dicuntur item putamina, arborū ac
uitium sarmenta, quæ putantur & exciduntur. *Liquenti.*)
Putamen. Puro & mundo,

Igni

IGNI SACRO DIMOVENDO.

CAPVT XL.

EST etiam morbi species qui dicitur ignis,
 Languida quo multo torrentur membra calore,
 Vel tu uicino seuum bouis igne remittis,
 Mollitumq; lines, uel oloris fecibus oua
 Sed non cocta dabis: sic torrida membra fouebis.



IGNI sacro.) Ignis sacer est, quem Græci *ἱερὸν* Ignis sacer.
πῆλας uocāt, in genere inflammationis à ueteri Erysipelas.
 bus positū, qui omnes calidos cū dolore & inflā
 matione tumores simpliciter inflammationes
 uocare consueuerunt: uerum uariante illarum materia
 ex qua generantur, mox alijs etiam nominibus distinxe-
 runt, utpote phlegmonas id est inflammationes, anthra- Phlegmone, in-
 ces id est carbunculos, herpetas id est serpentina ulcera, & flammatio.
 erysipelata id est sacros ignes appellātes. E quibus qui ex Anthrax, car-
 bono & mediocris crassitudinis sanguine multo fiunt, bunculus.
 priuatim & proprie phlegmonas & inflammationes uo- Herpes, ulcus
 cant. Qui uero ex sanguine calidissimo simul & crasso, an serpens.
 thraces & carbunculos. Qui ex flaua bile, herpeta, id est Erysipelas,
 serpens ulcus. At qui ex tenui sanguine interim et cum bi ignis sacer.
 lis parte, incenso ac feruente cōsistit, erysipelas & sacrum Cutis duplex.
 ignem appellant. Qui affectus circa cutim maxime confi-
 sit, tum eam quæ foris & omnium partium commune
 tegumentum est, tum illam membranofam & tenuē quæ
 singulis internarum est circūdata, uti Galenus therapeu-
 tice libro 14. tradit. Estq; in duplici differentia. Nam uel
 cum exulceratione, uel sine ea incidit. Cum enim crassior
 humor acriorq; fuerit, summam cuticulam epidermida, Epidermis.
 à Græcis uocatam excoriat: spacioq; ad profundum ali-
 quando cutis exulceratio peruenit: non tamen alte in cor

IGNI SACRO DIM.

pus descendit, sed in cute potius consistit: quamuis sicuti phlegmones affectus cutis aliquid apprehendit: ita hic quoq; aliquid subiectæ sibi carnis occupet. Estq; color huic pallidus aut flauus, seu ex pallido flauoq; mixtus. Cæterum cum nec plane biliosa nec sanguinea sit fluxio, sed ex ambabus mixta, utiq; ex abundante altero humore nominatur, sic ut exuperante sanguine phlegmonem inflammationem uel erysipelatosam: flaua uero bile abundante, erysipelas phlegmonosum seu inflammatum uocemus. Vbi neutrum uincit, ibi uitium phlegmones erysipelatosq; medium dicemus. Et hæc erysipelatum genera, quæ antiquiores Latini uno nomine sacros ignes uocauerunt. De quibus & si aliter dicere uideatur lib. 5. Celsus, & separatim de sacro igne & erysipelate egerit, non multum tamen ab horum ratione illa communi discedit. Fatetur & Plinius plura sacri ignis esse genera libro 26. Sed de hijs nunc satis. Est etiam mor.) Descriptio est ignis sacri, de quo iam copiose satis dictum est. Torrentur.) Vrun- tur & inflammantur. Vicino igne.) Hoc est, secus & iuxta ignem. Remittis.) Relaxas, dissoluis et liquefacis. Mollitum.) Remissum, solutum & liquefactum. Oloris.) Olor auis est candida, maior anser, quæ instante morte, ut tradunt, mirandos cantus edere solet, hanc Græci Cygnum uocant. Dabis.) Commisces. Sic.) Ita mixtis fecibus & ouis. Torrida.) Igne sacro inflammata.

Olor.
Cygnum.

Lumbricus terræ mixto inducetur aceto,
Aut parili noua ruta modo, sed iungis olium,
Ouaq; cum betis profunt super illita tritis.
Allia dant cinerem, sociato oleoq; garoq;
Vnguine quo gliscens deponet flamma furorem.
Sæpe chelidoniæ, pars candida iungitur oui,
Quæ modico potu sedulo detrita capeffes,
Admiscere memor lymphas amnemq; Falerni.

Lumbricus Lumbricus terræ.) Vermes terreni, Qui, ut Plinius etiam libro

bro 30. cap. 3. testatur, ex aceto illiti sacro igni medentur. *Parili.*) Simili modo quo lumbrici, scilicet ex aceto. *Noua ruta.*) Ruta recens, quam illitam ex aceto & oleo sacrum *Ruta.* ignem emendare, Plinius etiam tradit libro 20. cap. 13. At Dioscorides Cerusam addit libro 3. *oliuum.*) Oleum, & præsertim rosaceū, autore Dioscoride. *Oua cum betis.*) *Pli Beta.* Plinius nat. hist. libro 29. cap. 2. Ovis oleum miscet & betæ folia superligare iubet inquit, Oua cum oleo trita ignes sacros leniunt, betæ folijs superligatis. Et libro 20. cap. 8. betæ albæ succum aluminis parum admixto eundē morbum sanare dicit. Dioscorides uero id etiam de sola beta elixa asserit. Sed quod ad ova attinet, oportet illa accipere *Oua.* cruda, & præsertim quod candidum est in ouo: id enim non modo sacrum ignem, sed & omnem inflammationem lenit. *Allia.*) Aliorum cinerem ex oleo & garo illi. *Allia.* tum sacros ignes sanare testatur etiam Plinius libro 20. cap. 6. *Vngvine.*) Linimento. *Gliscens.*) Crescens. *Flamma.*) Ignis & ardor. *Furorem.*) Seuitiam, cruciatum & dolorem. *Chelidonia.*) Quod chelidoniæ succus cum oui *Chelidonia.* candido potus sacrum ignem sanat, hoc ideo fit, quia chelidonia bilem, quæ cum calido sanguine morbi causa est, purgat: oui uero cādidum calorem refrigerat: temperantur autem hæc aqua & uino æquis portionibus. *Sedulo.*) Diligenter. *Capeffes.*) Sumes & bibes. *Lymphas.*) Aquam. *Amnem Falerni.*) Vinum bonum quale est Falernum, sic dictum à loco ubi nascitur.


PODAGRAE DEPELLENDÆ.

CAPVT XLI.

Quædā sunt rabidæ medicamina summa podagræ,
Cui ter trigeminas species Epidaurius ipse
Dixit inesse deus, requiem tamen indere morbo
Fas erit, & tristem saltem mulcere dolorem.

dd 3

Podagra.



ODAGRAE.) Podagra pedum morbus est, dolorem male affectis nervis adferens, nunc cum inflammatione, nunc cum refrigeratione. Fit autem ex influente aliquo ad pedes humore superfluo ac eorundem imbecillitate. Neceffe enim est, autore Galeno, pedes natura esse imbecilliores si quis podagra corripere debeat: quamvis imbecillitas illa non sit sufficiens ad generandam passionem ex intermedio tempore accessionum, in quo nulla fere infestantur, quamvis natiua imbecillitas continua sit. Clarum autem & in podagricis manifestissime apparens est & hoc, quod influente aliquo ad pedes humore superfluo, passio generatur. Ceterum quum ad pedes influit humor, fluctio ad articulos decumbit, hancque fluctionem suscipiunt, primum quidem loca articulationum, deinceps circumstantia omnia, usque ad cutem. Quia uero implentur articulationes, liquet etiam ea quae ipsi circumiacent ligamenta extendi esse necessarium: non autem inflammari, licet cum inflammatione fuerit passio. Nervos enim & chordas non est rationabile in ipsis inflammari, sed solum dolere, cum simul articulationes extenduntur. Estque hic morbus podagra omnibus qui in articulis fiunt uehementior, est item longissimus & liberatu difficillimus: quamvis enim in pluribus ad tempus mitigetur dolor, non ideo tamen radicitus euellitur morbus. Quod si in aliquibus sponte definat, id non medicinae potestati tribuendum est, sed uitae potius moderantiae: quae uel potissima causa fuit quod Hippocratis aetate ac patrum aorumque memoria rarior solebat esse morbus paucique tunc eo laborabant. Nostri uero temporibus, usque adeo auctis edulsi, ut nihil eis addi posse uideatur, infinita est podagrarum multitudo, cum nonnulli sint qui nihil exercitantur, & cruditatibus atque ebrietatibus offendantur & ante cibum assumptum bibant uina potentia, ac ueneris utuntur immoderatis: nonnulli uero, & si non in his omnibus, in uno saltem, aut duobus ex his quae sunt

funt dicta delinquant. Præsertim circa uenereorū & uinī immoderationē usum. Vnde non inelegantes Græci extant uerficuli, λυσιμελὲς βάκχου καὶ λυσιμελὲς ἀφροδίτης. *ῥεννᾷται θυγάτης λυσιμελὲς ποδ᾽ ἄγρᾱ.* Quos nos utcunque Latine sic reddidimus: Connuptis Venere & Baccho soluentibus artus Nata artus soluens nascitur hñs podagra. Sed cum peccatum fuerit magnum, sæpius in uno dictorum deliquisse sat erit. *Quædam.*) Aliqua: quæ si non radicatus morbum tollunt, saltem ad tempus dolorem leniunt. Quamuis insanabilis non est credendus, ut Plinius scribit, quippe quoniam in multis & sponte definit, & in pluribus curatur. *Rabida.*) Furibundæ & ob doloris uehementiam cruciatumq; quasi ad rabiem & furorem insaniamq; perducentis. *Summa.*) Vltima & præcipua & præ alijs maxime efficacia: quæ si non iuuant, nec alia iuuare poterunt. *Ter trigeminas.*) Hoc est, tres. Siquidē podagra in triplici repperitur differentia. Nā aut est in principio morbus & sine tumore, quamuis non sine dolore uehementi: aut est cum tumore cui calor quoq; accedit, aut altius radices fixit & tumor iam induruit obcalluitq; qui uix aut nūquam curā admittit. Vnde Oui, ait, Soluere nodosam nescit medicina podagrā. Qui itaq; podagrā curare uolet, considerare debet, quæ nā species mēbrum infestet. Nam, ut Cel. ait, ubi dolor uehemens urget, inter est, sine tumore is sit, an tumor cū calore, an tumor iam etiam obcalluerit. *Epidaurius.*) Aesculapius, qui Epidauri numinis uice colebatur. *Requiem indere.*) Hoc est, morbi dolorem lenire & mitigare. *Tristis.*) Hoc est, tristitiam, inquietudinē & perturbationem adferentē. Inter eos enim qui in articulis gignunt, nullus molestior est ipsa podagra. *Salte.*) Quasi dicat, Si nō ex integro & radicatus euelli potest, laborandum tamen est ut dolor mitigetur, si fieri poterit. Saltem enim quidā per defectionē dictū putant: quasi, si aliter nō potest. Aliqui uero dicunt Saltem dictū u. media litera extrita & abiecta. Salutē enim ante dictū, quod nos saltem dicimus, Nam cum alia quædam petita

Podagra species tres.

Deus Epidaurius.

Saltem.

PODAGRAE DEPELL.

& non impetrata sunt, tum dicere solemus, hoc saltem fieri oportere, tanquam salutem postremo petentes, quam & impetrari certe & obtineri sit æquissimum: autor Atticarum noctium lib. 12. cap. 14. Gellius.

Ergo age & arreptam salicis frondemq; librumq;
Cum uino tere, sic contractos perline neruos.
Aut cum prima mali sese ostentabit origo
Feruïda non timidis tolera cauteria plantis,
Seminecisue hirci referato pectore calces
Insere, sic dirẽ reprimis primordia pestis.

Age.
Salix.

Age.) Age, olim uerbum fuit, sed factum est aduerbiũ hor-
tantis ex imitatione Græcorum. *Salicis frond. libr.*) Folia
& corticem salicis. In quo liquore coqui debeant non tra-
dit Dioscorides, eorundem tamen decocto podagras uti-
lissime foueri testatur libro 1. Plinius autem libro 24. cap.
9. iisdem in uino decoctis foueri neruos utilissimum ait.

Contrahere.
Contractio.

Contractos.) Contrahere inter alia significata sua aliquan-
do colligere est. Et inde contractio dicitur neruorum,
cum scilicet nerui rigore quodã colliguntur, ita ut exten-
di non queant. *Prima origo.*) Hoc est, à morbi initio, &
quã primũ dolor percipitur. *Feruïda.*) Excalsfacta, can-
dientia & ignita. *Nontimidis.*) Nõ pertimescẽtibus, sed au-
dacibus et sine timore, solide audenterq; cauteris ustionẽ
perferentibus & tolerantibus. *Cauteria.*) Cauteria siue
cauteres, sunt instrumenta metallica chirurgorum, qui-
bus candentibus & ignitis putridas carnes & ulcera adu-
runt & curãt, maxime ubi lenia siue alia nihil proficiunt
medicamenta. Fiunt autem maxime ex ferro, quamuis
etiam aliquando ex auro fiant, quæ etiam propter auri
uim confortantem alijs meliora probantur. Et hæc cau-
teria sunt, quæ actualia uocãt medici. Sunt enĩ alia quoq;
ab iisdem potentialia appellata, hoc est, medicamẽta cau-
stica quibus caustica & adurẽs uis inest ceu calx aut sapo.
Cæterum ad quid utilis sit cauteris usus, docet nos Aui-
cenna

cenna

cenna quarta primi dicens: Cauterizatio est medicamen-
 ualde utile, iuuans ad prohibendum ne corruptio spar-
 gatur, et ad confortandum membrum cuius complexio-
 nem uolumus rectificare, & ad resoluendum materias cor-
 ruptas in membro retentas, & ad restringendum sangui-
 nis fluxum. Sunt item & pictorum cauteria, instrumen-
 ta quibus peculiariter in encaustice dicta pictura utuntur,
 quæ fit coloribus inustis & resolutis igne ceris. Sed de his
 nihil ad præsens. *Plantis.*) Planta pedum pars est tota in
 ferior. *Seminecis hirci.*) Semimortui. Nex enim mors est.
 Accipitur autem hircus uiuus & pectus seu ueter illi scin-
 ditur aperiturque, quo aperto quamprimum & actutum
 sanguine adhuc calente pedes podagrici imponuntur,
 sicque podagræ dolor sedatur. *Pectore.*) Ventre. *Calces.*)
 Pedes. Calx enim pes imus dicitur, cuius partes sunt, Cõ
 uexum quæ pars est superior, Planta pars inferior, Calca-
 neum pars posterior, Vola pars mediæ pedis concua, Di-
 giti & ungues. *Primordia pestis.*) Podagram incipientem.
 Dicitur autem pestis eo quod saluti et sanitati sit aduersa.

Planta.

Nex.

Hircus.

Calx.

Pedum partes.

Aut si corruptus perfederit altius humor,
 Trita cupressus ibi Baccho iungatur acerbo,
 Panibus & teneris cohibet superaddita quæstus.
 Parua sabucus item si hircino est condita seuo.
 Triticeæque acido manantes amne farinae.
 Aut nitidum ranæ decoctum uiscus oliuo.
 Siue chelidoniæ succus sale mixtus aceto.

Humor.) Scilicet ex quo generatur podagra. *Perfederit altius.*)
 Profundius radices egerit & longius durauerit & quasi
 obcalluerit: quamuis ubi confirmatus est morbus uix aut
 nunquam curetur. Nam soluere nodosam nescit medici-
 na podagram, ut inquit Ouidius. *Cupressus.*) Clarius
 idem medicamentum ponitur à Plinio libr. 24. cap. 5. hijs
 uerbis, Cupressi folia trita cum duabus partibus panis
 mollis & è uino Amineo subacta, pedum ac neruorum

Cupressus.

PODAGRÆ DEPELL.

dolores sanant. Præsertim ubi cum incensione siue inflammatione est morbus. Cupressus enim adstringit & refrigerat: adstringit & uinum si acerbum fuerit: Panis uero, ut Dioscorides libro 2. tradit, maxima molliendi refrigerandiq; ui quam habet, omnes inflammationes illitus lenit, præsertimq; admixtis succis herbis uel aliquibus ad id facientibus. Loquitur autem de pane triticeo. *Baccho acerb.*) Vino adstringente. *Panibus teneris.*) Pani maxime triticeo, molli, & molliendi ui participant. *Cohibet.*) Arcet, lenit & mitigat. *Superaddita.*) Imposita et illita. *Quæstus.*) Querelas, dolores & cruciatus. *Parua sabucus.*) Per hoc quod dicit parua, intelligit folia tenera & recetia siue coliculos ipsos teneros: nisi ad alteram speciem eius quæ chamæactæ est & ebulum, referre malueris. Sunt autem ambo genera eiusdem uirtutis. Siccant, adstringunt & refrigerant. Plinius libro 24. cap. 3. Podagris cum seuo hircino uehementer prosunt sabuci cauliculi illiti. Dioscorides: Podagris opitulatur cum taurino hircinoue adipe emplastri modo imposita folia tenera & recentia. *Hircino seuo hirci. seuo.*) Adipe hircino, qui etiam adstringentis est uirtutis, autore Dioscoride. Nec modo cum sabuco podagris medetur, sed et egregia resoluendi potestate cum caprino fimo et croco coactus impositusq; iisdem prodest, ut idem testatur Dioscorides. *Condita.*) Abscondita & commixta. *Triticeæ farine.*) Cur tritici farina podagræ inflammationibus medeatur, eadem est ratio quæ iâ paulo ante dicta est de pane. *Acido amne.*) Id est, aceto, quod adstringit & refrigerat et inflammationes arcet, autore Dioscoride: in quem usum etiâ, ut ait, succidæ lanæ aut spongiæ inspergitur, & imponitur. Porro non est prætereundum ex eo exemplum ingens quod Plinius libro 23. cap. 1. refert: Si quidem M. Agrippa supremis suis annis conflictatus graui morbo pedum, cum dolorem eum perpeti nequireret, unius medicorum portentosa scientia, ignorante diuo Augusto, tanti putauit usu pedum sensuq; omni carere dum.

Panis.

Sabucus.

Seuum hirci.

Tritici
farina.

Acetum.

Marcus
Agrippa.

dummodo et dolore illo careret, demersis in acetum calidum cruribus, in acerrimo impetu morbi euasit. Ea itaque uitæ conditio est, ceu idem Plinius libro 25. cap. 3. ait, ut mori plerumque etiam optimi portus sit: traditque Varro. *Seruius Clodius.* Seruium Clodium equitem Romanum magnitudine doloris in podagra coactum ueneno crura perunxisse, & postea caruisse sensu omni æque quam dolore in ea parte corporis: meminitque huius in libro de illustribus grammaticis Suetonius hijs uerbis quoque, Seruius cum librum foceri nondum editum fraude interceptisset, et ob hoc repudiatus pudore, ac tædio secessisset ab urbe, in podagræ morbum incidit, cuius impatiens ueneno sibi perunxit pedes, & enecuit ita, ut parte ea corporis quasi præmortui uixerit. *Manantes.*) Stillantes, hoc est, aceti mixtione humectatæ. *Nitidum.*) Splendidum, candidum & album. Est enim albi coloris ranarum caro cocta. *Rana dec. uisc.* *Oleum ranæ.* *oliuo.*) Hoc est, oleum in quo decocta est rana. Plinius libro 32. cap. 5. Podagris, articularibusque morbis utile est oleum in quo decocta est rana, & ipsarum intestina, & rubetæ cinis cum adipe uetere. *viscus.*) Viscus dicitur pro *viscus.* prius quicquid sub corio & cute est, ceu caro, ossa, cor et reliqua extra. *Chelidonia.*) Valet hoc medicamentum in podagra quæ à frigidis oritur humoribus.

Sunt quibus apposita siccatur hirudine sanguis.
Non audita mihi sit fas, sed lecta referre,
Hoc quidam captus morbo per tempora messis
Vicino plantas frumenti pressit aceruo,
Euasitque grauem casu medicante dolorem.

Hirudine.) Corruptum enim sanguinem extrahunt, idque *Hirudo.* potentius quam cucurbitæ post cutis incisionem appositio. Sed de hirudinum usu quid Plinius dicat, audiamus, cuius uerba in naturali historia libro 32. cap. 6. sunt hæc: Hirudinum, quas sanguifugas uocant, ad extrahendum

PODAGRAE DEPELL.

sanguinem usus est: quippe eadem ratio earum quæ curbitarum medicinalium ad corpora leuanda sanguine, spiramenta laxanda iudicantur. Sed uitium quod admixtæ semel desiderium faciunt circa eadem tempora anni semper eiusdem medicinæ. Multi podagris quoque admittendas censuere. Decidunt satietate & pondere ipso sanguinis detractæ aut sale aspersæ. Aliquando tamen ad fixa relinquunt capita, quæ causa uulnera insanabilia facit & multos interimit: sicut Messalinum è consularibus patritijs cum ad genua admisisset. Inuehunt uirus remedio uerso, maxime quæ ruffæ ita formidantur. Ergo suggestia ora forficibus præcidunt, ac ueluti siphonibus defluit sanguis: paulatimque morientium capita se contrahunt, nec relinquunt. Natura earum aduersatur cimicibus, & suffitu necat eos. Hæc Plin. Sanguis.) Humor corruptus sanguini mixtus, qui & morbi causa est. Non audita etc.) Ponit nunc contra podagram remedium, quod non auditu tanquam fallaci, sed lectione & scripto tanquam ueraci relatione se habere dicit, ea enim quæ literis mandantur, ceu uera putantur: est autem remedium id quod Plinius etiam naturalis historiæ libro 22. capite 25. refert, inquit: Sextus Pompeius prætorij uiri pater, Hispaniæ Citerioris princeps, cum horreis suis uentilandis præfideret, correptus dolore podagræ, merfit in triticum sese super genua, leuatusque siccatis pedibus mirabili modo hoc postea remedio usus est. Vis tanta est, ut cados plenos siccet. Quidam.) Scilicet Sextus Pompeius. Frumenti.) Tritici maxime. Cum enim è frugum generibus frumenta etiam sint uaria & non unius generis, ceu triticum, hordeum & alia, hic per frumentum intelligitur triticum maxime. Præsit.) Impressit & immerfit imposuitque.

Vul

VVLNERIBVS FERRO AVT VERBERIBVS FACTIS.

CAPVT XLII.

NATVRAE vitijs medicas obieci-
mus artes:
Nunc & fortunæ iaculis obsistere par est.



VLNERIBVS.) Inter morborum gene- *Continuitatis*
ra est & ipsa continuitatis solutio, in omnibus *solutio.*
animalis partibus incidens, sed quæ in diuersis
partibus diuersa quoque sortiatur nomina, de
quibus copiose Galenus in libris therapeutices. Porro in
ter eas una est quæ in carne fit: & hæc itidem duplex. Nam *Vlcus.*
aut ulcus est, quod per se nascitur & intra seipsum corrū-
pitur, aut etiam ex præcedēte vulnere quoquo modo pu-
trescente generatur, de cuius curatione infra capite pro-
prio agetur. At vulnus est quod extrinsecus cæsim percuss *Vulnus.*
simue acuto telo, saxo aut simili aliquo incidit corpori.
Diciturq; esse ex uulnerando in carnosa parte relicta con-
tinuitatis solutio, hoc est, hians patensq; extrinsecus in
carnosa corporis parte, ferri aut lapidis aut alterius simi-
lis alicuius rei ictu & uulneratione facta apertura. Nam
quæ citra uulnerationem fit, non vulnus sed ruptio, Græ-
ce rhagma dicitur. Fiunt aliquando & animalium uene- *Ruptio, rheg-*
nosorum morfu aut ictu uulnera, de quibus etiam pro- *ma.*
prijs ager capitibus autor. Præsentī uero capite solum de
his tractat quæ aut telorum & acutarum rerum ictu, aut
grauiorum durorumq; contusione fiunt. *Ferro.)* Per
ferrum intelligit tela, enses & omnia acuta quæ ad secan-
dum sunt habilia. *Verberibus.)* Per uerbera intelligit la-
pides, ligna & omnia graua atq; dura, quæ contunden-
do unitatem soluunt. *Naturæ vitijs.)* Id est, morbis natura *Naturæ vitia.*
libus, hoc est, qui existentie & originis suæ principium in *Morbi na-*
tra naturam, hoc est intus in corpore humano ex humo- *turales.*

VVLNERIB. FER. AVT VERB.

rum, è quibus constituitur, corruptione habent: & quibus in corporis partibus certæ sedes assignantur. *Medicæ artes.*) Remedia salutaria ex medicinæ arte deprõpta. *Obieciimus.*) Opposui, & quibus amoliri curariq; possint, ostendimus. *Nunc.*) Scilicet capite præsentis & aliquot sequentibus. *Fortuna iaculis.*) Hoc est, casibus & effectibus corpori extrinsecus fortuito per tela, enses, saxa, aut id genus iacula alia illatis. Iaculum enim dicitur quicquid in longum iaci potest. *Fortuna* uero accidentium rerum subitus atq; inopinatus euentus est: sic dicta à ferendo, quod temere & sine ratione feratur. *Par.*) Aequum, conueniens ac decens.

Iaculum.
Fortuna

Sicui forte lapis teneros uiolauerit artus,
Necte adipēs uetulos & tritam chamæcissos.
Nec pudeat luteæ sterco perducere porcæ,
Sic autem sæuo laceratū est uerberare corpus,
Tunc exlixuio ceras dissoluīs & oua
Admixtoq; oleo uibices comprimit atras.

Violauerit artus.) Hoc est, membris & corpori uim intulerit & uulnerauerit. *Necte.*) Annecte & uulneri superligato. *Adipēs uetus.* *Adipēs uetulos.*) Et hoc præsertim si immundum sit uulnus: purgat enim Celso teste libro 5. Qui etiam quanto uetustior, tãto utilior: siue salitus sit, siue nō. Inueteratur enim Plinio libro 29. capite 9. autore, duobus modis, aut cum sale, aut syncerus. *Chamæcissos.*) Chamæcissos est hedera terrestris, cuius uirtus est siccans, quare et uulneribus nō inutilis. Siccatio enim totius uulnerum curationis est finis, autore Hippocrate in lib. de uulneribus, dum inquit: Quodcunq; uuln^o cõsum percussim^{us} acuto telo est diuissum, medicamentū enhæmō & siccās aliquid, quod suppurare uetet, admittit. Siquidem uulneris qua uulnus est sanatio, uti therapeutice libro 3. & 4. Galenus prodit, mediocris siccatio est: ut & si qua sanies subsit, hæc cõsumatur: & si qua in uacuum locum influxura est, hæc prohibeatur

Adipēs uetus.

Chamæcissos.
Hedera terrestris.

beatur. *Luteæ.*) Rutilæ & crocæ siue cerinæ à colore.
 Color enim is maiorem temperamēti siccitatem indicat.
Stercus porce.) Idem testatur Plinius naturalis historiæ lib. *Stercus porce.*
 28. cap. 10. inquit: Finum recens suum uel inueterati
 farina illinitur uulnerib⁹ ferro factis. *Sæuo uerbere.*) Forti
 & uehementi percussione. *Lixiuio.*) Lixiuium est aqua *Lixiuium.*
 in qua lauandi gratia decoctus est cinis, hoc est, puluis in
 quē materia usta redacta est & lix dicitur. Plin. Ad cōuulsa
 uiscera aut contusa, ut M. Varro autor est; ipsis enim uer
 bis eius utar: Lix cinis, inquit, est foci. Inde enim cinis *Lix.*
 luxatis potus medetur, ut licet uidere gladiatores, quum
 deluserint hac iuuari potione. Hæc ille. Dioscorides libr.
 5. cap. 59. Fit ex cinere lixiuia, cuius usus est contra lapsus
 præcipitationesq^{ue}. *Ceras.*) Cera duricias mollit & discu *Cera.*
 tit: estq^{ue} materia emplastrorū. *Oua.*) Præsertim album
 eius: quod libr. 5. Celsus inter ea quæ uulnera glutinant, *Oua.*
 connumerat. Et Plinius libr. 29. capite 3. aliorum opinio
 nem referens inquit, Aiunt & uulnera cādido glutinari.
 Idq^{ue} maxime crudo, teste Dioscoride libro 2. cum inquit:
 Quod cādido in ouo est crudum refrigerat & glutinat.
Oleo.) Præsertim ueteri, quod magis discutit. *Vibices.*) Vi- *Vibices.*
 bices dicuntur plagæ uerberū & percussionū in corpore hu *Plagæ.*
 mano factæ. Sic dictæ quod ui fiant. Plagæ uero quædam
 sunt apertæ, & harum aliæ recentes ut uulnera recentiat
 aliæ ueteres, ut ulcera putrida sanieq^{ue} purulenta fluentes.
 Quædam autem sunt clausæ, quarum aliæ sunt notæ tan
 tum collecti ex uerbere sanguinis & citra tumorem etiam
 quæ liuores dicuntur: aliæ uero cum tumore, ut tumentia *Liurores.*
 ulcera & tumores qui ex uerbere collecto in unū sangui
 ne fiunt, quamuis & citra uerbera in corpore tumores
 nascantur.

Si uero infrenus manat de uulnere sanguis,
 Purpura torretur conchilis perlita fuco,
 Huius uis cineris currentem detinet undam.

VVLNERIB. FER. AVT VERB.

Infrenus.) Impetuosus, immodicus & multus atq; superfluens, qui periculum secum ferre solet. Vnde Celsus ait: Vbi aliquis ictus est, qui seruari potest, protinus prospicienda duo sunt, ne sanguinis profusio, neue inflammatio interimat. Si profusionem timemus, quod ex sede uulneris et magnitudine eius & ex impetu ruentis sanguinis intelligi potest, siccis linamentis uulnus implendum est. Et

Purpura.

tale nunc nobis proponit Serenus. *Purpura.*) Purpura proprie piscis est ex genere concharum, cuius sanie siue cruore tinguntur lanæ nigrantis rosæ colore. Accipitur tamen aliquando pro colore ipso à matre sic dicto. Potest item & pro lana eo colore tincta accipi, siue pro uelleribus quæ in marinis purpuris stupparum imagine sunt, ab alijs quibus tomenta uocata, ab alijs licia, ab alijs fimbriæ, ab alijs stuppe aut uillofitates, Græci *κροκιδας* nuncupant. Reperiuntur siquidem in purpurarum genere quæ superiore sui parte uillosæ sunt, tam tenui & sequaci uellere ut in filum lini modo trahi & confici possit. Et siue de hoc siue pecoris uellere purpurarum sanguine tincto loqui intelligatur autor, medicamentum efficax comprobabitur.

*Purpurarum
tomenta,
Licia,
Fimbriæ.
Stuppe,
Villofitates.
κροκιδας.*

De priore testimonium nobis exhibet Dioscorides libro 2. capite de lanis, dū id in eundem medicinæ usum lanarum modo cremari prodit. De posteriore idem testatur autor hic mox post & infra capite penultimo. Ceterum non solum huiusmodi uellera tali sanguine infecta & cremata sanguinis fluorem sistere possunt, sed & ipsa tota purpure piscis substantia cremata, hoc est, testæ & carnis ipsius cinis. Vnde Auicenna Canonis libro 2. de ostraco purpureo adusto loquens, Ostracum, inquit, cum carne sua confert uulneribus. Siccat enim purpurarum cinis & confringit, autore Dioscoride. *Torretur.*) Aduritur & in cinerem redigitur. *Conchilis.*) Scilicet purpurei. *Perlita.*) Infecta & tincta. *Fuco.*) Colore & sanguine. Fucus herbæ genus est tingendis lanis aptum: Græci *φύκος* uocant. Accipit aut & pro colore ipso arte addito. *Vndam.*) Sanguinem.

Fucus.

Verrucæ

Verrucæ quoq; defectæ frenare cruorem
 Dicitur ambustus Tyrio de uellere puluis.
 Præterea nimios referati uulneris amnes
 Fœniculi cinis adstringit, uel fimbria porri.
 Siue fimus manni cum testis uritur oui,
 Et reprimat fluidos miro medicamine cursus.

Verrucæ.) Verruca est caruncula & tuberculum corporis *Verruca.*
 eminens, cuius sectæ sanguis suo contactu alias quoque
 nasci facit: è quarum etiam sectione sanguis aliquando
 immoderatus fluere solet, cui fluctioni nunc præsentia ca-
 pite mederi docet Serenus. Quo pacto autem ipsæ radici-
 tus extirpandæ sint, docebit idem infra capite penultimo,
 ubi & hanc medicinam repetit. *Frenare.*) Compescere &
 constringere. *Ambustus puluis.*) Hoc est, cinis. *Tyrio uel-*
lere.) Lana Tyria purpurarum sanie infecta. Sic dicta à lo- *Purpura et uel-*
 co ubi fit purpura: apud Tyrum enim optima tinge- *lus Tyrium.*
 batur purpura. Est autem Tyrus præclara Phœnicæ urbs, *Tyrus.*
 quæ & Sarra dicebatur. Vnde Sarranum ostrum uocat *Sarra.*
 Vergilius, hoc est, Tyrium. Huius urbis in sacris literis
 sæpe percelebris fit mentio. Est autem uicina Iudææ, sita
 ad aquilonem uersus occidentem. Fuitq; olim, ut Plinius
 lib. 5. cap. 19. scribit, insula præalto mari septingentis passi-
 bus diuisa. Nunc uero Alexandri oppugnantis operibus
 continens. Olim partu clara, urbibus genitis, Lepti, Vrica,
 & illa Romani imperij æmula, terrarum orbis auida Car-
 thagine, etiam Gadibus extra orbem conditis. Nunc om-
 nis eius nobilitas conchylis atq; purpura constat. Sed
 plura de Tyro Curtius libro 4. & Strabo libro 16. qui in-
 ter alia quoq; ait Tyrum post euictas calamitates suas, se-
 ipsam tum nauigando tum purpurarum piscatu instau-
 rasse. Tyria enim purpura optima omnium perhibetur.
 Estq; sanguini sistendo cæteris magis accommoda: ha-
 bet enim adstringendi uim reliquis tenuiorē, ut tradit Ga-
 lenus therapeutice libro 8. quare cæteris etiam præstat.

ff

VVLNERIB. QVIBVSC.

Fœniculi.
cinis.
Fimbria.

Fiber.
Porrum.

Finus equi.

Manni.

Eius enim uirtus, siccando, calefaciendo, ac robur infere-
rendo, corpora alte penetrare potest, ob quod & effica-
cior habetur. Nimios annes.) Hoc est, sanguinis fluxum
ex uulnere superfluentem. Fœniculi cinis.) Præsertim stipi-
tum. Siccantis enim uirtutis est & adstringētis. Fimbria.)
Fimbriæ uestimentorum & aliarum rerum extremitates
dicuntur, à fibro quod antiqui, ut M. Varro testatur, ex-
tremum dicebant. Vnde & in iocinore & pulmone fibræ
dictæ, partes extremæ, Et fiber animal quod circa flumi-
num oras extremas uersetur. Porri.) Porro adstringēdi
& sanguinem supprimendi uim esse, testantur etiam Dio-
scorides, Plinius & Celsus. Vnde & uulneribus imponi-
tur. Finus manni.) Idem testatur Plinius libro 30. capite 3.
dicens: Si ex uulnere immodice fluit sanguis, fimi caballi
ni cum putaminibus ouorum cremati cinis impositus
mire sistit. Sunt autem Manni, equi & caballi. Seneca in
libro epistolarum moraliū: Ita non omnibus obesis man-
nis & asturconibus & tollutaribus præferes illū unicum
equum ab ipso Catone defricum.

VVLNERIBVS QVIBVSCVN- QVE CASIBVS FACTIS.

CAPVT XLIII.

TAM multa humanæ sunt uulnera conditionis
Ut nequeam proprias cunctis adscribere curas,
Iisdem igitur monitis casus armabimus omnes,
Sic tamen ut nullus medicinam eluserit error.
Ergo modus quicumq; obtingit uulneris atri
Contritus cum melle dabit medicamina bulbus.
Herbaq; quæ folijs nomen de nulle recepit
Appositu prodest adipi permixta uetusto.

Qui



VIBVS CVNQVE casibuss.) Id est, quacumq; occasione, siue incidendo, siue contundendo, siue rumpendo, siue quomodolibet aliter fiant. *Tam multa.*) Hoc est, plurima et uaria *Vulnerū uariæ differentie.* atq; diuersa: alia enim secando, alia percutiendo aut contundendo, alia rumpendo aut aliter fiunt: & quocunque casu fiant, sunt etiam uariæ ipsorum differentiarum, ceu magnum, paruum: æquale, inæquale: summū, profundum: rectum, curuum, & si quæ sunt aliarum. *Humanæ conditionis.*) *Conditio.* Sortis humanæ, & quæ in humano corpore contingūt. Conditio enim dispositio quædam est & ueluti fors fortunarum, temporum & rerum. *Vt nequeam prop.*) Scilicet propter laborem frustraneum: frustra enim & superuacaneum esset unicuiq; differentiarum propriam speciatim & seorsum adscribere medicinam, cū omnes una & eadem possint curari. *Curas.*) Hoc est, curandi modos & medicamenta. *Monitis.*) Admonitionibus, documentis, curationibus & medicamentis. *Casus.*) Vulnera cuiuscunque sortis aut conditionis fuerint. *Armabimus.*) Instruemus & curabimus. *Cum melle bulbus.*) *Bulbus.* Plin. libr. 20. cap. 9. Bulbi uulneribus mire profunt per se: aut, ut Damion, ex mulso, si quinto die soluantur. Dioscorides libr. 2. contusis emplastri modo impositos prodesse ait. Vulnera enim glutinant, uti Celsus testatur. *Herba folijs etc.*) Hoc est, *Millefolium,* millefolium, quod Plinius etiam magnifici usus ad uulnera testatur libro 24. cap. 16. imò & obscenarum partium ulceribus mire subuenit, ceu supra capite 35. Serenus etiam tradit.

Succida cum tepido connectit lana lyæo:
Ambustæ uē cinis complebit uulneris ora.
Concludit uero uel frons uel ramus ab ulmo.
Aut succis hederæ pulchrescit fœda cicatrix.

Succida lana.) Quid sit lana succida, dictum est in superiori. *Lana succida.*
ff 2

VVLNERIB. QVIBVSC.

ribus. Hæc Dioscoride libro 2. teste, uulneribus à principio statim ex aceto, oleo, uino uel utiliter imponitur, con-
tusis itidem, desquamatis, liuoribus, fractis q̃ ossibus. Plinius item lib. 29. cap. 2. Ex uino, inquit, uel aceto, uel aqua fracta et oleo aspersa, uulnera sanat. Id q̃ glutinando ipsa, uti libro 5. tradit Celsus. *Connectit.*) Colligat & glutinat uulnera. *Ambusta cinis.*) Scilicet lanæ. Idem testatur Plinius ubi supra dicens: Cinis eius illinitur attritis, uulneratis. Nec modo uulneribus sed & ulceribus est utilis. Nam, ut Dioscorides tradit, cremantur lanæ, crematarum q̃ cinis ignis modo crustas inducit, carniū excre-
scencias cohibet, & ad cicatricē ulcera perducit. In quem usum purgantur prius lanæ, carptæ q̃ in crudo fictili quē admodum & alia cremantur. Sunt & alij cremandi modi, quos breuitatis causa nunc omitto. *Complebit uul ora.*) Id est uulnera perficiet & ad cicatricem perducet. *Concludit.*) Claudat, consolidat & conglutinat atque persanat. *Frons.*) Folium. *Ramus.*) Per ramum intelligitur totam sui substantiam, tum corticem ipsum crassiorē, tum corticis tiliam, ut Plinius uocat, hoc est, corticem interio-
rem & tenuiorem, qui lentus uitilium modo in uincula facile flectitur: qui q̃ folijs multo magis uulnera glutinat pro uinculo & fasciola eisdem circūuolutus, autore Dioscoride. *Vlmus.*) Vlmus nota arbor est, cuius folia, cortex et rami adstringunt, uti libro primo testatur Dioscorides. Et Plinius libro uigesimo quarto, capite octauo, inquit, Vlmi & folia & cortex & rami uim habent spissandi & uulnera contrahendi. *Succis hederae.*) Idem testatur Plinius libro uigesimo quarto capite decimo dicens, Cicatricibus quoq; decorem facit hedera. Imò et adstringente ui sua uulnera consolidat. *Cicatrix.*) Est signum et macula, quæ ex uulnere siue ulcere remanet. Et inde cicatricare dicitur pro cicatricē inducere, & cicatricosum quod plenum est cicatricibus.

Ho-

HOMINIS AC SIMIAE

MORS VI.

CAPVT XLIIII.

SIVE homo, seu similis turpissima bestia nobis
 Vulnere dente dedit, uirus simul intulit atrum,
 Vetonicam ex duro prodest assumere Baccho.
 Necnon & raphani cortex decocta medetur,
 Si trita admorsus fuerit circumlita membris.

H

OMINIS.) Inter morsus uenenosos ponitur & hominis morsus ab autoribus, id est saliuæ morso uulneri illatae causa: non obstante quod natiui caloris uestigium quo cibi coctionem adiuuat, obtineat saliuæ. Verum quia alter alteri temperiem habet haud conformem, hinc fit, ut aiunt, quod saliuæ unius scilicet mordētis, alteri morso fit noxia et uenosa. Et Plinius libro 28. cap. 4. inter asperrimos uel hominis morsum numerari testatur. Qui etiā perniciosior est si à ieiuno inferatur. Nā, ut Auicēna sexta quarti, tract. 4. cap. 2. prodit, Deterior morsus est ille qui est à ieiuno siue sit homo aut non homo. Et maxime etiam si ieiuno inferatur. Hinc Celsus libro 5. de serpentium morso tractans, & noxæ huius nos admonens ait: Illud ignorari nō oportet, Omnis serpentis ictum & ieiuni et ieiuno magis nocere, ideoque perniciosissimæ cum incubant. Vtilissimumque est, ubi ex anguibus metus est, non ante progredi quàm quis aliquid assumpsit. Cæterum hominis saliuæ, sed morso illata (nam et aliās contra morbos amolientos uim obtinet, ceu supra cap. 21. habitum est, efficacem, & idem ex Plinio libro 28. cap. 4. satis patet,) nō modo homini noxia est, sed & contra serpentes ueneni uim obtinet. Quod Plinius etiam libro 7. cap. 2. non ignorans ait:

Morsus hominis.

Morsus ieiuni nocentior.

Salua hominis.

f. f. 3

Simia.

Omnibus hominibus contra serpentes inest uenenum. Feruntque ictas salua ut feruentis aquae contactu fugere. Quod si in fauces penetrauerit, etiam mori idque maxime humani ieiuni oris. *Simia.*) Simia notum est animal, ad hominis figuram proxime accedens. Earum plura sunt genera: de quibus & moribus earum Plinius in nat. hist. libr. 8. cap. 54. sic scribit: Simiarum quoque genera hominis figurae proxima caudis inter se distinguuntur. Mira solertia, uisco inungi, laqueisque calceari imitatione uenantium tradunt. Mutianus & latrunculis lusisse, fictas caera, acies uisu distinguere: Luna caua tristes esse, quibus in eo genere cauda sit: Noua exultatione adorare. Namque defectum syderum & caeterae pauent quadrupedes. Simiarum generi praecipua erga foetum affectio. Gestant catulos quae mansuetactae intra domos peperere, omnibus demonstrant, tractarique gaudent, gratulationem intelligentibus simijs. Itaque magna ex parte complectendo necant. Effratior cynocephalis natura, sicut saturis. Calitriches toto pene aspectu differunt. Barba est in facie, cauda late diffusa primori parte. Hoc animal negat uiuere in aliquo, nisi Aethiopiae, quo gignitur caelo. Haecenus Plinius. Quod autem simiarum morsus sit noxius, testis est non modo hic Serapion, sed et Celsus, qui omnem ferentis morsum uirus quoddam habere adstruit: et inter uenenosos morsus simiarum quoque morsum connumerat dicens: Dixi de his uulneribus quae maxime per tela inferuntur. Sequitur ut de his dicam, quae morfu fiunt: interdum hominis, interdum simiae, saepe canis, nonnunquam ferorum animalium, aut serpentium. Sed cur simiarum morsus innocuus censeretur, cum hominis morsus uel inter asperri-mos habeatur, autore Plinio? Et cum quod minus uidetur inesse, cur etiam non id quod magis: ut loquuntur Logici. *Morsui.*) Morsus est dentium lesio. Et mordere, est dentibus ledere. *Similis bestia nobis.*) Hoc est, simia. Nam, ut Plinius libro 11, capite 44. ait, simiarum genera perfectam hominis

*Morsus.**Bestia hominis simili.*

minis similationem continent, facie, naribus, auribus, palpebris. Quæ solæ quadrupedum & inferiorem habent genam, iam mammas in pectore, & brachia, & crura in contrarium flexa. Similiter in manibus ungues, digitos, longioremque medium. Pedibus paulum differunt. Sunt enim ut manus prælongi, sed uestigium palmæ simile faciunt: ijs quoque podex & articuli ut homini, & præter genitale tantum: & hoc in maribus. Viscera etiam interiora omnia ad exemplar. *Virus atrum.*) Venenum noxiū atque letale. *Simul intulit.*) Vnā cum morſu in uulnere morſo reliquit. *Vetonicam.*) Quoniam maxima pars uenenorum frigore interimit, autore Celſo: ideo contra ea medicamentis maxime opus eſt quibus calor mouetur, ne humorem intus coire patiatur. Similiter utilia ſunt ea quæ extenuant, qualia ſunt quæ urinam mouent. Cuiusmodi uires obſeruet uetonica, quare & uenenatis morſibus ex uino pota medetur: idque non hominis aut ſimiae tantum, ſed ſerpentium quoque, uti ſequenti capite teſtatur Serenus. *Duro Bacco.*) Vino aſtero, quod urinam pellit & uires firmat. *Vinum aſterum.* *Raphani cortex.*) Raphanū contra uenenatos morſus uim habere, idque ex poſca uel aceto mulſo, teſtantur etiam Plinius & Dioſcorides: quamuis hic ad uiperarum ſolum, ille generalius ad ſerpentium morſus uim hanc contrahat. Eadem autem eſt huius medicinae ratio quæ de Vetonica iam dicta eſt: & autor utraq; etiam contra ſerpentium morſus utitur capite ſequenti.

SERPENTVM MORSIBVS

ET VIPERAE VIRVS EX-

cludendis.

CAPVT XLV.

C V S P I D E nō quifquā, longæ neque cede ſariffæ,
Fulmine non gladij, uolucris nec felle ſagittæ,

SERPENTVM MORSIB.

Quàm cito uipereo potis est affligier ictu:
Quare aptam dicamus opem, succosq; medentes.

Serpentiū plu-
ra genera.



ERPENTVM.) Serpentū plura sunt ge-
nera. Quēdā enim magis noxię sunt: ceu aspis,
cerastes, dispas, hæmorrhoids, chelydrus, scyta
le, basiliscus, & id genus alię, quę calidissimis
ceū India, Aethiopia, Aegypto, Aphrica & similibus com-
morātur regionibus. De hijs & earundem morsus notis
plura Lucanus libro 9. Quędam uero sunt mitiores &
minus terribiles, ceū uipera, boa, cecilia, anguis & reliquę
Italiae frigidarumq; regionum serpentes. Et hoc serpen-
tium discrimen Celsus quoq; nō obtricit lib. 5. Postquam
enim speciales pestiferarū curationes tradidit, sic ait: Ve-
rum hæc genera serpentium & peregrina & aliquāto ma-
gis pestifera sunt, maximeq; æstuosus locis gignuntur. Ita-
lia, frigidioresq; regiones hac quoq; parte salubritatem
habent, quod minus terribiles angues ædunt. Verū quia
serpentium omnium morsus, eodem Celso autore, non
nimium distantem curationem desiderant: quamuis in
ea multum antiqui uariarunt, ut in singula genera angui-
um, singula medendi genera præciperent, atq; alijs alia:
sed in omnibus eadem maxime proficiunt. Hinc Sere-
nus quoq; curationes cōmunes aduersus omnes morsus
quorumcunq; serpentium promiscue tradit: excepta sola
aspide, cuius morsus aliās incurabilis habetur: nec per ui-
peram propriam speciem illā sic dictā, sed generatim oēs
serpentes intelligit. Docetq; non modo factis iam morfi-
bus mēderis sed & a futurorum ueneno præcauere. Sed
antequam hæc agat, Primū quā noxi sint huius mor-
sus & ictus, ostendit, asserens illos nocentiores esse omni-
bus quę extrinsecus corpori occurrentia ipsum lædunt.
Et Plinius libro 25. capite 3. serpentium ictum pessimum
asseuerat dicens: Ordiendum a malorum omnium pes-
simo, id est serpentium ictu. Porro aduersus serpentium
ictus

ictus et morsus curationes tum communes tum speciales
 copiosius repperies apud Dioscoridem lib. 6. & Celsum
 libro 5. *Viperæ uirus.*) Quid sit uipera, quid uirus, dictum
 est supra. Hic tamen uirus pro ueneno accipitur: uipera
 uero non solum pro proprie sic dicta serpente, sed & pro
 omni alia serpentum specie. *Cuspide.*) Hastæ summitate *Cuspis.*
 acuta. Cuspis enim & hastam significat, & hastæ summi-
 tatem. *Non quisquam.*) Non aliquis, nemo. *Longæ sarissæ.*) *Sarissa.*
 Sarissa est hasta prælonga Aelianus in Tarticis, Sarissa est
 lancea qua utitur phalanx Macedonica, longitudine 14.
 cubitorum, quorum duo manus continent, reliqua duo
 decim prominent. *Σοῦιδας. Σαρίσσα ἐῖς τοῦ ἀκοντίου ἐξ ἑνικοῦ,*
δορὺ μακρὸν παρὰ μακρόσσι. Et Liuius: Prælongas hastas *Sarissophori.*
 Macedones Sarissas uocant. Hinc Sarissophori qui saris-
 sas gestāt dicti. *Cade.*) Percussione & uulneratione. *Cæ* *Cades.*
des proprie mors est, ferro aut alia re exteriori et ui illata.
Fulmine.) Fulmen proprie est exhalatio inflammata & in- *Fulmen.*
 censa quæ de nube elisa deorsum eiacularur & ruit, cuius
 duæ sunt species, de quibus Aristoteles Meteororum lib.
 3. cap. 7. & 8. Hic tamen pro ictu & uulneratione accipitur.
Gladij.) Gladius est ensis qui & spata dicitur & mucro, *Gladius.*
 quamuis mucro pro teli cuspide aliquando accipitur. *Mucro.*
Volucris.) Velocis, pernicious. *Felle sagittæ.*) Hoc est, uene-
 no sagittarum. Solebāt enim antiquitus populi quidam *Sagittarum*
 ceu Arabes & Indorum quidam, Galli itē & Scythæ ue- *infectio.*
 neno tingere sagittas. De Indis habes apud Paulū Oro-
 sium lib. 3. ubi scribit Alexādrum in expugnatione ciuita-
 tis cui Ambira rex erat, magnam partem exercitus sagit-
 tis hostium ueneno illitis amisisse. Gallorum qui sagittas
 elleboro collinebant, meminit Celsus libr. 5. hijs uerbis,
 Venenum serpētis, ut quædam etiam uenatoria uenena,
 quibus Galli præcipue utuntur, non gustu sed in uulne-
 re nocent. Ideoq; colubra ipsa tuto estur, ictus eius occi-
 dit. Et Plinius libro 25. cap. 5. Galli, inquit, sagittas in ue-
 natu elleboro tingunt, circumcisoq; uulnere teneriorem

SERPENTVM MORSIB.

sentiri carnem affirmant. De Scythiis uero sic scribit Plinius: Scythæ sagittarum ungunt aciem uiperina sanie & humano sanguine. Irremediabile id scelus, mortem illico adfert leui tactu. Et hoc fortassis Serenus nobis insinuat & proponit, uolens per id nobis ostendere serpentium ictu illatum uenenum omni alio extrinsecus illato magis noxium pestiferum quæ esse, etiam si Scytharum sagittis ueneno tinctis inferatur, quod tamen leui tactu mortem illi co adfert. Cæterum sagitta iaculi genus est quod arcu emittitur: sic dictum quod satis longe siue sagaciter mittatur. Per fel autem uenenū intelligit autor. Potis est.) Potest. Affligier.) Pro affligi. Aptam opem.) Auxilium et medicamenta conuenientia atque utilia. Succos medentes.) Medicinas salutiferas ex herbarum succis & alijs liquoribus confectas.

Sagitta.

Quæ nocuit serpens, fertur caput illius apte
Vulneribus iungi, sanat quæ sauciat ipsa,
Vt Larissea curatus Thelephus hasta.

Serpentis
medicina.
Serpens sibi
ipsi reme-
dio.

Quæ nocuit serp. &c.) Quæ morfu uel ictu uenenum letiferum intulit. Idem testatur Plinius nat. hist. lib. 29. cap. 4. hijs uerbis: Viperæ caput impositum uel alterius quàm quæ percusserit, sine fine prodest. Et paulo post, Constat, inquit, cōtra omnium serpentium ictus quamuis insana biles ipsarum serpentium extra imposita auxiliari. Vt.) Quemadmodū. Et per hoc uult probare id quod dixit, Sanat quæ sauciat ipsa: hoc est, quod eadem res quæ nocumentum intulit, idem etiam amoliri & mederi possit. Et huius gratia exemplum subiungit de Thelepho qui eadem hasta ab Achille letaliter uulneratus fuit et persanatus, ut fabulatur poëtæ. Larissea.) Achillea. Larissa Thesaliæ ciuitas, quam Pensilem & Pelasgiam cognomināt, à qua Larisseus dictus est Achilles. Sunt & aliæ eius nominis ciuitates in diuersis locis, de quibus plura Strabo geographiæ lib. 9. & 13. Telephus.) Telephus ab Achille letaliter

Larissa.

Telephus.

letaliter uulneratus, Apollinem de remedio consulit: & accepto responso, nisi rursus ab eodem uulneraretur, liberari eum non posse, rursus congregitur & eodem loco uulneratur, sicq; sanitati restituitur. Et hæc est quam auctor nobis proponit fabulam, cuius & Ouidius meminit, Vulnus Achilleo quæ quondam fecerat hosti, Vulneris auxilium Pelias hasta tulit. Ortum autem habuit figmentum hoc poëticū, ex eo quod Achilles ferri rubigine Telephum sanasse dicitur, ut refert Plinius nat. hist. libro 34. cap. 15. hijs uerbis: Est & rubigo ipsa ferri in remedijs, & sic Telephum proditur sanasse Achilles, siue id ærea siue ferrea cuspide fecit. Ita certe depingitur ex ea decutiens gladio, Vis eius ligare, siccare, restringere. Meminit eiusdem idem libro 25. cap. 5. sic: Inuenit & Achilleon Achilles discipulus Chironis, qua uulneribus mederetur, quæ ob id Achilleos uocatur, hac sanasse Telephum dicitur. Alij primum æruginem inuenisse utilissimam emplastris, ideoq; depingitur ex cuspide decutiens eam gladio in uulnus Telephi. Alij utroq; usum medicamento uolunt. Ceterum quia cuspide & uulneratus et sanatus dicitur, hinc adagio locus factus est de eo qui uulnerauit, idemq; per sanauit, ut dicatur *ὡς δὲ τῆς ὥστας, καὶ ἰάσεται*. Et hinc etiam *Adagio.* quæ multæ malignitatis sunt uulnera & quibus salutari Achillis manu opus sit uulnera, Telephia appellantur: quemadmodum & Chironia quæ curam uix admittant & Chironem aliquem desiderant, autore Paulo Aegineta medicina libro 4.

Proderit & caulem cum uino haurire fabuci,
Aut coctum raphani librumq; tritumq; ligare,
Siue etiam excelsa folium de mole cupressi.
Manauit lactans caprifici succus ofellam,
Aut tithymallus atrox, uulnus quæ trita perungat,

Caule fabuci.) Quod de caule fabuci tradit Serenus, id Dio *Sabuci.* scorides libro 4, de radice testatur & Plinius lib. 24. cap. 3.

SERPENTVM MORSIB.

Raphani
cortex.

de folijs, idq; minoris sabuci. Sed nihil refert, omnia enim eiusdē sunt uirtutis. Apuleius capite de ebulo ex magica ostentatione precationē annectit, cui tamē nos ultimum uale dicemus. *Raphani librum.*) Corticem raphani praesertim satiui, qui & radícula uocatur à Romanis. Plinius simpliciter satiuios raphanos sed in posca decoctos contra serpentium morsus illini tradit. Dioscorides uero lib. 2. corticem ex melle impositam uiperarum morsibus succurrere. Semen uero contra cerastæ morsus cum uino utiliter bibi. Et libro 6. ubi contra uiperæ morsum ponit remedia, sic ait, Succurrit raphani tam diu tusus cortex, ut quàm maxime concisus sit: impositus loco & uulneri. *Ligare.*) Scilicet super uulnus morsum. *Excelsa mole.*) Ar-

Cupressus.

bore procera & alta atq; magna, ut quæ asseres & ualuas etiam exhibeat. *Folium cupressi.*) Idem testatur Plinius libro 24. cap. 5. dum ait, Cupressi folia trita serpentium ictibus imponuntur. Imò, ut idem paulo post dicit, Cupressi pilulæ quoq; aduersus serpentium ictus bibuntur etiam.

Manare.

Manauit.) Manare est stillare, cum scilicet ex integro sed nō satis solido per minutissimas partes stillat. Res autem quæ manat hic in accusatiuo ponitur, quemadmodum apud Plinium libro 14. Arborum succo manantium picem resinamq; aliæ ortę in oriente, aliæ in Europa feruntur. *Lactans.*) Hoc est lacteum succum & liquorem red-

Caprificus.

dens. *Caprifici succus.*) Lachryma & humor siue liquor fici agrestis, quem & lac à candore uocant. Caprificus est ficus syluestris, de quo Plinius libro 15. cap. 19. Huius lac scorpionum ictibus uulneri instillatum, canumq; morsibus, & omnibus quæ morsu ictiue uenenum relinquunt, succurrit. Potest eadem ex teneris caprifici coliculis expressus succus cum nondum erumpente gemma quasi pręgnantes sunt. In quem usum tunduntur & exprimentur, expressusq; succus in umbra siccatus seruatur, autor Dioscorides. *Ofellam.*) Ofella diminutiuum est ab

Ofella.

Offa.

Offula.

offa, quemadmodum et offula. Sunt autem offę informes massę

massæ & exiguæ in frustra sectiones. Vnde Serenus offel-
lam hic pro succi desiccati massa & frustis accipit. Cæte-
rum offulas pro esca scitissimi saporis accipiunt, cuius ua-
rios conficiendi modos conscribit nobis Apicius culina-
riæ artis libr. 7. Huiusmodi offulam quampiam intelligit
Claudius dum inquit apud Suetonium: Rogo uos quis
potest sine offula uiuere. Sunt item carnis frustra offæ &
offulæ dictæ. Columella libro 11. de falsura suillæ carnis:
Caro in libralia frustra conciditur, deinde in seriam sub-
sternitur sal coctum, sed modice infractum, deinde offulæ
carnis spisse componuntur, & alternis sal ingeritur. Ad-
hæc offa pulstem significat & quicquid in pultis modum
est redactum. Cicero: Cum igitur offa iam cecidit ex ore
pulli, tum auspicanti tripudium solistimum nunciatur.
Accipitur etiam pro cibo quocunq;. Vnde prouerbio di-
citur, Inter os & offam, hoc est, inter os & cibum. Memi-
nit huius A. Gellius Atticarum noctium libro 13. cap. 16.
Tithymallus.) Tithymallus herba est, quæ & lactaria & ma-

Tithymallus.

Libr. 5.

Libr. 26.

rina siue caprina lactuca appellatur. Cuius Theophra-
stus tria facit genera. Dioscorides uero & Paulus Aegine-
ta & Plinius atq; Apuleius septem. Atrox.) Vocat tithy-
mallum atrocem propter acrimoniam et uim eius feruen-
tem. Est enim tam feruentis naturæ, ut per se extra corpo-
ri impositus pustulas ignium modo faciat, & pro causti-
co in usu sit. Quæ.) Scilicet offella succi caprifici aut ti-
thymalli atq; succus ipse.
Carduus & nondum doctis fullonibus aptus,
Ex illo radix tepido potatur in amni.
Ceruino ex foetu commixta coagula uino
Sumuntur, quæ res membris agit atra uenena.
Aut ferulæ radix potatur in imbre lyæi.
Vetonica uel leues, gallinæ aut iura uetustæ.

Carduus.) Carduus proprie herba est quæ Græce scolymos Carduus,
dicitur. Accipitur tamen aliquando pro alijs etiā spinosi

SERPENTVM MORSIB.

generis plantis, quales sunt chamæleon uterq; dipſacos
ſiue labrum Veneris, ſpina alba, eryngium, & id genus
aculeatarum aliæ. Quarum chamæleoni albo & eryngio
priuatim uirtutem hanc contra uenena tribuit Dioſco-
rides. Nam libro 3. capite 9. de chamæleone albo ait:
Radix eius cōtra uenenata pro theriace eſt, pota cū uino.
Et capite 23. libri eiſdem de eryngio inquit, Bibitur cum
uino utiliter & contra uenenatorum morſus & epota ue-
nena. *Nondum aptus.*) Per hoc intelligit uiridem & recen-
tem, qui fullonibus propter teneritatem ſuam nondum
eſt idoneus nec utilis. Siccatis enim utuntur & aridis ful-
lones. *Doctis fullonibus.*) In arte ſua expertis & probatis e-
doctisq; Siue doctis, ad differentiam uermiculorum qui
etiam fullones dicuntur. Sunt autem fullones, ueſtimen-
ta curantes & polientes: ſic dicti à fouendis calida aqua
ueſtibus. Ars ipſa fullonia dicitur. *Amni.*) Hoc eſt, aqua:
ſiue, ut Dioſcorides docet, uino. *Ceruino ſætu.*) Hoc eſt,
hinnuli & cerui iuuenis in matris utero occiſi, ut Plinius
tradit, qui lib. 8. capite 32. ſic ait: Contra morſus ſerpen-
tium præcipuum remedium ex coagulo hinuli in utero
occiſi. Et iterum libro 23. capite 10. Summis, inquit, reme-
dijs præfert hinuli coagulum in matris utero execti. Dio-
ſcorides item uenenatorū morſibus id utile eſſe teſtatum
reliquit. Quid autem ſit Coagulum, dictum eſt ſuperius
capite 30. *Agit.*) Abigit, fugat & expellit. *Atr4.*) Letalia.
Venena.) Venenum dicitur omne quod uitæ noſtræ con-
trarium eſt, ceu dictum eſt ſupra capite 8. 9. & 10. *Ferula
radix.*) Ultra id quod ſerpentium morſui medeatur, me-
dicamenti quoq; bibendi pondus & menſurā nobis præ-
ſcribit Plinius, & radicem imponi quoq; iubet, dum lib.
20. capite 23. ait, Ferulæ radix denarij pondere & uini cya-
this duobus bibitur aduerſus ſerpentes. Et ipſa radix im-
ponitur. Dioſcorides uero uim hanc medullæ tribuit in-
quiens, Datur uiridis ferulæ medulla contra morſus bi-
benda cum uino, quod autor nunc imbrem lyxi uocat:

Vetonicæ

Fullones uer-
miculi.

Fullones artis.

Ars fullonia.

Coagulum hin-
uli.

Venenum.

Ferulæ radix.

Vetonica.) *Vetonica* nō solum bibita sed & imposita con-
tra serpētium & uenenatorū morsus utilis est. Ant. Musa:
Vetonica drachmas tres in uini cyathis tribus diluito &
potui dato, omnium serpentium morsus sanat. Item, *Ve-*
tonica drachmas sex in uini nigri cyathis tribus conte-
rito & super uulnus illinito. Item, Ad rabidi canis mor-
sum, *Vetonica* contusa morsui imponatur. Plinius libro
25, capite 8. Morsibus imponitur *Vetonica* præcipue: cu-
ius uis tanta perhibetur ut inclusæ circulo eius serpentes
ipsæ sese interimant flagellando. Datur & ad ictus semen
eius denarij pondere cum tribus cyathis uini: uel farina
drachmis tribus sextario aquæ imponitur. Celsus item
libr. 5. eandem tum potui datam ex uino tum impositam
prodesse testatur. Et Dioscorides uires eius libro 4. de-
scribens: Dantur, inquit, bibenda folia trium drachma-
rum pondere, cum uini sextarijs duobus contra uenena-
torum morsus. Quin etiā emplastri modo imposita her-
ba uenenatorū morsibus pariter prodest. Prodest & con-
tra uenena, in quem usum drachmæ pondere bibitur in
uino. Eadē præsumpta leralibus aduersatur uenenis. Vri-
nam præter hæc cit. &c. *Leues.*) Faciles ad sumendum.
Nam, ut Musa in epistola ad Agrippam scribit, non gu-
stus asperos offert quum sumitur: & si adfert, tormenta
sunt mediocri quadam lenitate parata, & sine offensa sto-
machi sumitur, tantumq; potest ut eam laborantes non
tantum sine labore sumant, sed etiam libenter. Odore est
tam amabilis, uti ignorantem cogat suspicari herbam uti-
lem corpori. *Gallina iura uetustæ.*) Gallinarum ius uenena-
torum morsibus mederi testatur etiam Plinius. Et quia
domesticum est animal gallina & eius compar gallinace-
us, haud abs re aut incassum fuerit, quas de gallinaceis et
eorum non solum iure sed alijs etiam partibus contra ue-
nenatos morsus cæteri quoq; instruxerunt medicinas, re-
ferre. Nam si casus huius uulneris contigerit atri, hac
non alia profutura res prior & magis in promptu haberi

Gallina ius
alio partes,

SERPENTVM MORSIB.

poterit. Sed quæ partes ipsorum & quis earundem utendi modus opem & auxilium nobis promittant, aliorum audiamus testimonia. Et in primis quidem Dioscoridis qui medicinalis syluulæ libro 2. sic prodiit: Succurrūt serpentium morfibz dissectæ & ita ut tepebunt impostæ gallinaceorum carnes: crebro tamen & subinde mutandæ sunt. Datur & in potione cum uino contra uenenatorū morsus gallinaceorum cerebrum. Et libro 6. capite de curatione communi morsus uenenatorum, Ex animalibus, inquit, utiliter etiam accipiuntur gallorum cerebella in cibo. Et libro eodem capite de uipere morsus curatione, Succurrūt, ait, uiperæ morfibz & gallinacei pulli dissecti quamprimumq; & calentes adhuc imposti. Et paulo post Erasistratus, ut refert, præter hæc in commentario de remedijs plura alia quæ opẽ ferre possunt, enumerauit: Inter probatissima tamen & præcipua, gallinaceorum cerebella cum uino pota. Hęc Dioscorides, cui & Plinius subscribit naturalis historia libro 29. capite 4. inquit: Carnibus gallinaceorum ita ut tepebunt euulsæ apostitis uenena serpentium domantur. Item cerebro in uino poto. Parthi gallinæ malunt cerebrū plagis imponere. Ius quoq; ex hīs potum præclare medetur, & in multis alijs usibus mirabile: ualidius ē uetere gallinaceo.

Si uero horrendum uulnus fera fecerit aspis, Vrinam credunt propriam conducere potur, Varronis fuit ista senis sententia. Nec non Plinius ut memorat sumpti iuuat imber aceti,

Si uero horr.) Traditis contra uiperarum & aliarū minus perniciosarum serpentium morsus medicamentis, subiungit nunc magis pestiferarum & quæ propter ueneni uim præsentaneam, & quia morsus citra doloris sensum accedit, horrendæ et timendæ sunt curationes, sed ex aliorum autoritate relatas. *Aspis.*) Aspis serpens est, cuius plures diuersasq; species refert Solinus, uerum disparis effectus.

ctus. Sūtq̃ omnib. ab effectu indita nomina. Vnde quan-
tus nominum, tantus etiam mortium numerus est. Gale-
nus item tria genera facit aspidū, chersæam, chelidoniam
& ptyada, quam ultimam proprie sub aspidis nomine
Serenus, Dioscorides, cæteriꝑ̃ autores intelligunt. De
aspide uero sic scribit Lucanus libro 9. Hic quæ prima ca-
put mouit de puluere tabes, Aspida somniferam tumida
ceruice leuauit, Plenior huic sanguis, & crassi gutta uene-
ni Decidit, in nulla plus est serpēte coactum, Ipsa caloris
egens gelidum non transit in orbem, Sponte sua, Niloꝑ̃
tenus metitur arenas. Hęc omnium perniciosissima est, et
morsus eius omnium maxime insanabilis habetur, auto-
re Aeliano de animantium naturis libro 1, ubi aduersus
uiperarum omniumꝑ̃ serpentium morsus remedium in-
ueniri tradit, aspide una excepta. Nec id mirum cum clan-
culum & citra dolorem uenenū infundat, nec post mor-
sum in corpore uulnus nisi forte paruum et obscurum re-
linquat, autore Nicandro in theriacis cum ait, ἀσπίδα φοι-
νήσασα ἀμυδρότατον δ' ἄκνον ἄλλωμ. Sed tantū somnus ob-
reperit letalis. Hinc Plinius libro 29, cap. 4. Aspidēs, inquit,
percuttos torpore & somno necant, omnium serpētium
minime sanabiles. Sunt & alij aspidum effectus, quos om-
nes copiosius enumerat Dioscorides libro 6. in hunc mo-
dum: Aspidis morsus acu punctis uulneribus similis est
& perexiguus uix apparens, sineꝑ̃ tumore. Sanguis non
multus sed paucus & niger destillat. Hebetatur quampri-
mum oculorum acies: totoꝑ̃ corpore multiplex, sed mi-
tis nec sine uoluptate dolor adest. Vnde bene Nicander
inquit, Peritꝑ̃ sine dolore homo. Mutatur color, uire-
scitꝑ̃. Stomachi non adeo grauis erosio adest. Frons con-
tinue contrahitur. Sine sensu palpebræ ueluti in accessio-
ne somni conniuent: & inter hæc mors adest, nec tertia
diei parte quidem dilata. Hactenus Dioscorides. Cæte-
rum quod ad curationem eius attinet, nō credendum est
tales morsus esse immedicabiles aut insanabiles, adeo ut

h h

SERPENTVM MORSIB.

Vrina.

M. Teren-
tius Var-
ro.

omnino curari non possint & omnimoda sanitatis resti-
tutio tollatur, sed eousq; tantum ut solam curandi diffi-
cultatem designatam intelligamus. Inter omnes enim ser-
pentes nulla ueneni uim præsentius exercet, & noxam
magis sensui occultat. Vix enim dū mordetur quis, mor-
sus dolor aut sensus adest, ipsaq; leuifrons caret inuidia,
nec quicquam plaga minatur: sed subit uirus tacitum,
quemadmodum de dipsade etiam scribit Lucanus, quæ
tamē & ipsa inter aspidū species numeratur à Solino. Cu-
ram itaq; admittit & sanabilis est aspidis morsus, si uete-
rum scriptorum autoritati fidem habemus, qui curā ex-
perimento comprobata testantur, ut paulo post dice-
mus. *Vrinam propriam.*) Quoniam aspidis ueneum quem
admodum & cerastræ ac taurinus sanguis, spiritum & san-
guinem in uenis gelant, uti Dioscorides libro 6. tradit,
ideo contra id maxime proficient quæ congelationem et
inspissationem illorum dissipent atq; discutiant, cuius ge-
neris uel ipsa urina existit. De qua sic scribit Plinius libro
28. cap. 6. Magna & urinæ non ratio solum, sed etiam reli-
gio apud autores inuenitur digesta in genera. Verum ex
his quæ referre fas sit, impubium puerorum contra sali-
uas aspidum, quas pyradas uocant, quoniam uenena in
oculos hominum expuant. Sua cuiq; autem (quod fas sit
dixisse) maxime prodest. Et libro 29. cap. 4. Contarer, in-
quit, in proferēdo ex hijs remedia, nisi M. Varronem sci-
rem 83. uitæ anno prodidisse aspidum ictus efficacissime
curari hausta à percussis ipsorum urina. *Varronis senis.*)
Confirmat nunc dictam medicinam quemadmodum et
Plinius Varronis autoritate et testimonio. Fuit autem M.
Terentius Varro uir doctus & togatorum eruditissimus
iudicatus. De quo Valerius Maximus memorabilium li-
bro 8. cap. 7. sic scribit: Terentius autem Varro humanæ
uitæ exemplo & spacio nominandus, non annis, qui-
bus sæculi tempus æquauit, quàm stilo uiuacior fuit: in
eodem enim lectulo & spiritus eius, & egregiorum ope-
rum

rum cursus extinctus est. Scripsit autē inter alia de lingua Latina libros, & de re rustica tres, & hos quidem, ut ipse met testatur, anno ætatis sue octogesimo, *Plinius.* C. Pli C. *Plinius Secundus.* nius Secundus, uir ingenio clarus, libros scripsit complures: ē quibus septem & 30. quos de naturali historia conscripsit, adhuc extant, opus diffusum, eruditum, nec minus uarium quā ipsa natura. In quorum libr. 23. hoc contra aspidas refert medicamentum, inquit: Nesciere medici quantum contra aspidas polleret acetum. Nuper ab aspide calcata percussus utrem aceti ferens, quoties deposuisset sentiebat ictum, aliās illæso similis. Intellectum ibi remedium est, potuq; succursum. Perijt autem sub Titodum Vesuii montis incendium parum caute ex proximo specularetur. Sed plura de uita, studio et libris suis Plinius Iunior libro epistolarum 3. in epistola ad Marcum. De exitu uero ipsius idem libro 6. epistola ad Tacitum. *Sumpti imber aceti.* Hoc est, acetum copiose potum. Idem *Acetum.* testatur Celsus medicinæ libro 5. à quo & Plinius sententiam suam mutuatus est, Celsi uerba sunt: Vsus ipse docuit, quē aspis percussit, acetū potius bibere debere. Quod demonstrasse dicitur casus cuiusdam pueri, qui cū ab hac ictus esset, & partim ob ipsum uulnus, partim ob immodicos ætus siti premeretur, ac locis siccis alium humorem non reperiret, acetum quod forte secum habebat, ebibit, & liberatus est. Credo quoniam id, quamuis refrigerandi uim habet, tamen habet etiam dissipandi. Quo fit ut terra respersa eo, spumet. Eadem ergo ui uerisimile est, spissescentem quoq; intus humorem hominis ab eo disscuti, & sic dari sanitatem. Hæc ille. Dioscorides uenentorum morsus quicunq; refrigerant, aceto calido, & contra quicunq; incendunt frigido fouendos præcipit.

Dicendum et quæ sit præcox medicina timentī:
Cautio nanq; potest diros præuerrere morsus.

Sī secur exectum tardo de uulture portes.

h h 2

SERPENTVM MORSIB.

Erucis aut si totos pertinxeris artus,
Quas prius attritas uehementi spargis aceto.
Aut tu ceruina per noctem in pelle quiescis,
Aut genere ex ipso dentem portabis amicum.

Quando *Dicendum.*) Tradita contra uenenatorum morsus cura-
præcautio- tione, agit nunc de præcautione, qua, ubi inferendi uene-
ne ut edum. ni timor adest, ne malum ingruat, utendum est: & quam
primum præueniendo remedijs auxilium afferendum,
ne inutilis postea futura sit, cum uirus corpora iam occu-
Præcox me post malum adest. *Præcox.*) Præmatura & quæ ueneni
dicina. uim anticipat & præuenit, præcauetq; ne quod futurum
sit malum accidat, aut si ne inferatur cauere non poterit,
saltem ne noceat. *Cautio.*) Præcautio, præuisio ne uene-
num inferatur aut noceat. *Diros.*) Asperos, crudeles, ue-
nenatos & letales. *Præuerrere.*) Anteuerrere, præcauere.
Vultur. *Iecur de uulture.*) Vultur autij generis animal est rapax at-
que carniuorum, odoratu suo cadaueſa putrida lōge ſen-
tiens & indagans: de quo ſic refert libr. 10. cap. 6. Plinius,
Vulturum præualent nigri, Nidos nemo attingit. Ideo
etiam fuere qui putarent illos ex aduerſo orbe aduolare
falſo. Nidificant enim in excelsiſſimis rupibus. Fœtus qui
dē ſæpe cernūtur fere bini. Vmbrius aruſpicū in noſtro
æuo peritiſſimus, parere tradit oua tria, uno ex hijs reli-
qua oua nidumq; luſtrare, mox abiicere. Triduo aut ante
Vulturis aut biduo uolare eos ubi cadauera futura ſunt. Huius nō
iecur, modo iecur, uti Serenus tradit, ſed & cor & pennæ con-
Cor, tra ſerpentes proſunt. Plinius libro 29. cap. 4. inquit, Ex
Pennæ. uolucris in auxilio contra ſerpētes primum uultur eſt.
Annotandum quoq; minus uiriū eſſe nigris pennarum.
Ex ijs enim ſi urantur, nidore fugare eas dicunt: item cor
eius alitis habentes rutos eſſe ab impetu non ſolum ſer-
pentium ſed etiam ferarum & latronum ac regum ira.
vulturis *Tardo.*) Epitheton eſt à uolatu quem facit tardum. Vnde
etymon. etiam

etiam nomen uultur inclinatum uolunt. *Erucis.*) Per *Erucæ.*
 erucas autor intelligit non herbam illam notam & *ἐν ζω. κάμπω.*
μορὰ Græcis dictam, sed bestiolas & uermiculos illos ole
 rum quos Græci campas appellant, & alio nomine etiam *Bruci.*
 bruci uocatur: quamuis hoc nomine Græci locustarum
 genus quoddam etiam appellent. Nascuntur autem eru-
 cæ dirum animal locis apricis post pluuias tempore hu-
 mido & lento, ceu Plinius libro 17. cap. 24. prodit & Colu-
 mella. Eroduntq; uitium, arborum & satorum omnium
 frondem & florem adeo ut depastam arborem turpi facie
 relinquant. Quæ quo pacto domandæ sint, satis copiose
 & uel ad superstitionem usq; docet Columella libro rei
 rusticæ 11. & in carmine de cultu hortorum uersus finem.
 Ceterum quoniam nihil à rerum omnium parente natu-
 ra sine aliqua occultiore & ingenti causa, nullumq; ma-
 lum sine bono aliquo producitur, gigniturq; ut Plinius
 scribit, hinc etiam quamuis terræ nascentibus maxime
 sint noxiæ erucæ, habent tamen nihilominus in remedi-
 ca utilitatis quidpiam, et præsertim contra uenenatorum
 morsus, ceu hoc loco Serenus affirmat, & idem Dioscori-
 des testatur inquit: Quæ in oleribus nascuntur erucæ,
 à uenenatorum iniurijs, quæ ictu aut morfu uenenum re-
 linquunt, tutos ex oleo inunctæ feruntur homines serua-
 re. *Totos artus.*) Vniuersum corpus. *Vehementi.*) Forti
 & acri. *Ceruina pelle.*) Idem testatur Plinius inquit: *Pellis ceruina.*
 les cerui substratæ, securos præstant ab eo metu somnos.
 Nam in ceruina pelle si quis iacuerit, nullus ad hominem
 serpens accedit, autore Sexto Platónico. *Quiescis.*) Iacis
 & dormis. *Genere ipso dentem.*) Hoc est, dentem cerui.
Dens cerui.
 num. Certum enim est, si Plinio libr. 28. cap. 9. credimus,
 Ceruos serpentibus aduersari & exitio esse. Et omnino
 aliquid cerui habentes fugiunt. *Amicum.*) Amicum cum
Amicum.
 re inanimata iunctum, utile significat & gratum, ut ami-
 cus humor, amica herba, amicum tempus.

SERPENTVM MORSIB.

Toxica præterea qua sint pellenda medela
 Expediam, sanguis poterit prodesse caninus,
 Qui facili potu antidotos imitatur honestas,
 Vis & mirificos cautus prædiscere odores,
 Accensis quibus arcetur teterrima serpens,
 Aut styracen uras, aut atrii uulturis alam,
 Vel nepetam, aut frondē rigidæ stirpemq; myricæ.

Toxicum.

Toxica.) Toxica quondā cōmuni appellatione diceban-
 tur uenena quibus sagittæ tangebantur, quæ tamē qualia
 fuerint & unde cōficerentur, haud facile quis nunc dixe-
 rit: quamuis Plinio ex taxi arboris succo confecta uide-
 antur. Nam in historiæ naturalis lib. 15. capite 11. de taxo
 arbore agens, sic inquit: Hanc Sestius smilacē à Græcis
 uocari dixit: & esse in Arcadia tam præsentis ueneni, ut
 si qui dormiant sub ea, cibūmque capiant, moriantur.
 Sunt qui & toxica hinc apellata dicunt uenena quæ nunc
 toxica dicimus, quibus sagittæ tinguntur. Verum Dio-
 scorides proprium & certum ueneni genus faciens toxi-
 cum, non à taxo sed à sagittis quæ illo tangebantur sic uo-
 catum tradit lib. 6. inquit: Creditur ideo toxicum ap-
 pellari quod Barbari sagittas telasq; sua quæ toxemata
 nominant, eo inficiunt. Cui & Paulus Aegineta medici-
 næ libro 4. subscribit. Cæterum per toxica cōmuni uoce
 uenena intelligamus. *Expediam.*) Explicabo, proferam et
 describam. *Sanguis caninus.*) Dioscorides libro 2. Contra
 rabidi canis morsus, inquit, & epotum toxicum caninus
 utiliter bibitur sanguis. Nam ut libro 29. capite 4. Plinius
 tradit, sanguine canino contra toxica nihil præstantius
 putatur. *Antidotos.*) Dicitur tum atonidotus scēminino
 genere tum antidotum neutro. Sic quidem ab ἀντί con-
 tra & δόσις datio, quasi contra datum. Dicitur autem ma-
 xime de medicamentis quæ aduersus uenena uel per mor-
 sus uel per cibos aut potiones nostris corporibus inserta
 desiderantur: quamuis etiam, quia grauissimis casibus o-
 pitulan-

Sanguis cani-
 nus.

Antidotus.

pitulatur, in alijs morbis aliquando, licet raro, præcipue
tamen necessaria sunt, autore Celso libr. 5. Profunt uero
non modo illatum curando uenenū, sed & ad futuri no-
xam præcauendum. *Vis et.*) Ponit nunc suffumigatio-
nes quasdam quibus serpentes procularcentur & fugan-
tur. *Cautus.*) Prudēs, & qui sibi à futuro malo cauere no-
uit. *Odores.*) Hoc est, odoramēta quæ accensa nidorem
& fumum serpentibus inimicū reddunt. *Styracem.*) *Styrax.*
Styrax & arbor est cotoneo malo similis, & eiusdem arboris
lachryma: de cuius bonitate & adulteratione tum Dio-
scorides libro 1. tum Plinius libro 12. & 24. satis sufficien-
ter. Vulgus nunc una mutata litera Storacem appellat.
Ceterum medicam à Sereno contra serpentes uim tradi-
tam comprobat id quod Sabei eundem, referente Plinio
libro 12. capite 18. & ad serpentes fugandas urunt. Aduer-
saturq̃ uenenis quæ frigore nocēt. *Atri.*) Nigri & foedi.
Vulturis alam.) Hoc est, pennas quæ in alis sunt uulturis: *Penna uulturis*
harum enim combustarum nidore & fumo serpentes fu-
gari testis est etiam Plinius, cuius uerba paulo antea ad-
scripta sunt. *Nepetam.*) *Nepeta.* Nepeta non modo suffitu serpen-
tes arcet, ut tradit Serenus, sed & supposita quoq; ut alijs
tradunt autores: nec id solum, sed illato etiā ueneno ipso-
rum medetur tum pota tum uulneri imposita. Plinius
libro 20. capite 14. Nepeta uires contra serpentes habet,
Fumum ex ea nidoremq̃ fugiunt: quam & substernere
in metu obdormituris utile est. Apuleius. Ad morsum
serpentis. Herba nepetæ montanæ ex uino tritæ succus
expressus cū uino potui datur, & eius folia contrita plagæ
utiliter imponuntur. Dioscorides lib. 3. Nepeta succur-
rit pota, aut emplastri modo imposita serpentium morfi-
bus. Item suffitu eadem substrataq̃ serpentes fugat. *Fron-*
dem.) Folia. *Stirpem.*) Lignum, corticem, uirgulta & ma-
teriam omnem. *Rigida myrica.*) *Myrica rigida.* Myricam rigidam uocat
quasi duram, asperam & infructuosam, siue syluestre siue
satiuam intelligat, Syluestris enim omnino sterilis est: sa-

ICTIBVS SCORPII ETC.

tiua uero quę in Aegypto & Syria nascit, quamuis mitior fit & abundanter fructum ferat, est tamen is lignosus, ut Plinius libro 24. capite 9. scribit, & ut Dioscorides lib. 1. concretione sua quemadmodũ & flore muscosum. Est q̃ in ceteris syluestri similis: sed semine seu fructu, nisi quod maior, gallę similis, asperũ gustu & inæqualiter adstringentem, quo medici gallę uice utuntur. Lignum autem & flos & folia & cortex in eosdem usus adhibentur, quam remissiora. Quorũ etiam usus efficax est contra serpentium ictus, præterquam aspidum, autore Plinio.

ICTIBVS SCORPII ET MOR-

SIBVS MVRIS CAECI

uel Aranei.

CAPVT XLVI.

SUNT minimæ species sed diræ uulnera pestis,
Quæ magis in tenui latitantes corpore fallant,
Scorpius ut grauis est & araneus, hæc mala semper
Captant securos multa iam nocte sopores.

Ico. Ictus.
Scorpius uel
Scorpio.



ICTIBVS.) Ico uerbum idem est quod percutio. Et inde ictus dicitur percussio & uulnus percussione illatum. Scorpij.) Scorpius siue scorpio (utrunq; enim dicitur) uermiculus est uenenosus, eo importunior cæteris quod grauiore supplicio lenta per triduum morte cõficit. Virginibus letali semper ictu, & fœminis fere in totum: uiris autem in matutino exeuntes cauis priusquam aliquo fortuito ictu ieiunum egerant uenenum. Semper cauda in ictu est, nulloq; momẽto meditari cessat, ne quando desit occasione. Ferit obliquo ictu & inflexu. Venenum omnibus medio die cum incandueret solis ardoribus. Itemq; cum sitiunt inexplẽbiles potu: autor Plinius naturalis historiæ libro 11. cap.

cap. 25. *Muris cæci*.) Mus cæcus, qui & araneus mus uo- *Mus cæcus.*
 catur, exiguum animal est atq; leuissimum, aranci modo *Mus araneus.*
 per tenuissimum filum, gladî uē aciem uel impune ambu-
 lans. Cuius morsus uenenatus est, et nisi succurratur tum
 homines tum iumenta interimens. Græci μυγάλην myga *μυγάλην.*
 len uocant, factō ex mure & mustela nomine: utriq; enim
 similis est, autore Aetio, à quo muris magnitudine & ea-
 dem illi caudæ gracilitate & rictus longitudine, reliquo
 autem corpore mustelina specie describitur. Meminit hu-
 ius in theriacis suis Nicander et murem cæcum appellat,
 hominib; exitialem; dū ait: τυφλὴν τέ σμερσνῆν τε βροτοῖς,
 ἐπὶ λοιγὸν ἄγουσα μυγάλην. τροχὸν σιμῇ ἐνὶ θνήσκουσιν ἁμῶ-
 ξις. Meminit & Columella rei rusticæ libro 6, cap. 16. Vbi
 aduersus serpentis & noxiorum animalium ictus reme-
 dia docens, sic inquit: Mus araneus, quem Græci μυγάλην
 appellant, quamuis exiguis dentibus nō exiguam pestem
 molitur. Vbi annotandum male apud eundem pro *μυγάλην* Legi σκυτάλην: quamuis σκυτάλη scytale uenenata ser-
 pens sit quam Aphrica tantum ferat: Mus uero araneus *Scytale.*
 & in Italia & alibi repperitur. *Vel aranci.*) Potest hoc bi-
 fariam intelligi: uidelicet aut de mure cæco qui etiam mus *Araneus.*
 araneus dicitur, ut iam dictum est: aut de araneo qui Græ *Phalangium,*
 ce phalangion dicitur, & Arabice Rutela, uulgo uero ta- *Rutela,*
 rantula: cuius plura sunt genera dictu haud necessaria in *Tarantula.*
 tāta notitia, quorum etiam noxij sunt morsus, & corpus
 exiguum. De quibus plura Plinius nat. hist. lib. 11. cap. 24.
 & lib. 29. cap. 4. *Sunt mīæ spēs, sed etc.*) Hoc est, uulnerum
 modi & figuræ atq; foramina ipsa sunt parua adeo ut ui-
 fui non appareant: sunt & animalia parua & uenenum
 ipsum mole perexiguum, sed facultate quā maximum,
 ut quod per paruum uulnus in corpus ictum descendēs
 uim suā summe letalem subitario exerceat, & mortis perī-
 culū adferat, nī præsenteo succurratur præsidio. Quo-
 modo autem uenena hæc corpus afficiāt, docet Galenus
 de locis affectis lib. 3. cap. 7. & lib. 6. cap. 5. *Magis.*) Scilicet

ICTIBVS SCORPII ETC.

quàm serpentium. *Tenui corp.*) Hoc est, corporis portio
ne parua. Nam exigua pars est tum ea quæ igitur & uene
num primo concipit, tum ea quæ id à se proijcit. *Gravis.*)
Capto. Molestus, noxius & letalis. *Hæc mala.*) Scorpius & ara
neus. *Capto.*) Fallunt, decipiunt. Capto uerbum fre
quentatiuum inter alia significata sua aliquando idem est
quod decipio, ut in hoc loco. *Securos sopores.*) Hoc est
fomnos tranquillos & qui sine cura transiguntur. *Mula.*)
Frequenti, seu alta atq; profunda.

Hæc documenta dedit nobis prostratus Orion,
Magna quod exiguis perimantur sæpe uenenis,
At qui uulnus atrox incussit scorpius ardens,
Continuo capitur, tunc digna cade retusus
Vulneribusq; actus fertur reuocare uenenum,
Aut calidis pelagi lymphis loca læsa fouentes,
Siue meri potu dissoluitur improba pestis.

Hee documēta.) Scilicet quod parui mole animalis, ceu scor
pij ictus, exiguo ueneno magnis corporib. uim possit in
ferre letiferam & mortem ipsam: cuius rei exemplo est no
bis Orion, qui, ut dicitur, à scorpione ictus, uitam cum
morte commutauit, quod admirari quis posset. Nam, ut
Lucanus inquit, quis fata putaret Scorpion, aut uires ma
turæ mortis habere? Ille minax modis, & recto uerbere se
uus, Teste tulit cælo uicti decus Orionis. *Prostratus.*) In
teremptus, occisus. *Orion.*) Orion hic est qui scorpio
nis ictu peremptus fabulæ locum dedit, quam astronomi
ci poetici libro 2. refert Hyginus. Orion cum uenaretur
& in eo exercitatissimum se esse confideret, dixisse etiam
Dianæ & Latonæ, se omnia quæ ex terra oriuntur inter
ficere ualere: quare terram permotam scorpionem edu
xisse, qui eum interficere demonstratur. Iouem autem
utriusq; animum admiratum, scorpionem inter astra col
locasse, ut species eius hominibus documento esset, ne
quis

quis eorum aliqua re sibi confideret. Dianam autem propter studium Orionis petisse à Ioue ut idē illi beneficium daret petenti quod terræ ultro tribuisset: itaq̃ eum constitutum, ut cum Scorpion oriatur, Orion occidat. *Atrox.*) Crudele & letiferum. *Ardens.*) Ab effectu. Nam, ut Dioscorides tradit, inflammari quàm primum à scorpionis ictu locus incipit, duratur, rubet & cum dolore supra modum riget. Nūc feruor, mox perfrictio alternis occupat. *Continuo.*) Statim quàm primum momordit. *Digna cede.*) Morte promerita. Nam qui necem inferre uoluit, idem morte dignus censetur. *Retusus.*) Repercussus & in uulnus regeſtus. *Que.*) Pro id est. *Actus.*) Adactus & impactus. *Fertur.*) Dicitur. Siquidem Dioscorides libro 6. sic ait, Ipse qui percussit scorpio concisus, uulneriq̃ impositus ex repugnātia quadam naturæ, ut creditur, ictus sui remedio est, nec solum impositus sed et alijs uarijs modis sibi ipsi medetur idem. Nam, ut Celsus libr. 5. ait, Scorpio sibi ipse pulcherrimum medicamentum est. Quidam contritum cum uino bibunt. Quidam eodem modo contritum super uulnus imponunt. Quidam super prunam eo imposito uulnus suffumigant, undiq̃ ueste circumdata, ne is fumus dilabatur, tum carbonem eius super uulnus deligant. Plinius item nat. hist. libro 11. cap. 25. Homini, inquit, icto putatur esse remedio ipsorum cinis potus in uino aut oleo mersus. Et lib. 29. cap. 4. Scorpio, inquit, & ipse suæ plagæ impositus, aut assus in cibo sumptus, aut potus in meri cyathis duobus, prodest. *Reuocare.*) Retrahere & extrahere. *Calidis pelagilymphis.*) Hoc est, aqua marina calida, quæ tum fotu tum balnei usu prodest. Dioscorides libro 5. Aqua maris contra uenenatorum morsus, quicunq̃ tremores, perfrictionesq̃ faciunt, præsertimq̃ scorpionum, phalangiorum et aspidum utilis: contra quos si in calidam eam descenderit aliquis pariter prodest. Idem libro 6. post plurium remediorum enarrationem, Omnibus hijs, inquit, addatur balneorum conti-

Scorpij medicina.

Scorpius sibi ipsi remedium.

Aqua marina.

ICTIBVS SCORPII ETC.

Vinum
merum.

nuus cum multo sudore usus. Plinius item libr. 31. cap. 6. ubi de marina aqua agit, sic scribit: Quin & ad ictus uenenatos salutaris intelligitur, ut phalangiorum & scorpionum & ptyade aspide resperfis: calida autem in his assumitur. *Fouentes.*) Vaporantes & balneantes. *Meripolu.*) Merum quidem, ut Plinius libro 23. cap. 1. tradit, remedio est contra apes, uespas, crabrones, phalangia, serpentum; scorpionumque ictus, contraque omnia quae refrigerando nocent. *Dissoluitur.*) Dissicitur, dissipatur et annihilatur. *Pestis.*) Venenum.

Ad cunctos autem morsus ictusque minorum
Caseus aptus erit foetae de lacte capellae
Cumque hoc absumi debebit origanus herba,
Haec duo mirificis curabunt icta medelis.
Necnon peniculo calidum annectatur acetum,
Aut uiuum sulphur sicci cum fece lyxi.
Exiguo piperis cerebrum conspergito melis,
Quo lita sanescunt depulso membra dolore.

Caseum
caprinus.

Ad cunctos minorum.) Docet nunc in communi remedia contra omnes morsus & ictus uenenatos, & praesertim animalium paruorum, seu scorpionum, phalangiorum siue araneorum, apium, uesparum, crabronum & id genus reliquorum. *Caseus capellae.*) Plinius medicamen hoc non solum comestum sed & impositum utile tradit libro 28. cap. 10. inquit: Contra serpentium ictum ualere dicunt caseum caprinum cum origano impositum. Et paulo post: Ad reliquos bestiarum morsus caprinum caseum siccum cum origano imponunt & bibi iubent. *Foetae.*) Enixae et quae iam peperit. Amplior enim potentia foetis eiusdem generis quod numerosissimum esse diximus, inquit Plin. libro 28. cap. 10. Et Auerrois Colliget libro 7. cap. de lacte, Lac melius est illud quod est prope partum, id est post duos menses. *Lacte.*) Ex lacte enim fit caseus. *Absumi.*) Consumi

sumi & comedi aut bibi. *Origanus.*) *Origanum sine ca-* *Origanum.*
 seo etiam prodesse testis est Dioscorides libro 3. dicens:
 Calefacit origanus, ideoq; uenenatorum moribus ad-
 uersatur potum cum uino decoctum eius. Et Plinius lib.
 20. cap. 17. Origani usum contra araneos scorpionesq; in
 uino albo testatur. *Hec duo.*) *Caseus & origanum. Peni-* *Peniculus, um.*
culo) *Peniculus* qui & *penicillus* dicitur, siue in neutro *Penicillus, um.*
 genere *peniculum* & *penicillum*, est id quo pingunt, ac-
 cepto nomine à caudarum extremitatibus e quibus fiunt.
 Aliquando uero dicitur id quo albarium tectorio infer-
 tur, unde & tectorij dicuntur *penicilli*. Sunt & quibus
 calciamenta detergantur dicta *penicula*. Interdum uero
peniculus dicitur id quo uulnera stipantur, ob id uideli-
 cet ne claudantur siue ut magis aperiantur, fiuntq; uel ex
 spongia, uel sabuci medulla, rebúsue alijs. Aliquando
 etiam dicitur id quo ad mundandum illinendumue uti-
 mur, præsertim si ex spongia fiat. Demum spōgiæ genus
 est mollissimum *peniculus* ex quo *penicilli* fiunt. Hoc lo-
 co pro spongia accipitur. *Anectatur.*) Addatur & infera-
 tur. *Acetum.*) *Acetum* serpentum moribus potum me- *Acetum.*
 deri priori capite docuit, nunc idem uenenatis reliquo-
 rum animalium moribus & ictibus calidum in spongia
 impositum prodesse docet. Plinius libro 23. cap. 1. Pluri-
 mum fotu, inquit, medetur canis moribus, scorpionūq;
 ictibus, scolopendrarum, muris araneiūq;. Contra om-
 nium aculeatorum uenena & pruritus; item contra mul-
 ripedum morsum. Et Dioscorides lib. 5. ait, Fouentur ca-
 lido aceto uenenatorum morsus quicunq; refrigerāt, fri-
 gido contra quicunq; incendunt. *uiuum sulphur.*) Quare *Sulphur uiuū.*
uiuum dicatur sulphur, dictum est supra. Hoc Dioscori-
 des resina mixtum scorpionum ictibus mederi tradit, &
 ex aceto eadem utilitate cōtra scorpj et marini draconis
 ictus utiliter inungi. Auerrois uero de sulphure sic pro-
 dit: Sulphur habet uirtutem attractiuam cū complexio-
 ne calida & substantia subtili, & eo resistit uenenis anima

ICTIBVS SCORPII ETC.

- siū quando puluerisatur & spargitur loco morso. Plin.
etiam lib. 32. cap. 14. contra scorpionū ictus prodesse testa-
tur. Sicilyei.) Vini quod exiccantis est naturæ. Ecce.)
Plinius lib. 23. cap. 2. Fex uini sicca uel madida contra pha-
langia illinitur. Exiguo piperis.) Piper uenenatorum mor-
sibus succurrere autor est etiam Diosco. admiscetur ideo
Cerebrū melis. & hijs quæ cōtra uenenata conficiuntur. Cerebrum melis.)
Quod Serenus de cerebro melis, id Plin. de gallinaceorū
cerebro contra araneorū morsus testatur lib. 29. cap. 4. di-
cens: Contra omniū araneorum morsus remediū est gal-
linaceum cerebrum cum piperis exiguo potum in posca.
Melis. Porro melis animal est in cauernis uiuens, aluearibus ob-
Taxo. mellis auiditatem infestum: cui uel illa solertia est, ut Pli-
nius scribit, quod in metu sufflata cute distentu ictus ho-
minum & morsus canum arcet. Est autem uulpis magni-
tudine, colore felis, capite albis & nigris ueluti lineis di-
stincto, rostro instar suis oblongo, pelle aspera atq; præ-
dura, ex qua pharetras & canum collaria obtegunt, quæ
melium uocant. Vnde Varro de re rustica libro 2. Ne uul-
nerentur canes à bestijs, imponuntur hijs collaria, quæ
Melian. uocantur melium, id est cingulum, circum collum ex co-
rio firmo cum clauis capitatis. Vulgus animal hoc Taxo-
nem uocat, & nō maturellum animal auibus inimicum,
ut falso interpretatur quidam in enarratione uocabulo-
rum Varronis.
- Sin autem muris nocuit uiolentia cæci,
Quæ sola signauit uoluendis orbita plaustis
Illine, mira datur uili de puluere cura.
- Sola plurali violentia.) Vis & impetus ipsius morsus muris cæci, atq;
ter dictum. uenenum ipsum. Sola.) Terram. Solū dicitur quicquid
Solum quid. alicui rei subiacet: unde terra quod pedibus nostris sub-
iecta sit, solum dicitur. Et inclinatur etiam pluraliter con-
tra Grāmaticos, ut hic, & apud Statium syluarum libr. 1.
Terra ex ubi ait, Vix sola sufficiunt, id est, pauimenta & terra. Por-
orbita. ro quod de terra ex orbita hic tradit Serenus, idē quoque
testatur

testatur Plinius naturalis historiae libro 29. capite 4. Nam postquam ex mure araneo contra sui ipsius morsum docuit remedia, subiungit & illud: Est & contra morsum eius remedio terra ex orbita. Ferunt enim non transiri ab eo orbita. Voluendis plastris. Mouendis & circumagendis rotis, hoc est, ubi currus cum rotis uoluuntur. Plastrum dicitur currus: sic appellatus, ut Varroni placet, quod palam sit in eo quod uehitur. Orbita. Orbita & rota & rote uesti Orbium dicitur, & pro terra ipsa accipitur. Pulcre. Terra,

SVBITANEO DOLORI FEBRI, ATQVE OSTOCOPO.

CAPVT XLVII.

NON nunquam existit subiti noua causa doloris,
Cuius origo latet, ueris reprimenda medelis,
Nanq; chelidonium mixto salenectere prodest,
Velleraq; infuso recalentia sulphure sanant.



SUBITANEO dolori. Subitanus dicitur dolor, qui prius non existens, repente & impro-
uisus affatim irruit & animal primum afficit.
Est autem tum animi tum corporis dolor. Animi quidem ut nictiores. Corporis uero duplex est. Aliquando enim dispositio ipsa in qua dolemus, & quae cum dolore fieri natura apta est, dolor uocat, ut erysipelas, inflammatio, uulnus, fractio, ruptura, conuulsio & id genus alia: & sic dolor accipit Hippocrates in aphorismis li. 2. ubi dicit: Quicumq; dolens parte aliqua corporis omnino dolore non sentiunt, hiis mens agrotat. Et in lib. Epidemiarum, ubi dicit quod in Cranone antiqui dolores frigidi, noui autem calidi. Aliquando uero ipse tristis sensus, dolor nominatur. Cuius primae species sunt duae: Vna cum affatim tem-
pereatura & uolenter alteratur, ut cum uehementer uel

Dolor subitaneus.

Dolor quid.

FEBRI, OPOSTOCO.

excalefit uel refigatur. Altera cum soluitur continuitas.

Causa externa. Quod etiā bifariā accidit, Aut à causa externa, quam Græci προκαταρκτικήν uocant, quæ scilicet corpori non inest, sed extrinsecus incidit: quæ doloris species à Galeno posita haud iuste ab Auerrore reprehenditur. Nam & si non per se dolorem causet, agit tamen id per accidens. Aut soluitur continuitas, ubi nihil extrinsecus triste appropinquat sed in corpore causa est, quā Græci παρονομαζόμενην uocant, hoc est internam, quæ intra ipsum animalis continetur corpus. Et hoc fit aut distentione ob humoris multitudinem, flatuosum uel spiritum, qui exitum ut diffuari possit, non habet: aut ob nimiam siccitatem: aut à qualitate rodente, uti humor est mordens: aut ab effectu, qui ex his componitur, inflammatorio, qualis est phlegmone, erysipelas & hijs similes. Porro de doloribus plura Galenus therapeutices libro 11. & de affectorum locorum notitia libro 2. (Febri.)

Causa interna. Inter morbos maxime uulgaris, & in toto corpore est ipsa febris. Quæ Galeno autore, calida & sicca est passio. Nam caloris natui ad igneum conuersio, cuius sedes est cor. Non enim dicitur febris nisi cor ipsum concalescerit, & adeo immodice auctus sit calor ut & hominem offendat & actionem lædat: nam si neutrum adhuc efficiat, quantumuis sit hoc nunc quàm ante calidior, nondum tamen febricitat. Vnde Ioannitius in hunc modum febrem diffinit: Febris est calor præter naturā, cursum supergrediens naturæ, procedēs à corde per arterias in uniuersum corpus, suoq; lædēs effectu. Huius tres sunt species & differentię, quas Hippocrates indicat in epidemijs cum ait: Continentia, contenta, & impetum facientia. Per cōtinentia intelligens partes solidiores & corpus ipsum cordis, quæ cum calor præhendit, esseticas cōstituit: sic quidem uocatas, uel quia stabiles solutūq; difficiles sunt ceu habitus, uel quia ipsum corporis habitum occuparunt: ita solidas partes ex aduersum ductas humentionioribus nominantes. Per contenta uero

Febri. intelligit

Febri species tres.

Essica.

Putrida.

intelligit humores, in quibus cum eos in uētriculis ipsis conditos præhendunt, putridæ existunt: quarū aliæ sunt intermittentes, hoc est ad integritatem sensibilē definientes, ex humore eunte ac moto usq; quaq; in corpore efficiēte febrē consistentes. Et harū adhuc aliæ sunt quotidiana, aliæ tertianæ, aliæ quartanæ, & aliæ quædā longiore circuitu redeūtes licet raro eueniāt. Aliæ uero ex putridis sunt continuæ ex materia condita & cōtenta in uenis consistentes: quarū aliæ sunt crescētes, aliæ similem tenorem seruātes, aliæ uero decrescētes. Priores Græci epacmafticas, alteras acmafticas siue omoton⁹, posteriores uero paracmafticas uocāt. Demū per impetū facientia Hippocrates intelligit aērē seu spiritus, cuius substantia sola si incaluerit, corpora uero solidiora atq; humida caleant quidē sed nondū incaluerint, efficitur febris ephemera, hoc est diaria, uocata, quæ ex causis procarracticis id est prægressis & euidentibus primitiuisq; oritur, ceu sunt labor, iracundia, mœror, calor, frigus, otīū, insomnia, cruditas, temulentia, repletio, aēr pestilēs, cibus prauus, medicamenta & id genus alia. Caloris uero præter naturā, qui febris essentia est, cause sunt, motus, putrefactio, cōuersatio: alterius caliditatis, suppressio calidi effluuii, permixtio calide substantiæ, tanquā de fonte ebullientis aut genitæ scilicet ad nostrum sensum, aut augmentis caliditatem. Sed de hijs in communi satis ad præsens. *Ostocopo.*) Ostocopus dicitur ossium dolor, ὀστέον enim siue ὀσὸν Græce, os est Latine, πόνος uero dolor, labor & lassitudo. Qualis autem affectus sit ostocopus, ut clarius appareat, altius disquirenda erit lassitudinum essentia. Vnde lassitudo est imbecillitas uirtutis motricis iuncta tristi sensationi tactricis præsertim apud motum & compressionem. Est autem duplex lassitudo. Vna simpliciter & proprie sic dicta, quæ ex multo uehementiq; motu contingit. Altera spontanea lassitudo appellata, quæ non ex labore aut exercitatione motuue sed sponte ex humorū immoderantia provenit.

Febris intermittens.

Febris cōtinua.

Febris ephemera.

Caloris præter naturā cause.

Ostocopus.

Lassitudo quid.

Lassitudo simpliciter.

Spontanea.

kk

FEBRI, OSTOCOPO.

Lassitudi-
num diffe-
rentia.

πῖνος.

Ostocopus.

de qua Hippocrates in aphorismis lib. 2. sic pronunciat, Lassitudines spontaneæ morbos prænunciant. Sunt autem tres eius differentia. Prima ulcerosa uocata; quæ ulceris sensum facit motis graue ceu ulceretur corpus: oriturque ex humore uitioso, non tamen quolibet, sed qui calidus & tenuis acrimoniam habet quæ corpus rodit, stimulat & pungit, idque uel circa cutim uel circa subiectam illi carnem uel circa utraq; Secunda dicitur tensua, quæ tensionis sensum inuehit; nasciturque ex plethora & plenitudine ac nimia humorum abundantia; quippe tenduntur ex hac solidæ animalis partes, præcipue in quibus humores continentur. Tertia uero differentia est phlegmonosa, quæ phlegmones et inflammationis sensum adfert, oriturque ex ambobus tum nimia humorum abundantia tum uitioso humore in quo rodens acrimonia continetur. Et hæc lassitudinis spontaneæ sunt differentia. Quæ similiter in simpliciter & proprie dicta lassitudine reperiuntur. Prima ulcerosa, cum tristi molestoque ceu ulceris sensu inter mouendum afficimur, sic ut etiam horror interim oboriat & quadatenus concussio comotioque totius corporis inæqualis, quod Græci πῖνος uocant. Et hæc excitare solent celeres ac multi motus. Secunda est tensua dicta lassitudo, in qua tendi membra uidentur, inciditque post robustas potius quam celeres exercitationes. Tertia differentia est phlegmonosa, qua nimirum ceu contusas aut phlegmone obseffas partes sentimus, quæ tum maxime solet incidere, cum musculi ob uehementissimos plurimosque motus nimium excelsi attraxere quippiam ex circumfusus sibi excrementis. Quod si etiam tum tendonibus tum neruis idem affectus incidit, ὀσκόπου Græce, quasi ossium dolorem eum affectum nominant, ob penitiorem scilicet sensum, partibus quæ in alto maxime corpore sunt positæ nomen tribuentes: quippe summum locum cutis occupat; secundum ab ea musculi habent, utique circum ossa positi; at tendones ipsis ossibus adhærent, Quo magis

gis rationabile est, cum hij quicquam prædictorum patiuntur, uideri in imo ac circa ipsa ossa affectionē hærere. Hæc hætenus. Qui plura de lassitudinibus desiderat, is Galenum de salubribus libro 3. & 4. legat, ubi fusius materiam hanc tractat, & nos hæc inde quoque sumpsimus. *Causa.* Causam aliqui à casu dictam uolunt, quod rerum *Causarum genera.* initia & origines quæ causæ sunt casu eueniant. Sunt autem quatuor causarum genera, tradente Aristotele. Est enim materialis una, ex qua aliquid fit: formalis altera, per quam tale quid fit: tertia est efficiens, à qua aliquid fit: & quarta est finalis, propter quam et cuius gratia aliquid fit. *Latet.* Abscondita est & sensui non patet, quare hominem qui in tali speculatione sit exercitatus, nimirum postulat. *Veris medelis.* Medicamentis quæ dolorem uere *Doloris sedatio duplex.* sedant & tollunt: non autem falsis aut fucatis, quæ membrum *Vera.* sensum auferendo dolorem leniant solum ad tempus, post quod tamen rediens demum fortius & uehemētius affligat. Tollitur enim dolor aut causam eius submouendo cum medicinis digerentibus atq; uacuatibus, aut uehementiam eius remittendo: quod bisariam contingit, uidelicet per epicrasin, hoc est uitiosi succi uacuationem & rei dolorem efficientis sublationem cum medicinis temperatis, natiuo calori conformibus seu parum calidioribus natiuum calorem augmentibus. Et hæc uere dolorem remouent. Aliter etiam remittitur cum anodinis soporiferis et torporem stuporemq; inferentibus, quibus tamen nisi urgente necessitate & alijs nihil conferentibus, utendum non est. Sunt enim huiusmodi narcotica *Narcotica soporifera.* medicamenta frigida, naturæq; aduersa, dolorem non uere tollētia, sed fallacia atq; fucata. Nam sensum membrum auferendo cruciatum & dolorem imperceptibilem reddunt. Sed de soporiferis anodinis plura Galenus libro aphorismorum 6. & therapeutice 12. Nanq;.) Ideo. *Chelidonia.* Chelidonia humores extenuat & discutit. Nec minus eadem salis uis est et natura ob quas *Sal.*

FEBRI, OSTOCOPO.

Vellera.
Sulphur.

Dolores
cæci.

uires utique Dioscorides chelidonium dentium dolores finire commanducatam tradit. Salem uero contra lassitudines ex oleo utiliter inungi, calentemque eundem saccis inditum & impositum dolores lenire. *Nectere.*) Alligare & imponere. *Vellera infuso sulphure.*) Idem testatur Plinius, nisi quod acetum hijs iungi permittit inquires: lam uero pura uellera aut per se imposita cæcis doloribus aut aceto, sulphure prosunt. Vocat autem cæcos dolores, quorum causa latet & sensui parum patet

Ostocopo lento conducit melle perungi.
Sin autem calidæ depascent corpora febres,
Tunc apij succus leni soluaturs oliuo,
Membra line fotuque ferus mulcebitur ignis.
Nec spernendus adeps dederit quem bestia melis,
Seminecis cerui lachrymam miscere liquori
Conuenit, atque artus illinc mulcere dolentes:
Sic lacerat morbum, bilemque reuoluit in aluum,
Præterea chymum stomacho desiccatur iniquum:
Quæ magis atque magis promittunt corpora claudi.
Febribus aut longis galli noua iura uetusti,
Subueniunt, etiam tremulis medicantia membris.

Mel.

Apium.

Lentomelle.) Melle non fluido, sed firmo et quod tractum digitos sequaci lentore sequitur, & tale cum alijs bonis conditionibus in omnigenere probatius est, cuius uis est humores in summum proritare & extrahere, disrumpereque ac neruorum dolores mulcere, unde & ostocopo utiliter inungitur. *Calidæ depasc. corp. feb.*) Vergilius Georgicon libro tertio: Atque artus depascitur arida febris. *Apij succus.*) Apium Celsus inter ea quæ simul reprimunt & refrigerant ponit, quare febrium ardores ex oleo refrigerare & mitigare haud absurde iudicatur inunctum. Oleum enim quamuis calefaciat, discutit tamen & ne nimium reprimat apij succus, prohibet. *Fotu.*) Inunctione

ne & medicamento huius calidi ac humidi applicatione.
Ferus ignis.) Calor & ardor febrilis, igneus, ferociens ac se-
 uiens. *Adeps melis.*) Quid sit melis, dictum est capite præcedenti. Quod autem adeps eius febribus medeatur, testa-
 tur etiam libellus de usu & medicina eius, in quo sic legi-
 tur, Adipe quoque eius si ægrum perunxeris, statim febris
 ab eo recedet, dūtaxat si uita superest. Nam morbus pro-
 rogat tempus. Quod si morbus maior fuerit, celerior re-
 cedit. *Seminecis.*) Hoc est, semimortui & iam morti ap-
 propinquantis si non succurratur, idque propter assum-
 ptum ex serpentium esu uenenum. Cum enim assumitur
 uenenum, mox inficitur eo corpus & quasi iam semimor-
 tuum ad obitum accelerat animal, mortique obnoxium est;
 ni præsens adhibeatur medela. *Cerui.*) Placidissimum
 animalium fertur ceruus, cuius caro etiam febribus me-
 detur comesta, nedum lachryma eius adhibita. Plinius
 libro 28. cap. 10. Febres arcet ceruorum caro. Tuetur item
 ea uescentes ne febres incidunt. Idem lib. 9. ca. 32. Febrium
 morbos non sentit hoc animal, quin & medetur huic ti-
 mori. Quasdam nos principes scēminas scimus omnibus
 diebus matutinis carnem eam degustare solitas, & lon-
 go æuo caruisse febribus. Quod ita demum existimant ra-
 tum, si uulnere uno interierit. *Lachrymam.*) Hoc est, lapi-
 dem qui ex lachryma eius concreuit, et contra uenena præ-
 sens est medicina & bezehard. Quare hijs febribus maxi-
 me medetur quæ originis suæ causam habent intus as-
 sumptum aut extra illatum uenenum, cuius uirtuti re-
 sistit, illud è corpore pellendo. Siquidem scriptum legi-
 mus, Ceruos orientis, ut iuuenescant & robustiores effici-
 antur, serpentes edere, & antequam inde ueneno infici-
 antur, flumina petere & intrare, ubi usque ad caput immer-
 si, docente natura, tandiu morantur sine ulla aquæ pota-
 tione (nam hausta illa mox morti succumberent) donec
 ueneni ui euiecta lachrymam emittant, quæ sub palpebris
 inuiscatur & coagulatur, adeoque increuit & augmenta-

FEBRI, OSTOCOPO.

tur ut iuglandis aut castaneæ magnitudinem interdum æquet. Et cum sentiunt uenenum & nocumētum eius expulsum, exeunt flumen: quo egresso per terram deambulantibus lachryma illa ut lapis indurata fricando decidit, & ab hominibus reperta bezehard est cæteris omnibus perfectius & efficacius ad expellendum uenenum & noxam eius. *Liquori.*) Hoc est, adipi melis, uel aquæ: sicut enim per calidam aut frigidam, ita etiā per liquorem sine adiuncto, aquam intelligere poterimus, iuxta illud Celsi libro 6. ubi ait, Quotiescunq; nō adijcio quod genus humoris adijciendum sit, aquam intelligi uolo. *Lacerat.*) Dilaniat, frangit & abigit. *Morbum.*) Febrem. *Bilem reuoluit in aluum.*) Bilem ad intestina retrudit & per aluū expellit. Quæ quid sit, dictum est supra capite 18. Hæc ad intestina transmittitur, quo sua extimulatione celerior fecū fiat excretio: quod si propter obstructionem aliquam aut expultricis debilitatem detineatur ita ut ad intestina non transmittatur & feces ob id nō excernantur, accidunt inde egritudines & maxime febres, quibus ortis & infestantibus, si bilis iterum ad intestina uoluatur & excrementa reijciuntur, morbus quoq; amolitur cessatq; febris. *Chymū iniquum.*) Humores prauos in stomacho contentos & superfluentes, ex quibus obstructiones & inde morbus ac febris orta fuerit. *Stomacho.*) Ventriculo qui cibi recapitulum est. *Deficcat.*) Exsiccat & consumit. *Quæ.*) Bilis & chymus prauus. *Promittunt.*) Minantur. Promittere enim aliquando minari est. Vergilius, Promissi ultorē, & uerbis odia aspera moui: id est, minatus sum. *Corpora.*) Vias & ductus in corpore per quos meant spiritus & sanguis in corpore, imò & aluum ipsam quæ per bilis absentiam & pituitæ abundantiam obstruitur & detinetur. *Claudi.*) Concludi & obstrui. *Febribus longis.*) Hoc est, longinquis & diuturnis atq; antiquis quæ longo tempore iam affligerunt. *Galli noua iura uetusti.*) Galli ueteris tanquam efficacioris ius recens coctum, diutinis febribus utile esse tradit

tradit etiam Dioscorides. Aluum enim à crassis & crudis glutinosisq̃ humoribus, qui obstructionum & inde febrium causa sunt, purgat ius gallinaceorum non modo antiquorum sed & pullorum autore Celso, quamuis seniorum ob nitrositatē maiorem efficacius existat. Et Plinius de eodem iure loquens sic scribit: Aluum soluit: ualidius ē uetere gallinaceo. Prodest & contra longinquas febres, & torpentibus membris, tremulisq̃. Tremulis.) Hoc iam ex Plinij testimonio confirmatum est. Intelligit autem per membra tremula, non ex quacunq; mala corporis affectione trementia, sed ea quę in febriū accessione cum frigore affecta tremunt.

Membratremula.

QVARTANAE TYPO REMEDIANDO.

CAPVT XLVIII.

NEC tu crede leuem dilato tempore febrem,
Quæ spaciū sibi dat, magis ut cessando caleseat,
Letali quæ grassatur quartana calore,
Nī medicas adhibere manus curemus & herbas.



QVARTANAE.) Febris quartana simplex ac diligēs dicitur ea quæ ex atra bili seu humore melancholico putri solo ceu frigido & sicco efficitur, paulatimq̃ succenditur quemadmodum lapis quidam uel testa uel os uel aliud siccum ac frigidum corpus quoddam. Et in hac rigor est, qualis potissimum in forti frigore refrigeratis, non qualis interdum existit per æstum uel laborem uel medicamentum calidū ac mordax uulneri adhibitum. Et hæc in intermittentibus longior existit, quarto die, unde sic dicta, reuertēs & exacerbans. Nam integro biduo intermittit, autor Galenus. Typo.) Τύπος Græce, Latine forma dicitur. Intelligit Typum.

Febris quartana.

Typum.

Q V A R T A N A E R E M E D .

git autem Serenus per typum tempus afflictionis febris & afflictionem exacerbationemq̃ ipsam, quæ uarie in diuersis febrium generibus accidit. Sed de typo uide latius Galenum in libro de typo. *Dilato tempore.*) Scilicet afflictionis. Nam paroxysmi tempus in quartā usq; diem pro

Paroxysmus.

rogat & extendit, duobus interim quiescens. Est autem paroxysmus periodi tēpus deterius, hoc est, accessionis &

Periodus.

exacerbationis afflictionisq; tempus. Periodus uero siue circuitus, est tempus ex intensiōe in morbo & remissionē. *Spacium.*) Scilicet intermissionis & quietis. Nam ultra alias febres longissimū intermissionis tempus utpote

duos dies habet: de alijs enim ut quintana, sextana, septimana & nonana, dubium est an fieri possint. Vnde Galenus de differentijs febrium libro 1. dubitanter ait, Si febris ulla quintana est: ipse enim nondum perspicue uidi, neq; eam circuitionē, neq; aliquam aliam ultra quartanā.

Letale.

Cessando.) Intermittendo & quiescēdo. *Letali.*) Periculoso, noxio & malo. Intelligit aut per letale nō tanquā ex necessitate mortē afferentem, sed tanquā difficulter sanabilem. Nam qui hac febre comprehenduntur, nō cito liberātur, temporis spacio & longitudine molestantur, adeo ut qui busdam ad integrum annum et ultra prolongetur: nemi nemq; iugulat, autore Celso libro 3. nisi ex ea quotidiana facta fuerit, tunc enim in malis æger est. Quod tamen nisi culpa uel egri uel curantis nunquam fit: quare danda opera est, ne qua cruditas in quotidianam id malum uertat. *Grassatur.*) Inuadit, sæuit & affligit. *Medicas.*) Medicantes & salutare, quæ morbum pellendo sanitatem restituant. Verg. Georg. libro 3. Dum medicas adhibere manus ad uulnera pastor Abnegat.

Cap. 15.

Allia non pudeat terno cum cimice trita,
Et diluta mero, medijs haurire diebus.
Mira est absinthii cum simplice potio lymphæ.
Sume tribus digitis compressum semen anethi,
Tantundē

Tantundem marathri, nec mulsum desit acetum
In cuius cyatho prædicta salubriter hauris.

Allia.) Allio prauos in corpore humores excernendi fa- *Allia.*
cultas est. Vnde caput eius unum sed cum laſerpitiꝝ obo-
lo quartanas excutere credunt, ut ſcribit Plinius. At Cel-
ſus allium ſolum comeſtum ante acceſſionem mouere ca-
lorem qui horrorem non admittat, teſtatur. *Non pudeat.*)
Quia utile eſt, licet turpe ſit & faſtidiendum. Pudere uere *Pudere.*
cundia eſt, & in hijs quæ turpiter fiunt. Loquitur autem
hoc non propter allia ſed cimices: de quorum medicina
quid ſit ſentiendum, docet nos Plinius naturalis hitoriꝝ
libro 29. cap. 4. dicens: Quædam pudenda dictu, tanta au-
torum aſſeueratione commēdantur, ut præterire fas non
ſit. Siquidem illa concordia rerum aut repugnantia medi-
cina gignuntur: ueluti cimicum animalis foetidiffimi & *Cimex.*
dictu quoq; faſtidiendi. Et paulo poſt: Cætera quæ de his
tradunt, uomica & quartanarū remedia, aliorumq; mor-
borum, quanquam ouo aut cera aut faba inſuſos cen-
ſeant deuorandos, falſa nec referenda arbitror. *Terno ci-
mice.*) Dioſcorides medicinalis ſyluæ libr. 2. de leſtorum
cimicibus ſcribens, illorum non tres, imò ſeptem nume-
ro, et nō cum allio ſed per ſe fabarum cauſ inſuſos, con-
tra quartanas febres ante acceſſionem utiliter deuorari
tradit. *Diluta.*) Soluta & mixta. *Medijs diebus.*) Hoc eſt,
tempore quietis & intermiſſionis ante acceſſionē. *Mira.*)
Admiratione digna: quoniam, ut Plinius libro 27. cap. 8.
dicit, non dandum in febrī. Sed hoc intelligitur ſolum
quantum ad qualitatem manifeſtam quæ eſt caliditas: pro-
pter quam febrilem calorem augeret, ſed quia obſtructio-
nes aperit & prauos humores & bilioſos, e quibus febris
oritur, purgat, maxime conuenit. *Absinthi.*) Meſue, Con *Absinthium.*
fert etiam abſinthium iuuamentū magnum febribus lōgi
temporis & febribus opilationum, quales ſunt quarta-
næ. *Simplice lymphæ.*) Aqua pura & ſyncera. *Sume tribus.*)

QVARTANAE REMED.

Anethum Quod nunc ex anetho, marathro siue sceniculo & aceto
et scenicu- mulso docet medicamentum, id eadem ratione qua ab-
lum ex ace- finthium, febribus medetur. Crassos enim ac putridos
to mulso. humores ex corpore educit & febrium ardores lenit. **Cy-**
Cyathus. ius.) Aceti mulsi. **Cyatho.**) Cyathus est uncia una cum
dimidia pondere.

Mæoniæ Iliados quartum suppone timenti,
Aut leporis timidi diluta coagula trade.

Liber 4. **Mæoniæ Iliados quartum.**) Hoc est librum quartum Iliados
Iliados Homericæ. Scripsit enim Iliada Homerus opus diffusum
Mæoniæ. uigintiquatuor uoluminibus uix absolutum, in quo nul-
lum mali genus non recensetur. Mæoniæ autem uocat,
id est, Homericæ, eo quod Homerus patria fuerit Mæo-
Homerus, nius. Vnde & Columella in præfatione ipsum appellat
deus Mæo- deum Mæonium. Videtur autē hoc quoque sicut & alia
nus, compluria superstitionem sapere medicamentum. **Sup-**
Coagulum & paroxysmum. **Leporis coagula.**) Hoc est quod Plinius
leporis. nat. hist. lib. 28. cap. 10. testatur Magos leporis coagulum
ante accessionem propinare quartanis. **Timidi.**) Natura
enim pavidum ac timidū animal est lepus. **Trade.**) Pro-
pina & adbibendum exhibe.

Prodest & potus uel multus Doridis humor.
Quidam etiam miranda ferunt, ueniente calore
Iurantes ludum Veneris munusq̃ petendum,
Sed prius est oleo paruas feruescere ranas
In triujs, illoq̃ artus perducere succo.

Doris. Vel) Pro etiam & ualde. **Doridis humor.**) Id est, aqua ma-
Aqua rina. Doris nymp̃ha dicitur maris, filia oceani & Tethy-
marina. os, coniunx Nerei. Interpretatur autem amaritudo. Vn-
de Vergilius in Gallo, Doris amara suā non intermisceat
undā. Accipitur tamen aliquando pro aqua ipsa marina,
ut hic; de qua sic etiam scribit Plinius libro 31. cap. 6. Bibi-
tur

cur quoq; quamuis non sine iniuria stomachi ad purgan-
da corpora, bilem q; atram, aut sanguinem concretum
reddendum alterutra parte. Quidam & in quartanis de-
dere eam bibendam. *Quidam.*) Ceu Icethidas medicus,
qui, ut Plinius libro 18. cap. 7. refert, quartanas coitu fini-
ri incipientibus duntaxat menstruis spopondit. Quod
quia minus probatur à Sere. ueritas & fides eius in alios
reijcitur. *Miranda.*) Quia citra ueri fidē uidetur id asserti.
Veniente calore.) Appropinquante ardore febrili & exacer-
bationis eius tempore. *Iurantes.*) Affirmantes. *Ludum*
Ven. munusq;.) Id est, coitum & rem Veneream exercitan-
dam. *Sed prius.*) Hoc est, ante coitum. Docet quo modo
ad coitum tales se prius disponere & præparare debeant,
& quid ipsis prius agendum. *Est.*) Cōuenit & utile est.
Oleoranas.) Quam Serenus nunc coitui præmittendam
præcipiens utilem tradit inunctionem, eam lib. 32. cap. 6.
Plinius simpliciter & per se factā adprobat, alios aliquot
interim administrandarum ranarum modos & effectus
circa febres non omittens dum ait, Ranæ uero in triuo
decoctæ oleo abiectis carnibus perunctos liberant quar-
tanis. Sunt qui strangulatas in oleo ipsas clam adalligēt,
oleo q; eo perungant. Cor earum adalligatum frigora fe-
brium minuit. Et oleum in quo intestina decocta sint.
Maxime autem quartanis liberant ablatiis unguibus ra-
næ & alligatæ. Hæc ille. *Feruescere.*) Decoquere. *illo suc-*
co.) Oleo ranarum.

*Coitus contra
quartanam
utilis.*

*Oleum ran-
narum.*

TERTIANAE TYPO RE-

MEDIANDO.

CAPVT XLIX.

E S T etiam alternis febris rediuiua diebus
Tempora discernens quasi iustæ pondera libræ,

TERTIANAE REMED.

Vt possis igitur talem prohibere furorem
Inuolues cera pallentis grana cumini,
Puniceaq; indes pelli, colloq; ligabis.
Pulegij ramus lanæ uelatus amictu
Tempore suspecto medicos præbebit odores.
Præterea cimex asso potatur in ouo,
Horridus attactu, sed gustu commodus apto.

Febris ter-
tiana.



TERTIANAE.) Febris tertiana simplex ac diligens dicitur, quæ ex flaua bile per corpora sentientia delata consistit, & cum rigore præhendit, ardorisq; speciem habet, & bilis uomit, uel sudore, uel quibusdam horum uel omnibus soluitur. Estq; accessionis eius longitudo maxima horarum æquinoctialium 12. Et hæc respectu aliarum intermittentium cito terminatur. Verum si bilis multa & crassa fuerit, aut uires debiles, corporis uæ dispositio densior, tunc longiorem efficit accessionem: breuiorem uero ubi bilis pauca & tenuis fuerit, aut uires ualentes, corporis uæ dispositio rara. Et in hac præcedens rigor est quasi pungens ac uulnerans sensum, cum in quartana quasi refrigeret, autor Galenus. *Alternis.*) Quia uno intermittens die, altero redit paroxysmus & afflictio. *Rediuiua.*) Quæ post intermissionem & discessum ad affligendi uires tanquam de morte ad uitam redit. *Tempora.*) Scilicet quietis siue intermissionis & afflictionis. *Discernens.*) Distinguens & diuidens. *Quasi.*) Ceu, quemadmodum, hoc est, æqualiter. *Iuste.*) Aequæ & unicuique suum ac debitum æqualiter distribuentis. *Pondera.*) Ponderus dicitur graue id quo librando ad stateram seu librâ ponderamus. *Libra.*) Libra est: instrumentum quo res ponderantur cum lancibus, quod alio nomine bilancem uocant. Persius satyra 4. Scis etenim iustum gemina suspendere lance. *Furorem.*) Seuitiam, exacerbationem & afflictionem febris. *Pallentis.*) Pallorem inducentis, Nam, ut libr. 20, cap. 14. Plinius tradit

Ponderus.
Libra.
Bilanz.

dit, omnem pallorē bibentibus gignit. *Grana.*) Semen. *Semen cy-*
Punicea pelli.) Corio puniceo & ruffo colore tincto, non *mini in cera*
 tamen quocunq; sed eo potissimum quem dat herba ery & pelle ruffa.
throdanus siue rubia dicta, qua lanæ tinguntur pellesq;
 perficiuntur. Ni per puniceam pellem intelligere malue-
 ris malicorium, quod punici mali cortex est & pellis. *Pu-*
legij ramus.) Idem remedium testatur Xenocrates, & eun- *Pulegium.*
 dem pulegij cōtra eandem tertianam latius quoq; exten-
 dit, ut scribit Plinius: cuius lib. 20. cap. 14. hæc uerba sunt:
 Xenocrates pulegij ramum lana inuolutum in tertianis
 ante accessionem olfactandum dari, aut stragulis subijci,
 & ita collocari ægrum inter remedia tradit. *Tempore suspe-*
cto.) Hoc est, ante febris et paroxismi accessionē. *Cimex.*) *Cimex.*
 De hoc dictum iā est cap. priori. *Horridus attactu.*) Quan-
 do tangitur & cōteritur odore abominabilis & scetidus.
Gustu apto.) Hoc est, cum apte & conuenienter ceu in oue
 assumitur & deglutitur.

QVOTTIDIANAE TYPORE- MEDIANDO.

CAPVT L.

A T qui continuis non cessat adire diebus,
 Sed tantum certas morbus discriminat horas,
 Triticeum metuit granum: si credere dignum est:
 Quod latitans fracto fuerit sub pane repertum,
 Nec non ossa iuuant septis inuenta domorum,
 Conuenit hæc tereti pendentia subdere collo,
 Multaq; præ terea uerborum monstra silebo,
 Nam febrem uario depelli carmine posse
 Vana superstitio credit, tremulaq; parentes.

QVOTTIDIANE REMED.

Febris quottidiana.



Tritici granū
sub pane fracto

Ossa intra do-
mum reperta.

Teres.

Verborum
monstra.

Carmen.

VOTTIDIANAE.) Febris quottidiana simplex ac diligens dicitur, quæ ex pituita putri per membra sentiētia pulsa ab ipsa natura consistit: sic dicta, quod singulis diebus accedēs, de finit ad integritatem. Incipit autem ex frigore partiū extremarum, atq; horrore potius, non rigore, difficulter calor accēditur, longumq; obtinet incrementū in ipsum consistendi uigorem, quoniam humor ipse ex quo consistit, frigidus atq; humidus est temperamento ac glutinosus cōditione. Itaq; difficulter accenditur ac tarde meat sæpe in ipsis meatibus detentus. Collidit interdū grauatq; uires: autor Galenus. *Continuis.*) Hoc est, singulis, nullo ut in alijs intermedio quiescente & intermittente. *Certas horas.*) Non integros dies, sed dierum solum partes, ut horas aliquot certas quibus definit & reditū facit. *Morbus.*) Scilicet febris. *Discriminat.*) Discernit & partitur. *Triticeum.*) Quantum fidei sit tribuendū huic medicamento indicat autor cum ait, Si credere dignum est. Quasi uelit dicere: Quamuis quottidianæ febris medicina hæc mederi dicatur, id tamen à ueri fide longe abesse uidetur. *Nec non ossa.*) Remedium hoc eandem fidem meretur, quam prius iam positum. *Septis domorum.*) Hoc est intra domum ipsam & circa parietes ipsos domus. *Hæc.*) Scilicet duo iam dicta medicamēta de tritico & ossibus. *Tereti.*) Gracili & rotundo. *Teres* dicitur quod rotundum est & oblongum. *Pendentia.*) Suspensa & alligata. *Subdere.*) Supponere & substernere. *Verborum monstra.*) Hoc est, carmina & incantamenta quæ uerbis fiunt peregrinis maxime & fictis: quæ in rerum natura nil aliud sunt quàm monstra, deliramenta & uanitates meræ. *Carmine.*) Carmen aliquando accipitur pro poëmate & uersibus certo pedū numero constrictis, ut supra in principio libri, Phœbe salutiferum quod pangimus adfere carmen. Aliquando uero pro incantatione ponitur, ut hic. An autem ualeant aliquid incantamenta, quæstio est: & ualere nō nunquam uidemus,

videmus: quanquam illa, ceu ueritati dissona & falsa, à
 Christiana fide reiecta sint & prohibita. *Vana.*) Inanis,
 inutilis, absurda & falsa. *superstitio.*) Superstitio generali *Superstitio.*
 ter pro omni inani obseruatione accipitur. Specialiter ta-
 men, ut tradit Lucretius, dicitur superstitio quod sit super-
 stantium rerū, id est, cælestium & diuinarū quæ super nos
 stant, inanis & superfluus timor. Est quæ alia & separata à
 religione. Vnde Cicero de natura deorum libro 2. Non
 solum philosophi, ait, uerum etiam maiores nostri super-
 stitionem à religione separauerunt. Nā qui totos dies pre-
 cabantur & immolabāt ut sibi sui liberi superstites essent,
 superstitiosi sunt appellati. Et idem libro 1. Atheorū sen-
 tentiæ, inquit, non modo superstitionem tollunt in qua
 inest timor inanis deorum, sed etiam religionē quæ deo- *Religio.*
 rum cultu pio continetur. *Tremulæ parentes.*) Mulieres ue-
 tulæ & superstitiosæ, in quibus uera fide nutantes trementes quæ
 & de medicinis reliquis naturæ munere nobis è terra pro-
 creatis dubitantes & diffidentes. Sunt quæ mulierculæ &
 præcipue aniles plus hac superstitionum peste quàm uiri
 infectæ.

HEMITRITAE O DE PEL- LENDO.

CAPVT LI.

MOR tiferum magis est quod Græcis hemitritæū
 Vulgatur uerbis, hoc nostra dicere lingua
 Non potuere ulli, puto, nec uoluere parentes.



HEMITRITAE O.) Febri semitertianæ, sic *Hemitritæus.*
 dictæ, quod totius duarum ex quibus compo- *Febri semitert-*
 nitur febrium naturæ medietatem alteram ha- *tiana duplex.*
 bet: quemadmodum Hemionus, id est mulus,

HEMITRITAE O DE PEL.

Febris horri-
fica.

Horror.

a fini & equi medietatem, & Semideus hominis ac dei me-
dietatem habens, ab altero eorum tantum modo dicitur.
Est autem duplex semitertianæ febris genus. Vnum qui-
dem eius quæ ex tertiana intermittere et quotidiana con-
tinua componitur: & talis uel habet flauā bilem exupe-
rantiolem, proindeq; flauæ bilis accidentia fortiora: uel
hanc pauciolem, pituitam uero maiorem, & ideo quot-
tidianæ continuæ affectiones etiam firmiores habet: uel
ambos humores æquales, qualis est diligēs semitertiana,
qualem Hippocrates indicat libro epidemiarum primo
hijs uerbis: Mala uero hæc plerisq; fiebant. Febres horri-
ficæ, continuæ, acutæ, in totum minime intermittentes:
modus autem hemitritæos siue semitertianæ erat, diem
quidem unum siue accessionem habens leniorem, altero
autem grauius affligens, atq; ad acutiorē dispositionem
increfcens. Horrificas autem uocat, non simpliciter inci-
pientes cum horrore, quod innumeris febribus accidit,
sed in quibus parte plurima accessionis horror præhen-
dit, altera die in qua simul afficiunt tertiana & quotidiana
continua: altera enim dies quotidianam tantūmodo
habet. Horror autem in medio amborum existit, rigoris
scilicet & frigoris. Alterū uero semitertianæ febris genus
est eius quæ ex tertiana continua & quotidiana intermit-
tente componitur, ex cuius humorum exuperantia aut
æqualitate, accidentia quoq; intenduntur aut æqualiter
se habent, ut in priore dictum iam est. Cæterum quæ ex
ambabus continuis aut ambabus intermittentibus fiūt,
semitertianæ esse non possunt. Hæc & plura Galenus in
de differentijs febrium libro secundo. *Mortiferum magis.*)
Hoc est, dictis iam febribus perniciosior est & magis leta-
lis hemitritæus, quoniam plerunq; frequentiores, ut Cel-
sus lib. 3. ait, accessiones decessionesq; habet: quare etiam
magna cura opus est, ne fallat. Præterea priores febres
simplices sunt, hæc uero ex dictis aliquot diuersarum na-
turarum composita, Liqueat autem simplicem morbum
simplici

simplici indigentem medicina, curationis esse leuioris, & ob id etiam minus noxium letalem uē: compositum autem ex diuersis & præsertim contrarijs, ob diuersarum et contrariarum rerum administrandarum necessitatem, curæ esse difficilioris magis quæ mortiferum. Nam ubi diuersæ & contrariæ similiter concurrunt causæ auxilio indigentes, caute prospiciendum erit ne uni auxiliando alteri incrementum addamus. Quod.) Februm genus. Hemitritæum.) Semitertianum. Nam ἡμί Græce, Latine semis est. Τριταῖον uero tertianū. Vulgatur.) Vulgo et ab omnibus ita appellat. Nostra.) Hoc est Latina. Puto.) Correctio est prioris quod non potuerint, potuissent enim æque ut nos si uoluissent. Sed quoniam in usu (forte quia tunc recēs aut rarior & ob id etiam minus cognitus morbus) non erat quod hemitritæi nomen ipsis representaret, id idem etiam de nouo formare noluerunt, quod tamen licite etiam uti nos facere potuissent si modo uoluissent, quare subiungit, Nec uoluere. Parentes.) Maiores nostri & prisca seculi homines.

Inscribis chartæ quod dicitur Abracatabra
Sæpius & subter repetis, sed detrahe summam
Et magis atque magis desint elementa figuris,
Singula quæ semper rapies & cætera figes,
Donec in angustum redigatur litera conum:
Hijs lino nexis collum redimire memento.
Nonnulli memorant adipem prodesse leonis.

Inscribis chartæ quod &c.) Quāuis superstitiosum & à Christiana fide inhibendum sit hoc cum sui similibus medicamentum, uidemus tamen nonnunquam optatum salutis effectum inde cōsequi. Scimus quæ nos præsentī inscriptione collo febricitantis appensa, eundem à febre liberatum. Inscriptio autem quam autor nos docet, talis est, ut primo in prima linea scribatur hoc nomen Abracatabra, de inde eidem in alia idem subscribatur & prioris ultima li-

m m

HEMITRITAEODEPEL

tera omittatur: et hoc toties fiat donec ad primam & unicam literam deueniatur. Et talis scriptura collo suspendatur in lino ligata, & tot diebus portetur quot sunt lineæ, deinde remoueat. Nam à febre tunc liberatus est. Inscriptionis autem forma talis est.

Abracatabra. *Abracatabra.*) Peregrina & ficta est dictio, nihil significans: nisi forte aut Hebraica aut Arabica fuerit. Magi siquidem & incantatores & reliquum superstitiosorum hominum genus, quo magis miraretur uulgus, potissimum Hebraicis aut Arabicis & quæ possunt peregrinis utuntur uerbis. *Subter repetis.*) Subscribendo reiteras. *Sed.*) Docet nunc quomodo uerbum hoc scribendum sit. *Detrahe summam.*)

Abracatabra
Abracatabr
Abracatab
Abracata
Abracar
Abraca
Abrac
Abra
Abr
Ab
A.

Hoc est, in unaquaque linea prioris præcedentis ultima litera omittatur. *Elementa.*) Literæ. *Figuris.*) Formis & lineis. *In angustum conum.*) Ad fastigium & literam unicam. Sic enim conum formam referet. *Hij.*) Scilicet in charta & papyro sic scriptis. *Lino nexis.*) Filo seu panno lineo ligatis. *Redimire.*) Ornare, circumdare et appendere.

Coralium atque crocum corio connectito felis,
Nec dubites illis uirides miscere smaragdos,
Talía languentis conducent uincula collo,
Letalesque abigent miranda potentia morbos.

Coralium.

Coralium.) Coralium notum est, olim magno in honore habitum apud gentes aliquas. Nam, ut libro 32. cap. 2. scribit Plinius, quantum apud nos Indici margaritis precium est, tantum apud Indos in corallo. Namque ista persuasione gentium constant. Gignitur in mari forma fruticis, unde quidam lithodendron, id est lapideam arborē, uocant. Quod quandiu sub aqua fuerit, molle est tactu: exemptum uero ab aëre ueluti candens ferrum aqua mer-

sum

sum confestim duratur & lapidescit. Tria eius genera. Rubens, cādidum, et nigricans, quod antipathes dicitur & ramosius est. Sed probatissimum quod quā maxime rubet & quā ramosissimum est, fragile item, totaꝑ concretionē suā æquale, & ut lib. 5. Dioscorides prodit, quod terram, muscum, algamꝑ simul olet. Præterea quod non est scabrum aut lapidosum, uel rursus inane aut concuum. Ramuli sunt quales arborum uisimus ad semipedem frequentius longos: rarumꝑ est pedaneos deprehendi, uti cap. 7. tradit Solinus. Excuduntur ex illis multa gestamina: habet enim materies hæc, ut Zoroastes ait, quandam potestatem, ac propterea quicquid inde fit habetur inter salutaria. Maxime autem cordis est confortatium. *Crocum.*) Quod Græci & Latini crocum, id Ara *Crocum.* bes et Germani *safran* dicunt, cordis etiam maximum confortatium, de quo Dioscorides libro primo. *Felis.*) *Fe= Felis.* Felis animal est, quod sæpius nobiscum in domibus uersatur, quoꝑ ad murium uenatum utimur, Græci *ἄλουργον*, uulgus catum appellat. *Virides (smaragdos.)* Smaragdus *Smaragdus.* lapis est preciosus, colore uiridis. Cuius plura sunt genera: de quibus copiose Plinius libro ultimo. Hic lapis uel per se collo suspensus hemitritæum curat, teste Alberto Magno. *Conducent.*) Proderunt. *Collo.*) Scilicet alligata & appensa.

FRACTVRIS ET LVXIS

SANANDIS.

CAPVT LII.

INFANDVM dictu cunctis procul absit amicis
Sed fortuna potens omen conuertat in hostes,
Vis indigna nouo si sparserit ossa fragore,
Conueniet cerebrum blandi canis addere fractis,

mm 2

FRACTVRIS ET LVXIS.

Linteā deinde superq̃ inductasnectere lanas,
 Sepius & succos conſpergere pinguis oliui,
 Bis ſeptem credunt coaleſcere cuncta diebus.
 Aut ueteri Baccho capræ fimus inde petulcæ,
 Hoc aperit clauſum, trahit hærens, ſanat apertum,

Fractura.



FRACTVRIS.) Fractura eſt ſolutio conti-
 nuitatis in oſſe, cuius uariæ ſunt differentiæ:
 de quibus & curatione earum plura Galenus
 therapeutices libr. 6. Luxis.) Luxa ſiue luxata

Luxa.

dicuntur membra ſoluta & loco ſedibusq̃ ſuis mota.
 Quod biſariam accidit, autore Celſo: aut enim quæ iun-
 cta ſunt inter ſe dehifcunt et alterum ab altero recedit: aut
 articuli ſuis ſedibus excidunt. Eſt autem ſemper ea parte
 tumor in qua os prorumpit, & in ea ſinus à qua reſceſſit.
 Infandum dictu omen.) Malum & omne aduerſum magnum

Omen.

et quod uix fari quis poſſit. Omen auſpiciũ dicitur, nunc
 proſperum, nunc aduerſum, ut hoc loco: quare illi adiun-
 git, Infandum dictu. Verg. Ignauus bubo dirum morta-

Fortuna.

libus omen. Fortuna.) Fortuna accidentium rerum ſubi-
 tus & inopinatus eſt euentus. Eſt et dea ueteribus credita
 uarijs caſibus humana deludens, & ideo cæca exiſti-
 mata. Iuuenalis, Te facimus fortuna deam, cæloq̃ loca-
 mus. Ab hac omnia & ſcælicia & inſcælicia tribui, uulguſ
 ferè arbitratur. Potens.) Fortis & ualida, ima ſummis
 mutare ualens. Vnde Horatius carminum libr. 1. O diua
 gratum quæ regis Antium Præſens uel imo tollere de gra-
 du Mortale corpus, uel ſuperbos Vertere funeribus tri-
 umphos. Nouo fragore.) Fractura recenti quæ impetuoſe
 & cum ſonitu accidit. Oſſa enim dum franguntur frago-

Fragor.

rem, qui ſonitus eſt, ſolent edere. Sparſerit.) Diſperſerit,

Cerebrum
 canis.

& frangendo ſeparauerit. Cerebrum canis.) Idem
 teſtatur Plinius libro 30. cap. 3. dicens, Oſſibus fractis ca-
 ninum cerebrum linteolo illito ſuperpoſitis lanis, quæ
 deinde ſuffundantur, ferè quatuordecim diebus ſolidat.

Et

Et idem quoq; comprobatur Sextus Platonius, hijs uerbis: Cerebrum canis illitum & in lana impositum, & sub inde suffundatur fracturis, diebus 14. solidat. Fractura autem debet solida alligatione uti. *Blandi.*) Mitis & fidelis. Nam, ut Plin. lib. 8. scribit, fidelissimi ante omnia sunt homini canes. *Addere.*) Imponere. *Lanas.*) Scilicet succidas, quæ ex oleo contusis fractisq; ossibus utiliter imponuntur, autore Dioscoride. *Succos ping. ol.*) Hoc est oleo oliuarum quod prepingue est. *Capra finus.*) Plinius libro 28. cap. 10. Costis fractis laudatur unice caprinum finum ex uino uetere, aperit, extrahit, per sanat. *Inde.*) Impone. *Petulca.*) Capra petulca dicitur à petedo quod in alia loca penetrando iniuriam faciat. *Hoc.*) Scilicet dictum iam medicamentum, cuius uires & facultates autor subiungit. Vbi sciendum est ossa nonnunquam tanta uiolentia et impetu frangi, ut ab inuicem dispergantur & proprio loco restitui non possint, quare sui ablationem & extractionem ex carne cui inhaerent, expostulant. Verum quia in tali casu uulnus per quod extrahi possint non semper adest, sed integra est caro & cutis, tunc eas aperire & uulnus facere oportet per quod extrahantur. Et quia tum uulneratio tum extractio nunc ferro nunc medicamento fieri solet, ferrum autem plurimi abhorreant, autor medicamentum nos docet quod utranq; & aperiendi & extrahendi & ultra hæc per sanandi facultatem habet.

*Lana succida.**Finus caprae.**Capra petulca.*

Sin uero caput infestus colliserit ictus
Ex oleo nefti uestis debet arachnes,
Nesciet hæc illinc nisi cum sanarit abire.
Quod si luxa suo decedunt membra tenore,
Vrere foemineos crines ac iungere seuum
Congruit, ac tali medicamine mota ligare.
Aut malum ex pingui tritum apposuisse iuuabit.

FRACTVRIS ET LVXIS.

Et si conclusum seruabit tibia uulnus,
Stercus ouis placide iunges, adipescq; uetustos,
Pandere quæ poterunt ulcus, patuloq; mederi.

Tela aranei.

Sin uero cap.) Docet nunc mederi fracturæ cranei & totius capitis uulneribus, idq; per telæ arenei ex oleo impositio-
ne, quod & Plinius lib. 29. cap. ultimo testatur, nisi quod
dictis acetū miscet dicens: Fracto capiti aranei tela ex oleo
& aceto imposita non nisi uulnere sanato abscedit. *vestis*

Araneus.

Aranea.

Phalangia.

Arachne.

arachnes.) Hoc est, tela arenei siue araneæ. Vtrunq; enim
dicitur: quamuis areneus proprie dicatur animal ipsum,
aranea uero tela. Poëtæ tamē areneam etiam pro animali
accipiunt, cuius prima diuisione duplex est genus. Sunt
enim noxi quidam quos tum Græci tum Latini phalan-
gia dicunt: quorum itidem plures sunt species, de quibus
Aristoteles, Plin. & Nicāder plura. Sunt alij innoxij, quos
Græci ἀράχνης, Latini araneos dicunt: de quibus Diosco-
rides libro 2. ubi duo genera eorū facit. Vnum quod holo-
con & lycō, id est lupum, uocat: alterū uero ait esse quod
candidas tenues & densas telas operetur. Et tales intelli-
git autor per uestem arachnes. Alludit autē ad fabulā Ara-
chnes puellæ Lydiæ, quæ, uti fabulatur Ouid. Metamor-
phoseon libro 6. lanificij peritissima, cum se temere præ-
posuisset Mineræ, conuersa est in araneū. *Hæc.)* Tela
aranei. *illinc.)* A loco uulnerato cui imposita est. *Suo te-*

Cinis capillo-
rum muliebriū
ex fimo pecu-
dis.

Pomum cune-
axungia.

nore.) Ex ordine, cōtinuitate & loco suo proprio. *Vrere*
foemineos crines.) Plinius libr. 30. capite 3. Articulis luxatis
præsentaneum est & seuū pecudis cum cinere ex capillo
mulierum. *Seuum.)* Scilicet pecudis. *Malum.)* Pomum.
Pingui.) Id est pinguedine, adipe, & axungia porcina: quæ,
ut Plinius scribit, rupta & conuulsa & spasmaria & luxata
sanat. *Conclusum.)* Clausum & non apertū. *Pandere.)* A-
perire. *Patulo.)* Aperto.

NERVIS INCISIS ET DO-

LENTIBVS ATQVE
contractis.

CAPVT LIII.

H A V D quisquā credet dissectos uulnere neruos
Ad solitum rursus reuocari posse uigorem,
Sed prodest terræ lumbricos indere tritos,
Quis uetus & ranæ sociari axungia debet.



ERVIS.) Nerui quid sint & unde oriantur, *Nerui quid, & unde eorum origo.*
docet nos Auicēna prima primi dicens: Nerui
sunt corpora à cerebro orta, aut à nucha, alba,
ad flectendū mollia, & ad separandum dura: ad
hoc creati ut per eos mēbra sensum habeant & motū. Et
Gal. de locis affectis lib. 3. ait, Atqui ex anatomice didici-
mus, neruos oēs à cerebro primariū sumere initiū. Neq;
simpliciter initium, sed primarium, spinalis medullæ gra-
tia dixi: quamuis enim permulti ex ea nerui prodire ui-
deantur, uim tamen omnem quam habet, cerebrum ipsi
suppetit. Et de iuuamentis lib. 9. Caput, & sensus & uo-
luntarij, motus fontem, ac neruorum tum mollium tum
durorum originem esse tradit. Nec obstat quod aliter de
hoc statuat Aristoteles, cui & Auerrois Colliget lib. 2. &
Auicenna de animalibus tertio adstipulatur. Sed de hijs
non plura. Quod reliquum est, Nerui aliquando cæsim
uulnerantur & dolent, aliquando uero citra uulneratio-
nem dolore afficiuntur: & nonnunquam conuelluntur
cōtrahunturq; cum scilicet rigore quodam colliguntur,
ita ut extendi & plicari moueriq; non possint. Et hijs ner-
uorum passionibus hoc capite mederi docet Serenus.
Haud quisquam credet.) Difficilem enim curationem habēt,
adeò ut creditu difficile sit, ea posse sanari. Vnde inter uul-
nera mala & periculosa, quæq; ad sanitatē uix perueniant.

NERVIS DOLENTIB.

Celsus libro 5. ea quoq; ponit quæ neruos lædunt. *Dissec-
tos uulnere.*) Hoc est incisos & cæsim uulneratos. *Solutum
uigorem.*) Firmitatem, robur & statum pristinum. *Reuo-
cari.*) Reduci & restitui. *Terræ lumbricos.*) Vermes terre-
nos. Neruis & membris ipsis neruosis cæsis & quoquo
modo male affectis, dolentibusq; mederi lumbricos &
ranas, aliorum etiam comprobatur autoritas. De lumbric-
is enim sic prodit Dioscorides, Glutinant præcisos ner-
uos concisi siue cōtriti & impositi uermes terreni. Quod
& Galenus & Paulus Aegineta quoq; testatur. Plinius
item libro 30. capite 3. Vulnere, inquit, recentia congluti-
nant uermes terreni, adeo ut neruos quoq; abscisos illi-
tis solidari infra septimum diem Democritus persuaferit.
Itaq; in melle seruandos censet. Et idē eodem capite, Ter-
reni uermis cinis, ait, cum melle illitus etiā dolores tollit.
Et eiusdem libri cap. 4. Vermes terreni illiti in ceruices &
scapulas, ne nerui doleant, præstant. Porro quod ad ra-
nas attinet, profunt illæ, ut Dioscorides tradit, contra ue-
teres neruorum in ceruice, quos tenontas Græci dicunt,
abscessus. Et Plinius libro 32. capite 5. In articulis, inquit,
morborum impetus sedant ranæ subinde recentes im-
positæ: quas quidam dissectas iubent imponi. *Quis.*) Qui-
Adeps ranarū. bus terræ lumbricis. *Vetus axungia ranæ.*) Adeps & pingue
do ranæ uetus, ut quæ efficacior sit recenti. Idem autē po-
test & tota substantia eius, & in oleo decoctarum ius.

Si uero occultus neruos dolor urit inertes,
Vulturis excisos adipēs rutamq; remitte,
Aut ceram, & tali recreabis languida fotu.
Conuenit & pelagi calidis perfundier undis.
Carica uel beris lento cum melle iugatur.
Aut Baccho madefacta Ceres cū fronde cupressi,
Quo poteris fotu recreare rigentia membra.
Sin autem subito replicantur corpora morbo
Contractos reuocat neruos caro sumpta columbæ.

Occultum.

Occultus.) Absconditus & cuius causa latet. Vrit.) Dolo
 re quasi urente affligit. Inertes.) Desides & languentes.
 Vulturis adipēs.) Vulturis medicinam in hoc casu, licet ali- *Adeps uul-*
 ter, attestatur etiam Plinius libro 30. cap. 3. dicens, Adeps *turis.*
 uulturinus cum uentre arefactus contritusq; cum adipe
 suillo inueterato, neruorum dolores tollit. Et Sextus Pla
 tonicus, Vulturis adeps, inquit, et uentriculus cum axun
 gia contritus & perunctus, omnem neruorum dolorem
 tollit & articulorum emēdat. *Rutam.)* Scilicet puluerem *Ruta.*
 siue succum eius. Rutam contra articulorum dolores uel
 ex melle emplastri modo impositam prodesse tradit Dio
 scorides, Plinius uero dolētibus neruis illam tritam cum
 lana & adipe aliquos imponere tradit libro 29. capite 2.
 Remitte.) Dissolue & permisce. *Pelagi calidis undis.)* Aqua *Aqua marina.*
 marina calida, de qua sic Plinius: Medendi modus item et
 in marinis erit, quę calefaciunt ad neruorum dolores fer
 ruminata & fracturas, ossaq; contusa, idem ad corpora
 siccanda. *Carica uel betis.)* Hoc est quod contra articula- *Ficus ex beta*
 rem morbum etiam docuit medicamentum. Si uero arti- *ex melle.*
 culos tabes inimica per omnes Hæserit, ex fico betas ac
 melle ligabis. Vnde & neruis etiā prodest. Carica autem *Carica.*
 ficus est siccata. *Baccho mad. Ceres ex c.)* Hoc medicamine *Cupressus et*
 prius etiam contra podagram uti docuit dicens: Aut si *panis ex uino.*
 corruptus perfederit altius humor, Trita cupressus ibi
 Baccho iungatur acerbo, Panibus & teneris, cohibet su
 peraddita quæstus. Ponit autem quemadmodum Bac
 chum pro uino, ita & Cererem pro frumento & pane.
 Dicta est autem Ceres, ut aliqui uolūt, à fructibus geren- *Ceres.*
 dis, quasi geres. Seu, ut alij, à creō quod frugū creatrix sit
 & inuentrix. Ipsa enim, ut Plinius libro 7. cap. 56. scribit,
 frumenta inuenit, cum antea glande uescerentur. Eadem
 molere & conficere in Attica, Italia & Sicilia, ob id dea iu
 dicata. Græce Δημήτηρ, quasi γημήτηρ, id est terra ma- *Δημήτηρ.*
 ter, quod omnium sit mater: siue, ut Plato ait, quod δίδου
 ὅσα μὲν τῆρ, hoc est tribuens mater, dicitur. Ex terra enim

SOMNO ASCISCENDO.

Demetria semina. frumenta nobis dantur & nascuntur. Vnde Galenus libro 2. de alimentis demetria semina uocat Cerealia & frumentaria. Cæterum medicamenti huius Plinius quoque meminit lib. 24. cap. 5. hijs uerbis: Cupressi folia trita cum duabus partibus panis mollis & e uino Amineo subacta, pedum ac neruorum dolores sanant. *Rigentia.*) Indurata & dolore affecta. *Replicantur.*) Colliguntur, conueluntur & contrahuntur. *Caro columbae.*) Plinius libro 30. cap. 3. In contractione neruorum caro palumbina in cibis prodest & inueterata.

AEGRIS SOMNO ASCISCENDO.

CAPVT LIIII.

NON solum miseros teterrima febris adurit,
Sed super optato pergit uiduare sopore,
Ne prosint placidi caelestia munera somni.
Charta igitur uarijs quam pinxit litera uerbis
Vritur, inde cinis calido potatur in amni.
Proderit & magnum capiti substernere fulcrum,
Prodest & lymphis mixtam potare cupressum.

Vigilia.



Somnus.

Vigilia excedens.

AEGRIS.) Scilicet infomnibus & uigiliarum excessu uexatis, quibus somnū inducere & uigilias sopire docet hoc capite Serenus. Est autem uigilia, ut apud Aristotelem habetur, sensuum solutio, cum liberam suis functionibus intendere ualēt operam. Somnus uero ipsorum ligatio, defectus & impotentia ob excessum uigilandi. Verum uigiliae excedentes fiunt aliquando quidem citra ægritudinem, ut in senibus ob ariditatem: aliquando uero ex ægritudine propter primæ partis sensitivæ calorem, sed uel ex sola in
tem-

temperatura, uel ex humoris biliosi abundantia, ut in febribus & alijs biliosis calidisq; morbis, ut tradit Galenus. Et de hijs loquitur Hippocrates libro secundo aphorismorum, ubi sic pronunciat: Somnus atq; uigilia utraque si modum excesserint, malum. Quare uigiliarum excessui occurrere nunc docet Serenus. *Asciscendo.*) Pro-
uocando & conciliando. *Non solum mis. &c.*) Ponit duo febrium mala, uidelicet calorem adurentem & uigilias, quæ etiam inter mala uniuersi corporis sunt plerisq; ut libr. 26. cap. 12. ait Plinius. *Super optato sopore.*) Plurimum expetito & desiderato somno, qui salubris est & non inexplugnabilis, ut Celsus uocat. Nam sopor proprie nõ simplex somnus est, sed malus & noxius: cuius iuxta causarum uarietatem plura sunt genera: inter quæ est Coma, lethargus, caros, & alia quorum omnium commune quoddam consequens est cataphora, id est in somnum delatio. *Cataphora.*
Pergit.) Procedit & nititur. *Videtur.*) Priuare. *Placidi somni.*) Quietis mitis & gratæ ac placidæ, quod ea quæ quieta sunt omnibus placent. *Cœlestia munera.*) Dona diuina & deorum munere concessa. Somnus enim & quietem et quietis largitorem deum significat. Vnde Ouidius *Somnus deus.*
Metamorphoseon libro 11. Somne quies rerum placidissime somne deorum, Pax animi, quem cura fugit, qui fessa diurnis Membra ministerijs mulces, reparasq; labori. Est autem omni animali necessarius somnus, si naturam suam sequi saluariq; debeat, ut inquit Aristoteles. *Charta.*) *Cinis charta.*
Quid charta, quid papyrus, dictum est in principio libri. Vim eius sed ex uino sumptæ & adustæ contra uigilias Plinius etiam testatur libr. 24. cap. 11. cum ait: Charta quæ fit ex papyro cremata, inter caustica est. Cinis eius ex uino potus somnum facit. *Amni.*) Aqua. *Fulcrum.*) Pul-
uinar. Fulcra à fulciendo dicta sunt, summelectorum partes quibus thori sustentantur. *Cupressum.*) Et hoc uirtute sua refrigerante & adstringente. Cum enim ex calidis humoribus cerebrum scandentibus fiant uigiliæ, cupressus

SOMNO ASCISCENDO.

illos refrigerando & ne sursum ferantur prohibendo, uigilijs etiam obstitit somnumq̃ conciliat.

Palladijs itidem succis quos flore rosarum
Iungis, & immisces madidum tritumq̃ papauer,
Quo lita frons facilem præbebit nocte quietem.
Necnon mandragoræ gustu sopor additur altus.
Dilue præterea glomeramina quæ gerit intus
Clausa aries inter geminæ coxendicis umbras,
Inde soporati ducentur gutture potus.

Oleum ro-
faceum.

Succus
Palladius,
Papauer.

Mandra-
gora.

Canon.

Palladijs succ. quos flo. &c.) Oleum rosaceum intelligit quod ratione rosarum refrigerat & adstringit, somniferumq̃ existit. Nam, ut Plinius tradit, succi rosarum usus in febre per se uel cum aceto ad somnos conciliandos utilis est, flos enim somnum facit. Per Palladios autē succos oleum intelligitur oliuarum. Palladi enim deq̃ oliua, cuius inuentrix dicitur, consecrata est. Papauer.) Quo efficacius fiat medicamentum, iubet rosaceo oleo miscere papauer: quod, ut Celsus ait, somno aptum est. Vnde Serenus supra capite primo uocat, amica papauera somno. Et Dioscorides, Nigri papaueris semen, ait, contra nimias uigilias, & ubi sopire opus fuerit emplastri modo frōti & temporibus ex aqua imponitur. Quietem.) Somnum facilem. Mandragoræ.) Mandragoræ tum in cibo & potu sumptæ, tum naribus olfatu admotæ, uim soporiferam testantur omnes: possuntq̃ id tum poma tum radix, ceteraq̃ partes eius, & earundem succus & liquor. Verum largior illorum usus ignaros obmutescere facit: quare caute utendum, & si necessitas uti coget & eo accersendus somnus erit, satius fuerit, & satis etiam ob id odore tantum somnum quæsisse, & ita quidem si fieri poterit, non naribus admouendo, sed ut quidam faciunt, mala puluino subiiciendo, habita scilicet moderatione illa maxime necessaria, ne quem obdormire uolumus, excitare postea

postea non possimus: cuius rei & Celsus fideliter nos ad
 monet libro 3. *Sopor altus*.) Somnus profundus: & si co- *Somnus.*
 piofior sit usus, letalis. Differt sopor à somno: quod hic *Sopor.*
 salubris sit, ille uero malus & noxius: quod & Plinius no-
 bis innuit cum ait, Curandum ne somnus sopor fiat. *Testes arietis.*
Glomeramina.) Intelligit testiculos arietis, qui globositan
 quam glomeris inter scœmina dependent. Siue sordes
 eas quæ eò loci colliguntur & coaceruantur. *Intus.*) In-
 tra scrotum siue osccheon & ambientem testes tunicam.
Inter coxendicis umbras.) In abscondito & tanquam in um-
 bra latentes. *Soporati.*) Somnum secum adferentes. *Soporati.*
 poratus enim dicitur, cui ueluti irrigatus est somnus.
Guttur.) Per guttur intelligit spacium illud in quo sunt *Guttur.*
 meatus anhelitus & cibi, siue gulam & œsophagum, id
 est fistulam cibalem & uiam eorum quæ deuorantur, de
 quibus dictum est supra capite 16.

LETHARGIAE EXPEL-

LENDAE.

CAPVT LV.

DIXIMVS hanc sortem miseris mortalibus esse,
 Vt saepe inter se mala sint contraria morbi.
 Deniq; nonnunquã somno sic membra grauantur,
 Vt coniungatur letho sopor altus acerbo.



LETHARGIAE.) Lethargia siue Lethar *Lethargus.*
 gus capitis morbus est phrenitidi contrarius,
 ut inquit Galenus. Nã cataphora est & in som-
 num delatio grauis & inexcitabilis, cui & fe-
 bris accedit. Vnde Paulus Aegineta ait, Accidit autem le-
 thargicis febris lenta & ignaua non ualde crucians cum
 cataphora. Et Celsus post cardiacum morbū, quem phre-

nn 3

LETHARGIAE EXPELL.

Causa le-
thargi.

Somnus
gravis.

Catalepsis.

Lethargus
unde dictus
Ληθῆ.
ἄργος.
Veternus.

Subethicus
morbis.
Caros.

Sopor.

nitidi contrarium dixerat, de lethargo sic scribit: Alter quoque morbus est aliter phrenetico contrarius. In illo difficilis somnus, prompta ad omnem audaciam mens est: at in hoc marcor & inexpugnabilis penè dormiendi necessitas, lethargum Græci nominant: atque id quoque genus acutum est, & nisi succurritur, celeriter iugulat. Huius autem causa est pituita & frigidus humor, qui frigore & humiditate sua in somnum cogit: maliq; locus caput est. Vnde Galenus in expositione aphorismi libri 2. qui est, Somnus & uigilia, utraq; si modum excefferint, malum: post descriptionem somni gravis qui difficilem habet ex- perfectionem, sic ait: Fit autem huiusmodi somnus primo refrigerato sensitivo, hoc est cerebro ipso: quæ re- frigeratio cum fortis est, humiditati mixta, lethargicas fa- cit passiones: cum siccitate uero catalepses Græce uocatas, Latine uero occupationes siue depræhensiones dixeris. Et quia principalis actio le- ditur, febris quoque accedit le- thargo. Dictus est autem lethargus, ut illud etiã addam, tum obliuionis tum desidiæ argumento: quasi obliuiosa desidia, seu desidiosa obliuio. Ληθῆ lethe enim obliuio est. ἄργος argos uero iners dicitur & deses. Latini aliquando ueternum uocant, utrunq; etiam aut alterutrum indican- tes, desidiam scilicet torporemq; aut grauiorem somnũ & obliuionem. Punici subethicum morbum dicunt. Ab hoc non multum distat alter quem Græci καρόν caron uo- cant: ex eadem enim materia scilicet pituita uterq; cõstat tum lethargus tum caros. In illo tamen differunt, quod in caro somnus præcedit & febris uehementior, & quod ipse alijs aliquot affectibus superuenit, ceu febribus, co- mitialibus & alijs. In lethargo uero somnus sequitur & febris ignauior, propriamq; habet causam. Hos affectus Plinius aliquando ueternũ, scpius soporem appellat, præ- fertim cũ ait: Curandum ne somnus sopor fiat: quasi salu- bris sit somnus & eius quies, sopor uero morbosus & ma- leficus. Quare etiam Serenus, ut maleficij nota magis pa- teret,

teret, soporem uocauit altum, id est profundum, grauem
& qui malo est: & quo adhuc periculosiorem ostenderet,
addidit etiam, Vt coniungatur letho acerbo. Vnde etiam
Vergilius Eneidos libro 6. ait, Tum consanguineus lethi
sopor, & mala mentis Gaudia. *Diximus.*) Scilicet superis
us capite 25. *Sortem.*) Euentum, *Letho.*) Morti, Lethum *Lethum.*
aliqui dictum uolunt à Græca dictione λῆθῆ, quæ obliuio
nem significat, eo quod morientes omniū obliuione ca-
pianitur, & tunc cum aspiratione scribitur lethum. Alij
uero à Leo deriuatum uolunt, quo ueteres usi sunt pro *Leo.*
deleo, quoniā mors omnia delet, & tunc sine aspiratione
scribitur Letum.

Ergo leui flamma torrentur cornua caprae,
Quo nidore grauem depellent lumina somnum.
Aut Veneris labrum, quæ dicitur herba, bibetur,
Quæ teritur prius & uino confusa liquefcit.
Conueniunt acidis euphorbia mixta fluentis,
Gramina uel rutæ gemina si nare trahantur.
Quidam dira iubent septeno cimice trito
Vt uitientur aquæ cyathusq; bibatur earum:
Hæc potiora putant quàm dulci morte perire.

Leui flamma) Igne paruo. *Torrentur.*) Vruntur ut fumum
reddât. *Cornua caprae.*) Et hoc propter fœdū quem uren- *Cornu caprae.*
do mouent odorem, quo ad cerebrum per narium mea-
tus delato, ægri excitantur. Vnde Celsus, Hos egros, in-
quit, quidam subinde excitare nituntur admonis hijs quæ
per sternutamēta euocantur, & his quæ odore fœdo mo-
uent, qualis est pix cruda, lana succida, piper, ueratrum,
castoreum, acetum, allium, cepa, iuxta etiam galbanum
incendant, aut pilos, aut cornu ceruinū, si nō est, quod-
libet aliud. Hæc enim cum conburuntur, odorem fœdū
mouent. *Nidore.*) Odore fœdo cornus caprini. *Nidor* *Nidor.*
proprie uniuersiusq; rei adustæ dicitur odor. *Lumina.*)

LETHARGIAE EXPELL.

Labrum Veneris. Ignis quorum ardore & uisione cornu odorem reddit lethargicos excitantem. *Veneris labrum.*) Herbam hanc multicaudum magnum, Græci à siti dipsacon uocant. **Carduus magnus.** Herba est, ut Dioscorides illam pingit, aculeata, caulem habens excelsum, spinosum: folia lactucae similia, oblonga & spinosa, quæ per medium dorsum ueluti bullas foris & intus spinosas habent, concauo qua se in geniculis coniungunt sinu, quo rores & pluuiæ aquæ continentur, unde & nomen inuenit. Habet & in summis singularum germinationum caulibus singula spinis echinata & oblonga capitula, quæ cum aruerunt candido colore fiunt. Cur autem olim labrum Veneris dicta fuerit hæc herba, causam haud facile dixerim. Porro labrum hic non ab oris parte quæ manifestam in homine significationem habet, sed à balnearum uasis aquarijs, quibus ad lauanda corpora utebatur, sic dictum est: quod uel Græci indicant, qui eandem herbam ἀφροδίτης λουτρόν uocant. λουτρόν autem ipsis aquarium uas est, quod labrum Latinis dici nunc diximus. Sunt tamen non solum aquaria sic dicta uasa, sed olearia quoque & uinaria, in quæ oleum è cortina & uinum è lacu transferuntur. *Confusa.*) Commixta. *Liquefit.*) Mollescit & resoluitur. *Acidis fluentis.*) Aceto. *Euphorbia.*) Euphorbium succus est herbarum nominis eiusdem: quam, ut **Lib. 5. cap. 1.** Plinius scribit, in Mauritanie monte Atlante inuenit rex **Lib. 25. cap. 7.** Iuba, appellauitque euphorbiam medici sui nomine & fratris Ant. Musæ, qui diuum Augustum seruauit lactuca, Dioscorides ferulaceam arborem uocat, quæ acerrimo liquore plena est, quem ob nimium eius feruorem incolæ timentes colligunt excipulis ex ouillis aut hedinis lotis uentriculis factis. Vis est illi excafactoria atque disijciens. Et quamuis lethargicos excitari labor sit, ut Plinius ait, hoc tamen præstat euphorbium (ut perhibent) ex acetonaribus tactis peucedani succo. Et Mesue, Euphorbium, inquit, est medicina bona lethargiæ & obliuioni. *Gramina.*) Folia. *Ruta.*) Ad lethargicos suscitandos rutam tritam

tritum ex aceto fronti infundere iubet Apuleius. Aliqui succum ex aceto lethargicis olfaciendum dederunt, ut libro 20. cap. 13. refert Plinius. *Nare trahantur.*) Id est, olfactentur, scilicet euphorbium aut ruta ex aceto, quod illis penetrandi uim addit. *Quidam.*) Medicamenti huius cimum fidem & auctoritatem in alios reijcit, quemadmodum & Plinius libro 29. cap. 4. dum ait: Lethargi tamen medicinae cum argumento adhibent cimices, quoniam uincatur aspidum somnifica uis, septenos in cyatho aquae dantes, puerilibus annis quaternos. *Dira.*) Crudelia, abhominanda. *Potiora.*) Eligibilia. *Dulci morte.*) Vocat mortem dulcem, quod lethargo oppressi citra dolorē ceu somno dulci & quiete sopiti leniter animā exhalent.

COMITIALI MORBO.

CAPVT LVI.

EST subiti species morbi cui nomen ab illo est,
Quod fieri nobis suffragia iusta recusat:
Sæpe etenim membris atro languore caducis
Concilium populi labes horrenda diremit.
Ipse deus memorat dubiæ per tempora lunæ
Conceptum, talis quem sæpe ruina profudit.



COMITIALI.) Morbus comitalis sic dictus est, uti Serenus tradit, eo quod si quis illo correptus in comitijs concidisset, soluebantur comitia, quæ Romani populi ad ciuitatis res tractandas, ut magistratus creandos & leges ferendas; conuentus & coitiones erāt, & diuidebantur in Calata, curiata & centuriata, de quibus A. Gellius Atticarum notitium libro 15. cap. 27. & Fenestella de magistratibus Romanorum capite septimo. Et quia hij qui interlunio con-

Comitalis morbus.

Comitia.

Lunaticus morbus.

oo

COMITIALI MORBO.

Morbus
caducus,
Herculeus,
sacer,
maior.

ἱερὸν.

Morbus
diuinus.

Morbus
puerilis.

Epilepsia.

cepti aut nati sunt, hoc morbo ferè corripuntur: hinc etiam lunaticus est appellatus. Quoniam uero illo affecti, paroxysmi & afflictionis tempore in terram subito concidunt, dictus est etiam caducus. Aliqui eundem Herculeum uocant, eo quod Hercules huic morbo fuerit obnoxius, seu quod ut ille inuictus, ita hic nulla medicorum ope superabilis sit. Dicitur item propter magnitudinem & grauitatem suam (quoniam homo subito concidit & ex ore spumæ mouentur, ipseque morbus aut recens hominem consumit, aut ad extremum uitæ ac mortis diem usque durat) ἱερὸν νόσος id est morbus sacer, & ut Celsus ait, maior. Græci enim ἱερὸν quod nunc illis sacrum significat, antiquitus magnum & grande dicebant. Sic Homerus Iliados libro 10. ἱερὸν ἰχθύον, id est piscem sacrum, Vergilius, sacram famem, Medici, sacrum morbum & os sacrum uocauerunt, eo quod grandia essent. Quamuis sint aliqui qui non tam propter magnitudinem quam quod dijs offerri solerent talia ἱερὸν, id est sacra, dicta coniecerent. Verum illorum opinionem qui morbum sacrum seu diuinum dictum contendunt, quod diuinitus immittatur, refellit Hippocrates libro proprio de morbo sacro inscripto: Apuleius in apologia seu defensione prima ἱερὸν νόσον, id est sacrum & diuinum morbum à Græcis nominatum putat, quod animi partem rationalem, quæ longe diuinissima est, uiolet. Hippocrates libr. de uulneribus capitis, puerile etiam uocat, eo quod in pueris abundet & illos sæpius infestet. Demum Græci hunc morbum, quoniam nerui eo contrahuntur, ἐπιληψίαν epilepsiam uocant, hoc est correptionem & conuulsionem. Est enim, uti Galenus tradit, omnium corporis partium conuulsio, non quidem perpetua ut in emprosthotono & opisthotono atque tetano uidere est, sed quæ ex temporum interuallis accidit. Consistitque affectus hic in supremis corporis partibus, cerebro uidelicet, fitque ex frigido crasso & uiscido pituitæ humore, spiritus animalis in cerebri uentriculis contenti meatum obstruen-

struente : quamuis aliquando etiam ab atra bile fiat, ubi
 scilicet in meatibus uentriculorum cerebri retinetur siue
 is medius sit siue postremus. Porro morbus hic subito fit
 & soluitur confestim: & qui sic laborat, neq; uidet, neque
 audit, neq; ullo sensu quicquam percipit, ac ne memoria
 quidem consequi potest, quid factum sit. Siquidem cum
 memoriæ uiribus, ratio quoque leditur. Soletq; morbus
 hic, ut alij quidam, interdum ipsomet affecto, interdum
 alijs consentiente cerebro euenire. Tribusq; continetur
 differentijs: quibus omnibus cōmune est quod cerebrum
 afficitur: uel consistente in ipso affectu, id quod pluribus
 epilepticis accidit: aut à uentriculi ore ad cerebrū per con
 sensum ascendente: aut, quod raro fit, cum à parte aliqua
 cui id forte fortuna accidit, incipit affectus, qui deinde sen
 tiente ægro ad cerebrum usq; ascendit. Sed de hijs copio
 sius Galenus in libris de affectorum locorum notitia, ter
 tio, quarto & quinto. *Subiti.*) Quoniam homo subito
 concidit. *Nomen.*) Scilicet comitalis. *Suffragia.*) *Suffragium.*
 Suffragium aliquando auxilium significat, aliquando ue
 ro, ut hic, uoces & sententias quæ dicebantur in co
 mitijs & in tabellis describebantur, quibus unusquisque
 quem in magistratum eligi uolebat, declarabat, à quo &
 illa quoq; suffragia uocantur quæ ad idem declarandum
 clam in cistellam mittebantur, ceu lapilli, pilæ, fabæ et simi
 lia. *Iusta.*) Quæ iusto & statuto tempore fiebant. *Atro.*)
 Funesto. *Caducis.*) Labilibus, cadentibus. *Concilium po-* *Comitia.*
puli.) Comitia quæ uniuersi populi conuentus erant, à *Concilium.*
 simul itando sic dicta, cum concilium sit ubi populi pars
 aliqua & non uniuersus populus conuenit. *Labes.*) *Dirimendorum*
 lum, ruina & casus, qui dirimendorum comitiorum cau *comitiorum*
 sa erat. Voluerunt enim non habendorum comitiorum *causæ.*
 causas esse aliquas, propter quas nefas erat habere comi
 tia: dirimebantur autem tum comitali morbo cadēte ali
 quo, tum tonante & fulgurāte Ioue. *Ipsæ deus.*) Phœbus
 aut Aesculapius, Indicat nunc qui huic morbo præ alijs

COMITIALI MORBO.

Luna cadu tur aut eduntur. Vnde Luna caducorum mater dicitur.
corum ma Et inde quidam lunaticum morbum hunc uocāt. Porro
ter. sacræ literæ lunaticos uocant eos quorum morbus lunæ
Lunaticus ascensu increfcatur, quod diabolus lunaria seruet tempora,
morb. ut creaturam infamet in creatoris blasphemiam. *Dubie*
Luna lunæ.) Incertæ. Vergilius Eneid. libr. 6. Quale per incer-
dubia, tam lunam sub luce maligna Est iter in syluis: ubi cælum
Silens. condidit umbra Iuppiter, & rebus nox abstulit atra colo-
rem: hoc est, interlunio quando luna in coitu est & filet.
Interlunium. Plinius libro 16. cap. 40. Diem quo luna in coitu est, alij in-
terlunium, alij silentis lunæ appellant. Quo tempore sine
lumine aut sane minimo & dubio uidetur. Nam dum so-
lis radios subit, hoc est in coitu, quoniam haustu omni-
lucis auersa illò regerat, unde acceperit, ut Plinius scribit
libro 2. non cernitur sed latet ac filet: idq̃ ferè triduo sal-
tem manifeste, quo tempore nihil etiam uirtutis suæ hijs
inferioribus infundit, ut placet Galeno. Sed dices, Cur
igitur Serenus interlunio natos comitali morbo corripi
tradit, si luna tunc in hæc inferiora nihil operatur? Dico
lunam in hæc inferiora agere bifariam. Primo actiue uim
suam infundendo, quod non agit nisi cum lumine non
est omnino priuata, quare interlunij tempore quia lumi-
ne exuta & uiduata, nihil inde defluit. Secundo priuati-
ue quatenus in coitu luminis splendore et ui sublata, dum
nihil agit, nihilq̃ impertit, uim suam subtrahendo no-
cumentum affert nonnullum, & inferiora hæc utilitate
sua priuat, sicq̃ ipsa uim & potestatem nullam inde acci-
piendo, afficiuntur. Et sic lunæ uiribus destituti qui inter-
lunio nascuntur, communiter comitiales euadunt. *Con-*
ceptum.) Per conceptum intelligit non solum illum qui
interlunio in utero conceptus est, sed & eum qui in hunc
mundum ex utero editus est interlunio. *Ruina.*) Casus.
Profudit.) Prostrauit & concidere fecit.

Pro

Prodest cum ueteri Baccho fel uulturis ampli,
 Sed cochlear plenum gustatu sufficit uno.
 Aut cruor ex Progne mixtus cum polline thuris.
 Aut apium elixum, aut conditum melle fel agni,
 Marrubiumue pari confusum pondere mellis,
 Cuius terna dabis gustu cochlearia in uno.

Fel uulturis.) Quod Serenus de felle uulturis potio ex uino *Fel uulturis.*
 contra comitiales prodit, id alij de aliorum animalium
 felle ac alijs uulturis membris referunt. Siquidem Diosco-
 rides fel urfinum comitialibus delingendum utiliter dari,
 & testudinis in nares utiliter indi astruit. Sextus autem
 Plonicus, Vulturis iecur totum, ait, cum sanguine ipsius
 tritum & per dies nouem potum, caducis prodesse dici-
 mus. Plinius item lib. 30. cap. 3. sic scribit, Prædicatur re-
 creare comitiales iecur uulturis tritum cum suo sanguine
 ter septenis diebus potum, cor pulli uulturini adalliga-
 tum. Sed et ipsum uultrem in cibo dari iubent, et quidem
 fatiatum humano cadauere. Quidam pectus ei bibendum
 censent, & in cerrino calice. *Cochlear.*) Quid sit cochlear *Cochlear.*
 dictum est superius capite 17. *Gustatu.*) Haustu. *Cruor ex Sanguis hiru-*
 Progne.) Alludit ad fabulam qua Progne in hirundinem *dinis.*
 transformata fingitur, & cuius meminit Ouidius *Meta- Progne.*
 morphoseon libr. 6. Per Prognes itaque cruorem Serenus
 intelligit sanguinem hirundinis, qui cum thure comitia-
 libus medetur, imò & cor recens deuoratum, ut libro 30.
 cap. 3. refert Plin. *Polline thuris.*) Thuris puluere tenuissi- *Pollin thuris.*
 mo, qui manna Græcis dicitur, aliud à cælesti rore aëre- *Manna.*
 òue melle, quod à nostri temporis medicis & in sacris lite-
 ris manna etiam uocatur. *Apium elixum.*) Apium herba *Apium.*
 est quam ætas nostra petroselinon appellat. Nam quam
 illi Plinius in condimentis gratiam, ut alias interim obri-
 ceam, adscribit, cum ait, Apio gratia uulgo est. Namque ra-
 mi largis portionibus per iura innatant & in condimen-
 tis peculiarem gratiam habent. Hanc eandem gratiam &

COMITIALI MORBO.

illa quæ petroselinõ à nostris uocatur, obtinet. Sed quod Chrysippi et Dionysij autoritate dicit in puerperis ab eo cibo comitiales fieri qui ubera hauriunt, eaq; causa inter nefastos frutices damnatũ: id recentiorũ medicorũ scola quoq; cõprobat. Inter quos Auicēna, ut alios omittā, sic ait Canonis libro 2. Apium est malum epilepsiæ, excitans epilepsiam epilepticorum. Et libri 3. fen prima tract. 5. capite 10. dicit epilepsiam mouere apiũ proprie sua proprietate quam habet in ea. Et cap. 11. de curatione iubet eos alienare à se omnia olera usq; ad atriplices & blites, nedum alia, & proprie apiũ: etenim est ei proprietas commouendi epilepsiam. Sed dices: Quomodo igitur Serenus id epilepticis & comitialibus prodesse tradit? Dico, quod ubi in capite & id epilepsiæ obnoxiorum, multa fuerit humorum repletio, tunc ipsos commouendo, nocere & morbum excitare potest: ubi uero pauci fuerint, tunc ipsos discutiendo & dissoluendo confert. Aut si nimius & superfluens eius fuerit usus, nocebit: sin paucus & moderatus, conferre poterit. Et sic diuersa ratione aut oberrat aut proderit. Conditum.) Mixtum. Fel agni.) Plinius, Magnifice, inquit, laudatur & sanguis pecudum potus, item fel cum melle præcipue agninum. Marrubium.) Scilicet humores discutiendo & obstructions aperiendo.

Fel agni.

Marrubium.

Aptus mustelæ cinis est & hirundinis unã.
Præterea pluuias hominis quas calua supina
Excepit proiecta sinu consumere prodest.
Et lapis ex nido uaga quem congeffit hirundo
Vellitur, & nexu fouet attollitq; iacentem.
Pellitur ut fama est, gustu quoq; langor anethi.

Cinis mustelæ.

Mustele cinis.) Nõ modo mustelæ cinis sed & nõ usta eiusdem membra quædam huic morbo medentur, si alijs credimus. Nam, ut Plinius tradit, prodest & cerebrum mustelæ inueteratum potumq; & iecur eius. Testiculi, uuluaq; aut uentriculus inueteratus cum coriandro. Item cinis

nis. Syluestris uero tota in cibo sumpta. Et Dioscorides, Mustelæ, inquit, uentriculus coriandro farctus, inueteratusq; comitialibus utiliter bibitur. Prodest & sanguis eiusdem. *Hirundinis unâ.*) Hoc est, cinis hirundinis simul cum cinere mustelæ: quamuis per se etiã profint. *Plin. lib. 30. capite 3.* ubi anginis remedia ponit, non solum ad anginas sed & comitialibus quottidie cum pane aut potu dare aliquos dicit hirundinũ pullos strangulatos et cum sanguine combustos in uase: Quosdam uero & mustelæ cineres pari modo ammiscere. *Pluuius hominis &c.*) Hoc est, aqua pluuiatilẽ quæ in hominis interfecti caluaria reperitur. *Artemon fontanam dedit, ut refert Plinius, cuius libro 28. capite 1. hæc sunt uerba: Artemon caluaria interfecti igne cremati propinauit aquam e fonte noctu comitialibus morbis. Calua.*) Cranium, caluaria quæ supernum capitis os est. *Supina.*) Reuersa, ita ut pars aperta sursum spectet. *Excepit sinu.*) Hoc est, in cavitatem suam suscepit. *Proiecta.*) Abiecta, neglecta. Et per hoc innuere uidetur quod Artemonis autoritate Plinius refert, uidelicet ut sit hominis interfecti. *Consumere.*) Hoc est, potare: quod enim bibitur, consumitur. *Lapis ex nido &c.*) Hoc est, lapillus qui in hirundinum nidis siue pullorum uentriculis reperitur. Dioscorides libro 2. Dissectis ex prima foetura hirundinis ante plenilunium hirundinum pullis, in uentriculis eorum lapillos inuenies duos, ex quibus uersicolore & uario altero, uniformi uero concoloreq; altero priusquam terram attingant in bucculæ aut cerui aluta inclusis & brachio collouẽ adalligatis comitialibus proderis, sæpiusq; omnino ad sanitatem restitues. Porro Plinius magorum opinionem referens libro 30. capite 3. sic scribit: Magis placent uel lapilli e uentre pullorum hirundinum sinistro lacerto annexi. Dicuntur enim excluso pullo lapillum dare. Quod si pullus is detur incipienti in cibo, quem primum peperit, cum quis primum tentatus sit, liberatur eo malo, Postea medetur hirundinum

Cinis hirundinum.

Aq. pluuiæ ex calua.

Calua.

Lapis hirundinis.

COMITIALI MORBO.

sanguis cum thure, uel cor recens deuoratum. Quin & nido earum lapillus impositus recreare dicitur confestim & adalligatus perpetuo tueri. Hæc ille. Quæ eo profusius adscribere placuit, ut contra comitiale morbum tota *Hirundo uaga.* hirundinum haberetur medicina. *Vaga.*) Mobilis & sine negotio flexuose modo huc modo illuc discurrens & uolans. Volucrum soli hirundini, ut Plinius libro 10. capite 14. scribit, flexuosi uolatus, uelox celeritas: quibus ex causis neq; rapinæ cæterarum alitum obnoxia est: eadem demum sola auium non nisi in uolatu pascitur. Præterea abeunt & hirundines hibernis mensibus, sola carne uescens auis ex hijs quæ ad uncas ungues non habent. Sed in uicina abeunt, Aphricos sequutæ montium recessus. Inuentæq; iam sunt ibi nudæ atq; deplumes. Thebarum tecta subire negantur, quoniam urbs illa sæpius capta sit. Nec Bizyæ in Thracia propter scelera Thesei. Est autem Bizyæ, ut idem lib. 4. scribit, arx regum Thraciæ à Terei nefasto crimine inuisa hirundinib. regio. *vellitur.*) Euellitur, eruitur & accipitur. *Nexu.*) Alligatione & appensione in brachio uel collo. *Fouet.*) Recreat & tuetur etiam. *Attollit.*) Surgere facit & sanat. *iacentem.*) Eum qui comitali correptus in terram prostratus iacet & concidit. *ut fama est.*) Ut dicitur & pro uero habetur. Fama enim cōmuniter uera est. Nam quod uulgo dicitur, Haud frustra est, quod communis fama famat. Et Hesiodus ἐρ' ἔργοις καὶ ἡμ' ἐραῖς, in libro operum & dierum ait, φήμη δ' οὐτις πᾶμπαν ἀπόλλυται, ἢ τινὰ πολλοὶ λαοὶ φημι ἰζουσι, θεὸς γὰρ οὐτὶς ἐστὶ καὶ αὐτὴ. Hoc est, Fama uero nulla omnino perditur, quam multi populi famigerant, Deus certe quidam est & ipsa. *Gustu.*) Esu aut potu. *Anethi.*) Auicenna Canonis lib. 3. Fen. 1. tract. 5. capite 11. Cum anethum & ruta in cibis eorum ponuntur, conferunt.

Regio

REGIO MORBO PEL-

LEND O.

CAPVT LVII.

REGIVS est uero signatus nomine morbus:
 Molliter hic quoniam celsa curatur in aula.
 Huic rubia ex mulsa fertur conducere lymphæ.
 Allia trita dabis uino madefacta calenti.
 Vellera cum uiuo suffiri sulphure prodest.



REGIO morbo.) Morbus dicitur regius à cu- *Morbus*
 ratione, eo quod molliter, ut Serenus ait, & de *regius.*
 licate in principum aulis curetur: hoc est, ut
 Varro sentit & Plinius libro 22. cap. 24. refert,
 quod mulsi porione quæ in regum delitijs erat, seu ut Cel-
 sus autumat, quod rebus mentem exhilarantibus cure-
 tur. Nam in eius curatione, ut Celsus præcipit, per omne
 tempus utendum est exercitatione, frictione, si hyems est:
 balneo, si æstas, frigidis natationibus: lecto etiam & con-
 clavi cultiore, clauso loco uti ludis, lasciuiæ, per quæ mens
 exhilaretur. Ob quæ regius morbus dictus uidetur. Vide
 licet à molli & uolupi dietæ genere & curatiõe. Dicitur et *Morbus arquatus.*
 Arquatus à celestis arcus uirore. Et aurigo à pallore auri, *tus.*
 quem bilis per uniuersum corpus fusa representat. Græci *Aurigo.*
 icteron ab aue cognomine et cõcolore uocant. Vnde Plin. *icteros.*
 Auis icterus uocatur à colore, quæ si spectetur, sanari id *Galbulus auis.*
 malum tradunt & auem mori, hanc puto Latine uocari
 Galbulum. Hæc ille lib. 30. cap. 3. Hic morbus maxime in
 oculis manifestatur. Vnde Plinius libr. 26. cap. 13. ait, Mor-
 bum regium in oculis præcipue mirari est, tenuitatem il-
 lam densitatemq; tunicularum felle subeunte. Et Celsus,
 Aequè notus est, inquit, morbus quem interdum arqua-
 tum, interdum regium nominant. Color autem eū mor-
 bum detegit maxime oculorum, in quibus quod album

pp

REGIO MORBO PEL.

esse debet, fit luteum. Soletq̃ accedere & sitis & dolor capitis & frequens singultus & præcordiorum dextra parte duricies, & ubi corporis uehemens motus est, spiritus difficultas, membrorumq̃ resolutio, atq; ubi diutius manet morbus, totum corpus cum pallore quodam inalbes-

Cause morbi regij.

cit. Fit autem à uarijs causis. Aliquando enim iudicatorie fit & per crisin, natura flauam bilem ad totum corpus & præcipue cutem reponente. Aliquando uero iocinore male se habente, uidelicet aut ob scirrhum tumoremq̃ prædurum qui diutinus morbus est, aut ob inflammationem, aut obstructionem, quæ ambo repente fieri possunt. Interdum uero fit morbus hic citra hos affectus, ubi mutata iocinoris secundum naturam temperatura, humores biliosi efficiuntur: aut ab extranea aliqua occasione corrupto & bilioso effecto sanguine, qualis aliquando à feris mordentibus fieri solet. Præterea fit etiam aliquando ob folliculi fellis uim attractoriam secretoriam uel imbecillio rem factam, nec non folliculi ipsius oppletionem, obstructionem uel, quemadmodum & uasorum quæ ab ipso exorta, ora sua in hepar extendunt. Demum euenit morbus hic ubi ob splenis uitia atra bilis per corpus diffunditur.

Icteros niger.

Sed huiusmodi colores multo nigriores sunt quam alij, unde & nigrum icteron uocauerunt, solo colore distinctionem facientes. *Regius.*) Docet primo cur dictus fit morbus regius. *Signatus.*) Indicatus & appellatus. *Molli-*

Aula.

ter.) Leniter, blande & delicate. *Celsa*) Regia. *Aula.*) Aula aliquando pro atrio accipitur, quod Græci etiam αὐλὰν aulam uocant: aliquando uero pro principum domibus,

Rubia.

hoc est regijs. *Rubia ex mulsâ.*) Idem testatur Plinius libro 24. cap. 11. Qua uero ratione id fiat, docet Dioscorides libro 3. cum ait: Radix rubiæ urinam cit, eamq̃ ob causam

Allium.

ictericis cum mulsâ aqua utiliter bibitur. *Allia.*) Allium Praxagoras etiã cōtra morbum regium uino miscuit, ut refert Plin. Et huius eadem redditur causa quæ rubiæ, quoniam scilicet urinam ciat, *Vellera cum sulphure.*) Medica-

mentum

mentum hoc regium morbum sanat, materiam ad cutini *vellera cum*
iam delatam & discolorem discutiendo & purgando. *sulphure.*
Sulphur enim, ut Dioscorides tradit, icterum purgat co-
chlearis pondere fronti inspersum.

INFANTIBVS. DENTIBVS VEL STRIGE INQUIETATIS.

CAPVT LVIII.

Nudum hominem primū mūdi natura profundit:
Insuper excruciat niueis cum dentibus armat.



INFANTIBVS.) Infans dicitur puer quā *Infans.*
diu fari nequit, quasi non fans. Et inde dicitur *Infantia.*
infantia, ætas prima hominis donec fari inci-
pit. Dentibus.) Scilicet erumpētibus & nascenti-
bus, hoc est dentitione. Strige.) Strix avis dicitur no- *STRIX.*
cturna quæ de nocte uolat, inuisa & inauspicata, quæ fer-
tur mammis lactare pueros & infirmare, sic dicta à stri-
dendo. Aliqui non aues striges sed anus quasdam uenefi-
cas carmine in aues se conuertentes & noctu infantium
sanguinem exsugentes autumant. Ouidius fastorū lib. 6.
Sunt auidæ uolucres, non quæ Phineia mensis Gutturæ
fraudabant, sed genus inde trahunt. Grande caput, stan-
tes oculi, rostra apta rapinæ, Canicies pennis, unguibus
hamus inest. Noctē uolant, puerosq; petūt nutricis egen-
tes, Et uitiant cunis corpora rapta suis. Carpere dicūt
lactentia uiscera rostris, Et plenum poto sanguine guttur
habent. Est illis strigibus nomē, sed nominis huius Cau-
sa, quod horrēda stridere nocte solent. Siue igitur nascun-
tur aues, seu carmine fiunt, Neniaq; in uolucres falsa figu-
rat anus, In thalamos uenere Procæ, Proca natus in illis
Præda recens auium quinq; diebus erat. Sed has fabulo-
sas esse aues autumat, & uere quidē, Plinius: qui nat. hist.

INFAN. DENT. STRIGE IN Q.

libro ii. cap. 39. sic ait: Fabulosum arbitror de strigibus ubera eas infantium labris immulgere. Esse in maledictis iam antiquis strigem conuenit: sed quæ sit auium constare non arbitror. Nec modo apud ueteres, sed & iam quoq; in maledictis esse constat strigem, accipiç pro muliere malefica, noctu ambulante & infantes aggrediente, sanguinemq; illorum sugendo exhauriente, adeo ut aut mortui in cunis inueniantur, aut diu uiuere non possint. Quod si diutius uiuant, membro tamen aliquo, si non uniuerso corpore, debiles uiuunt. Multi strigem istiusmodi Lamiam uocant. Hebraice לילית dicitur, et Lamia transfertur à Symmacho, ab alijs Furia. Isaias cap. 34. Et ibi cubauit lamia. Super quo scripsit Rabi David Kimhi, quod sit animal ululans in deserto & præsertim de nocte. Vnde ei nomen est inditum à ליל, quod nox est. Sed reuera nihil aliud est quàm demonium syluestre habitans in locis desertis, ut Capnion ille Sueuiæ decus in rudimentis Hebraicis interpretatur. Quod quidem demoniũ talia quandoq; peragere ob peccata nostra et ἀπισίαν diuina permittit maiestas. Nudum.) Inter alias quã plurimas hominis miseras est & illa quod nudi nascimur. Plinius libro 7. Natura hominem tantum nudum & in nuda humo natali die abijcit ad uagitus statim & ploratũ, nullumq; tot animalium aliud ad lachrymas, & has protinus uitæ principio. Nec modo nudi nascimur, sed & nudi iterũ ex hoc mundo recedimus. Vnde non inelegans est carmen Græcum, γῆς ἐπέβηρ γυμνός, γυμνός θ' ὑπὸ γαῖαν ἄπειμι καὶ τὴ μάτηρ μοχλῶ γυμνὸν ὁρῶ τὸ τέλος. Primum.) Ab initio uitæ, nataliç die cum iam nascimur. Mundi natura.) Rerum ordo & dispositio conditioç mundi. Mundus, inquit Aristoteles in libro de mundo, est uniuersitatis ordo & exornatio, à deo & per deum custodita. Natura uero mudi uita est & illi dominatur. Profudit.) Ex utero in hunc mundũ & has auras uitales produxit ac genuit. Insuper.) Præterea ultra id quod nudi nascimur. Exeruci. t.) Molestat

Lamia.
לילית
Furia.

Mundus.

Natura.

punit

punit & dolore afficit. *Niueis*) Candidis & albis, à colo-
re niuis. *Dentibus armat*) Id est dentibus tanquam armis
instruit & munit, hoc est, cum dentes primum erumpere
incipiunt, quod dentitè dicitur. Dentes autem homini *Dentire*.
pro armis et instrumentis sunt tum ad loquelam forman-
dam, tum ad cibum conficiendum.

Collo igitur molli dentes necentur equini,
Qui primi fuerint pullo crescente caduci,
Aut teneris cerebrum gingiuvis illine porci:
Aut leporis niueum bibitur cum lacte caprino.

Dentes equini.) Dentes equinos qui primum cadunt faci- *Dentes equini.*
lem dentitionem præstare infantibus adalligatos testatur
etiam Plinius lib. 28. cap. 10. idè efficacius, si terram non
attigere. Et Sextus Platonius remedium fore tradit equi
dentes qui primum nati fuerint si dentem qui dolet reti-
geris. Nam et si infans, ut ait, equi rostrum basiauerit, den-
tium dolorem non sentit, & ne equus mordebit infan-
tem. Cæterum ætas nostra in hoc casu non equi sed lupi *Dens lupi.*
dentibus utitur, qui adalligati infantium pauores prohi-
bent, dētentiq; morbos, quod et pellis lupina præstat au-
tore Plinio loco paulo ante dicto. *Pullo.*) Scilicet equi. *Pullus.*
Est autem generale nomen pullus ætatis teneræ & imbe-
cillæ & adhuc increscentis. *Caduci.*) Labiles & cadētes.
Cerebrum porci.) Cerebrum suis. Porcus enim de sue dici- *Cerebrū suis.*
tur, & id quidem domestico ferè. Est autem Græcum no- *Porcus.*
men antiquum, ut Varro de re rustica libro 2. scribit, sed
obscuratum, quod nunc eum uocant *χοῖρον*. Porro quod *χοῖρον.*
ad cerebri ipsius medicinam attinet, faciem dētitionem
præstat: quod quamuis aperte, quod sciam, Plinius non
dicat, potest tamen idem ex eodem facile intelligi. Nam
postquam libro 30. capite quinto ouis cerebrum gin-
giuvis illitum magnifice iuuare dixit, haud lōgo interual-
lo post ait ad dentitionē cerebrū pecoris utilissimū esse.

INFAN. DENT. STRIGE INQ.

Cerebrum
leporis.

Sub pecore autem & iues comprehenduntur. Ni una im-
mutata litera pro ouis legere quis maluerit suis. Leporis
niueum.) Scilicet cerebrum, quod candidum est, & intan-
tium dentitionibus prodest, gingiuis cōfricatum, aut in
cibo sumptum, autore Dioscoride & Paulo Aegineta.
Plinius libro 23. capite 10. Lacte caprino uel cerebro lepo-
rum perunctis gingiuis faciles dentitiones fieri dicit, nul-
la potus aut esus facta mentione. Galenus uero, ut refert
Serapio, de eodem sic scribit: Cerebrū leporis pro certo
scimus, quod quando liniuntur cum eo gingiua pueror-
um tempore ortus dentium eorum, facit eos facile nasci
& sine dolore: & hoc est notorium apud omnes: & admi-
nistratio eius est postquam decoquitur. Et nō habet hoc
cerebrum solum hanc proprietatem, imō etiam mel &
oleum & butyrum, & alia multa huiusmodi, quę habent
uirtutem faciendi nasci dentes infantium.

Præterea si forte premit strix atra puellōs,
Virofa immulgens exertis ubera labris:
Allia præcepit tundi sententia Vecti
Qui ueteri claras expressit more togatas.

Virofus.

Premitt.) Cōprimit, molestat & infirmit. Atra.) Nocturna
propter noctem tenebrosam & noctis atritatē, quo tem-
pore maxime uolat et talia peragit. Seu atra, id est funesta,
propter noxam & læsionem, quā infert perniciosam leta-
lemq̃. Puellōs.) Infantes. Virofa ubera.) Mammās male-
ficas & quę infantium sint appetentes: quemadmodum
mulier uirofa dicitur, quę uiri est appetens, & loci mulie-
bres uirosi, qui coitus sunt appetentes: deducto uocabu-
lo à uir & non à uirus. Quanquam ab hoc etiam uirosus
deducatur, quod modo malum odorem significat, Virg.
Virofaq̃ Pontus castorea: modo saporem malū, Varro,
Rancidam carnem apposuit nobis & uirosam. Exertis la-
bris.) Dimotis & apertis labijs, quę oris sunt extremitates.
Allia.) Hoc Vectij autoritate confirmat. Sententia.) Iudi-
cium

Labra.
Allia.

cium siue credulitas autoritasue. *Veſti.*) Illius medici, de *Veſtius Valens* quo Plinius libro 29. capite 1. sic scribit: Exortus deinde *lens*. est *Veſtius Valens*, adulterio *Messalinæ* *Claudij Cæsaris* nobilitatus, pariterq; eloquentiæ affectator. Is eam potentiam nactus nouam instituit sectam. Fuit autem *Græcus* genere, & ad *Neronem* de medicina scripsit. *Togatas.*) *Toga*. *Toga* uestimenti genus est Romanorum proprium, sicut *Pallium*. *Græcorum* palliū. A regendo uero toga uocata est, cum *Togatus*. sub ea tunica esset. A toga togati dicuntur Romani. Et *Togata* comœdiæ togatę sunt appellatę, quę scriptę sunt secundum ritus & habitum hominum togarum, id est Romanorum. *comœdia.*

COMBUSTVRIS IGNE VEL

FRIGORE.

CAPVT LIX.

SVNT diuersa quidē mala frigoris atq; caloris,
Sed tamen amborum simili nocet ulcere uirus.
Illa quoq; uſta putes quę sunt niue lęsa rigenti.
Conuerſa in cinerem platani pila curat utrunq;.



COMBUSTVRIS igne uel frigore.) Quam. *Combustionis* uis diuersę & contrarię sunt naturę calor & casus contrarie. frigus, nihilominus tamen similes in quibusdam locis, ut *Plinius* ait, sunt æstus immodici & frigorū effectus: estq; utriusq; tum caloris tum frigoris urere, ut hoc capite docet *Serenus*. Et per ignem intelligit omne id quod calore urit, siue ignis seu aqua feruēs, lapis uē aut ferrū candēs id fuerit. Per frigus uero, niuem, glaciē, uentos frigidos, & id genus si quid est aliud. De calore quod urat, omnibus notum est. De frigore uero testimonium habemus *Catonis* de re rustica capite penultimo de asparago serēdo, ubi infit: Quo anno seueris, sub

COMB. IGNE VEL FRIG.

stramentis per hyemem operito, ne rigore peruratur. Et Cicero Quæst. Tuscul. lib. 2. Consuetudinis, ait, magna uis est, pernoctant uenatores in niue, in montibus, uri se patiuntur. Lucanus: Vrebant montana niues. Et Vergilius de utraq; uestione sic ait: Rapidiue potentia solis Acrior, aut boreæ penetrabile frigus adurat. vlcere.) Exulcerat enim ambustio. *virus.*) Vstionis noxa & maleficium. *Rigenti.*) Frigida. Rigere proprie est frigare: deductum aut est à uerbo Græco *ρίγω*, quod est algeo & frigeo. Vnde etiā *ρίγος* dicitur frigus. *Conuersa.*) Scilicet per combustio nem. *Platani pila.*) Plinius libro 24. capite 8. Cinis pilularum platani sanat ambusta igni uel frigore. Quid autem sint pilulæ platani, habes superius. *Virung.*) Hoc est, combusturam & ignis & frigoris.

Rigere
ρίγω.
ρίγος.
Plantani pi
lule.

At uero ambustum flammis qui candidus oui
Succus inest, penna inductus sanare ualebit.
Aut tu succosæ cinerem perducito lanæ.
Aut uiuam ex oleo lini contundito calcem.
Hordea uel franges, atq; oui candida iunges,
Adsit adeps porcæ mira est hæc forma medelæ,
Iunge chelidonijs, ac sic line uulnera, succis.
Quodq; recens uisit glacies axungia simplex
Mulcet & ex facili grata est medicamine cura.

Albumen oui.

Flammis.) Igne & alijs etiā rebus calore suo adurentibus. *Candidus oui succus.*) Albumen oui, quod frigidum est & glutinat, ardoresq; lenit, in ambustis excitari pustulas prohibet, si quā primū eo inungatur, ut tradit Dioscorides. Et Plinius libr. 29. cap. 3. Ambusta aquis, ait, si statim ouo occupetur, pustulas non sentiunt. *Inductus.*) Illitus. *Succosæ cinerem lanæ.*) Cinerem lanæ succidæ combustæ: qui, ut Plinius quoq; libri iam dicti cap. 2. testatur, ambustis illinitur. *Viua.*) Hoc est, recentem & aquis non aspersam, quæ cunctis est efficator. *Ex oleo calcem.*) Quamuis feruidam

Cinis lanæ succidæ.

Calx ex oleo ni.

feruidam uim habeat calx, excepta tamen quibusdam alijs ceu oleo uel adipe, maturandi uim acquirit, mollit, dissicit & ad cicatricem perducit: præterea ardores extrahit & incipientes serpere ulcerum impetus arcet, autore Dioscoride & Plinio. *Lini.*) Scilicet seminis, quod ardores omnes intus & foris discutit. *Hordea franges.*) Hoc est, contundes & in farinam rediges. Idē medicamentum ponit Plinius libro 29. cap. 3. Vlceribus ex ambusto cum candido ouorum tostum ordeū & suillo adipe mire prodest. *Chelidonijs succis.*) Vulnere enim serpere prohibent & serpentina sanāt, ut autor est Dioscorides. Apuleius herbam cum seuo caprino contere & imponere iubet ad combustum. *Glacies.*) Glacies est aqua frigore congelata. Intelligit autem non solum glaciem, sed & niuem, & omne frigus adurens. *Axungia simplex.*) Adeps suillus syncerus. Plinius, Syncera axungia medetur ambustis uel niue. Dioscorides, Suillus adeps ambustis accommodatus est.

Semen lini.
Hordeum cum
axungia et al-
bumine oui.

Chelidonia.

Glacies.

Axungia
simplex.

VENENIS PROHIBENDIS.

CAPVT LX.

V T tutus sis infestæ fraude nouercæ,
Vel quicunq; tuo carpetur liuidus auctur,
Non expectatis eat obuia cura uenenis.



VENENIS prohibendis.) Præcauendis ne lateant, aut si assumpta fuerint, nocere ne possint: similiter sine præcautione assumptis, curâdis. Dicuntur autem uenena ea quæ corpori adhibita naturam eius immutant et corrumunt. Quorum quædam extra per morsum ictum uel animalium uenenosorum inferuntur: de quibus habitum est in superioribus.

Venenum.

VENENIS PROHIBENDIS.

Quædã uero intus in cibo uel potu assumuntur, quorũ medicatio ceu priorũ etiã, bifariã diuiditur, uidelicet in præcautionem & curationẽ. In præcautionem quidem ne lateant à principio uenena: aut si forte clam data fuerint, ne noceant. Sed quia qui uenenis homini clam insidiantur tam dolose ea præparant ut peritissimos etiam decipiant, amaritudinem admixtis dulcibus & odoris grauitatem odoramentis à letalibus uenenis auferentes, ideo in ueneni suspitione condita elaborataq; cibaria omnia uitare oportet, omnesq; in gustu uehemẽtiores cauere qualitates, quotcunq; scilicet dulcibus falsis uel aut acidis saporibus constãt. Et in maiore siti fameq; nõ omnia raptimq; bibere aut comedere: sed cibi ac potus qualitates diligentius contemplari. Præsumenda etiam potu frigida aqua. Extinctio enim appetitu difficillime arripiuntur à stomacho postea cæteræ qualitates. Sed ne decepti facile intireant, alia quoq; ratio & efficacior quidem est, ut in suspitione ueneni semper præcomedatur aliquid quo inefficacia reddantur uenena, qualia sunt ea quæ Serenus in textu enumerat. Altera medicationis pars proposita fuit curatio et remedia quæ afferenda sunt his qui in ea inciderint. Et tunc opem auxiliumq; non differre oportet, ne post tempus aliquod remedio nullus supersit locus & incurabilis fiat curatio: autor Dioscorides libro 6. *Tutus.*) Munitus & sine periculo. Differt autem à *Securus*, quoniam securus dicitur quasi sine cura, qui periculum non timet, quamuis eidem obnoxius sit: *Tutus* uero qui periculo obnoxius non est, etiam si securus non est, sed timeat periculum. *Infestus.*) *Infestus* dicitur, qui alteri molestus est et insidias molitur. *Nouerca.*) *Nouerca* dicitur patris uxor filijs ex alia matre susceptis & natis. Solent autem communiter nouercæ priuignis, hoc est mariti ex alia uxore filijs, esse molestæ & aduersæ fraudulentæq;, adeo ut si possint, conentur etiam aliquando è medio tollere. *Carpetur.*) Discerpetur, torquebitur & cruciabitur. Et hoc boni in

Tutus.
Securus.

Infestus.
Nouerca.

se habet lior & inuidia quod inuido ipsi molesta est, ut *Inuidia.*
 Græci non inelegantes testantur uersiculi. ὁ φθόνος ἐστὶ κακί-
 σον, ἔχει δ' ἐτι καλὸν μὲν ἑαυτῷ, τίμηται γὰρ φθονερῶν ὀνύματα, καὶ
 κραδίη. Quos non ineleganter doctus ac pius, & de quo
 uere dici potest illud Horatii, Integer uita, Scelerisq; pu-
 rus, Michael frater noster amantissimus sic uertit: Inuidia
 nihil est peius, laudatur at inde Autori quod cor tor-
 queat atq; oculos. Aliter idem id ipsum: Triste malum li-
 uor uirtutem continet in se Turbat nanq; oculos liuide
 corq; tuum. *Auctu.*) Incremento, fortunæ prosperæ, &
 rebus foeliciter succedentibus. *Non expectatis.*) Hoc est,
 antequam exhibeantur quæ aduersus te parantur uene-
 na. *Eat obuia cura.*) Hoc est, medicina præueniat & assu-
 matur sitq; in usu antequam detur uenenum, ut si tradi-
 tum fuerit, nocere non possit.

Ante cibos igitur iuglandis fœtus edatur.

Produnt electri manantia pocula uirus.

Præterea coctæ querno cum cortice lymphæ

Conueniunt potu, demersaue ficus oliuo.

Sepe etiam raphanum prædixit numen edendum.

iuglandis fœtus.) Fructus & nucleus nucis iuglâdis: de qua *Nux iuglans.*

Plinius libro 15. cap. 22. sic scribit, Honor hîs naturæ pe-
 culiaris, gemino protectis operimēto, puluinati primum
 calicis, mox lignei putaminis, quæ causa eas nuptiis fecit
 religiosas, tot modis fœtu munito, quod est ueri similis
 quàm quia cadendo tripudium sonumue faciant. Et has

ē Perside à regibus translatae indicio sunt Græca nomi- *Nux Persica,*

na. Optimum quippe earum genus, persicum atq; basili- *Basilica.*

con uocant. Et hæc fuere prima nomina. Carion à capi- *Cerion.*

tis grauedine propter odoris grauitatem conuenit di-
 ctum. Sunt qui honori nomen interpretentur & Iouis *Iouis glans.*

glandem esse dicant. Idem libro 23. cap. 8. Nuces iuglan-
 des Græci à capitis grauedine appellauerunt: etenim arbo-
 rum ipsarum foliorumq; uires in cerebrum penetrant,

VENENIS PROHIBENDIS.

hocq̃ minore momento, sed in cibis nuclei faciunt. Sunt autem recentes iucundiores, siccae unguinosiores & stomacho inutiles, difficiles concoctu, dolorem capitis inferentes. Eedem præsumptæ uenena hebetant. Et hoc est quod Sereni dictum comprobatur. *Produnt.*) Ostendunt & manifestant ne lateant nos uenena poculis illis indita. *Electrum.* *Electri.*) Per electrum intelligit autor non succinum, sed metalli genus quod sic uocatur, & id quidem natium: nam & aliud est quod arte conficitur, de quibus Plinius libro 33. cap. 4. sic prodit, Omni auro inest argentum uario pondere. Vbicunq; quinta argenti portio est, electrum uocatur. Fit & cura electrum argento addito, quod si quin tam portionem excessit, incudibus nõ resistit. Est electro autoritas, Homero teste, qui Menelai regiã, auro, electro, argento, ebore fulgere tradit. *Electri* natura est ad lucernarum lumina clarius argento splendere. Quod est natium & uenena deprehendit. Namq; discurrunt in calicibus arquus cælestibus similes cum igneo stridore, & gemina ratione prædicunt. *Manantia.*) Humentia, propter inditum liquorem potus qui humidus est. *Pocula.*) Vasa potoria ex electro fabrefacta. *virus.*) Venenum poculis inditum. *Querno cortice.*) Plinius libro 24. capite 3. Folia & baccæ uel cortex uel succus decocti profunt contra toxica. Dioscorides libro 1. id de corticis & glandium decocto cum bubulo aut humano lacte refert. Celsus autem libro 5. ius glandis ex uino contritæ priuatim contra cerussam maxime prodesse ait. *Ficus.*) Scilicet sicca, quã caricam uocant. Hanc Dioscorides libr. 6. cum iuglande nuce præassumptam commendat: is enim cibus inefficacia reddit uenena. *Oliuo.*) Oleo oliuarum, quod uenenis aduersari & præsertim quæ exulcerando erodendoq̃ sunt, testis est etiam præter alios Dioscorides libro primo & sexto. *Rhaphanum.*) Rhaphanum contra uenena prodesse testatur etiam libro 20. cap. 4. Plinius: & priuatim, autoritate Nicandri, contra fungorum aut hyoscyami

mi uenena salutare. Celsus item priuatim contra fungos commendat libro quinto inquit: Si fungos inutiles quis assumpserit, radícula aut epota aut cū sale & aceto edenda est. *Numen.*) Aesculapius.

Antidotus uero multis Mithridatica fertur
 Confociata modis, sed Magnus scrinia regis
 Cum caperet uictor uilem deprehendit in illis
 Synthesin, & uulgata satis medicamina risit.
 Bis denas rutæ frondes, salis & breue granum
 Iuglandesq; duas totidem cum corpore ficus
 Hæc oriente die parco conspersa lyæo
 Sumebat metuens dederat quæ pocula matri.

Antidotus Mithridatica.) Hoc est, medicina contra uenena à *Antidotus Mithridatica.*
 Mithridate rege qui eam inuenit composita, cuius compositionem Serenus in textu subiungit. Plinius libro 23. cap. 8. de hoc sic scribit: In sanctuarijs Mithridatis maximi regis deuicti Cn. Pompeius inuenit in peculiari commentario ipsius manus compositionem antidoti è duabus nucibus ficcis, item ficis totidem, & rutæ folijs uiginti simul tritis, addito salis grano. Et qui hoc ieiunus summat, nullum uenenum nociturum illo die. Idem libro 25. cap. 2. Mithridates maximus sua ætate regum, quem *Mithridates.*
 debellauit Pompeius, omnium ante se genitorum diligentissimus uitæ fuisse argumentis præter quam fama intelligitur. Vni ei excogitatum quottidie uenenum bibere, præsumptis remedijs, ut consuetudine ipsa innoxium fieret: primo inuenta genera antidoti, ex quibus unum etiam nomen eius retinet. *Multis modis.*) Varijs compositionum generibus. *Confociata.*) Coniuncta, commixta & composita. *Magnus.*) Scilicet Cn. Pompeius, à quo sublatus est Mithridates. *Scrinia.*) Repositoria et arcas in quibus secreta & præsertim scripturæ recõduntur. *Regis.*) Mithridatis Eupatoris, qui rex fuit Põti. *Victor.*) Pompeius, qui Mithridatē uicit et debellauit. *Vi-*

VENENIS PROHIBENDIS.

Synthesis. *lem.*) Vulgarē & ex rebus cōmunibus nō preciosis cōpo-
Synthesin.) Cōpositionem, à *σύν* quod est cum, &
θεσις positio. *Vulgata.*) Cōmunia & uulgo parata. *Risit.*)
Derisit & contempsit. *Bis denas.*) Hoc est, uiginti folia ru-
tæ. Item Dioscorides ait: Rutæ folia etiam, iuglandis nu-
cis interanea, salis grumum, duasq; caricas ieiuni come-
dant, nulloq; ueneno sic lēdentur. *Oriente die.*) Hoc est,
mane, ieiuno uentriculo. *Parco lyao.*) Modico uino. *De-*
derat quæ pocula matri.) Hoc est, ueneni potionem, & uene-
num quo matrem sustulerat & extinxerat.

Si nequit infandum præuerrere cautio uirus,
Proximus ille gradus, data pocula pellere cura.
Lac asinæ, placidæq; bouis prodesse loquuntur.
Vetonicam ex paruo sumunt pleriq; lyao.
Quod si hederæ succum quæ truncis hereat altis
Instilles paruis poterunt haud ulla nocere
Pocula, quæ quisquam sæuis uitiauerit herbis.
Si quis hyoscyamum gustarit, lactæ capellæ
Exhausto rabidos poterit mulcere furores.

Si nequit.) Docet nunc datis uenenis mederi. *Infandum ui-*
rus.) Venenum magnum & letale. *Præuerrere.*) Anteu-
tere, præuenire & cauere. *Cautio.*) Præcautio, præuisio.
Proximus gradus.) Propinquus & primus præcipuusq; mo-
dus & ordo. *Pocula.*) Potionem uenenatā & uenenum
ipsum. *Pellere.*) Expellere & eicere tū uomitu tum alui
deiectione. *Cura.*) Curatione & medicamento curante.
Lac.) Præsertim recens, quod aluum mollit & contra le-
taliū uenenorum erosiones incensionesq; confert, acri-
monias eorum hebetando, ardores restinguendo & ero-
sionibus eorum aduersando, ut autor est Dioscorides li-
bro 2. & 6. *Asinæ.*) Plinius libr. 29. capite 10. Asinino lacte
poto, uenena restinguuntur. *Placidæ bouis.*) Mitis buccæ
læ & uaccæ. Plinius loco iam dicto: Lactē bubulo cuncta
uenena expugnari tradunt, *Vetonicam.*) Hanc cæteri nō
solum

Lac.

Lac asinum,
Bubulum.

Vetonica.

solum in curatione sed & in præcautione utilem tradunt, sumendiq; quantitatem adscribunt. Dioscorides libr. 4. Prodest cōtra uenena, in quem usum drachmæ pondere bibitur in uino. Eadem præsumpta letalibus aduersatur uenenis. Idem libro 6. Dantur præterea cōmuniter cunctis uenenis accommodata remedia, inter quæ sunt & betonica folia, drachmæ pondere cum uino. Plinius libro 25. capite 9. Betonica semen in mulso aut passo uel farinæ drachma in uini ueteris cyathis quatuor uomere cogendi atq; iterum bibere: his qui quotidie gustent eam, nulla nocitura mala medicamenta tradunt. Antonius Musa herbæ quantitatem auget his qui uenenū sumpserunt. Nam Vetonica, inquit, drachmas tres ex uini cyathis tribus statim dato bibar, & reijciat. *Paruo.*) Modico seu leui & nō forti. *Pleriq;.*) Plures, multi. *Hedera.*) Hęc *Hedera smilax.* proprie non hedera est, sed ob foliorum similitudinem quandam inter genera eius tantum numerata: proprioq; nomine smilax uocatur: quare seorsum de utraq; egerūt Plinius & Dioscorides: hic enim de hedera libr. 2. de smilace uero hac quam ad lenis differentiam uocat asperam, libr. 4. egit: ille autem libr. 16 post hederarum genera, proprio capite de hedera quæ uocatur smilax intitulato, egit: sicq; eam descripsit. Similis est hederæ, quam uocant smilacem: densis geniculata caulibus, spinosa, fruticosa ramis, folio hederaceo, paruo, non anguloso, à pediculo emittente pampinos, flore candido, olente lilium: fere racemos labruscæ modo, nō hedera, colore rubro, complexa acinis maioribus nucleos undenos, minoribus singulos, nigros, durosq;. Infausta omnibus sacris & coronis, quoniam sit lugubris, uirgine eius nominis propter amorem iuuenis croci mutata in hunc fruticem. Id uulgi ignorans plerunq; festa sua polluit hederam existimando: sicut in poëtis aut Libero patre aut Sileno, qui omnino nescit quibus coronetur. E smilace fiunt codicilli. Propriumq; materiæ est, ut admota auribus leuem.

VENENIS PROHIBENDIS.

sonum reddat. Haftenus Plinius de hedera smilace. *Succum.*) Scilicet foliorum & acinorum. Dioscorides libro 4. Folia eius & fructus contra letalia uenena prius & post pota sunt antidotum. Traditum praeterea est, si tritū eorum aliquid nuper genito infanti bibendum detur, nullum illi postea nociturum uenenum. Plinius etiam libro 24. capite 10. hanc immortalitati proximam & conuallibus opacis scandentem arbores dicit comantibus acinorum corymbis contra uenenata omnia efficacissimis: in tantum ut acinorum succo infantibus saepe stillato, nulla postea uenena nocitura sint. *Quae truncis hereat.*) Nam, ut Plin. dicit, per arbores scandit & repit. Dioscorides, Ad uoluitur arboribus supra infraque se circumagens. *Instilles.*) Stillatim & guttatim immittes, ad bibendumque dabis. *Paruis.*) Paruulis, pueris, & infantibus nuper genitis. *Pocula.*) Potiones. *Seuis herbis.*) Herbarum succis uenenatis. *Vitiauerit.*) Corruerit & ueneno infecerit. *Hyoscyamum.*) Traditis in comuni contra letalia uenena remedijs, subiungit nunc priuatim aduersus hyoscyamum quod profit remedium. Nam quamuis usus eius aliquis sit, est tamen in uenenorum genere quoque ceu alia id genus compluria positum: nec modo hyoscyamo, sed omnibus id genus uenenis remedio est lac quodcunque. Sed quod ad hyoscyamum attinet, sunt eius tria genera herbae. Vna flore purpureo, semine nigro: Altera flore luteo, semine fuluo & sufflauo ceu irionis. Et haec duae mentem ac caput infestant, insaniam capitisque uertigines facientia, infelicitis in usu euentus. Tertia quam medici receperunt, flore & semine albo, utilis ad medicinam. Qua si uti non licebit, utendum altera quae luteo semine est. Nigra etenim quod omnium pessima, ex omni usu abdicanda erit: autor Dioscorides libro 4. Plinius libro 25. capite 4. Apuleius capite 4. *Gustarit.*) Potauerit, aut in cibo assumpserit. *Laccaprinum. Et capellae.*) Contra hyoscyami noxam, non caprinum modo, sed & omne in uniuersum praecipueque asininum prodesse

Hyoscyamus.

Laccaprinum.

prodesse dicitur. Celsus: Si hyoscyamum quis ebibit, feruens mulsum bibendum est, aut quodlibet lac, maxime tamen asininum. Dioscorides libro secundo capite de lacte: Facit recens lac ad letalium uenenorum erosiones incensionesque, quales in cantharidibus sunt, picearum erucis, salamandra, buprestide & hyoscyamo. Idem libro sexto: Pota, in ciboue sumpta hyoscyamus, ebrietati similem amentiam facit: facillime tamen curantur qui eam hauserint, si copiose pota mulsa aqua illis & lacte succurratur, asininoque praesertim: sin minus, caprino, bubuloue. Nec male huc quadrat quod Plinius dicit: Infunditur quoque lac contra rosiones a medicamentis factas. Auicenna: Oportet ut in potu detur statim lac uaccinum aut caprinum. *Rabidos furores.*) Hoc est, insaniam & rationis permixtionem, quae ex eo accidit, autore Auicenna. Et Apuleius, Sumentes, inquit, mittit in furiam, appellataque inde est maniopæos à Græcis.

Maniopæos.

VVLNERIBVS ET REI DV- BIAE CVRANDIS.

CAPVT LXI.

VVLNERA tabescunt spatío uitiata dierum:
Curaque nil prodest, nec ducitur ulla cicatrix:
Sed tamen herbarum tam mira potentia pollet,
Vlceris annosi sinus ut coalescere possit.



VVLNERIBVS.) Quid sit uulnus proprie, quid item ulcus, dictum est supra cap. 42. *rentiæ.* Hic tamen autor uulnus non proprie accipit, sed pro uulnere illo quod temporis mora con-
tabuit & in ulcus conuersum est. Cuius etiam multa sunt

rr

VVL. ET REI DVBIAE CVRAN.

discrimina & differentia multiformes, uarie nominatae, ceu chironia, telephia, cancri, phagedenae & herpes: quae deinde magis proprias etiam sortita sunt appellationes, licet non similiter omnes. Nam quaedam à propria differentia sunt appellata ut aequalia, concaua, & in quibus caro excrescit ὑπερσάρκους: quaedam uero non à propria differentia sed à symptomatibus externis, ceu cruenta, impura, sordida, de quibus omnibus Galenus therapeutice libro secundo copiosius agit. *Rei dubiae.*) *Rei ambiguae*, scilicet ad curandum. Sunt enim tam praua & maligna, contumacia & rebellia quaedam ulcera, ut curam uix admittant, & de restitutione curationeque illorum dubitari quis possit, qualia sunt quae cacoethe uocantur, quae omnibus rite decenterque factis, tamen non sanantur sed incurabilia permanent, aut saltem difficulter sanantur. *Vulnera.*) *Simplicia.* *Tabescunt.*) *Corrumpuntur*, putrescunt & in ulcera uertuntur. *Spatio dierum.*) *Hoc est temporis diuturnitate.* *Ducitur cicatrix.*) *Ducere* *ulcus* ad *cicatricem*, est tegere carnem naturali aliquo tegumento, hoc est, cutem generare, aut summam carnem cuti similem efficere. *Cicatrix* enim quamuis cuti sit quam simillima, cutis tamen non est, quando & densior ea uisu tactuque sentitur, & ratione, ex eo quod pilos non edit, intelligitur, ut inquit Galenus. *Pollet.*) *Viget*, & potis est atque efficax. *Anno si.*) *Diurni* & *inuerati.* *Sinus.*) *Labra* & *extremities* ulcers. *Coalescere.*) *Coire*, uniri, concreescere & conglutinari in unum.

Vlcus cacoethe.

Ducere cicatricem.

Cicatrix.

Marrubium si thure coquas illoque liquore
Vulnus atrox foueas, cineres uel hirundinis atrae
Inducas, leporis uel aspersa coagula uino,
Aut hederam Baccho decoctam, & semen anethi,
Aut cineres alni tardo cum melle ligentur.

Marrubiū, Marrubium.) Et hoc sordida purgando ulcera, & praesertim

tim si ex melle illinitur, tradente Dioscoride libro tertio.
 Thure.) Thus medicamen est ulceribus conueniens. *Thu.*
 Nam concaua explet ulcera & ad cicatricem perducit, &
 conglutinat recentia, lenitq; malefica corporis ulcera tu-
 sum, ut autor est Dioscorides: imò & carni producendæ
 aptum est. Nam primi ordinis siue gradus hoc est modi-
 ce siccantium & detergentium thus est, qualia esse debēt
 omnia quæ carnem generare debent, teste Galeno thera-
 peutice libro 2. 5. & 14. *Atrox.*) Vlcus ferum & contu-
 max, maleficumq; *Foucas.*) Fouere est corpori lēso calida
 & humida applicare medicamenta. *Cineres hirundinis.*) *Cinis hirundinis.*
 Et hoc post abscessuum maturationem et apertionem for-
 des purgādo. *Atræ.*) Pennis nigræ. *Leporis coagula.*) *Coagulum*
 coagulo leporis dicit Plinius libro 23. cap. 10. quod carci- *leporis.*
 nomata curat, sed cum pari pondere capparis aspersum
 cum uino. *Vino.*) De uino dicit Galenus, quod omnis *Vinum.*
 ulceris qua ulcus est, optimum medicamentum est ui-
 num. *Hederam.*) Dioscorides libro 2. *Hederæ folia in ui-* *Hedera.*
 no decocta medentur omnium generū ulceribus, & quæ
 cacoethe etiam, id est dolosa & malefica, uocant. Et Pli-
 nius lib. 24. cap. 10. Illinitur decocta in uino hedera om-
 nium ulcerum generi, etiam si cacoethe sint. *Semen ane-* *Semen anethi.*
thi.) Siccat hoc ulcera, purgat, incarnat & consolidat: &
 maxime etiam si comburitur. *Cineres alni.*) Et hoc ea- *Alni cinis &*
 dem ratione qua cætera iam dicta. Et folia alni ex feruen- *folia.*
 ti aqua certissimo remedio sunt tumori, uti testatur Pli-
 nius libro 24. cap. 10. *Tardo melle.*) Melle lento & firmo, *Mel.*
 cui uis est & natura detergendi, aperiendi & humores in-
 summum proritandi. Ideoq; sordidis ulceribus & fini-
 bus utiliter infunditur, decoctum idem & impositum so-
 lutas à continuitate sua carnes & hiantes glutinat: au-
 tor Dioscorides.

Lumbrici terræ poterunt conducere uulnus.

Aut facilis lapathi cumulatio uulnera purgat,

VVL. ET REI DVBIAE CVRAN.

Et commixtus adeps sed nonnullo sale tactus.
Pinea prætera uiuo cum sulphure cortex
Et pice cum spissa iam perdita membra reponit.

Lumbrici
terra.

Lumbrici terra.) Plinius libro 30. cap. 3. Quod si putrida sint
ulcera, uermium quoq; terrenorum cum oleo uetere ad
cicatricem perducunt. Conducere.) In unum ducere, uni
re & conglutinare ad cicatricemq; perducere & persana-
re. Facilis cumulatio.) Leuis & modica coaceruatio & ad-
ditio impositioq; super uulnus. Non enim magna opus

Lapathon.

est quãtitate, sed parua et modica satis est. Lapathi.) Quã
uim habeat ulceribus impositum lapathon, autor ipse do-
cet cum ait, Purgat. Commixtus.) Scilicet lapathio, sicq; fa-
ctum medicamentum linteoloq; mundo inductum et im-

Adeps
suillus.
Cortex
pini.

positum, ulcera sanat, ipsa à sordibus purgando, quod
utrunq; facit & lapathon & adeps suillus. Nonnullo sale ta-
ctus.) Hoc est, sale aspersus & salitus. Pineæ cortex.) Vbi
humidiora sunt ulcera, idoneus est ipse per se etiam pini
cortex, autore Galeno therapeutice libro 5. Plinius libro

Sulphur
uiuum.

24. cap. 7. eundem cum pice spissa contra ea quæ serpunt,
utilem dicit. uiuo sulphure.) Sulphur uiuū dicitur quod
ignem non expertum est, cuius in medicina usus est. Na-
tura eius exalfacit, concoquit, sed & discutit collectio-
nes corporum: ob hoc tabulis, emplastris, malagmati-
bus miscetur, ut inquit Plinius libro 35. cap. 14. qui etiam

Pix spissa.

idem cum pice spissa serpentia ulcera sanare tradit libro
24. cap. 7. Pice spissa.) Picis spissæ natura, ut prodit Dio-
scorides, est calfacere, mollire, ad suppurationem perdu-
cere, discutere, & ulcera explere: misceturq; uulnera-
rijs emplastris. Plinius de illa sic prodit: Pix spissa cum
melle ulcera purgat, explet cum axungia, purgat & pu-
trescentia ulcera, quæ uero serpunt cum pineo cortice
aut sulphure. Perdita membra.) Carnem membrorum de
perditam & corruptam, Reponit.) Restituit, & regenerat
carnem, ulceraq; carne explet & sanitati reponit.

Ver

VERRVCIS TOLLENDIS.

CAPVT LXII.

INTERDVM existit turpi uerruca papilla.
 Hinc quondam Fabio uerum cognomen adhæsit,
 Qui solus patriæ cunctando restituit rem.
 Id poterit uitium sanguis curare lacertæ.



VERRVCIS.) Verruca nunc locum aspe- *Verruca.*
 rum & æditum supereminentemq; significat,
 ut Catonis autoritate refert A. Gellius. Sed de
 hoc nihil ad præsens. Nunc uero cutis morbum
 qui Græce Porus dicitur, estq; supereminens in corpore
 ueluti globulus durior, & rotunda eminentia, tubercu-
 lumq; in summa cuti ex atrabile proueniens, cuius san-
 guis suo contactu alias quoq; facit. Sunt autem uaria uer-
 rucarum genera, proprijs distincta nominibus, ceu acro *Verrucarum*
 chordones, thymion, myrmecia & clauus, de quibus *genera.*
 Celsus lib. quinto copiose. A uerruca diminutiuum fit uer-
 rucula. Et uerrucosus dicitur homo uerrucis plenus. Per *Verrucula.*
 sius, Sunt quos Pacuuius & uerrucosa moratur Antio- *Verrucosus.*
 pa. Existit.) Eminent, emergit, prodit & exurgit. Turpi pa-
 pillæ.) Deformi tuberculo, instar papillæ in mammis.
 Hinc.) A uerruca. Fabio.) De hoc Plinius Iunior in li-
 bro de uiris illustribus sic scribit: Q. Fabius Maximus
 cunctator ut uerrucosus à uerruca in labris, ita ouicula à
 clementia morum. Consul de Liguribus triumphauit.
 Hannibalem mora fregit. *Verum cogn.)* Scilicet uerruco *Fabij cogn.*
 sus. Alia enim ceu ouicula et cunctator, non uera fuerunt *mina.*
 cognomina, sed ab obrectatoribus contumeliæ causa il- *Verrucosus,*
 li tantum addita & obiecta. *Qui solus patriæ etc.)* Versus *Ouicula,*
 est Ennianus à Vergilio quoq; usurpatus libro 6. Vnus *Cunctator.*
 qui nobis cunctando restituit rem. Meminit Fabij huius

VERRVCIS TOLLENDIS.

Valerius Maximus libro 3. ubi post alia de ipso sic inquit
 Ut Scipio pugnando, ita hic non dimicando, maxime ci-
 uitati nostræ succurrisse uisus est: alter enim celeritate sua
 Carthaginem oppressit, alter cunctatione id egit, ne Ro-
 ma opprimi posset. Quam ob rem, ut Plinius in historia
 naturæ refert, coronam meruit gramineam, qua nulla no-
 bilior in maiestate populi terrarum principis, præmijsq;
 gloriæ fuit. Data est, inquit, à senatu populoq; Romano,
 qua claritate nihil equidem in rebus humanis sublimius
 duco, Fabio illi qui rem omnem Romanam restituit non
 pugnando. *Patriæ.*) *Romæ.* *Rem.*) *Conditionem &*
statum. *Iduitium.*) *Verrucas.* *Sanguis lacertæ.*) Plinius li-
 bro 30. cap. 3. non modo sanguinem lacertæ, sed & caput
 & cinerem totius uerrucas sanare prodit. Dioscorides ue-
 ro id de capite conciso solum refert libro 2. Est autem la-
 certa è uermium genere, inimicissimum, ut Plinius libro
 8. cap. 39. refert, genus cocleis, colore fuluo aut puniceo
 aut ceruleo. Negantur semestrem uitam excedere.

Aut urina canis cum terra inducta madenti.
 Aut herbæ succus quæ fertur nomine lathyr.
 Est tithymalus item tali satis apta medelæ.
 Si rupta immissos fundit uerruca cruores
 Purpureo tritici cineres de uellere profunt,
 Quod fuerit uero conchili sanguine tinctum.

Urina canis.) Idem testatur Plinius libro 30. capite 3. in-
 quiens: Verrucas omnium generum urina canis recens
 cum suo luto illita sanat. Et Sextus Platonius, Ad Cal-
 los & uerrucas tollendas, Lotium caninum cum luto
 suo in lana collectum, mire sanat, & callos & uerrucas tol-
 lit. *Terra madenti.*) Id est, terra quæ micam urinam susce-
 pit & ab ea madefacta humectataq; est. *Fertur nomine.*) Id
 est, uocatur. *Lathyr.*) Pro lathyris, per figuram quæ di-
 citur apocope. Herba est quæ Apuleius lacterida uocat, &
 quæ

quidam inter tithymalos numerant, & priuatim: quoniam pariter illi lac eius purgat, tithymalum uocant, ut Paulus Aegineta scribit: qui hanc etiam ob lactis notam & purgandi uim libro 6. tithymalis alijs adnumerauit. Estq; eadem huic quæ tithymalis circa uerrucas tollendas uirtus. *Tithymalus.*) Tithymalus herba est, quam Latini lactariam siue lactucam marinam, caprinam uel appellant. Cuius septem sunt genera, de quibus copiose Dioscorides & Apuleius. Pellunt omnes & tollunt uerrucarum genera omnia, autore Plinio & Dioscoride. Apuleius lacti huius batrachion herbam iungere iubet, sicq; ambo uerrucis imposita, tertio die sanare dicit. *Si rupta immensos etc.*) Docet nunc sanguinis fluori ex apertis uerrucis mederi, illumq; sistere. Solent enim ruptæ multum fundere sanguinem, qui suo contactu alias quoque nasci facit. Et de hoc etiam dictum est supra cap. 42. *Purpureo uellere.*) Lana purpurarum liquore & sanie *Lana purpurea* tincta. *Quod.*) Vellus & lana. *vero.*) Genuino & non adulterato, maximeq; Tyrio, qui cæteris præualet, & de quo supra quoque capite 42. sic tradit: Verrucæ quoque defectæ frenare cruorem Dicitur ambustus Tyrio de uellere puluis.

HAEMORRHOIDIBVS

MEDENDIS.

CAPVT LXIII.

EXCRV ciant turpes anum si forte papillæ,
Agrestis prodest radix superaddita porri,
Ne uiolet sanum, iuglandis fragmine clausa.
Sal niueum sumes Bethicum quem nomine dicunt.

HAEMORR. MEDENDIS.
Dulcia cumq̃ nigra iunges fuligine mella,
Apponesq̃ super, pellit medicina dolorem.

LIBRI MEDICINALIS

Q. Sereni Sammonici

FINIS.

Hæmorrhoi-
des duplices.

Aperte &
fluentes.

Clausa et cæca.



HAEMORRHOIDIBVS.) Vltimo hoc capite Serenus hæmorrhoidibus dolentibus clausis & sanguinem non fundentibus mederi docet. Nam quæ apertæ sanguinem manant, alijs & adstringentibus curantur medicamentis, non autem aperientibus, quales in textu ponuntur. Porro hæmorrhoides: ut Galenus, aut quisquis sit autor, in libro de diffinitionibus tradit: uenarum sedem claudentium explicationes sunt, à sanguinis fluxu sic dictæ. Nam αἷμα sanguis est, ῥοις uero fluxus. Et Celsus libro 6. post rhagadiarum & condilomatum tractationem, Tertium, inquit, ani uitium est, ora uenarum tanquam ex capitulis quibusdam surgentia, quæ sæpe sanguinem fundunt, hæmorrhoidas Græci uocant. Quæ quamuis multifariam differant, magnitudine, multitudine, figura, loco, & habitu: omnium tamen communis & una curatio est, sanguinem suppresserit licet nō semper tuto id fiat, cum detentus qui fluere solebat sanguis, maioris sæpe mali causa sit. Vnde Celsus ait, In quibusdā parum tuto suppressit, qui sanguinis porfluuium imbecilliores non fiunt. Habent enim purgationem hanc, non morbum. Ideoq̃ curati quidam cum sanguinis exitum non haberent, inclinata in præcordia ac uiscera materia subitis & grauissimis morbis correpti sunt. Aliud genus est quod Paulus Aegineta cæcas uocat, ex quibus nullus fluit sanguis, sed grauiore quàm aliæ dolore nos cruciant. Neque uenæ quibus explicitis hæmorrhoides fiunt, hæc sunt, sed intra

intra uenas latens idem hoc malum, ideoq; ad auertendum dolorem aperiri eas oportet, quod in alijs maleficium non remediũ homini esset: cum claudi & adstringi ubi nocent, non aperiri debeant, ne continuus fluor aquescere paulatim corpus faciat, aut copiosior cito hominem interimat. *Excruciant.*) Cruciatum & dolorem inferũt. *Turpes papille.*) Tubercula foeda quæ sunt hæmorrhoides. *Anum.*) Podicem, sedem, & ut Auicenna uocat, phicterim. *Agræstis porri.*) Hoc porrum est, quod Dioscorides & Plinius ampeloproson uocant, in uinetis nascens, porri folio. Paulus Aegineta libro 6. ἀμπελόπρασον οἶον πράσον ὃν ἄγριον. Et libro 1. τὰ δὲ ἀμπελόπρασα τῶν πρώτων ὡς ἄγρια ξηρότερα. Virtus est illi exulcerare & incidere, eodem teste. *Ne uiolet sanum.*) Ne exulcerando circumiacentem carnem sanam lædat. *Fragmine.*) Putamine, cortice & testa inani inclusa. *Sal.*) Sal hoc loco in neutro genere positum est contra Grammaticos. Habet autem multiplices uires, adstringit, exterit, repurgat, dissicit, reprimat, extenuat, erodit & crustas urendo inducit, autore Dioscoride. *Niueum.*) Candidum & pelucidum qui efficacior est cæteris. *Bethicum.*) Hispanum. Betica enim Hispaniæ prouincia est, flumine Beti nobilis, à quo & nomen habet. Sali autem Betico, qui glebis ceditur penè translucentibus, iam pridem palma à plebisq; medicis inter omnia salis genera perhibetur, uti libro 31. capite 7. inquit Plinius. *Fuligine.*) Maxime quæ pictores ex uitrarijs officinis sumpta utuntur: bonitate enim hæc alias antecedit: habet autē exedendi & adstringendi uires, ut tradit Dioscorides.

Porru agreste.
Ampeloproson

Sal in neutro genere.

Sal Beticus.
Betis.
Betica.
Fuligo.

COMMENTARIORVM IN

Q. Serenum Sammonicum

FINIS.

Z

1.6.98

[Faint, mostly illegible handwritten text in a single column, likely a list or account.]


[Faint, illegible handwritten text, possibly a date or reference.]


[Faint, illegible handwritten text, possibly a signature or name.]

[Faint, illegible handwritten text.]

250

1.6.98





B/EE 0074.02
005267 091

